

鄞志稿

四明張氏約園開雕

序

鄞志稿者鄉先生蔣榜菴之所著也先生繼謝山之學上承萬氏以史學名阮芸臺定香菴筆談中蓋詳記之當是時鄞縣開局修志以議不合辭去特著斯稿凡二十卷其十九卷爲甬上先賢傳一卷爲水利考合之稱鄞志稿披覽再三博而約簡而該褒貶之中忠厚寓焉先生曰地志之有傳與國史相表裏書法當據實豈容以一邑之公書概用曲筆與家狀墓志等斯言也可爲後世之修鄉志者不易之法矣蘇老泉曰夫子之作春

鄞志稿序

一四明叢書  
約園刊本

秋也非曰孔氏之書也曰此魯之書也魯作之也然則鄞之志鄞作之也非志局之人作之也又何諱焉說者曰君子居是邦不非其大夫又云爲親者諱爲尊者諱朱子不云乎祇爲南軒下筆難蓋自古孝子慈孫莫不有幹蠱之志易世以後更舉陳迹昭告後人則其慨然不妄於心人人同之况里閭之相往來友朋之相聚處一旦加惡名於其先世將與人爲善之謂何志局之不能不隱惡揚善蓋亦志局之苦心也余應之曰此所謂徇人情而乖史例非作公書之言也公書何爲而作哉

善者使勸惡者使懲正萬世之人心非爲徇一時之人情也是故董狐之筆人人所憚欺一時易欺萬世難君  
子小人之辨不得不嚴亦以使身歷其境者俯仰身世  
過人欲於將啓復天性之本然兢兢焉自求多福而貽  
令名於後世庶乎在我者得其道而褒之貶之者聽之  
於人後世子孫無所恫焉此則作史修志者所當知而  
亦先生特著斯稿之意也因書以爲序民國十九年十  
月後學張壽鏞

鄞志稿總目

甬上先賢傳十九卷

列傳十卷

儒林傳二卷

文苑傳三卷

忠義傳一卷

孝友傳一卷

特行傳一卷

隱逸傳一卷

鄞志稿

水利考一卷

鄞志稿先賢傳目錄

卷一

列傳一

賀知章

沈起

周師厚子錡

豐稷

俞偉子充

陳攄

蔣浚明子增

陳禾

蔣猷

汪洙

方軫

夏承

陳顯弟順

袁灼

卷二

鄞志稿先賢傳目錄

一四期後書  
約園刊本

列傳二

黃龜年子衡

陸寘

林保孫祖洽

薛朋龜孫揚祖

陳曦子元震 孫伯鼎

張邵弟鄭 子孝曾 姪孝祥 孝伯 姪孫卽之

吳秉信

婁寅亮

王正己弟正功

楊煒

魏杞

汪思溫子大猷

徐子寅

卷三

列傳三

史浩

陳居仁

子卓

王伯庠

父次翁

姚穎

趙彥逾

樓鑰

伯父璠

兄錫 子淳

袁韶

范楷

趙善湘

蔣峴

卷四

列傳四

鄭清之

余天錫

史彌大

史彌堅

子實之

史彌林

史彌忠

弟彌彛

史彌鞏

厲思明

臧格

聖德

此賢傳目錄

一四

明統書

豐有俊

趙與權

陳埴

子蒙

王惟忠

史璟卿

趙逢龍

王搆

子應麟 應鳳

楊珏

蔣曉

卷五

列傳五

袁洪

臧夢解

鄭芳叔

子崇民

王厚孫

弟寧孫

徐天錫

鄭奕夫

葉恆

薛觀

蔣宗簡

孫元蒙

胡世佐

劉希賢

袁士元

文質

卷六

列傳六

汪繒世

傅恕

張文海

黃功廓

周鼎

郭可學

包莘

林睿

薛敬

王賓

王謚

姚伯良

鮑忠

陶鑄

姜敬章

徐仲修

錢安

豐寅初

楊志銘

鄧志穉

先賢傳目錄

三四明叢書  
一編園刊本

陳宗問

陳葵

父雷

吳福

柴禮

子傑

徐安

袁珪

張得中

任壇

郭雨

王彥修

蔡胄

謝瑾

李山如

朱奇童

陳蒸

周冕

俞得儒

鄭阜義

陳本深

王榮

方佐

孫誌

管思易

戴浩

黃潤玉

余麟

子沔

蔡錫

梁輯

王彝

卷七

列傳七

陸瑜 戎洵 邵玉

錢奩 張愷 陳謙

宗顯子佑 洪常 李衍

豐慶 楊守陳守陞 守隨 守際

董琳子鎬 黃隆從子鴻 孫異 吳桓

陳厚弟英 英子扛 錢璫 薛穰

郵志稿 卷八 目錄

四國明 卷八

毛弘子驊 從子益 楊文卿子叔通 楊茂元弟茂仁

從弟茂清 章鑑 屠淵

屠僑 金澤 朱瑄

李堂 章銳 張曷

金洪子樸

卷八

列傳八

施應麒 王瑫 陳振

孫紘從子璋 李文昭 李麟

陸儼

包澤

從弟沐

沐子吾

呂和

陸健

錢瓚子良

曾孫若廣

張時孜

陳槐

張泮

聞淵

從弟澤源

王應鵬

董鏊

子珞

汪玉

謝汝儀

戴鑿

蘇齋

葉應驄

子萬景

柴經

子應賓

黃綬

陳璧

楊言

董瀚

孫大晟

范楛

弟槐

沈應奇

周薇

沈汝璋

陸鈞

銓

鄭志稱

先賢傳目錄

五十四朝後書

約園刊本

周相

李循義

陳侃

趙昊

史元中

全元立

父政

汪鎗

孫樞

張淵

黃元恭

子靜存

杜思

董邦樂

孫應圭

徐金星

蔣良弼

管大勳

萬邦孚

父遠甫

范大徹

卷九

列傳九

余有丁

李尙默

徐應奎

邵城 周保 趙參魯

高萃 董樾 沈九疇

徐待 陳言 王孫鑑

林可成 沈一中 朱瑩

吳禮嘉 王佐 丁繼嗣

全天叙 林祖述 水卿謨 子佳胤

周應寶 弟應治 周天覺 傅光前

徐時進 范鈞 父大漢 朱勳

余堅 董光宏 趙世祿

鄧志禧 先賢祠目錄 六十四明

葛文炳 范汝梓 陸世科

李康先 張鳳墀 黃景章

陸懋龍 項良梓 葛仁美

殷宗輔 管學經 朱應樞

施翰 高斗樞 錢肅樂 弟肅範

肅達 肅典 張煌言 莊元辰

謝于宣 沈延嘉

卷十

列傳十

范光文

黃象雍

范光遇

姪廷元

子廷魁

張翼

戎上德

史大成

從子在甲

屠粹忠

子孝義

袁時中

范煒

從弟光曦

徐勅

黃斐

子廷銘

陸經正

徐懋昭

盧宜

謝于道

邱克承

陳紫芝

陳汝咸

子本醇

孫熙綱

蔣兆龍

戎式弘

子澄

范正輅

子從益

張之紀

謝允文

鄭志稱

從弟傳目錄

七四明叢書

約園刊本

陳時臨

董雱

兄雯

弟霖

王睽

邵基

子鐸

范廷謀

傅繼祖

范從律

張興宗

李昌昱

屠可堂

陶泓

黃繩先

卷十一

儒林傳上

王致

王說

弟該

子珩

該子權

樓郁

郭維

高閔

子文虎

孫衡孫

趙敦臨

孫枝

子起子

順質 孫壽 沈煥 袁燮 子甫

余端臣 王文貴 弟宗道 史蒙卿

孫會叔 程端禮 弟端學

卷十二

儒林傳下

傅淳 戴安仲 倪復

豐熙 張邦奇 余木

戴圭 黃宗明 子元忠 莊學會

錢啟忠 余派 弟播 萬斯選

鄭志稱 先賢傳曰錄

入四明叢書

約園刊本

萬斯大 萬斯同 陳錫嘏

陳赤衷 仇兆鰲 陳士良

全祖望

卷十三

文苑傳上

任奕 徐浩 袁穀

王璧 朱翌 高元之

張良臣 樓昉 鄭鏗

高似孫 弟衍孫 陳著 子宓 陳允平

樓扶

袁桷

袁良

史公斑

顧輝

張起

黃德廣

吳志淳

卷十四

文苑傳中

鄭駒

弟真鳳

胡庚

單仲友

鄭本忠

子復言雍言

紀堂

趙思盛

崔植

時銘

樓澄

謝員

周翰

臧性

鄭志

先賢傳目錄

九

四朝書

章珍

宋恢

楊寔

魏侑

洪貫

金湜

李端

張琦

華愛

陳沂

張時徹

屠大山

范欽

豐坊

陳東

高士

盧叔麟

汪坦

呂時臣

沈明臣

楊承鯤

葉太叔

余寅

沈一貫

屠隆

李瑋

屠本峻

李坡

應臬

胡一桂

吳士瑋

全大震

吳應雷

孫儀

卷十五

文苑傳下

王嗣爽

楊德周

葛世振

陸寶

徐殿臣

徐之垣

陸符

萬泰

董守諭

周容

張庚星

李文純

嘉志稿

先賢傳目錄

十四朝叢書

約園刊本

錢光繡

范鴻儒

楊秉紘

紀歷祚

錢豹

沈士頴

董允璘

張九英

邱胤玉

萬斯備

包燮

汪應詔

張騫

趙嗣賢

弟嗣贊  
嗣萬

張瑤芝

方伊蒿

洪圖光

朱旦

胡文學

子德遵

錢廉

子中盛  
際盛

周斯盛

張士塤

子錫璜  
錫璉

范光陽

子延諤

王之坪

兄之坊

張汝翼

萬言

從弟經

左臣黃

弟峴

張起宗

謝爲霖

弟爲憲  
爲衡

董正國

蔣拭之

子學鏡

柴梓庭

周定昌

潘人瑞

史榮

范核  
范梧

費金珪

葛繩先

李昌泉

施江濤

兄滄海  
盧鎬

范鵬

張炳

李立楨

卷十六

忠義傳

任光

鄭雲

梁宏

豐治

鄭覃

袁鏞

林澤

楊恕

皇甫明子

鄭忠稿  
先賢錄目錄

十二四明叢書  
新園刊本

豐存芳

趙觀光

陳剛

萬斌

子鍾

孫武

文

陳忠

潘禮

崔源

弟澄  
清

王相

子炮  
杰

宋應瀾

葉紳

韓綱

劉价

黃嘉雋

李振珽

袁斌

王纘爵

子兆身

周志畏

華夏

楊文琦

文琮

文瓚

文球

屠獻宸

董德欽

董志寧

楊思任  
戴爾惠

戴仲謀

趙景麟

任斗樞

王家勤

杜懋俊

施文外

張夢錫

陸字燼

弟字燦

毛叅奎

倪懋熹

徐啟睿

李桐

子文景  
文昱

張樾

陳貞

卷十七

孝友傳

董黯

楊慶

方昌

童判子

李宗質

石孝子

華昭

唐轅

弟毅

陳思禮

許敬觀

盧顯

弟敬

黃夢麟

葉宗可

李士開

子孝謙

悌謙 忠謙

謝矩

夏道昌

章和

嚴端

虞謹

孫鐸

倪割豬

林桂

許瓏

馬扁

薛淋

鮑倫

董淑

張伯庠

聞宗時

邱緒

陳良言

蔣九華

聞龍

子世廷

世選

世銓

陳洪憲

子伯美

錢靖忠

弟益忠

敬忠

從子士驥

士驥子美恭

鄭志稿 先賢傳目錄

十三四明續書

約圖刊本

裘望亭

李訥

李恩先

董德侑

子允靖

允靖

允珂

范光越

董師儒

范洪震

朱麗

陸崑

楊之奎

屠惟激

朱金誥

陳玉綸

王鴻業

李景濂

董道權

呂蜚鴻

萬承勳

厲顯祖

羅岳

包幹鄭

卷十八

鄧志福 先賢傳目錄

十三 四明叢書 物園刊本

特行傳

王修

林暉

李猷

陳之翰

袁昇

趙遵

陳應麟

陸天祐

倪天淵

應本仁

李元亨

陳與延

楊芮

衛清

何瞻

陳儼

張懋

戴檀

張汴

蔣洲

子有德

孫宏憲

楊允恭

杜常

董銳

馬萃

陸大漳

邵仲陟

紀五昌

全美章

范汝植

周志嘉

陳坊

卷十九

隱逸傳

黃公

史詔

王茂剛

鄭若沖

高文友

錢頃

安昭祖

袁質

劉準

樓慘

史芳卿

王昌世

鄭志

先賢傳目錄

十四四明諸書

樓德源

鄭昌世

謝暉

高夢說

方全翁

胡敦

陳觀

王毓

毛倫

紀宗德

周禮

楊範

李正華

蔡學用

李生寅

子德豐

廬溪

豐越人

周元懋

從弟昌會族

子齊曾

沈泰藩

范大捷

徐振奇

林岳隆

兄棟隆

弟祚隆

奕

林時躍

弟時對

王玉書

周元初

徐鳳垣

邱子章

李文靖

李振玘

兄振瓌

錢肅圖

弟肅采

高斗權

弟斗魁

李文績

朱金芝

閻性道

弟善道

朱鉞

全大程

費禕祥

宗誼

董劍鏢

葉謙

駱國挺

周昌時

子章泰

谷文光

沈光融

李鄴嗣

陸山輝

鄞志稿卷一

清甬上蔣學鏞聲始撰

列傳第一

地志之有傳與國史相表裏書法止應據實後之論者謂志與史不同當著其長而諱所短此特據益部先賢襄陽耆舊之例而言不知昔人爲此本擇其人而紀錄之今志乘之體日益繁蕪鄉里先達罔弗登載豈容以一邑之公書概用曲筆與家狀墓誌等且如胡制使之寶慶志吳丞相之開慶志袁學士之延祐志未嘗不兼

鄞志稿 列傳

一四明藏書  
約園刊本

逆瑕瑜惟張司馬嘉靖志後則雖九品下中之人物亦概立佳傳無如其人本末已具正史而區區欲相覆護果能以一手掩天下目乎今竊裁以史法凡敗行顯著者俱削而不錄其餘自鉅人長德外雖一節之長姑令附書而終不敢曲諱其失卽不應立傳之人時復因文附見旣以備粉榆掌故且得一洗耆誌之穢焉作列傳賀知章字季眞號石窗生鄞之響巖山證聖間擢進士超羣拔萃科初令任城累遷太常博士開元十年同徐堅等撰六典十三年遷禮部侍郎加集賢院學士充太

子侍讀是歲東封泰山召定儀制賜宴分韻賦詩詩成帝用五色箋親書賜贊遷太子賓客兼祕書監知章性放曠每醉輒屬詞筆不停書皆有可觀善草隸好事者具紙筆以從意所愜不復拒纜十數字世傳以爲寶賢達皆傾慕之姑子陸象先嘗語人曰一日不見季真則鄙吝生矣晚益縱誕自號四明狂客又稱祕書外監天寶初夢遊帝居數日始寤疏請度爲道士捨會稽行宅爲千秋觀又求周官湖作放生池詔許之賜鑑湖剡川一曲官其子典設郎曾爲會稽郡司馬令侍養命皇太

郭暹編列傳一

二四明叢書  
約園刊本

子以下青門餞別御製詩贈行一時應制奉和者眾卒年八十有六肅宗以待讀之舊乾元元年十一月追贈

禮部尚書

唐書本傳

舊志云今鄞縣句章鄉小溪之馬湖有洗馬池世傳賀監故居因玄宗贈行詩豈不惜賢達其如高尚心名之曰高尚宅相距三里有賀家灣其地賀姓甚多掘土得石碑率棄之今其斷石存而可識者曰會稽郡賀及府君六字而已耆老言賀監始居此後乃徙

剡川也

寶慶志

沈起字興宗慶曆二年進士除滁州判官監真州轉般倉聞父疾棄官歸轉運使劾棄官罪如律仁宗曰觀過知仁今由侍父疾得罪何以厚風教乃特遷之知海門縣縣負海歲苦風潮壞田舍民往往棄業避逃起爲築隄百里引江水灌溉其中民復歸而田以益闢爲立祠御史中丞包拯舉爲監察御史書數十上後以論興國鐵官事不合出通判越州改知蘄楚二州京東饑盜起除提點刑獄至則開首贖法攜其黨盜內相疑漸解散民以安改開封府判官爲湖南轉運使所貢羽革竹箭諸土產向取民無制吏挾爲姦起會所當用者書其數示民省什之七熙寧三年韓絳使陝西薦授集賢殿修撰陝西都轉運使慶州軍變起帥兵討平之改知江寧府入知吏部流內銓奉使契丹其位署與夏使等起曰大國之卿不宜與陪臣並辭不就遂升東朝使者自是爲定制六年拜天章閣待制知桂州時交趾歲數侵擾起銳意攻討禁止其貿易於是競謀入寇邕州守蘇緘抵書言不便起劾緘阻議徙知潭州後交趾大舉兵陷欽廉邕白四州起坐首議邊失計謫郢州團練副使旋

徙越徙秀會赦移溫州卒

延祐志

周師厚字敦夫初從學於王鄞江先生致皇祐五年第  
進士歷荆湖北路農田水利轉運判官時役法方行本  
路紛更未定且欲有爲揚甲法者師厚具言四方風俗  
盜賊婚田獄訟簿書繁簡不同則役有勞逸輕重不宜  
以一概論朝議是之章惇討平谿獠嘯聚無常而常平之入  
輸常平粟以備邊師厚謂溪獠嘯聚無常而常平之入  
有限不可繼宜擇曠地使戍卒且耕且守卒從其策師  
厚好學博覽歷仕四十年罔撓權利娶太子中舍范仲

鄞志補列傳一

四四明叢書

約園刊本

溫文文正公仲淹姪也二子長曰鍔字廉彥元豐二年  
進士初仕爲桐城尉慨然曰學優則仕吾昔所治科舉  
耳辭不赴遂益究治六籍諸子百氏之書究其指歸期  
于有用游穎昌謁范忠宣公過洛訪文潞公富鄭公司  
馬溫公咸器重之在京師論邊事歷陳徐禧永樂覆敗  
之由神宗嘉之籍姓名於中書祭酒豐公稷給事中范  
公祖禹以學官賢良薦歷官自濠州戶曹至提點江淮  
荆浙福建等路坑冶鑄錢公事後知南雄以言邊事忤  
蔡京罷歸作四休堂於月湖十洲之西居焉初娶胡公

宗愈女再娶王公觀女妹適陳忠肅瓘舅卽范忠宣純仁及其弟左丞純禮待制純粹中表忠宣子正平胡氏僚壻鄧公忠臣蔡京立姦黨碑親屬九人俱入籍時以爲盛事所著承宣集一卷明天集一卷六甲奇書一卷汪大猷差次之尊之曰鄞江先生文集次曰銖崇寧二年進士未幾亦乞休徜徉山水間賓朋觴咏爲樂嘗於松江作驀山溪詞云松陽江上極目煙波渺天際接滄溟到如今東流未了吳檣越櫓都是利名人空擾擾知多少只見朱顏老故園應是綠遍池塘草家住十洲西

算隨分生涯自好漁簑清貴休羨謝三郎紅蕖月白蘋風何似長安道後史忠定作贊有蘋風蕖月誰復追攀

卽據詞中語也

參用寶慶志及聞志

豐稷字相之從學鄉先生王鄞江致登嘉祐四年進士初任襄州穀城令韓維曾鞏相繼守襄奇之以廉明薦是時葉康直令光化人歌之曰葉光化豐穀城清如水平如衡此本寶慶志元豐元年從安燾使高麗海風折檣綫覆稷獨神色自若後知封邱神宗召對問海中遭風波何以不畏對曰巨浸連天風濤其常憑仗威靈尙何畏

帝悅擢監察御史治章惇請託事無所撓出惇陳州哲宗時爲殿中侍御史上疏曰陛下明足以察萬事之統而不可用其明智足以應變曲當而不可用其智偏聽生姦獨任生亂願以洪範爲元龜祖訓爲寶鑑劉奉世冊立夏國嗣會其嗣來賀坤成節奉世遽出境稷勅之奉世以贖論遷右司諫荆揚二親王密令蜀道織錦茵稷白中丞胡宗愈宜率屬言之宗愈未決稷遂獨奏其僭侈且請治官吏承奉罪監察御史趙屺時與稷同進對退謂稷曰聞君言使屺汗流浹背不數日徙國子司

業薦陳師道鄒浩晁說之爲學官轉祭酒車駕幸太學講書無逸篇賜四品服歷官刑部侍郎兼侍講哲宗親政召內侍在外者數人稷言陛下初親萬幾不聞登進忠良豈宜首召近倖出知江寧河南二府章惇欲困以道路連歲徙六州徽宗立以左諫議召道除御史中丞入對與蔡京遇京越班揖曰天子自外服召公中執法今日必有高論稷正色答曰行自知之是日極論蔡京姦狀旣而又論京卞兄弟同惡擊之不已京遂去翰林又乞辨宣仁誣謗及神宗實錄混淆願加申飭時宦官

漸盛稷懷仇士良傳讀于帝前讀數行帝曰已諭稷若爲不聞讀畢乃止曾布以嬖近之助將入相稷約其僚共論之俄轉工部尚書兼侍讀布遂相稷謝表有佞臣之語帝問爲誰對曰曾布也陛下斥之於外天下安矣又嘗論錢適不可任風憲不報稷又言必用適願罷臣改禮部尚書議哲宗配享稷論當用司馬光呂公著又言陛下以建中靖國紀元臣謂尊賢納諫舍己從人是謂建中不作奇技淫巧毋使近習招權是爲靖國帝將大用之而積忤貴近不得留以樞密直學士守越曾布

鄭志補列傳一

七四明叢書

約圖刊本

蔡京互修故怨貶海州團練使道州別駕安置台州徙建州稍復朝請郎卒年七十五稷三任言責每草疏必密至子弟亦不得見退多焚稿未嘗以朝政語人所薦士如張庭堅馬涓陳瓘陳師錫鄒浩皆知名當世宋史本傳稷方貶謫時咏荷花有人心正畏暑水面獨搖風之句蔡京見之曰此人肯受籠絡耶見宋文鑑建炎中追復學士諡清敏初文彥博品稷爲人似趙抃及賜諡皆以清得名云

俞偉字仲寬從學王鄞江先生登熙寧六年進士宰南

劍之順昌閩人生子者多不舉而劍尤甚偉作戒殺子  
文召父老列坐廡下親酌醪醴使齋文歸勸其鄉里且  
申約束曰孕者登籍民始悔悟生子多以俞爲字後被  
差他郡還邑有小兒數百迎于郊部使者上聞降詔獎  
諭進秩再任且許出粟以賑民之臥蓐而貧者偉益宣  
諭朝廷好生之德全活者萬餘人邑士廖曉爲作碑記  
其事從子充字公達嘉祐四年進士熙寧中爲都水丞  
提舉沿汴淤泥溉田爲上腴者八萬頃歷遷成都路轉  
運使茂州羌寇邊上禦戎十策河決曹村充往救護陳

鄭志錄

列傳一

八四明藏書

約園刊本

河隄十餘事提舉市易歲登課百四十萬故事當賜錢  
充曰奏課臣職也願自今罷賜時王珪蔡確並相神宗  
欲召司馬光珪憂之適江東運判有違法事上以語珪  
珪洩其語于充充復洩之運判卽上章自辨上怒甚珪  
謂充吾與若當俱得罪今西夏秉常國內亂上意欲復  
靈武子能言西夏可伐上必喜則吾兩人免矣確亦勸  
珪任西事則光必不召雖召將不至遂薦充以天章閣  
待制知慶州至郡卽疏言秉常爲母所殺或稱見存此  
正問罪之時願復漢唐兩河故地且請乘傳至都面陳

便宜詔掾屬入議環州有田與夏國交錯每穫必遭掠  
多棄弗理充檄所部以時耕種卒不敢犯屬羌叛亡入  
夏國者三百戶充遣張守約耀兵境上夏人亟歸亡者  
條上買馬之法邊騎頓增慶卒素驕充繩以法懷以恩  
一軍始肅未幾暴卒年四十九代者爲高遵裕出師敗  
勅西鄙騷然充實啟之

參用宋史本傳及  
寶慶延祐二志

陳攄字君益游王鄞江之門元祐三年第進士紹聖間  
宰南劍之將樂修舉學校政尙愷悌先是邑人每家止  
畜一子富室不一餘悉棄之攄至諭以天性申以合甲

郵志稿列傳一

九四明藏書

約園刊本

自茲民無不舉子者男則以陳爲名女則以陳爲氏後  
卒於官邑人思慕祠焉遇旱潦禱之輒應鄰境聞而皆  
集咸遂所祈部使者以其有功于民合祀典請于朝錫

廟額曰旌福

延祐志

蔣浚明字彥昭先世居奉化後遷鄞居南湖之帶水浚  
明游豐清敏稷之門稷因薦之上書論君子小人之道  
言極愷切神宗嘉納累官尙書金部員外郎力爭新法  
不便執政怒貶官將遠謫以母老稷力救得免陳忠肅  
瑾來鄞首遣其二子璿琬師事之璿登紹聖四年進士

琬登崇寧五年進士忠肅手書連桂二字以旌其坊璿  
後仕至左朝議大夫琬以忤蔡京罷歸仕至宣奉大夫  
浚明以子貴亦累贈至金紫光祿大夫

按光祿聞志不載奉化志有傳以世籍奉化且以其  
墓在三嶺山故也考楊慈湖作大學蔣存城墓志曰  
蔣氏世居小湖之西南存城係光祿之孫袁清容亦  
謂吾鄞士族之最先莫如樓袁楊蔣是光祿之先已  
遷鄞矣今南湖腰帶河側名蔣家塘卽所謂小湖而  
其地有金紫巷亦以光祿得名惜朝議兄弟事不可

鄞志稿 例傳一

十四明叢書

約園刊本

得詳宣奉忤蔡京僅見清容集今姑據諸家之言且  
考延祐志科第表記其略以補聞志之闕

陳禾字秀實父謚嘉祐八年進士博學善教子禾兄秉  
以八行舉于鄉

見寶慶志

禾於元祐初試太學第一元符三

年第進士初調鄆州司法平反甚多遷太學博士時士  
方以記問爲學禾始崇義理抑浮華人對契旨擢監察  
御史蔡京遣酷吏李孝壽窮治章綆鑄錢獄連及士大  
夫甚眾禾奏免孝壽京子攸爲太常卿何執中壻蔡芝  
爲將作監皆疏其罪罷之天下久平武備寬弛東南尤

甚不請增戍繕城壁以戒不虞或指爲生事其後方臘起人服其先見遷左正言俄除給事中時童貫權益張與黃經臣胥用事御史中丞盧劬表裏爲奸搢紳側目禾曰此國家安危之本也吾位言責此而不言一遷給舍則非其職矣未拜命首抗疏劾貫復劾經臣怙寵弄權誇銜朝列每云詔命皆出其手預言上將用某人舉某事已而詔下悉如其言夫發號施令國之重事黜幽陟明天子大權奈何使宦寺得預臣之所憂不獨經臣此途一開類進者眾國家之禍有不可遏願亟竄之遠

鄭志稿

列傳一

十一

四明叢書

約園刊本

方論奏未終上拂衣起禾引上衣請畢其說衣裾落上曰正言碎朕衣矣禾言陛下不惜碎衣臣豈惜碎首以報陛下此曹今日受富貴之利陛下他日受危亡之禍言愈切上變色曰卿能如此朕復何憂內侍請上易衣上卻之曰留以旌直臣翌日貫等相率前愬謂國家極治安得此不祥語盧劬奏禾狂妄謫監信州酒務遇赦得自便還里初陳瓘歸自嶺外居于鄞與禾相得遣其子正彙從學後正彙上變告京謀危太子執詣闕瓘亦就逮經臣蒞其獄檄禾取證禾答正彙從學事實有之

罪不敢逃或謂其失對禾曰禍福死生命也豈可以死  
易不義願得分賢者罪遂坐瓘黨停官遇赦復起知贛  
德軍移和州丁內艱服除起知秀州王黼新得政禾曰  
安能出黼門下力辭改汝州辭益堅曰寧餓死黼聞而  
銜之禾兄秉時爲壽春府教授禾侍兄官舍適童貫領  
兵道府下謁不得入餽之不受貫怒歸訴之上上曰此  
人素如此汝不能容耶久之除知舒州命下而卒

宋史本傳

建炎中詔由蔡京坐貶者皆敘復禾獨不及始禾知和  
州時奏檜以過客干禾禾不爲禮故訖紹興時子孫訴

鄭志稿列傳

十二四明叢書

約園刊本

于朝檜力格不行後史浩侍經筵上其所著易春秋論  
語解貼黃敘秦檜當國不及敘復之由孝宗命官其孫  
嘉定中孫立已上請贈中大夫謚文介

寶慶志

蔣猷字仲遠其先潤州金壇人元豐八年進士徽宗朝  
積遷中書舍人政和四年擢御史中丞兼侍讀上疏論  
士風浮薄羣臣無他能善伺人主意承宰執風旨而已  
其嗤笑特立不違者以爲愚輔臣奏事雷同唱和略無  
可否非論道獻替之禮故事內侍省隸六察崇寧中竊  
弄詔旨奏免所隸猷疏駁又廉得劉文端等擅違制事

皆降官上爲揭其章于內侍省楊譏建節猷言祖宗未嘗有此自童貫首隳舊制上曰貫戰功多不可以人廢

猷曰譏何功上默然

此本鄭千之西河文獻所錄蔣宗簡先世記較宋史爲核又劾

范之才在淮南滁水有鼎發民畎水鑿山以出之宜以狂妄坐罪又言東南應奉花石之類多人權倖願一切罷之廣東轉運使徐揚以虛名羨財進奉後苑請重置之法趙良嗣降人後必誤國不報遂乞罷遷兵部尙書兼禮制局詳議官知貢舉改吏部尙書以徽猷閣直學士知婺州明年請祠歸宣和四年以祠官起知明州因

鄧志緒列傳一

十三 四明叢書

約園刊本

不樂應奉到官數日復丐祠七年召爲刑部尙書兼資善堂翊善靖康初詔貶童貫猷奉上表起居太上皇于淮陰貫時侍上皇方握兵東巡猷奏貫得罪天下願遠黜之太上以爲然至令宣詔趣貫赴貶所遂奉太上皇還京移兵部尙書引疾奉祠建炎三年避寇居明州之昌國復徙居鄞逾年卒贈特進顯謨閣直學士

汪洙字德溫父元吉爲縣從事受知范文正公王荆國宰鄞以書薦于轉運使孫沔稱爲廉平吏洙自幼能賦詩有神童之目登元符三年進士歷官觀文殿學士提

舉台州崇道觀築室西山以講學迪從進著有春秋訓  
詁卒諡文莊今世俗所傳汪神童詩多掇拾他作不盡  
出洙手也

刪節  
附志

方軫字克載其先閩之莆田人父通王府翊善軫登元  
符三年進士授太廟齋郎大觀初上書言蔡京睥睨社  
稷心懷不軌內外重臣無非其門人親戚編管元符末  
年忠義之士不齒仕籍誰復進陛下以忠言者京又使  
子攸日以花木禽魚爲獻欲愚陛下耳目使不知天下  
治亂臣以爲京必反也請誅京帝以示京京取其疏自

鄞志稿列傳一

十四四明叢書

約園刊本

辨帝令御史臺取軫伏辨付詔獄編置嶺南尋放歸政  
和間復詣登聞鼓院進狀乞收權獨斷無使國賊肆志  
帝以軫長惡不悛發永州編管後以收燕靈恩赦歸靖  
康元年敘復遷鄞縣令貧不能歸遂占籍于鄞孝子昌  
知府佐皆其後人也

按聞志於傳後自註云軫不列于名宦而列于鄉傳  
以令鄞無續可考而方氏居鄞自軫始故也考舊誌  
如陸寔蔣猷等亦以宦遊來鄞後遂定居焉並列之  
誌中今從聞志附入

夏承字元茂崇寧五年進士任開封少尹靖康間金人陷京師京尹徐秉哲散文榜根括皇族冀免已死承毅然折以大義令諸廂毀其文榜盡散所拘繫人隆興初詔褒前事以承爲忠義命史館編錄追贈左朝議大夫

蔡陽

外史

陳顯字文昭以進士歷官戶部尚書政和二年蔡京復相顯因對言復用蔡京士民失望帝怒貶知越州不赴歸隱鄞之蜜巖築其菴以居五年詔復宣和殿學士辭不起弟願歷任司諫亦以疏誣蔡京謫監酒稅

成化志

鄞志稿 列傳一

十五 四明叢書

約園刊本

袁灼字子烈知處州毅之子也元祐六年進士爲光祿丞軍器少監出知婺州有武臣曹宗者時相蔡京嬖黨爲害鄉曲灼械之獄死焉坐是貶秩後起知隨州宣和末以倉部郎召對力勸帝清心省事安不忘危言甚切直黜知泗州終朝議大夫

寶慶志

鄧志稿卷二

清甬上蔣學鏞聲始撰

列傳第二

黃龜年字德邵其先福州人後葬父於鄧因家焉登崇寧五年進士歷官殿中侍御史會邊報王倫來歸龜年以秦檜植黨專權沮止恢復上書言檜不顧國家大計專事盜竊威柄壅塞言路時檜方以南人歸南北人歸北之語爲上詰責遂罷政併劾檜黨王喚王昞王守道皆罷之檜猶授觀文殿學士提舉江州太平觀龜年又

鄧志稿 列傳二

一四四 明 書

約園刊本

奏比論檜徇私欺君合正典刑今乃復寵以最上職名俾得優游琳館可乎章三上詔褫檜職又請暴白檜惡于天下從之除太常少卿累遷起居舍人中書舍人兼給事中檜復相待御史常同希旨言龜年陰結大臣致身要地趨操不正司諫詹大方又劾龜年附麗匪人摺紳不齒遂落職寓居湖州檜撫其過謫福州後與兄岳年隱居昌國之馬陳山品題泉石檜死復居于鄞初龜年徵時永福簿李朝旌奇之許妻以女龜年旣登第而朝旌已死家貧甚或勸其別娶龜年卒娶之遇任子恩

先奏官其弟之子人皆義焉子衡仕至湖南提舉

宋史本傳

陸寘字元發其先會稽人尚書左丞佃之後也嘗爲明

州錄事參軍崇寧中奉行安濟居養二院并濶澤園有

勞秩滿就除通判後爲淮南荆湖發運判官建炎間卜

居鄞之梅溪奉祠垂三十年工詩善篆隸手鈔經史暨

釋老書數百卷子洸官奉直大夫

成化志

林保字芑民政和二年上舍登第從廣西帥辟主管機

宜文字蠻境荒遠諸將多掠邊氓希賞保覈正之全活

者眾後知興國軍有政績改提舉兩浙廣南市舶皆不

鄞志稿列傳一

二四朝職書  
約編刊本

拜家居十餘年集中興事蹟由夏少康迄唐肅宗分序

得失號中興龜鑑以進高宗褒納之右司諫陳公輔薦

保宜居臺諫秦檜格不行後屢遷至吏部郎假尚書充

賀金國正旦使初顯仁太后南歸沿途增供頓自後南

北使往來循其例又議增兩淮稅保使回力言淮民凋

敝若增稅必至流亡朝議從焉以敷文閣待制奉祠卒

年七十一累贈至特進孫祖洽字元禮少孤嗜學以門

功補知鹽官縣經年滯獄悉剖決嘗取紹興淳熙度支

多寡之數條具爲書未及上移守武崗陸辭奏曰今日

百度修明惟財賦不足由用度日增孝宗慨然詔索其書以聞遷知常州有兄弟七人訟分財不均久之達省部祖洽召七人立庭下給筆札俾疏所爭疏畢卽判其尾示之曰審若是耶七人皆唯唯人服其明遷司農少卿戶部侍郎不以羨餘入官希厚賞歲積以給水旱後言者論其帑藏盈積不以報罷守建寧及婺州所在祀以祠同郡袁燾曰祖洽非理財乃養財耳年七十九卒

參用寶慶

延祐二志

薛朋龜字彥益政和八年進士初尉仙居值歲饑剽掠

鄞志稿列傳一

三四明叢書

約園刊本

四起朋龜請發粟賑之盜悉平及司錄楚州遇靖康之變勤王師歸道州境將鼓噪爲亂朋龜親至軍中慰勞發帑金犒軍眾始定任滿而去士民遮道泣留後與汪思溫等結社林下稱四明五老除知衡州未任卒子居實字去華歷官淮東安撫使孫揚祖字元振知漳州遷刑部郎中以疾丐外得池州漳舊止土城揚祖請修築未報可及爲郎奏言此州當閩廣之衝往時沈師竊發以無備故請以臣任內椿積錢趣辦寧宗從其言漳人

德之寶慶

志

陳曦字元和別號雪窗禾之子也登紹興八年進士宰  
休寧政尚清儉守法不阿改國子正時置講議司曦與  
諸生言天下國家事治己治人之要必懇切高宗幸太  
學召對上曰今學者言卿講說訓導可以爲師朕欲觀  
卿之道至于有成曦對曰陛下若復興太學此帝王盛  
德事帝悅擢給事中居六載彈劾不避權貴帝常謂侍  
臣曰惟陳曦言事最誠實後遷知制誥出守濠州政稱  
第一呂好問薦其才召拜翰林學士上疏言四鎮五帥  
之計帝許之卒於官

成化志

曦家世喜藏書祖謚亡舒亶

鄧志稿列傳一

四四明叢書

約園刊本

作挽詩云塵埃滿篋空鳴劍風雨歸舟只載書曦爲藏  
書記俾後人勿墜素風

聞志

從孫概字少儀慶元五年進

士除知太和奏罷魚鹽課召對擢右正言時婺州處士  
呂祖泰上疏乞斬韓侂胄被繫幾不測概抗章論救祖  
泰得釋流欽州又嘗奉命使金抗論不少屈歷官至太  
常卿致仕諡文定曾孫大震玄孫伯鼎俱登翰林時人  
稱爲祖孫三學士

成化志及全  
謝山湖語

按陳概使金不屈止見謝山先生湖語遍查宋史及  
金史交聘表北盟編俱不載未知所出故但略誌於

傳末

張邵字才彥其先和州烏江人宣和三年登上第建炎初假禮部尙書使金補其弟祁爲明州觀察推官奉母居鄞卒葬雷峰因家焉邵於建炎元年司刑衢州應詔上疏曰有中原之形勢有東南之形勢今縱未克遽爭中原宜進都金陵因江淮蜀漢閩廣之資以圖恢復不應退自削弱及金人南侵詔求可使軍前者邵慨然請行卽日就道至濰州接伴使置酒張樂邵曰二帝北遷邵爲臣子所不忍聽請止樂翌日見左監軍撻攬命邵

鄧志稿列傳二

五四明叢書

約園刊本

拜邵曰軍監與邵爲南北朝從臣無相拜禮且以書抵之曰兵不在強弱在曲直宣和以來我非無兵也帥臣初開邊隙謀臣復起兵端是以大國能勝之厥後僞楚僭立羣盜蜂起曾幾何時電掃無餘是天心人意未厭宋德也今大國復裂地以封劉豫窮兵不已曲有在矣撻攬怒取國書去執邵送密州囚于柞山砦明年又送邵于劉豫使用之邵見豫長揖而已又呼爲殿院責以君臣大義詞氣俱厲豫怒械置于獄副使楊憲遂降豫知邵不可屈久之復送于金拘之燕山僧寺從者皆莫

知所之後又北徙於會寧府距燕三千里十三年和議成邵與洪皓朱弁南歸是時秦檜當國皓首斥去邵亦罷十七年皓貶英州邵懼乃上書言有榮州團練使嘗言檜代太上皇移書黏罕述海上盟約和議實基於此會曹勳進檜所撰書檜大喜以邵書付史館實其事遂得敷文閣待制知池州奉祠道由廣德軍卒歸葬于鄞之桃源鄉烏石山累贈少師子孝覽孝曾孝忠孝曾字王叔以大理少卿出使歿于金仲弟祁生子孝祥紹興甲戌舉進士第一先是考官定秦墳第一曹冠次之孝

祥又次之高宗讀墳策皆秦檜語于是親擢孝祥第一而墳第三秦檜以上之抑墳而擢孝祥也已怒又知爲祁子祁固與胡寅善寅檜所憾也遂諷言者誣祁有反謀繫詔獄檜死獄始解乃以孝祥爲祕書省正字初對乞總攬乾綱以盡更化之美又言王安石修日曆是非多失實故相檜信任之專不止安石其所修時政記必多用己意乞更詳審黜私說以垂無窮遷校書郎太廟芝生孝祥作原芝一篇獻之大抵以國本未立爲言且言芝在仁宗英宗之室天意可見乞早定大計歷起居

中書舍人後知撫州年未三十蒞事精確孝宗卽位復  
集賢殿修撰知平江府剖決無滯訟濟飢有方以張浚  
薦召赴行在累除敷文閣待制兼領建康留守初孝祥  
登第出湯思退之門及受浚薦思退不悅孝祥入對言  
二相當同心戮力且靖康以來惟和戰兩策貽無窮禍  
要先立自治之計以應之會金再犯邊孝祥陳金人之  
勢不過爲要盟故耳言者因劾孝祥落職起知靖江府  
廣南西路經略安撫使治有聲績又知荆南湖北路安  
撫使築守金隄自是荊州無水患進顯謨閣學士致仕

鄭志稿列傳一

七四明叢書

約園刊本

卒孝祥俊逸文章過人尤工翰墨嘗親書奏劄高宗見  
之曰必將名世孝宗亦有用不盡才之歎但南渡大議  
惟和與戰張浚主恢復思退祖秦檜主和議孝祥出二  
人之門而兩持其說以是遭劾云季弟郟由郟愿官至  
提舉江南東路常平茶鹽始郟知鄂州提舉軍事張平  
擅戎事郟結爲兄弟會帥入朝營卒挾刃貸富民郟聞  
之馳入平營平趣治酒郟笑曰飲宗弟何辭願得脅貸  
富民者平大懼立斬之郟子孝伯字伯于隆興元年進  
士歷官華文閣學士知鎮江府慶元三年同知樞密院

事四年參知政事封衛國公時韓侂胄方厲爲學之禁孝伯調護勸止得以稍弛是年八月奉祠歸孝伯子卽之字溫夫號樗寮以父恩授承務郎中歷任各路監務廳庫官添差通判揚州改鎮江又改嘉興後以司農寺丞知嘉興府未赴丐祠特授直祕閣大中大夫致仕卽之以能書聞里居三十年所行多厚德事實祐四年余晦入蜀誣殺王惟忠卽之雖閒居移書淮東制置使卹其遺孤又使從孫士倩娶惟忠女景定元年惟忠得以禮改葬及復賜金壇田皆卽之倡之也卒年八十六

鄧忠肅列傳二

八四明叢書

約園刊本

孝祥傳據宋史節錄卽之傳則參用聞志

吳秉信字信叟大觀三年進士升之第四子登宣和三年進士初爲國學官張魏公浚時以和國公奉母居潭州築第稍廣秦檜忌浚復出諷中丞万俟卨論浚卜宅僭擬家有五鳳樓命秉信奉使察其事至則以檜意告浚返言浚所居皆人臣制堂曰盡心浚嘗記之樓實無有也檜大怒黜秉信後爲吏部侍郎與浚景夏上言張偁不宜爲兩浙轉運判官偁乃內侍張去僞所薦也帝不悅併景夏出知外郡秉信知常州未幾卒嘗薦王剛

中入史館史浩爲國子博士後皆至宰輔浩致仕親祭其墓且官其孫秉信兄弟四人長秉仁紹興十二年進士次秉義重和元年進士次秉智以貢法補內舍奉親居小溪一門孝友交盡堂後產芝三莖堂與山因皆以

芝名

延祐志

婁寅亮字陟明從永嘉徙居于鄞登政和二年進士爲上虞縣丞紹興元年高宗在越州先是元懿太子薨帝未有繼嗣寅亮上疏其略曰先正有言太祖舍其子而立弟此天下之大公周王農章聖取宗室子育之宮中

鄞志補列傳二

九四明藏書

約園刊本

此天下之大慮仁宗感悟遂詔英宗入繼大統今有天下者獨陛下一人而已屬者椒寢未蕃前星不耀孤立無助有識寒心天其或者深戒陛下追念祖宗公心長慮之所及乎崇寧以來諛臣進說獨推濮王子孫以爲近屬餘皆謂之同姓遂使昌陵之後寂寥無聞恐祀豐於昵有違天監太祖在天莫肯顧歆是以二聖未有回鑾之期金人未有悔禍之意中原未有息肩之日臣愚不識忌諱欲乞陛下于子行中遴選大祖諸孫有賢德者視秩親王俾牧一州以待皇嗣之生退處藩服并選

宣祖太宗之裔材武可稱之人升爲南班以備環衛庶幾上慰在天之靈下係人心之望帝讀之感悟樞密富直柔薦之召赴行在以其言宗社大計也旣入見復上疏申理前奏懇請施行帝忻納擢監察御史二年五月遂選秀王子育于宮中卽孝宗也時以寅亮能言人之所難言秦檜以寅亮直柔所薦惡之諷言者誣其匿父喪鞠問無實猶坐爲族父冒占官戶罷職

宋史本傳

寶慶開慶延祐諸志皆無寅亮傳惟成化志有之謂紹興元年高宗駐蹕越州寅亮上疏請選立繼嗣聞

鄞志補列傳一

十四明叢書  
一約園刊本

志則改爲建炎四年按寅亮本傳上書無年月可稽高宗本紀係之紹興元年六月與成化志合且孝宗本紀謂隆祐太后自虔州還嘗感異夢密與帝言之帝大感悟太后以建炎四年八月始至自虔州前此鄉貢進士李伯兩上言乞選立宗子以係人心上大怒斥遣鄉里其時太后尙避兵江右寅亮明請立太祖後所陳甚于伯兩獨易入如此則孝宗紀之言有徵也聞志率意妄改今從成化志

王正己初名慎言避孝宗諱以字行鄞江先生說之曾

孫也父勳政和八年進士高宗東巡命爲鄞令徙廣東市舶司廉介自持家人不識舶貨之名與妻薛氏俱卒官所買人念其廉率錢二百萬爲贖正己卻之曰吾父以廉直聞雖貧猶能負喪以歸不愧廉叔度也以從祖珣恩任豐城簿性耿直忤帥意稱疾歸後知泰州海陵縣張浚命募萬弩手他屬吏畏怖奔走恐後正己以民方脫兵火之厄募旣難合且無用爲書陳利害以獻人爲股栗正己亦謁告以俟浚得書愧謝且慰勉安職淳熙初訪求廉吏參政葉衡舉正己辭賻事以聞召對帝

語輔臣曰正己望之儼然卽之甚溫衡罷正己亦被論奉祠旋除嚴州改婺州引奏加褒納史浩再相論朋黨事帝曰葉衡旣去人以正己爲黨朕固留之雖衡所引其人自賢朕不以朋黨待臣下也除廣南西路轉運判官議臣請使行客販鹽廣南命胡廷直至二廣議可否正己持不可廷直阿議臣意議臣信之金字牌踵至期必行正己復疏陳利害甚悉遂移漕湖南命廷直代領鹽事未幾鹽法弊公私告乏廷直以憂死議臣亦重譴人始服其先識正己凡四典郡六爲部使者終大府卿

祕閣修撰致仕卒弟正功字承甫亦以從祖珩蔭補將  
仕郎紹興二十四年由銓選授迪功郎撫州宜黃縣主  
簿尋改處州青田有訴夫死于毆者及按視更曰自經  
正功察其必以賄故用初牒訊之具服乾道四年爲荆  
湖南路轉運使主管帳司事時黃公鈞主漕計以嚴明  
稱寮屬僅充位正功果于立事以滯訟屬之剖晰無留  
難鈞舉以厲同列之持兩端者尙書沈公介爲湖南帥  
尤威重裁決無敢輒經外臺正功于理所未安改之不  
疑介更加敬重與鈞爭薦之改宣教郎淳熙六年賜緋  
衣銀魚七年通判潮州郡人有爲憲屬者武斷鄉曲征  
利于近郊正功裁以法其人不勝憤爲所擄竟用是罷  
將歸適劇寇沈師逼城鄉民走依官寺正功開門納之  
力贊郡將修戰守具甚悉賊知有備而退煖暗曰是已  
罷官而爲民捍禦乃如此起爲武安軍簽判改淮南並  
以兄嫌辭歷知澧州蘄州有言銀鑲發于山者耆老訴  
云往歲嘗有此事官不熟計而遽行之治戶以虧額坐  
罪鬻產償官者數百家卽奏罷開採佛燈大師者自稱  
戚里挾權要書走州縣攫取無藝正功立捕之寮佐勸

止不聽比至訊之一黥隸耳致之法除提刑廣西俗輕  
于犯禁而上官以不按吏爲從厚正功深病之劾其貪  
暴之尤者怨家訴之復爲言者所論去官主管武夷沖  
祐觀致仕卒

二傳皆本樓攻魏墓誌正  
功傳聞志遺之今補入

按二王屠官並有風采可觀然正己爲樓氏壻因偏  
袒廢湖之事遂作辨以與李莊簡公抗鄉論薄之今  
存廢湖辨于水利志中其人仍入列傳蓋不敢以言  
廢也

楊燿字文光其先自華陰遷越至燿遂占籍于鄞居城

鄞籍列傳一

十三四明叢書

一約園刊本

南樸社以進士授左從政郎徽宗梓宮歸舉朝稱賀燿  
獨表請驗視眞贗嘗移書參政李光賁和議之非奏檜  
衙之下獄後知黃巖縣盡心水利民皆德焉

聞志

魏杞字南夫自焦山徙居于鄞紹興十二年第進士知  
宜州涇縣錢端禮薦其才擢大府寺丞遷宗正卿充金  
國通問使杞母向氏旣老勉以盡節將行忽心動自上  
曰國書封滕甚固不知爲何事倉猝占對將失國體願  
陛下諭意臣以死奉職上大悟盡語書旨一正名二退  
師三減歲幣四不發歸正人初上不言者懼杞畏懦辭

行耳杞陛辭復奏臣將旨出疆其敢不勉萬一無厭願  
速加兵上善之行次盱眙金兵數十萬驟至問所以來  
意求觀國書杞拒之曰書御封也當廷授比至朔庭絕  
供具以困杞言今皇帝銳意恢復將使兩國臣民受塗  
炭羣臣交奏迭諫故進和議誠與太上皇時言和不同  
也使不允杞死此耳金主悟卒正敵國體減歲幣十之  
五不發歸正人北還上慰藉甚渥除起居舍人遷給事  
中同知樞密院事進參政明年拜右僕射降人蕭鸞巴  
賚淮南田意不愜以職田請杞言圭租所以食功養廉

聖宗列傳二

十四四明叢書

約園刊本

不宜奪以與彼上是其議會郊祀冬雷用漢制災異策  
免提舉江州太平宮六年起知平江府以諫官王希呂  
論罷復資政殿大學士予致仕杞能詩居小溪遍遊諸  
名山築碧溪菴習方外學絕口不言時政卒贈特進諡

文節

參用宋史本  
傳及延祐志

汪思溫字汝直觀文學士洙之子也政和二年以太學  
上舍中乙科教授雄州調餘姚令築隄浚湖民信愛之  
欽宗以諸王就傳除贊讀思溫與弟思齊並命後出守  
衢州有自稱祁王過郡府吏請避郡治以舍思溫不可

未幾有柔福帝姬過縣辱縣尉將械之復執不許既而皆以詐冒敗人服其識諫議徐俯入朝道由三衢不爲廚傳禮俯械焉劾以他罪中丞辛炳疏其冤得免後知臨安浙江以漁舟濟人中流弭楫以索重貲往往暴風舉舟盡覆善泅者利其錢物取以登岸思溫悉捕繫論殺更爲大舟十數每舟定受若干人置吏監渡且分塗五采以序先後秦檜嘗以故人屬舉薦思溫對以其人誠可薦不待相諭不才相言無益也有旨營政府檜欲相府異于執政政府堅持不可檜怒罷去食祠祿十有八

年官直顯謨閣以終率鄉人爲義莊以給族喪之不能舉孤女之不能嫁者思溫割田以爲倡卒年八十一

延祐

志子大猷字仲嘉初以父恩補官紹興十五年登進士

第授金華丞以禮息爭訟李椿年行經界法大猷請不實者得自陳毋遽加罪丁父憂服除總領淮西江東錢糧幹官錢端禮辟充參議官累遷大宗丞戶部右曹入對言總數名實責任臣下因才而使無違所長量能授職無拘流品孝宗顧謂左右曰疏通詳雅而善議論有用之才也除禮部郎以洪适薦授吏部侍郎兼太子左

諭德太子諭宮僚同賦龍大淵所進侍燕樂章大猷曰  
鄭衛之音非講讀所當預力止之遷祕書少監修五禮  
會要又以崇政殿說書兼給事中帝清燕訪朝政闕失  
民情利弊大猷一論里長兼催科之役厲民爲甚一論  
亭戶未嘗煮鹽隱寄田產害及編氓宜取一等等以上充  
役一論勸戚請賜田恣意豪奪陵巒州縣惟當賜金使  
自求之一論沒入貲產止可施于強盜賊吏至于倉庫  
綱運之負陷者惟當卽其業收租以償旣足則給還又  
言捕洒之害及居官不得鑄銅爲器上嘉獎曰卿所言  
皆今日可行之事權刑部侍郎取建炎以後續降指揮  
二萬餘條刪繁定要編爲條冊以杜姦吏舞文之弊上  
大悅尙書周執羔等以強盜卒不處死無所懲艾請依  
舊法賊滿三貫皆斬大猷曰祖制非以刃殺人者一切  
貸死已議法爲六項犯者依死罪處斷非此而但得財  
惟再犯者死可謂寬嚴得中若不殺傷皆抵死則得財  
鮮不及三貫者此法立未必能禁其爲盜盜知必死則  
被盜者將無噍類矣乃奏今獄囚若用六項法當死者  
十七人用見行法當死者十四人用舊法則一百七人

皆死遂從大猷議郊祀充鹵簿使以言去後知泉州三  
佛齊請鑄銅瓦三萬詔泉廣守臣督造以付大猷奏銅  
不下海法也中國方禁銷銅奈何爲其所役卒不與改  
知隆興茶寇賴文興起湖北遣副總管和仲討之仲輕  
敵敗蚬大猷自幼降龍圖閣待制復謫南康軍居住尋  
奉祠宋史本傳方居南康時或諷使通書權貴不聽有信之  
者曰使我年近六十以恩科得官豈不爲我賀其曠達  
如此慶元五年進敷文閣學士時二甥樓鑰陳居仁並  
居詞苑人稱舅甥三學士大猷與史浩同里同年未嘗

鄭志稿 列傳二

十七 四明叢書  
約園刊本

附以干進好周施敘宗族外親爲興仁錄捐田爲義莊  
以永先志歸田六年卒謚莊靖所著適齋存稿備忘訓  
鑿等書

徐子寅字協恭其先登州人父植之字立夫紹聖進士  
靖康之變扈從南幸爲呂頤浩所知及秦檜當朝丐祠  
居鄞其後遂占籍焉子寅爲福建路檢法審駁死罪七  
十九人得生由大理知無爲軍陞辭奏淮上歸正人當  
免其牛稅治荒田以餬口兼爲備邊至計孝宗大悅輒  
命其相視措置并及各路復修築高郵堰興化寶應石

闢斗門兩管隄岸護民田三千七百餘頃後知台州革  
秋苗偽鈔去軍士虛籍寬權酤征稅又買田五百畝以  
贍學宮蠲民積逋十餘萬遷廣西提刑卒于官

聞志

鄧志稿

列傳二

大西明叢書

約園刊本

鄧志稿卷三

清甬上蔣學鏞聲始撰

列傳第三

史浩字直翁舉紹興十五年進士以薦授溫州教授時張九成守郡極器重之秩滿除太學正監國子助教因博對言普安恩平二王宜擇其一以係天下望高宗納之翌日語大臣曰浩有用才也除祕書省校書郎兼二王府教授三十年普安王為皇子進封建王除浩建王府教授一日講周禮言膳夫掌膳羞歲終則會惟王及

鄧志稿列傳三

一四明藏書  
約閱刊本

后世子之膳羞不會酒正掌酒亦歲終則會惟王及后之飲酒不會是以知世子膳羞可不會世子飲酒則不可無節王作而謝曰敬受教是時龍大淵曾觀為內知客善飲酒多置酒以會故浩諷及之三十二年遷宗正少卿會金主亮南侵下詔親征建王抗疏請率師為前驅浩為王力言不可以晉申生唐肅宗靈武事為戒王大悟立命浩草奏更請扈蹕以供子職詞意懇到上覽前疏方大怒復得請扈蹕疏意頓釋既而知出于浩歎後久之曰真王府官也殿中侍御史吳芾請皇子先出

視師浩復以爲不可上亦欲王遍識諸將遂令從行如  
建康次年上還臨安立建王爲皇太子浩除起居郎兼  
右庶子李宗受禪遷翰林學士知制誥張浚宣撫江淮  
力主恢復浩請城瓜洲采石浚奏浩不守淮而守江爲  
失計除參知政事有詔議敵浩奏先爲備禦是謂良  
規儻聽淺謀之士興不教之師寇去則論賞以邀功寇  
至則斂兵而遁跡謂之恢復得乎隆興元年拜右僕射  
首言趙鼎李光之無罪岳飛之久冤宜復其官爵祿其  
子孫悉從之又請召用周葵任古胡銓王十朋浚決意

用兵浩力持不可請召浚面議浚請幸建康一親征一  
勞軍一移蹕浩奏若親征則金人必以大軍應我無故  
而招數十萬寇邊何以待之勞軍則用度當如上皇時  
曩歲上皇之行內藏已費千四百萬今復爲是六軍必  
喜苟所賜不能盡如前日必且怨望若移蹕則將俟有  
功乃歸乎不待有功而歸乎必待有功功不可必苟無  
功而還則與上皇視師無以異且未審陛下將自與六  
宮偕往抑奉上皇以行今建康未有德壽行宮上皇倦  
勤遜位豈能俱往上皇留此而陛下遠適千里外萬一

敵以一騎窺淮此間騷然上皇能不動心乎復與浚議于朝房不合浚奏浩意不可回恐失機會惟陛下英斷上于是不由三省樞密院徑以金字牌命諸將出師方數月而浩始知浩時兼樞密語左僕射韓康伯曰吾屬俱兼右府而兵出不與聞焉用彼相哉又疏言康伯欲納歸正人今敵人日爲姦謀縱流民以困我沿邊守臣但以招來爲事自去冬以來歸正之官已滿五百歸正之民不知其幾廩之惟恐不至駸駸不已布滿東南蠶食既多國用先乏且北人初來皆言去虎狼歸父母真

若可喜然廩給祿賞稍不遂其無涯之心則怨詈並作未必不刺取國事歸報敵境又言浚銳意用兵恐一失之後陛下不得復望中原先是浩城瓜洲白遣大府丞史正志往視正志復與浚論辨王十朋疏正志朋比并劾浩遂與祠自是不召者十二年淳熙初除少保觀文殿大學士五年復爲右丞相樞密都承旨王抃建議以殿步二軍多闕請各募三千人旣而殿前司輒捕市人充額市人多斷指示不可用都城騷動軍人怙眾因奪民財民與相格鬪有奪得軍人旗桿者送大理寺棘寺

迎合樞密院以爲市人陸慶童非被掠而助百姓上欲以軍人秦忠及陸慶童皆從軍法處斬浩曰軍人掠人奪貨以至於開則始鬻者軍人也陛下恐軍人有語故兩平其罪以安之不思百姓不得其平亦可畏也陳勝吳廣言等死死國可乎此豈軍人語上變色曰是比朕爲秦二世浩曰自古民怨其上者多矣時日害喪子及汝偕亡豈必二世尋求去拜少傅充醴泉觀使兼侍讀後有言陸慶童之冤者上曰史浩嘗力爭坐此求去朕至今悔之浩之復召也其時曾覲王藻輩爲搢紳所指

鄭志稿 列傳三

四四明叢書

約園刊本

目漸興朋黨之論浩奏蒙恩再相惟盡公道必無朋黨上曰宰相豈當有黨人主亦不當以朋黨名臣下由是黨論少阻浩喜薦士初薦樞密院編修官陸游尹穡召對賜出身及起爲右相語人曰吾此行可以已但朱元晦尙未仕耳熹時方授徒建寧山中力挽之出守南康辭侍讀告歸上宴之內殿又露章薦薛叔似楊簡陸九淵石宗昭陳謙葉適趙靜之袁燮張子智等十五人又嘗薦陳之茂與郡上知之茂嘗毀浩曰卿豈以德報怨耶浩曰臣不知有怨若知爲怨而以德報之是有心也

莫濟狀王十朋行事詆浩尤甚浩薦掌內制上曰濟非  
議卿者乎浩曰臣不敢以私害公遂除中書舍人十年  
八月以太保魏國公致仕建閣以藏兩朝御墨上手書  
明良際會名其閣又書甘盤舊學名其堂光宗卽位進  
太師紹熙五年薨年八十九封會稽郡王賜諡文惠嘉  
定十四年追封越王改諡忠定配享孝宗廟庭著有經  
筵講義鄧峰真隱漫錄兼用宋史本傳寶慶志其奏稿  
則宋史頗略從真隱漫錄原本  
陳居仁字安行其先興化人父大府少卿膏贅鄞汪氏  
因家焉膏初爲汾州教授佐守臣張克猷捍金人後知

惠州單騎造諭土賊曾襄壘降其眾及爲御史鄣僧王  
法恩謀逆事覺得其籍或請屠城膏力請寬宥止殲其  
首在籍者並得免居仁年十四而孤以蔭授鉛山尉登  
紹興二十一年進士秦檜與膏有故或勸一見可得美  
官居仁不從詔修高宗聖政與范成大並充檢討官魏  
杞使金辟居仁幕下時和戰未決金人彎弓夾道居仁  
馬上猶從容舉酒屬杞天寒且醕此觴觀者壯之乃諭  
金人開道入卒成禮減歲幣而還以從行勞轉承議郎  
諸王宮大小學教授及杞秉國居仁待選需遠次未嘗

藉以求進丞相虞允文將引以爲用不就欲與論兵謝不能退而貽書謂有定力乃可立事若徒爲大言終必無成倖亦旋敗允文爲色動徙宗正丞修玉牒轉對言立國須定規模陛下非無可致之資而規模未立孝宗初不憚曰朕未嘗不立規模居仁奏陛下銳意恢復繼乃通和和戰守三者迄今未定孰爲規模耶允文曰此正前日定力之論某今益知此言之富也歷遷祕書丞權禮部郎中進對論陛下近獎進武臣深得持平之道然未必皆智謀勇略士而或爲輕躁者啟倖塗其弊復

鄭志稿 列傳三

六四明叢書

約園刊本

將偏勝帝嘉納後請外知徽州輸稅有度鄰州有訟多詣臺省請決于居仁秩滿邦人挽留由間道始得去入見面加褒譽問時政因奏朝廷待歸正人太優而遇戰士反薄今老者添差已罷僅給半廩至丐于市此曹出萬死策勳乞終始念功且以堅後生圖報之志會大閱卽命再添差兩任全給衣糧三軍爲之呼舞留爲戶部右曹卽時方敘修會要賞帝曰陳居仁治行第一可因是并賞之特轉朝議大夫適樞員缺方進擬帝曰豈有人才如陳居仁可久爲郎者乎授樞密院檢詳文字歷

遷檢正中書門下兼左藏庫居仁視案牘雪誣枉者七人皆當敘復執政難之及疏上帝曰居仁精審尙復何疑遷起居郎司勅令兼中書舍人泛恩濫賞封繳無所避安定王子彤乞封妾爲夫人居仁繳奏帝是之又言慶赦止惠姦猾乞放下戶丁稅時翰林學士洪邁主貢舉居仁以舍人兼攝帝曰內外制尙委數員今一陳居仁當之不見其難信官須擇人旣而以集英殿修撰知鄂州築隄捍江民賴其利進煥章閣待制知建寧出粟賑飢弛逋負以巨萬計代輸奇零爾稅會鎮江大旱卽

鄭志稿 列傳三

七四明叢書

約園刊本

命移守請以緡錢四十萬給兵食旣得請乃遺糴于荆南商人聞是陳待制爭以粟就糴所存活數萬計有僧投牒言結廬江滸地與江陰接爲邏卒煩擾不便居仁察知其姦掩捕得盜數人遂夷其居加寶文閣待制知福州擊平嘯聚嚴治宗室之暴橫者再進華文閣直學士提舉太平興國宮卒于家贈金紫光祿大夫諡文懿居仁處己應物一以誠信臨事毅然有守所至立祀祀之居鄉斥田爲義莊以贍宗姍有奏議制稿詩文若干卷子卓字立道紹聖元年進士守江州移寧國道由臨

安丞相以故欲見之謝不往丞相益相器重由是得爲翰林官李全叛褫其爵詔書至淮人益自勵太廟災降詔罪己都城咸感動皆卓所草也端平二年以眞德秀參知政事以卓簽書樞密院事二制俱下未幾丐祠平生不營產業以贊書所酬築世綸堂閒居十六年卒年八十六諡清敏將葬事不能具丞相吳潛貽書制闔以助孫定孫侍父孝謹出入進退必怡色以告亦以耆年終

宋史本傳

王伯庠父次翁本濟南人紹興中爲參知政事凡十九

鄭志稿列傳二

八四明叢書

約園刊本

年方秦檜專國自孫近至鄭仲熊任執政者二十八人皆驟進驟退或僅閱月或半年輒以忤意罷獨次翁最久太后歸自金次燕山天暑北使憚行太后疑有變特貸副使三百金許入境倍償時遣次翁及后弟韋淵迓境上北使欲先得金次翁以未奉檜旨不與相持界上檜妻姪王暎時爲江東轉運急哀金以酬太后乃得歸具爲帝言之帝怒將加罪會擇報謝使檜薦次翁以行得緩旣歸卽致仕因居于鄭伯庠登紹興二年進士試教官第一後擢殿中侍御史出爲夔路安撫夔部曠遠

伯庠博敏絕人手圖其險要部人不能欺巴俗掠子女出境特嚴其禁工詩文所著有歷山集雲安集宏詞集夔路圖經弟伯序紹興五年進士官宗正丞

延祐志

按王次翁本不當立傳以成化嘉靖二志俱變亂黑白故據宋史正之

姚穎字洪卿五歲讀書過目不忘十歲能屬文師事鄭屯田鏐能自刻苦雜誦多至徹旦淳熙元年范成大知貢舉得穎文奇之及廷試取第一策末論敵國事宜甚備孝宗稱其正大剴切而戒勿板行蓋不欲傳于外也

鄧志稿列傳三

九四明叢書

約園刊本

御書旅獒篇以賜授簽書寧國判官特命員外置力解免皇子魏惠憲王鎮四明欲侈其盛以騶騎鼓吹迎迓穎已扁舟歸七年之官鄭伯熊守寧國相得甚歡其繼之者治尙嚴穎語之曰催科太急吏曹之利民弗堪也守爲霽威八年命引見召對便殿論治體十有八條上皆嘉納除祕書省校書郎時言路多選于館中頗有餽遺穎不啟封還之以親嫌請外添差通判平江府吳江民有訟久不決其人素怙勢莫敢詰部使者以屬穎穎曰張官置吏非以治貧弱正以制豪強耳卒究其獄一

郡悚然穎以大魁倅藩輔斂藏若無能爲者間爲之亦無所撓會歲旱以祈禱感疾卒官止宣教郎

聞志不立傳今節略

樓攻愧所作墓志補之

趙粹中字叔達從密州徙居于鄞與弟大猷同登紹興二十四年進士歷官太常主簿時孝宗銳意恢復虞允文王藺趙雄以言兵驟進粹中進恢復機密十論制敵權鑑四十卷富強要策十卷孝宗亟賞之一歲九遷由祕書郎至吏部侍郎所奏對多言邊防嘗疏請罷王安石石父子從祀乞雪岳飛冤狀又集司馬光范鎮董弁等

鄞志稿 列傳三

十四明叢書

約圖刊本

奏議成編以上又議太祖當東嚮正位未果行遺表又言之後寧宗定廟制卒如其議出知池州湖州有善政奉祠家居十年卒子罇別見特行傳

延祐志

趙彥逾字德先紹興三十年進士初授象山簿介潔自持淳熙間以大府少卿總領四川裁虛籍數千以寬蜀賦改知鎮江府適旱饑節浮費發粟賑耀民賴以濟歷遷工部尙書孝宗崩光宗疾不能持喪樞密趙汝愚請立嘉王欲倚殿帥郭杲爲用而杲不應彥逾因力贊其決先是杲嘗被誣彥逾爲白于帝杲德焉彥逾見杲意

責之。杲許諾。遂領兵爲衛。於是寧宗得踐祚。推定策勳。汝愚謂彥逾曰。吾屬宗臣。難議功。未幾。汝愚爲相。彥逾以端明殿學士安撫制置四川。兼知成都。彥逾始憾。將行。盡疏一時名士爲汝愚黨。黨禁。由此興。後復敘定策勳。累遷資政殿大學士。嘉泰間。典鄉郡。兼沿海制置使。所居在月湖之西。有坊曰錦里。後乞祠。以歸。延祐志子箴。夫紹熙四年。進士竇慶初守袁州。眞西山薦爲廉吏。第一。終湖南憲。四明文獻

樓鑰字大防。正議大夫。郁之五世孫。伯父瑋。建炎中爲

鄂志稿列傳三

十二四明叢書

約園刊本

於潛。令時喪亂之餘。民多失業。瑋繪耕織圖以進。上嘉之。後仕至淮東安撫使。鑰舉隆興元年進士。擬第一。以對策犯舊諱。知貢舉洪遵奏請得旨。冠末等。以啟謝諸公。考官胡銓見之曰。翰林才也。教授溫州。用薦入爲勅令所。刪定官遷大常博士。時搢紳間好惡各異。鑰歷陳後漢黨錮元符黨籍之禍。謂事之初生。若不足校橫流。不止害不可言。歷遷宗正丞。出知溫州。屬縣樂清。倡言方臘之變。且復起。邑令捕送于郡。鑰曰。蘇洵所謂有亂形無亂實。是謂將亂。不可以有亂。急不可以無亂。弛乃

編隸其爲首者驅其徒出境民言遂定丞相周必大聞之心善焉除考功郎兼禮部歷遷中書舍人光宗受內禪託疾不朝重華宮值會慶節上壽乘輿不出玉牒會要成當詣重華宮進書又遷延累日鑰奏言今嘉王日趨朝謁恪勤不懈壽皇望陛下之來亦猶是也上爲感動孝宗崩光宗病不能持喪傳位皇太子鑰草禪詔有曰雖喪紀自行于宮中而禮文難示于天下人服其婉召對奏人主初政當先立其大者最大莫如恢復當先強主志進君德又請軫念元元寬禁網以保養元氣鑰

當事有不可繳奏無所避禁中或私請帝曰樓舍人朕亦憚之不如且已遷給事中朱熹時爲侍講有旨除職與郡鑰言熹鴻儒碩學難進易退陛下憫其耆老隆冬立侍不便何如授以內祠仍俸修史少俟春和復還講筵則君臣之道備不報韓侂胄擅權臺臣希旨論趙汝愚乘龍定鼎之夢語涉不道鑰曰嘗聞汝愚言夢先帝賜以金湯壺謂之定鼎可乎又嘗夢會朝望白龍升天未幾上衰服嗣位謂之乘龍可乎彭龜年力攻侂胄除龜年待制與郡鑰與林大中奏留言黃裳已死黃由守

喪沈有開陳傳良相繼罷去五人皆嘉邸舊臣惟龜年猶在今又去之陛下舊寮無遺矣侂冑憾之不數日改鑰吏部尙書蓋奪其言職也未幾以黨禁丐祠尋奪職久之侂冑語人曰樓尙書好人何不一寄札京師客以語鑰子弟相顧卽索其紙墨鑰從皮中取一書置紙上卽入內客疑援某事入書詞視之則顏氏家訓言士大夫晚歲名節事客慚撤去紙墨須臾就坐客不敢言鑰亦不問舉酒如平時侂冑誅起鑰翰林學士遷吏部尙書兼侍讀時年過七十精敏絕人詞頭下立進草拜參

知政事趙汝愚之子崇憲白父冤鑰乞正趙師召之罪重蔡璉之誅毀龔頤正續稽古錄以白誣謗位兩府五年累疏求去進資政殿大學士致仕卒年七十七贈少師謚宣獻鑰嘗聞薛季宣知兵屢就問因言兵者古人之常樂舞行綴皆兵法也儒不知兵無以應猝又嘗隨仲舅汪大猷使金歷知山川險要及南北強弱開禧出師輒蹙頰決其必敗學問精博築東樓于湖上聚書萬卷皆手自校讐眞西山嘗曰某早以後進侍公清談竟日夜退而書紳自幸不至爲途人之歸者皆公教也晚

號攻媿主人有集百二十卷

參用宋史及袁聚齋所撰行狀

從兄錫字

子善一字申伯歷官大理丞知巖州善聽斷屢平反冤

獄吏治暇輒手一卷作篆下筆輒工晚更斂制尋冰斯

遺法容膝之地掃除必潔知己當軸不一登其門弟鑰

嘗稱其有晉人風致遭父喪以毀卒

攻媿所作墓志

鑰子淳克

承家學熟于中原文獻士友咸推之仕至屯田郎中

繫齋

集

袁韶字彥淳少受業于正獻公變淳熙癸卯與鄉薦願

卒業丁未以故牒登進士第嘉泰中爲吳江丞奉檄覈

鄧志新列傳三

十四四明叢書

約園刊本

田定役時蘇師旦密以姻黨囑其相容且啗以美官韶

不聽核實輸賦師旦諷言者將論去黃公丞以其事白

于朝未幾師旦敗得改知桐廬錢塘岸歲爲湖蓄取石

桐廬民苦輸送韶言廟子山左右皆石不必遠取旁郡

遂得免召爲太常主簿累遷左司郎中充金國接伴使

時金已爲元所逼遷居汴真德秀上言歲幣當絕金使

來索語慢甚韶曰昔兩國誓約止令輸燕不聞在汴金

使語塞嘉定十三年尹臨安久任幾十載政清訟理道

不拾遺杭多火災韶立法防之甚備訖終任災不作其

後林介繼之法盡弛太室省部皆燼紹定元年拜參知政事胡夢昱論濟王事當遠竄韶獨以夢昱無罪不肯署文書李全反揚州告急飛檄載道都城有逃避者乃拜韶浙西制置使仍治臨安鎮遏之丞相史彌遠懲韓侂胄用兵事不欲聲討韶與范楷言于彌遠曰揚失則京口不可保淮將如下整崔福皆可用彌遠雖從之疑其逼己不悅卒罷政歸端平初奉祠卒年七十七贈少傅後以郊恩累贈太師越國公

宋史本傳

按宋史總論頗言其爲彌遠心腹朝臣如洪咨夔張

鄧志裕列傳三

十五四明叢書

約園刊本

端義諸疏尤明言其附彌遠然歷官皆有治迹晚年論濟王事卒能自異于彌遠爲所忌罷官尙不失爲絜齋之徒也與韶同師絜齋者有趙與憲亦鄞人則嵩之死黨事詳宋史程公許傳自延祐至正成化諸志皆不爲立傳惟嘉靖志直列之儒林則以其時裔孫有爲達官故也今仍削而不錄

范楷字子式嘉定元年進士與袁韶爲同年生韶尹臨安楷方自懷寧尉調建康府轉殷倉秩滿謁吏部年已六十語韶求一近缺以便養尋當告歸韶笑不答密薦

于丞相改臨安府教授遷宗正丞歷官至工部尚書在  
經筵因事啟沃邊疆州郡關於朝政者知無不言李全  
據淮安反狀益明時相不能決委曲掩護大臣諫亦不  
納楷上書曰賊全猖狂恣睢舉朝皆欲殺之獨丞相隱  
忍不發昔郭子儀爲中書令考于史傳閒居爲多今彌  
遠獨當國柄二十二年所在窺伺危機一發變不可測  
遂忤旨去位明年元旦除寶謨閣直學士卒于家里人  
重之廟祀老界鄉

成化志

趙善湘字清臣濮安懿王五世孫父不陋從高宗渡江

鄧志稿列傳三

十一西明叢書

約園刊本

聞明州多名儒遂徙居焉初以恩補保義郎慶元二年  
舉進士因近屬轉承事郎調金壇縣丞遷知餘姚縣添  
差通判婺州嘉定元年以招茶寇功赴都堂審察出判  
無爲軍改知常州歷遷淮南制置司公事兼本路安撫  
使以平固始寇功賜金紫進右文殿修撰知鎮江府紹  
定元年以平楚州劉福慶功進龍圖閣待制李全反淮  
東命爲江淮制置使許便宜行事善湘委任趙范趙葵  
有進取輒慰藉殷勤餽問接踵遣子汝楹屯寶應從其  
後凡得捷皆汝楹草奏葵范亦歸功幕府卒誅李全復

秦州淮安州鹽城淮陰四城進端明殿學士與執政恩  
厚又以納金人降復盱眙泗壽二州加食邑九疏乞歸  
皆不許請愈力加天水郡公提舉洞霄宮嘉熙二年命  
知慶元府旋丐祠進觀文殿學士致仕卒贈少師善湘  
深于經學所著有周易約說八卷或問四卷續問八卷  
指要四卷學易補過六卷洪範統論一卷三傳通議三  
十卷論語大意十卷孟子解十四卷老子解十卷理宗  
嘗手詔求所解春秋藏之祕閣季子汝楫爲史彌遠婿  
討李全時彌遠以汝楫故奏報皆立達故得有功除大

鄧志稿 列傳三

十七四明叢書

約園刊本

府少卿以善理財進用仕至戶部侍郎汝楫承其家學  
深澁術所著有周易輯聞六卷易雅一卷益宗一卷及  
叢書行于世

宋史及文獻通考

陳德剛學士顯之曾孫父仲醇德碩學爲時所尊歷仕  
國子祭酒慶元初僞學論起仲七上章論辨朝廷以爲  
狂言斥罷尋起爲吏部尙書韓侂胄北伐仲上書切諫  
侂胄怨之出爲京湖宣撫使遂乞致仕德剛歷官戶部  
侍郎理宗立遷工部尙書論濟王之冤忤史彌遠奉祠  
紹定六年召除福建制置使兼知福州入對帝甚慰勞

因問夾攻蔡州以復雒何如對曰在國家不可一日忘此舉恐是後方勢聖慮帝曰時不可失對曰時者人才資用無價之謂陛下有之乎帝默然端平初簽書樞密院事請復濟王官爵從之居七日卒

蔣峴字伯見中奉大夫琬之後慶元二年進士授太常掌故歷知武康嶺縣以薦拜右諫議大夫端平中除殿中侍御史兼侍讀都城大火士民多言由濟王之冤峴奏火乃天災何預故王且劾全大琮劉克莊王邁鼓煽流言罪議者多以爲黨于史氏後嵩之開督府與樞密

鄧志稿 列傳三

十六 四明叢書

約園刊本

李宗勉異議私請劾之峴謂宗勉無罪臺諫耳目官豈受私請嵩之以書罪狀蔡範袁肅峴言二人皆有才不可誣復特疏劾鄭良臣良臣嵩之所舉用者也人始釋然嘗自言勿欺心勿負主勿求田勿問舍因號四勿居士官至寶章閣學士

參用續通鑑及成化志

鄞志稿卷四

清甬上蔣學鏞聲始撰

列傳第四

鄭清之字德源初名燮字文叔少從樓昉學登嘉定十年進士教授峽州帥趙方感異夢明日清之謁入命二子葵范出見且掖無答拜曰他日以此相累河北茶商羣聚暴橫清之曰總領何炳曰此輩精悍宜籍爲兵緩急有賴炳從之號曰茶商軍後果得其用遷國子學錄時丞相史彌遠專國太子嫉之常呼爲新恩謂他日

鄞志稿 列傳四

一 四明叢書

約園刊本

竄謫非新州則恩州也彌遠懼媾美人善琴者納諸太子宮使爲內閤益具知太子意乃密謀廢立取宗室子與莒爲沂王後更名貴誠除清之魏王府教授一日託言父浩忌日設齋淨恩寺召清之與俱登閣去梯密語之曰皇子不堪負荷聞後沂邸者甚賢君善訓迪之事成彌遠之坐卽君坐也然言出彌遠口入君耳一語洩皆族矣清之謝不敢寧宗崩彌遠遣所親脅楊皇后竟廢太子以嗣沂王襲位是爲理宗詔旨皆清之所定理宗立累遷參知政事及同知樞密院事彌遠卒清之爲

右相兼樞密使帝時親綜庶政清之亦盡反彌遠所爲  
召還眞德秀魏了翁崔與之李埴徐僑趙汝談尤焞洪  
咨夔王遂李宗勉杜範徐清叟袁甫李韶改其流政時  
號小元祐又旌異遣逸劉宰趙蕃輩端平三年以雷變  
請祠嘉熙二年封申國公四年賜御書輔德明謨之閣  
出內帑十萬爲築室乃日與賓客門生徜徉山水間淳  
祐四年進封衛國公五年改越國拜少師七年再起爲  
右相帝以邊事爲憂時趙葵以樞密使視師陳謙以知  
樞密帥湖廣清之力主之科降辟置無留難于是泗水

鄧志精列傳四

二四明叢書  
約圖刊本

渦口木庫之戰皆捷是時方行公田會子爲民病沿邊  
大帥時有內署清之不能止又年耄妻妾子弟得預政  
賄賂盈其門累以疾乞罷拜大傅進封齊國公致仕卒  
特贈尚書令追封魏郡王諡忠定

宋史本傳參  
用延祐志

余天錫字純父本昌國人父滌教授史忠定家遂居于  
鄞天錫亦爲彌遠諸子師性謹愿絕不與外事彌遠重  
之彌遠謀廢太子而近屬無可代立者會沂王芝嗣因  
欲借是爲立後備天錫歸試于鄉語之曰沂邸今無後  
里中宗室有賢者幸與俱來天錫絕江與越僧同舟抵

越州西門大雨僧言門左有全保長家可避雨如其言  
保長知爲丞相館各具雞黍甚肅須臾有二子侍立問  
之曰此吾外孫也日者嘗言二雛後極貴詢其姓長曰  
趙與莒次日趙與芮天錫憶彌遠言詳叩其生年月日  
告于彌遠彌遠命二子來保長大喜以爲沂邸後可冀  
也集嫺黨詫其行彌遠善相人奇與莒然恐事泄復使  
歸保長大失望慚其鄉人逾年彌遠忽謂二子可復來  
保長謝不肯彌遠密諭之遂載與歸天錫母朱氏爲櫛  
沐教以字禮度益嫺習未幾召入嗣沂邸迄卽帝位天

鄭志補列傳四

三國朝錄書  
約國刑本

錫嘉定十七年進士寶慶元年超授起居郎不數年拜  
參知政事復守鄉郡朱氏兩封楚國周國夫人壽至九  
十理宗將以生日拜天錫爲相會天錫病卒贈太師追  
封魯國公天錫初與兄天任最友愛方貧時率易衣以  
出終歲同衾晚貴盛復約以昭穆同葬子尙寶亦孝謹  
守其家法孫晦守蜀以違言論閩州王惟忠死士論少

之宋史  
本傳

按天錫聞志不爲立傳考宋史則其初雖承彌遠指  
求宗室因得理宗然止以爲沂邸後若廢立之謀則

舍鄭清之外無預聞者其後濟王之死天錫實奉勅往湖州厥罪大矣今欲載彌遠事始末不立天錫傳無可附著其詳且其友愛亦自有可書故仍據宋史錄之

史彌大字方叔忠定長子登乾道五年進士淳熙間累遷祕書丞每輪對帝輒稱善後奉祠歸進禮部侍郎卒諡獻文著有衍極圖說易學指要朴語二篇鏡園叢書

樸齋外集弟彌正仕終浙東提刑

成化志

彌正長子守之

字子仁心非其叔彌遠所爲著昇聞錄以寓規諷仕至

聖朝列傳四

四十四明故書

約圖刊本

朝奉大夫卽乞休主管紹興府千秋鴻禧觀詔書屢起之力辭不赴杜門講肄學古文子樓攻媿彌遠每有所爲必曰弗使十二郎知築第月湖東寧宗御書碧泚二字賜之聚書極富凡吳中收藏家其書中有舊學史氏及碧泚印者皆其遺書

清河書

次子定之字子應少嘗

扶忠定入朝孝宗奇之勉以學以恩補郎官後知吉州

值黑風洞餘賊李元礪寇城定之已受命易內地仍留

幼子城中鎮安民心使長子文卿身抗賊鋒後元礪爲

其黨所殺乃赴調仕至湖北轉運使致仕自號月湖老

漁所著有太極圖論善說易贊

鄭真四明文獻

史彌堅字固叔與彌遠爲同產忠定第四子也少端靜忠定奇之以軍器監尹臨安兄彌遠入相以嫌出爲湖南安撫使平寇羅萬傳守銀江力薦劉宰于朝以兄久在相位數勸之歸不聽遂乞祠家居寧宗卽其所居書滄州二字賜之後進資政殿學士卒諡忠宣吳泳作誄云在熙寧則不黨于熙寧如安國之于安石在元祐則不趨于元祐如大臨之于大防子賓之仕至敷文閣待制湖北轉運使以從兄嵩之相未老乞休居于父滄州

鄭真列傳四

五十四明叢書

約園刊本

故第以終

延祐志

史彌林字和旨父涓忠定從弟推恩授敕令所刪定官固辭後以授彌林亦承父志不拜于及之登紹定元年

進士

剡源集

史彌忠字良叔贈太師楚國公漸之子于彌遠爲從兄登淳熙十四年進士初尉咸寧秩滿歸橐裝多於赴任時里人羨企之其父慚怒彌忠懼集里人發篋以示皆書帙也後監文思院楊文元簡署薦贖曰質直而才遜德無競宰廬陵有能名守南安值羣盜甫平政尙安輯

綱白撰錢以便民改守吉州綱田租十有八萬閭寇作  
移提舉福建常平茶鹽事薦陳韡爲招捕寇平不受賞  
眞文忠德秀時居建寧貽書曰閩中素稱樂國一旦盜  
起汀邵蔓延四出未易遏制幸仁人持使節更易招帥  
不暮年掃平劇寇而執事不居其功飄然引去高風凜  
然眞可敬仰後以數勳彌遠歸政彌遠不可卽乞致仕  
以子嵩之相十一封至金紫光祿大夫卒于東湖之里  
第贈少師鄭國公諡文靖弟彌應字定叔登嘉定七年  
進士最不爲彌遠所喜釋謁得寧海尉罷歸遂不出交

鄭志稿 列傳四

六四明藏書

約圖刊本

遊之來談風月者進之言時事者退之喜爲詩號自樂  
道人詩曰自樂山吟子一之編其遺稿門下士宋梅堯  
爲開雕且跋其後曰先生以耿介拔俗之胸作瀟灑出  
塵之語其甥陳侍郎墳謂吾外家蟬鼎相望舅氏獨罹  
讒退處閉門求志行吟空山宣患難之所得然則困抑  
沈滯固吾舅之屈高蹈絕塵令富貴者此焉實吾舅之  
伸也 鄭眞四  
明文獻  
史彌鞏字南叔彌遠從弟也好學強記紹熙四年入太  
學官必以脩齊治平爲本時彌遠柄國寄理不備試淹

抑十載嘉定十年始第進士補峽州教授李埴開鄂闢  
知彌鞏持論不阿辟咨幕府壽昌成卒變埴欲盡誅亂  
者彌鞏請誅倡者一人端平初入監都奏進院嘉熙改  
元都城火應詔上書謂昔洪咨夔曾言嘗川之變非濟  
邸本心濟邸之死非陛下本心今以先帝之子陛下之  
兄使不得安體魄于地下蒙蔽把握良有以也干和召  
災職此之故語皆陰刺彌遠出爲提點江東刑獄饒信  
南康三郡大饑釐民戶貧富爲五等甲乙以次第受賑  
丙自給丁糴而戊濟全活百餘萬召爲司封郎中以兄

鄭志禧列傳四

七十四明叢書

約園刊本

子嵩之入相引嫌丐祠里居絕口不迫時事自號獨善  
先生卒年八十眞西山嘗曰南叔不登宗衮之門者三  
十年未仕則爲其寄理已仕則爲其排擯嶮然不汗有  
如此

宋史本傳

按史忠定命諸子孫從遊楊慈湖袁絮齋之門又延  
沈端憲居竹洲館其弟季文于家講明性學其後人  
雖有大墮家聲者然亦多以不附宗衮得名宋史僅  
載彌鞏一人新舊志所錄尙未備今據他書補入

厲思明字汝止紹熙四年進士歷官刑部侍郎以不附

權勢乞休絕定改元以原官徵兼資政殿學士居三載  
自知不爲時所容致仕歸吳潛以制相判慶元每相過  
訪贈詩曰辭祿歸田里幡然邁等倫玉壺邀好友畫舫  
泛長春閣筆詩章就馳心物候新機權不與並洞外一  
仙人可想其風概矣

問志

臧格字正子慶元五年進士與慈谿張宓爲友宓自以  
爲不及也嘗曰正子才氣爽邁下筆痛快與宓謹守樸  
學者良異官太常博士定周濂溪程明道伊川諡作三  
讓以上人謂其能挾道學之淵源格以久居郎署家貧

鄧志稿 列傳四

八四明叢書

約園刊本

願補外史相靳不予微有怨言史相善鑑人曰臧君骨  
清非守土相吾遲遲不外除誠愛之今若是以鄉里旁  
近予之遂出守台州迂吏至門果卒

延祐志

豐有俊字宅之清敏公稷四世孫祖監倉治死節揚州

父誼用卹恩補官立朝以直節著同列畏之仕至吏部

郎中

全謝山湖語以爲  
侍郎此據繫齋集

因論奏不合乞歸其弟謨任定

城令有惠政有俊登紹熙元年進士沈端憲煥其妹壻  
也介之間學于象山貽書往還叩擊不已初任宣州參  
議官移倅南昌值大疫親歷衢巷撫視給醫藥創立東

山書院造士之法甚備遷守建昌設義倉以濟民改副  
浙西轉運擢淮東安撫使知揚州金人南侵力戰卻之  
後守鎮江卒官貧甚僚屬贖之乃得歸葬有俊少時嘗  
與儕輩登酒樓見一妓貌類故人女屢目之遂獨留詰  
問果是曰吾所以不去者爲坐問不得詳叩也卽命妓  
退往見京尹王佐告以故曰某僅有錢八千從公更貸  
二千贖此女尹嘉其義取入府備奩具擇士人嫁焉

按舊志俱不爲誼立傳有俊嫁孤女事見行營雜錄  
僅入之特行陋矣今據袁絮齋東湖書院記義倉記  
及祭豐年之文劉後村輓詩黃梨洲宋儒學案全謝  
山湖語補述其父子梗概如此後邨詩云畚土築成  
塵滿面握拳猶戰膽通身其夢豐吏部詩云老猶奮  
筆排和議病尙登埤募敗兵又云朝給贖錢方掩骨  
家無餘帛可爲衾然則有俊之節壯矣其廉又可知  
也惜尙不得聞其詳云

趙與權字悅道嘉定七年進士歷遷大理評事轉對言  
大變民情國威三事又言死囚勘駁動涉歲時類瘐死  
而干證者亦多斃宜精擇憲臣詳覆果有可疑親往鞠

正以決輕重無使留滯歷陞直寶謨閣知安吉州郡計  
故仰權醋禁網峻密與權首捐以與民懸銅鉅于門欲  
愬者攀之冤無不直有嫠婦僅一子而告不孝者留其  
母子于郡廳日爲饌俾其子親餽晨昏以禮未周月母  
子如初久之擢戶部侍郎尋兼知臨安府浙西安撫使  
剖決明暢罪人咸服有以刑罰術數言于帝者與權言  
導民有本惟其真實相孚待以不擾訟庭自寡蓋人心  
本善有感必從或謂厲以威待以術者非知本之論又  
具言防邊之道請招刺三千人爲忠毅軍今禁衛多虛

鄭肅補列傳四

十四明叢書

約圖刊本

籍京口諸郡悉宜募兵統以郡將財先贍軍餘始上供  
乞省不急之費遷戶部侍郎兼兵部尙書會星變又大  
火五上章待罪中書方大琮言與權素自潔修疏財輕  
爵人所共知不幸遇此觀其待罪之章懇切至到乞俞  
所請使大小之臣皆知引咎乃收一階尋復之時楮法  
弊朝議改造民積故楮無用至有自經者楮益不行與  
權奏自嘉定以一易二失信于天下請兩界並展十年  
勿更新造責州縣毋以汙損阻抑有欲以端平錢一當  
五用與權謂開平嘗以二當三何救于楮且士大夫不

清白奉法恪意扶持雖日易一法楮弊益甚而國非其國矣又奏人才國用民力兵威願乘此機加意根本勿徒困精神于除授老歲月于行移委公道于私情付事功于無可奈何也力求歸田手詔留治江隄與權三爲府尹盡力民事都人稱趙端明必以手加額曰趙佛子也又力求納祿授資政殿學士提舉萬壽觀奉朝請卽日絕江而去帝爲悵然久之以舊職知溫州政事必親吏不敢欺又以侍講召遷大學士史嵩之將復入相人言不已帝以問與權言嵩之老師費財昵私貪富不宜

鄧玉琦列傳四

十一四明叢書

約園刊本

復用時嵩之猶子璟卿誦言其過忽斃而杜範劉漢弼徐元杰三賢暴死人皆疑嵩之致毒與權請優卹範漢弼元杰家帝從之嵩之忌甚尋授安德軍節度使萬壽觀使月賜內帑辭不受袁州士宋斌少從黃幹李燔登朱子之門學禁方嚴羈旅困阻年且八十與權延之事以父行奏乞用旌禮布衣故事死葬西湖上歲一祭焉帝逐二諫臣與權力爭之五乞免朝請三乞致仕俱不允拜少傅卒遺表猶不忘規正贈少師追封奉化郡王諡清敏累贈太師有手註六經及訓典奏議詩文甚多

平日嘗謂士大夫有貪聲則雖奇才奧學徒以盡國書  
民耳斂之夕金帶猶質錢民家帝愍之賜田以給其家

宋史  
本傳

陳垣字和仲號習菴叔祖平與同里樓鑰友善平死鑰  
弔之垣甫四歲出揖如成人鑰指盤中銀杏使罵對輒  
應聲曰金桃問何所據對以杜詩鸚鵡啄金桃鑰異之  
長受周官于劉著試江東轉運及禮部皆第一嘉定十  
年登進士第初授黃州教授喪父毀瘠歎俗學不足用  
乃師事楊慈湖晝夜攻苦不怠免喪從舅史彌遠當國

鄞志稿  
列傳四

十二  
四明  
志  
卷四

謂之曰省元魁數千人狀元魁百人而恩數逾等今省  
元初授堂除教授當自君始垣謝曰自垣始得無以親  
嫌乎徑就部注處州教授以去士論高之理宗卽位應  
詔直言曰今日之弊莫大乎人心不合紀綱不振風俗  
不淳國做人偷而不可救願陛下養之以正勵之以實  
泣之以明斷之以武垣直聲始著于天下與郡守高似  
孫不合去召爲太學錄轉對言天道無親人心難保垂  
拱仰成盛心也不可因以負有爲之志遵養時晦至德  
也不可因以失乘時之機時上方委政彌遠專主和議

故填言及之歷遷太常博士獨爲哀變議諡餘皆閣筆  
李全在楚州有異志填以書告彌遠宜痛自警悔以回  
羣心大昭黜陟以飭政體不納未幾賈貴人入宮又言  
乞去君側之蠱彌遠召填問曰吾甥殆好名耶對以三  
代而下惟恐不好名乃力丐去通判嘉興彌遠卒召爲  
樞密院編修官入對首言天下安危在宰相南渡以來  
屢失機會秦檜死代之者万俟卨沈該耳侂冑死代之  
者史彌遠耳此今日所當謹也次言內廷當嚴宦官之  
禁外廷當嚴臺諫之選于是宦者陳洵益陰中之監察

御史王定劾填出知常州改衢州徙福建轉運判官侍  
御史蔣峴與論中庸不合又劾之主管崇道觀踰年遷  
浙西提點刑獄歲旱盜起招捕有法盜懼而息知安吉  
州俞垓與李宗勉連姻恃勢驕橫填按其罪下之獄以  
吏部侍郎召改國子司業諸生相慶得師奏言境土之  
蹙民生之艱國計之匱旣無經理圖回之素惟有感動  
轉移之策今任用混淆薰蕕同器遂使賢者恥與同羣  
諫議大夫金淵見之怒填乞補外不許又辭免和糴轉  
運費亦不許未幾出知溫州以言罷填家居築觀聚堂

及尊明亭爲進修講學之地黃東發稱其得慈湖心學之傳子蒙年十八上書萬言論國事吳子良奇之妻以女爲大府主簿入對極言時相賈似道闕失後爲淮東總領似道誣以貪汙貶置建昌軍簿錄其家惟青氈耳德祐初放還以刑郎侍郎召不赴

宋史本傳

按史氏爲墳外家宋史記其勁直不阿如此同邑有宣繒者亦史氏之甥預彌遠定策功仕至參知政事贈太師諡忠靖延祐志不載成化嘉靖二志始入之今從聞志不立傳附識於此

鄭志稿列傳四

十四四明叢書

約園刊本

王惟忠字肖尊歷官知閬州兼利州西路安撫時余玠帥蜀委惟忠治財賦府庫充足會同郡余晦來代晦素無譽望惟忠心輕之呼其小字曰余再五來耶晦聞之怒因誣奏惟忠潛通北國逮下大理勘官陳大芳煅鍊成獄遂棄市籍其家臨刑呼大芳曰吾當訴汝于天血上流而色不變未幾大芳恍惚若見惟忠遂病死後朝廷知其冤命改葬賜復所籍田

宋史

史瑁卿號虛舟文靖公彌忠之孫幼穎悟能文年十有八適伯父嵩之嘗國紛亂政事瑁卿以書規之曰伯父

秉天下之大政必辦天下之大事膺天下之大任必成天下之大功比所行寔不克終用人之法不待舉削而改官者有之譴責未幾而旋蒙敘理者有之丁艱未幾而遽被起復者有之借曰有非常之才有不次之除曠恩異賞所以收拾人才而不知斯人者果能運籌帷幄獻六奇之策而得之乎抑亦獻賂幕賓而得之乎果能馳身鞍馬效一戰之勇而得之乎抑亦效犍奴僕而得之乎苞苴公行政出多門便嬖私昵狼狽萬狀祖宗格法壞于今日也自開督府東南民力困于征輸州縣倉卒置于應辦輦金帛輓芻粟絡繹道路一則曰督府一則曰督府不知所幹者何事所成者何功近聞蜀川不守議者多歸咎退師于郢之失何者備邊禦戎分戍列屯首尾相援如常山之蛇維揚則有趙葵廬江則有杜伯虎金陵則有別之傑爲督府者宜據鄂渚形勢之地西可以援蜀東可以援淮泗北可以鎮荆湖不此之圖盡損藩籬深入堂奧伯父謀身自固之計則安其如蒼生何是以飢民叛將乘虛擣危侵軼于沅湘搖蕩于鼎澧江陵之勢苟孤則武昌之勢未易守荆湖之路稍警則

江浙之諸郡焉得高枕而臥況殺降失信則即日覆  
之議不可復用矣內地失護則前日清野之策不可復  
施矣此隙一開東南生靈特几上之肉耳宋室南渡之  
疆土惡能保其金甌之無缺也盍早爲之圖上以寬九  
重宵旰之憂下以慰雙親朝夕之望不然師老財殫續  
用不成主憂臣辱公論不容萬一不畏強禦之士繩以  
春秋之法聲其討罪不效之咎當此之時雖優游菽水  
之養其可得乎異日國史載之不得齒于趙普開國勳  
臣之列而乃廁于蔡京誤國亂臣之後遺臭萬年果何  
面目見祖宗于地下乎人謂禍起蕭牆危如朝露此愚  
所痛心疾首爲伯父苦口極言爲今之計莫若盡去在  
幕之羣小悉召在野之君子相與改絃易轍戮力王事  
庶幾失之東隅收之桑榆矣如其視失而不知救護非  
而不知草薰猶同器驚驥同櫪天下大勢屢日趨于  
危亡之域矣伯父與瓌卿親猶父子也伯父無以年少  
而忽之則吾族幸甚天下生靈幸甚我祖宗社稷幸甚  
嵩之得書怒甚鳩殺之元至正間詔修宋史危素至明  
州得其書附著嵩之傳中瓌卿無子從弟彥卿從子綜

伯宋亡遁迹不出

環卿書今載宋史彥卿綜伯事見全謝山結埼亭外集

趙逢龍字應甫登嘉定十六年進士歷知寧國信衛衛  
袁五州提舉湖南廣東福建茶鹽常平日坐公堂事至  
卽決恆以天理民彝相諭民不忍欺常廩外一介不取  
代輸民間逋負之賦斥羨餘爲平糴本累遷至宗正少  
卿兼侍讀家居時四方學者多從之寧海葉夢鼎以大  
資知慶元執弟子禮嘗以師門卑陋欲市其鄰居充拓  
之逢龍曰鄉里粗安一旦驚擾彼雖勉從我能無愧于  
心乎逢龍寡嗜欲城歷日久泊然不知富貴之味或問

華籍列傳四

十七四明叢書

約圖刊本

何以裕後笑曰吾憂子孫學行不進不患其飢寒也

志成

王擣字謙父其先開封人大父武經大夫安道建炎初  
扈蹕南渡乾道間定居于鄞擣博洽多聞而性耿介幼  
學于里師樓昉爲文醇深善議論壯歲試詞學科不中  
自誓曰它日必令二子業有成登嘉定十六年進士同  
年余天錫參知政事屬教其子弟歲終致束脩以謝堅  
謝不受曰願從公求尺牘借周益公傳內翰番陽三洪  
公所藏書俾二子習詞學余欣然許之初爲安吉丞擣

巨興令捐俸賑水災再攝新城復斥餘財五萬緡代貧民輸賦遷太學正將作監主簿時史嵩之爲相乞補外以避通判婺州御史劉晉之者嵩之黨也誣衢掾盧囚受賕提刑使不直之命攜審實攜言無受賕事晉之怒而衢之士民咸謂攜言非私晉之不敢犯後攝郡去之日以羨財數十萬留于官改祕書丞出守徽州郡廩無三月之糧及解任粟支一年帛萬匹所宜得錢復以助少府用遷吏部郎中兼崇政殿說書疏言羣臣遜志之言多逆耳之言少切中時弊理宗飛白御書汲古傳忠

字以賜嘗預修四朝國史爲輿服志六卷後直祕閣知溫州長子應麟字伯厚與弟應鳳同日生九歲通六經十六歲從鄉先生吳參倚游又問業于王埜得呂成公眞文忠之傳中淳祐元年進士初調西安主簿及監平江倉改揚州教授嘗言今之事舉子業者得則一切委棄凡制度典故漫不省非國家所望于通儒于是更假館閣書盡讀之寶祐四年中博學鴻詞科添差浙西安撫使幹辦公事帝御集英殿策士召應麟覆考帝欲易第七卷置榜首應麟讀畢頓首曰是卷古誼若龜鑑

忠肝如鐵石臣敢爲得人賀遂定第一及唱名乃文天祥也累遷太學錄武學博士疏言陛下閱理多願治久輿圖日蹙患在人才乏而民力殫宜操綱紀而明委任謹左右而防壅蔽求哲人以輔後嗣帝問其父名曰爾父以陳善爲忠可謂繼美矣遷太常寺主簿面對言准戍方警蜀道孔艱海表上流有藩籬昏齒之憂軍功未集而吝賞民力旣困而重斂非修攘計也帝愀然曰邊事甚可憂對言臨事不懼願汲汲預防勿以容悅之言自寬時丞相丁大全譁言邊事且先是欲招致應麟不

可得喉臺諫論罷大全敗復起通判台州召爲太常博士時湯文清公漢爲少卿比屋而居朝夕講道論濂洛關閩江西之同異永嘉經制沙隨古易蔡氏圖史經緯西蜀史學貫通精微剖析幽渺歎曰吾閩士多惟伯厚爲真儒擢祕書監兼沂靖惠王府教授彗星見應詔極論執政侍從臺諫罪及行公田之害遷著作佐郎度宗卽位攝禮部掌丞相箋表故事御正殿丞相四上表卽允一夕會臨宮中丞相使省吏致命于臨次曰嗣君入纂大統讓禮宜加多願郎中增三表卽臨次具以進丞

相護山陵事畢復命作辭賞表三通吏拱立以俟應麟  
從容授之丞相驚服遷祕書少監兼侍經筵會賈似道  
拜平章事左右相葉夢鼎江萬里皆避去缺相數月似  
道亦數要上求去上懷恐不知所爲應麟奏孝宗朝缺  
相者亦逾年帝亟取以諭之似道疑上語安所從得探  
知應麟所言深息之語包恢曰我去朝士若王伯厚者  
多矣但此人素著文學名不欲使天下謂我棄士彼盍  
少自貶恢以告應麟笑曰忤相之患少負君之罪大權  
中書舍人因冬雷強言防姦邪總威福似道益怒應麟  
牒閣門直前奏對方袖疏待班臺臣亟疏駁由是二吏  
直前之制遂廢應麟亦罷久之起知徽州摧豪強省租  
賦父撫管守是郡父老皆曰真清白太守子也召爲祕  
書監遷起居郎兼權吏部侍郎旋以母憂去及似道潰  
師江上授中書舍人兼給事中陳備禦十策且言丁大  
全之黨在謫籍者弗宥又繳還章鑑曾淵子錄黃請誅  
翁應龍俱從之尋權禮部尙書于時朱禩孫以江陵黃  
萬石以江西並降元丞相留夢炎猶除拜二帥應麟再  
疏駁之不報出關俟命再奏仍不報遂東歸

此宋史本  
傳所書至

瀛國公本紀又書元祐元年十一月尚書王應麟遁考似道師潰在是年二月右丞相章鑑卽遁三月簽書樞密院事文及翁同知樞密院倪普遁自後諸臣棄位者不一使應麟欲遁豈待此時卽藉口不得其言則再疏不報已可決去何尙出關待詔中使譚純德以翰林學命紀傳自相違異今從本傳

士召不起宋亡閉門著述號深寧居士自爲誌銘有曰其仕其止如偃如圖家居二十年卒弟應鳳字仲儀與兄討論今古常忘寢食淳祐十一年應補將仕郎明年登文天祥榜進士寶祐間廷對以甲科第九人賜第復中開慶元年博學宏詞科歷官至主管湖南機宜文字牋記填委每入閣口占命吏卽上馬去尋除軍器監改

鄧志補列傳四

二三四明藏書

約圖刊本

差淮西制置司參議官文天祥薦其學宜職翰墨召爲太常博士將以內制處之甫入國門而卒年止四十六

宋史及鄭干之文獻集

楊珏字君實紹定二年進士初調上虞尉贛州教授廩餼不給捐私橐以助知饒州德興縣境多姦民前令往往墮其機珏言於憲使趙崇徽捕治之姦始屏迹邑居四山之中民多艱食力爲節用積錢百萬置米千斛貯倉歲歉出之以平市價景定間遷朝議大夫夫人對條陳三策一任正人以黜奸邪二興民利以培治本三講

武備以圖恢復帝稱善將授館職不果出知肇慶府以  
不行公田爲御史朱龜孫劾罷珏爲人剛介不爲權貴  
所撓去之日民莫不悲泣卒年七十四延祐志  
蔣曉字堯臣初伯父峴欲以恩奏授京官力辭後登淳  
祐七年進士歷任邑宰有聲入爲將作主簿國亡不仕  
終日危坐所談皆宋季遺事閱金石刻最多故爲文勁  
正似之先世多名流往還詩文有三徑聯珠集樓攻媿  
嘗爲之序至曉復爲續集黃晉卿爲之序延祐志

鄞志稿卷五

清甬上蔣學鏞聲始撰

列傳第五

袁洪字季源宋越公韶之孫也七歲通詩書春秋後以大父恩補官馬光祖守臨安徵爲佐使徵稅旁郡不受令尙書李伯玉中書舍人劉震以治劇才薦爲兩浙轉運判官賈似道方抑四明人坐廢逾年復起通判建康時元兵南下城中多剽掠洪密捕首亂誅之趙潛督師江上諸將多桀傲一日請洪較射洪三發三中乃大驚

鄞志稿 列傳五

一四明叢書

約園刊本

服宋亡諸無賴構陷衣冠陳參議允平亦在陷中帥命捕治洪儒服入白帥曰人情未安不絕告訐非所以示綏懷也帥悟釋允平由是上變者輒斥去至元十五年世祖召見授同知邵武路改溫州以疾辭二十七年程鉅夫奉旨求江南遺逸徵洪復辭不起洪重師友好賓客常賙喪葬之不能舉者大德二年改同知處州命下而卒

參用延祐成化志

按洪爲清容之父其載之延祐志者實家傳耳然其判建康府力禁剽掠與諸將較射折其暴橫及救陳

西麓之禍鄭干之榮陽外史所記較延祐志尤詳似可徵信同時又有趙孟傳謝昌元者孟傳係少師與權之子守鄉郡兼沿海制置使昌元則以著作郎祕書少監爲沿海參議官元兵至同往車廐迎降孟傳歷官至集賢院學士昌元子大椿當開慶初已給事元世祖獻城之後至元十四年入朝世祖愛之呼爲南儒與共議大政授禮部尙書二人並登顯宦視洪之辭疾不起已有問矣且袁鏞城西之戰邀孟傳昌元與俱二人密已送款給之出城謬刻期爲後繼鏞

鄭志稿 列傳五

二四 朔 叢書  
約圖刊本

遂以無援被執見殺不止負君抑且賣友其後又屢逞毒於遺孤是果何心哉延祐志不爲鏞立傳昔人謂其以通譜不遂之怨故沒而不書接清容先世自越公來久已貴盛較城西之袁門第且過之何必以通譜爲重其黜鏞也尙可援五代史不立韓通傳之例至孟傳昌元乃立傳盛稱其美顛倒是非莫此爲甚成化嘉靖諸志並仍延祐志之舊聞志獨削而不錄今附著之于洪傳後

臧夢解字君舉宋末中進士第未授官而國亡至元十

三年從其鄉郡守將內附授奉訓大夫婺州路軍民提  
舉未幾例裁所居官浙東宣慰使舉夢解才兼儒吏可  
試州郡授息州知州未行改知海寧州時淮東按察副  
使王慶之巡歷至州見境中桑柘榆柳交蔭民以戶計  
者新增七百六十有四田以頃計者加闢四百四十有  
三凡差役皆當其貧富吏不得有所預民頌其均乃奏  
夢解治爲州縣最宜加顯擢御史臺亦抗章以廉能薦  
屬江陰饑浙江行省委夢解往賑夢解遍歷村落人給  
以米所全活四萬五千餘人侍御史苟宗道復以名上

鄧志稿 列傳五

三

四明叢書  
約園刊本

聞除同知桂陽路總管府事三十年擢廣西廉訪副使  
故事烟瘴之地行部者多不至夢解親往按問賓州藤  
州兩路達魯花赤及姦貪吏凡八十餘人悉置于法又  
邕州黃震以職罪被誣藤州唐氏婦有冤獄久弗直皆  
平反之大德元年改調江西時臨江路總管李偁狡獪  
附大臣勢以控持省憲夢解按其罪一道肅清六年移  
浙東九年擢廣東廉訪使既老且病乃納祿退居以亞  
中大夫湖南宣慰使致仕夢解博學洽聞爲時名儒而  
敏于政事所著有周官考三卷春秋微一卷自號魯山

士大夫稱之不以其官皆曰魯山先生云

元史本傳

鄭芳叔字德仲號蒙隱本范氏子爲後于鄭宋亡遍遊遺老之門博學廣記家貧無書嘗假奧篇祕帙躬自繕寫瑋數十百卷爲文絕去浮靡之習一根于理兩訓導郡庠敦厚嚴重以道自尊晚署郡學錄未上卒子覺民字以道積學累行承其家傳郡舊有鄉飲酒禮太守王元基與程畏齋端禮議復之屬其討論鄰郡咸取以爲法性至孝母嘗患目翳日以舌舐之卽愈後母病非至到股和肉以進父當葬適病疴甚劇人皆止其臨壙泣

鄭志稿列傳五

四四明樓書

約園刊本

曰幸從先人迄大事卽道死無憾返而瘞人以爲孝感嘗用御史薦教諭龍游三月卽棄官歸經略使徵遺逸署婺州學職後中書奏授處州路教授命下已得疾端拱而逝有求我齋集三十卷

鄭真四明文獻

王厚孫字叔載宋尙書厚齋長孫父承奉郎昌世入元弗仕登其門者皆老成博雅厚孫日侍左右聞見充積由是熟于性理治道及職官典故世胄譜牒凡鄉里欲述其先世者多諮問之袁文清柄向受業尙書後自翰林歸里間所學對曰世之學者涉獵朱子書自謂得其

真傳輒譏咸淳諸老不知諸老與朱子同時博聞實踐  
爲朱子所推許今人耳目有所不及乃藉口性理以自  
文寡陋恐漸成虛誕之風檇撰四明志屬厚孫分撰二  
考有譏于僉憲苦思丁將毀其板厚孫白郡守王元恭  
得不毀元恭因屬成續志十二卷金華黃文獻公滄嘗  
三至鄞其曾祖夢炎爲尙書門下士與厚孫敘世契因  
誌承奉墓薦厚孫爲郡學訓導後改授象山教諭調浦  
江甫閱月卽解官歸李國鳳經略江南以便宜舉用遺  
逸有司以厚孫名上李曰此危太樸所深敬者署衢州

鄞志稿

列傳五

五

四明叢書

約圖刊本

儒學教授中書復有薦者除邵武路教授福建分省又  
陞爲副提舉皆不赴嘗誡其二子陞隲曰承家不在名  
位而在不失身處世必審進退其有同流合汙爲通患  
得患失以終其身者吾所深惡非所望于汝也晚號遂  
初老人哀輯其祖所著玉海及遺書十二種板行于世  
弟寧孫字叔遠初治詩後治春秋訂正各傳異同必極  
其終始而止其于文章制度尤致意焉未嘗一造場屋  
郡守招致郡庠時相以尙書故將署爲教職並以疾辭  
僉憲戴東臯按浙東民安其政適被誣寧孫奮然直之

戴復職將薦剡謝不與通遂不仕而終

錄榮陽外史

徐天錫字禹圭其先奉化人父景山宋末監酒韓島坊遂家于鄞天錫與弟天彝皆刻志好學家貧無書晝鈔夜誦時奉化汪元春嘗受業黃勉齋之門兄弟從之游自相切劘天錫兩中浙江鄉試乙榜郡邑前後聘爲庠序師以母老辭不受時程端禮歸老于家相與討論生徒慕從之者常數十百人卒年五十七鄉人因其所居稱曰梅江先生天彝字禹疇嘗舉爲慈谿學教諭不赴爲人沈靜寡欲居家務敦孝友終身未嘗疾言遽色卒

鄞志稱列傳五

六十四明叢書

年八十六

成化志

鄭奕夫字景允丞相清之曾孫自幼穎悟動止中度潛心性理講學績文不倦嘗教諭慈谿麗水常山三學調徽州紫陽書院山長終浮梁州學教授人稱爲習齋先

生

成化志

葉恆字敬常治春秋善屬文泰定初遊京師以薦被旨入胄監擢春官第授餘姚州判官鋤姦抑強吏職修舉州東北際海歲苦風濤害稼舊用竹木作土隄以捍費甚而不能久州人病之恆乃設方略螿以石長亘二十

里民不知勞隄南舊有仇汝余支二湖廢斥已四十年隄成而湖復涸水時其啟開田獲灌漑召爲翰林國史編修官安南入貢充館伴使餽遺一無所受遷國子助教補鹽城令卒官後餘姚民立廟祀之請于朝至正間詔封爲仁功侯廟額曰永澤

成化志

薛觀字景旬一字處靜宋衡州守朋龜之後其先世嘗聚族于指同居合食者五世號義門薛氏觀讀書強記至治癸亥以書經中浙江鄉試分教常熟遷杭州教授補沅江縣主簿攝令事盜息民安授丹陽尹致仕金華

郭志 列傳五

七 四明叢書

續圖刊本

黃文獻潛銘其墓曰予始識君子鄞見其循循雅節知爲篤厚長者惜其韜晦之久出而少試已迫於老之將至無所用其才爲可憾也

嘉靖志

蔣宗簡字敬之宋閣學猷之後幼敏爽有雋聲程端禮歸自江東宗簡執弟子禮謁見留門下數歲凡天人性命之本古今治亂得失之迹靡不參究又嘗受經于天台翁伯章日與同邑鄭覺民王厚孫輩以理義相發明兩爲郡庠訓導繩繩有師法時諸生多貴游以其年少頗易之宗簡于經史聚訟處數言而決執文就正者隨

所治爲之潤色頃刻數十篇諸生始帖然服試有司不  
偶輒棄去舊作聚徒蕭寺取易詩春秋諸家說折衷之  
翰林待制柳貫得其所作諸記序文擊節歎賞或謂宗  
簡不以盛壯挾所長取祿仕獨用古文自詭何益宗簡  
笑曰使吾理明氣充於決科何有得不得命也文有今  
古之異耶旣而遇臨川危素于金陵語洽素欲挽之入  
都以母老辭乃市所未見書數百帙以歸已而屬疾不  
起年三十有二黃文獻銘其墓曰昔之豐于才而嗇于  
過如王逢原邢敦夫輩蓋有之矣得臨川豫章而名益

鄭希高 列傳五

四國朝 卷五

彰敬之有程先生以爲依歸視昔人可無憾云

成化志  
兼採黃

續志  
秦文

孫元蒙字正甫宋朝散大夫枝之後大父率母至孝仕  
爲臨海縣尹秩滿歸道遇兵母子俱殞元蒙少孤資性  
穎異適鄉先生魯公月卿杜公孟傳皆老成重望元蒙  
摳衣請業一見問以家牒喜曰文獻之傳其在斯人乎  
蓋朝散嘗師事沈端憲袁正獻守象山緒言故並以家  
學期之月卿尤精于毛詩元蒙從之潛心講貫遂盡通  
諸家之說太守阿殷圖聞其名嘗延致郡庠一書少忤

遵引去守謝留之不可得僉帥董搏霄雅相愛重辟爲  
餘杭縣教諭時河南兵起浙省亦擾或勸弗往元蒙曰  
董公吾知己況教職爲世教所係何謝爲既至值兵甲  
之餘絃誦絕響元蒙曰講明忠孝大義聞者興起在任  
二考調松江忠清書院山長慨然曰吾何仕哉得爲晚  
節完人可矣歸隱于家

本鄞干之  
所撰行狀

胡世佐字伯衡其先世台州寧海人祖三省避地四明  
寓湖上父德華娶宋祕書少監陳本堂著女遂家于鄞  
世佐從學于臯氏通五經累舉不第授徽州明經書院

鄞縣志

列傳五

九國明經書

約圖刊本

山長陞木州教授值兵亂弗果行慶元府總管阿殷圖  
知其賢辟爲郡學五經師至正二十二年中書參政危  
素薦授江浙儒學副提舉不赴卒年七十四

成化  
志

劉希賢字仲愚少嗜學博習強記爲文敏捷至順間中  
浙江鄉試隨舉進士授太平路天門書院山長調長信  
州白石書院參政蘇伯循諮以治道切中時宜改會稽  
教諭見樂器墮弛捐俸募工修飭陞浙江儒學副提舉

致仕

成化  
志

袁士元一名寧老字彥章宋忠臣鏞之孫父澤民名潤

祖以字行號野航鏞旣死國家人咸赴水死僕沈蘭出  
澤民水中藏古冢中兵退乃還守閭妾鵬蓋利其篋笥  
復置澤民大水囊中莊人朱某出之其後趙孟傳謝昌  
元恥已之賣友也復多方謀所以滅孤者而竟得全旣  
長不仕家有田一二頃吏胥日坐門里中無賴子復見  
侵侮澤民不得已出爲鄞縣訓導遷慶元路儒學教授  
凡二十餘年歸教授里中年八十二卒有野航集士元  
性至孝父病疽以口吮之卽愈少嗜學至忘寢食父母  
憐而禁之則端坐默識郡守禮致郡庠爲五經師六載

鄞縣志  
列傳五

十四朝叢書  
續圖刊本

御史林與以茂材異等薦授鄞學教諭調西湖書院山  
長改鄞山書院會淮寇陷崑山總戎佛保遣使聘至幕  
府參軍務以功擢平江路儒學教授未上江浙行省浙  
東肅政府又薦士元宜居館閣承旨張翥集賢張瑄又  
合詞以舉召爲翰林國史院檢閱官道梗不赴自稱書  
林半隱晚歲退隱城南種菊數百本因號菊村著有四  
書五經疑義若干卷所爲詩有鄞庠東湖月湖書林諸  
集遭亂散失孫忠徹哀其遺亡合之爲書林外集凡七

卷兼采家傳  
及閩志

文質字學古一字海屋爲詩喜作李賀體酒酣長歌聲  
若金石嘗客婁江與崑山盧觀趙天祐衛館盛德瑞范  
天與六人聲名震一時有司月給廩餼遊京師傾動朝  
貴然竟不第有學古集舊志無傳今據顧仲瑛玉山草  
堂唱和集及朱竹垞明詩綜補  
入

按元時授官有蒙古色目人漢人南人之別漢人者  
謂中原遺民南人則江浙閩廣諸路也南人概不得  
重用故入仕者僅僅以教職自見獨至元初趙孟頫  
謝昌元俱顯達見前傳至正時程端學之子程徐爲  
刑部尙書後降明仍守故官以事見誅大率皆失節  
苟祿不足齒數翰林學士袁桷則別入文苑傳

鄞志稿卷六

甬上蔣學鏞聲始撰

列傳六

汪繪世字漢文宋尚書大猷五世孫洪武初署行都督府掾授太平府同知推誠馭下吏民不忍欺嘗有三虎踞林岡白晝攫人爲文呪之虎卽去秩滿陞湖廣按察司副使振肅憲紀而仍濟以寬人多懷之

成化志

傅恕字如心與同邑陳剛借白衣僧舍習春秋期爲佐王之學值元季寇亂無所試洪武二年詣闕陳治道十

鄞志稿 列傳六

二四明書  
續圖刊本

二事曰正朝廷重守令馭外國黜異端蠲夏稅更役法易服制興學校慎選舉增祿秩罷權鹽罷權茶朝廷多嘉納焉後命預修元史事竣授保定博望令孳孳撫字有古循良風同邑有張文海者亦預修元史不受官以布衣終工詩李東陽程敏政序其遺稿皆稱其精于樂

府成化志

黃功廓洪武間署吏部掾有幹才以太湖多盜備陳勦捕之方朝廷允其議授襄陽通判劾奏本郡守貪墨改廣東按察經歷秩滿陞沔陽知州卒于官先是本邑東

津浮橋置船十有四互板其上治鐵爲巨索貫之以與守不專累爲颶風所壞積久不治功廓爲掾時上疏請增船二隻僉民七十二戶專守從之民不病涉其居官亦以與廢舉墜爲事政聲著焉

成化志

周鼎字伯器洪武四年徵授萊蕪令三載課最俾預大祀賜宴榮之尋知滁州未幾除福建行都司斷事以事罷再起知雲南之祿豐兩考致仕歷官所至以廉勤稱

成化志

郭可學失其字幼喪父母嚴氏守死自誓躬織紡以字

藝苑精列傳六

二一四明叢書  
一約園刑本

孤可學早夜淬勵謀所以立身承家者從鄉先生受經專志畢力未嘗少懈讀書之暇事母甚謹洪武五年中浙江鄉試時急於用士再試報罷卽授官可學得靈壁教諭善啟迪後進信義孚於人卒之日自邑長以下至父老諸生皆弔祭無不流涕被面

成化志

包莘字尹耕性至孝通六經尤精于詩元至正間舉經明行修任定海教諭與象山教諭王厚孫張原楷皆有時名人稱四明三先生時縣令汪汝懋修學宮莘與之協力營繕已而方國珍亂卽致仕入明詔求巖穴之士

莘廷對忤旨謫西安府掾越二年詔諸流寓就試本道  
因登陝西鄉薦明年登吳伯宗榜進士授湖廣新城縣  
丞以誑誤免歸宋濂嘗推轂之不復出所著詩文集藏

于家李

林睿字思正以字行洪武六年舉茂才授鞏昌之漳縣  
丞莅仕後日以職業自勉秩滿報最陞知鳳翔之郿縣  
二十五年太祖以牧民之任未盡得人詔吏科集近年  
州縣受刑賞者分別條款名曰彰善癉惡錄勸懲天下  
當時預名爲善之列者在鄞有涿州知州史行可清源

聖嘉列傳六

三四册藏書  
約園刊本

知縣陳遵道平樂縣丞劉仲欽暨思正凡四人皆被褒  
嘉鄉人莫不榮之成化志

薛敬字原禮宋進士朋龜之九世孫博學有重名至正  
中嘗典教象山脩元政不綱謝職歸以醫術自晦時稱  
退菴先年洪武初舉茂才以年老授吉安州龍泉司稅  
未幾致仕子士廉士銘皆以學行稱孫服耕辟新昌訓  
導服耘由舉人仕至趙王府紀善成化志

王賓字用賓少卓犖不羣甫長博學強記貫穿經史百  
家元末避地村疇自號水村隱者淡然自適洪武六年

舉茂才以母老固辭不起母卒又以文學薦授休寧教諭身率諸生講肄不輟秩滿考績廷試鍾山雨霽賦及參鶴賦上奇之命供奉翰林以老辭改教授潯陽卒門人私謚清節先生

成化志

王鵠字用吉工詩文能琴善寫梅竹從鄉先生胡世佐受手氏詩中洪武五年鄉試以祖老歸侍既終養再薦舉明經授太原孟邑令越二年入覲疏陳使民事歸至宿州以疾卒

成化志

陳伯良名騷以字行其先洛人元魯公樞之六世孫大

鄧志稿列傳六

四四月叢書

約園刊本

父君義知鄧遂家焉伯良刻志於學洪武中由上舍生授郴州桂陽丞桂陽俗靡多訟廷見上詰之曰何以化之對曰吏不貪則斷合理而民訟息不三年訟簡而俗尚敦朴上嘉其能詔詣京師賜楮鏹勅僉山西按察司事發奸擿伏號稱廉明年三十八卒官

閩志

鮑忠字克禮以明經授定海學訓導洪武九年應直言詔疏治道十策上嘉納擢監察御史巡按廣東平反冤獄甚多一日閱案牘畢欲起忽有白衣人訴狀迫視之不見既而一白鳥遶燼臺飛鳴數四忠疑之命左右密

置筆楮于東北方坐至二鼓取之得寃狀乃爲妻謀殺者一訊卽服人稱神明

成化志

陶鑄字厚仲少孤貧負氣洪武十五年聘授監察御史劾奏刑部尙書開濟得君欺君太師韓國公李善長擅權肆奸直聲大著一時黨附輩皆望風斂跡陞福建按察使風紀益振時布政薛大昉恣行饕餮播毒于民鑄疏劾之詔偕至京民爲之祝曰陶使再來天有眼薛公不去地無皮後果復任民忻躍扶老攜幼相迎于郊

成化志

鄧志瑞 列傳六

五十四 明 叢書

約園刊本

姜敬章名丙以字行號野菴博學敏行洪武十四年舉明經授國子博士尋擢監丞奉特勅命以繩愆糾繆俾生徒知畏由是居職益勤士子服其模範

成化志

徐仲修梅江先生禹圭子也與其從弟仲端自相師友講明正學以淑後進洪武十六年辟授建陽教諭仲端應聘上吏部授南雄府同知文學治行爲時所重

聞志

錢安字靜能以字行洪武十七年舉文學授臨安訓導陞韓府紀善王禮遇甚厚其子洵有才望王召見之書具慶堂三字以賜尋致仕永樂初以安爲太祖舊臣召

至將徵用托疾力辭賜璽書宴賚還鄉安言行謹厚記  
覽該博善吟咏有約菴集藏于家

聞志

豐寅初字復初號復齋清敏公之後博學篤行洪武十  
七年徵爲國子司業後上書諫親燈謫德化學教諭訓  
士先節概及成祖入金陵卽棄官歸卒年百有五歲妻

滕氏亦壽踰百齡

嘉靖志

楊志銘剛介有守登洪武十八年進士任戶部主事以  
事謫戍後因薦起知懷慶府鋤削姦豪郡大治上僚見  
忌降建寧府同知尋改交趾按察司僉事未上卒

凌化志

鄧志瑞列傳六

六十四朝叢書

續國朝本

陳宗問名裕以字行登洪武二十四年進士歷官吏部

主事陞河南布政司參政巡治河道工集而民不擾後

以事去職復從駕北巡還授吏部考功郎中黜陟推允

出守武昌奏楚府侵占民地被譴命輸役石窩以贖罪

武昌屬官贖錢代輸力拒之在役逾年工滿復職至臨

清道卒操守清白爲當時第一官考功時司務鄭誠心

服之後誠爲侍郎見鄭士必問宗問子孫何如

成化志

陳葵字朝陽父雷有經濟才元季爲人所誣謫戍淮北

後疏謁太祖一見奇之卽欲用爲兵部尙書廷臣言其

太驢姑試以民事俾知仁和縣尋卒葵少孤貧育於外家舅余伯熊有識鑒曰此兒當有時名乃教以儒業發憤力學嘗日起五軍斷事張元直薦於朝召見親問政事得失及民間利病稱旨授惠安知縣後改山東單縣皆著能績永樂五年詹事府丞陸中善薦其才可大受遷邳州知州在任九年利民事無不爲民有陳父之稱

嘉靖志

吳禮字好德建文庚辰進士授禮科給事中預修永樂大典尋拜勅書安撫四川軍民夷獠慕其威名懷金寶

鄭志稿 列傳六

七 四明叢書 續圖 刊本

爲贄求一見福謝却之陞江西按察僉事平反冤獄解榮等三十餘家活男女三百餘口遷禮部員外郎預修五經四書性理大全事竣陞陝西右參政先是寧夏鹽池禁嚴民斗粟易鹽三兩福奏許民納課鹽則官量給之民甚便焉漢中牛山通民匿其中時出草竊福遣吏作樵夫懷榜抵其巢穴諭以禍福渠魁招其徒相語曰吳公長者必不欺我歸復業者三千人秩滿陞福建右布政使未幾以年耄乞歸卒年七十有六福爲人謹厚有執初爲給事時嘗使琉球遇颶風舟人皆恐福惟戒

謹視檣柁不爲非禮之禱既濟人問昨幾死公何獨不爲意對曰吾惟恐檣柁不嚴人事有未備耳生死則在天夫何意服其識量

成化志

柴禮字叔貞應洪武二十七年鄉貢授監察御史立朝正色不避權勢嘗面折太宰之過巡按河南道經通州值州大祿未奏聞卽發倉以賑全活飢民以萬計上怒謫令交趾尋悔召還改北京河南道御史中風卒子傑字延俊天順乙卯舉人計偕上京聞舟人夜泣欲投水傑問其故知爲官道所逼輒捐路費使償之下第歸值

鄧志稿列傳六

八四明叢書

約園刊本

前舟人仍賃其舟舟人夜詣妻進謝正色叱使去後授定陶令遇水災不忍全徵民賦注下考當左遷旋以丁憂歸服闋不復出

嘉靖志

徐安洪武中由人才薦歷官山東濟南知府後調鳳陽壬午靖難兵由揚州往南京燕王微服從靈壁出鳳陽安謀知之拆浮橋盡斂舟楫以守燕王得一漁舟以渡及正大統放歸田里踰年詔舉遺佚復任鳳陽居數載諸戚里奏安不體朝廷親親之義偏護小民奪還莊業上曰我昔到鳳陽安尙拆橋況若等乎謫戍雲南遇赦

歸卒于家

志

袁珪字廷圭元翰林檢閱官士元次子太常寺丞珙之弟也五歲讀書卽成誦十八能詞翰洪武壬戌禮聘至京試治道安民論稱旨授高州茂名主簿均賦役平繫囚從勦粉壁寨獠賊部運儋州軍餉皆善其職後以違式事奪職謫戍大寧以詩文自娛名聞燕邸召爲府紀善永樂改元官禮科給事中有敢言聲三年出判岢嵐州七年東宮監國舊都珪奉表入賀優以散秩改浙江布政司照磨九年仍判和州後復兩見銜都賜資益厚

郵志稿 列傳六

九 國朝 職官

約國 刊本

既以秩滿乞致仕自號清白生有清白集曾孫孟梯舉成化丁未進士官南祠祭司主事免歸

嘉靖志

張得中字大本少孤事母至孝從邑庠訓導王孟賓受易盡得其傳永樂改元徵茂才試政戶部明年奉勅往山西教民農業適當大比因就試中式尋登曾榮榜進士授刑部主事隨調工部所歷皆有能聲改江寧令江寧爲京畿赤縣機務繁劇先爲令者率繩之以法得中以公恕爲治簿書細故必親理之民嘗有犯法當流者其母乞留侍養得中曰民頑犯法固當罪母老失養尤

在所矜吾寧失不經以爲孝道勸卒杖而遣之嘗闕齋  
公署西偏匾曰思牧以寓意江寧民皆安其政丙戌禮  
部郎中鄒濟薦預修永樂大典書成還職年四十六卒  
官所著有思牧集若干卷書圃擲英若干卷

成化志

任壇字廷堅登建文二年進士知桂東縣秩滿擢監察  
御史丁艱歸三年足不出戶守令弔謁惟哭踊對之不  
接一語服闋擢江西按察司僉事以剛介稱

成化志

郭南字世南由邑掾起家初爲吳江典史築長橋有功  
遷常熟簿尋擢爲合虞山出軟粟甚美民摘以獻南食

歸志稿 列傳六

十四明 叢書

約園刊本

而甘之乃令悉伐其樹并絕其種曰後必有以是進奉  
害吾民者南自負博雅嘗修縣誌頗爲其邑人所議滿

九載歸

朱國旗湧  
幢小品

王彥修名緒以字行登永樂甲申進士授工科給事中  
累上封事多所俞納奉勅安撫福建廣西兩省軍民時  
英國公張輔總兵征勦安南徵輸調度悉資于廣右彥  
修督辦無闕輔嘉其能還朝轉四川按察僉事有京朝  
官居家不律劾奏置于法數歷中外餘三十年身沒家  
無餘資所著有懶顛集若干卷子憲由乙榜進士授僉

州同知

成化志

蔡胄字用巖晚號松莊永樂乙酉舉浙江鄉試入太學禮科給事中吳福薦其才授宜春令後改餘干凡有干憲度者必誨諭令自新未嘗輕有笞責吏民饋奉雖菜果不納然不肯阿上官意吏部尙書郭璉巡撫江西郡守言餘干令懦不任事遂注下考璉去邑民走百里聲聞冤且言數十年未有廉公愛民如蔡令者尙書奉命來奈何枉我仁令璉嘆曰吾行縣多矣未有一民頌其令廉愛者今如此郡之言詐也復返察所治更考胄績

鄞志稿

列傳六

十一四明叢書

約園刊本

居最而以貪黜其郡守胄初從學於鄉先生烏斯道既長侍父宦武昌東里楊公士奇尙未遇延館署中日相切礪故其學行卓犖如此

成化志

謝瑾字廷蘭元禮部尙書昌元之後少嗜學善屬對既長出入經史登永樂丙戌進士第出使廣東見大木委于道旁因作悼木賦以見志尙書夏吉覽而奇之薦授刑部員外郎陞郎中持法明允遷知平陽平陽俗武悍瑾至戒其屬曰治民在順其恆性而已順則不擾不擾則民安由是所部帖然尋丁外艱士民赴闕請留任上

可之秩滿擢廣西按察使多所平反年五十七卒官所  
著曰蝸濬集

成化志

李山如字伯偉永樂間以稅戶人才授鴻臚寺序班積  
資至兵部郎中屢奉使命嘗同石亨紀功大同以忤尙  
書陳汝言致仕歸先後歷官四十餘年清苦一節非奉  
母不御酒肉比歸環堵數椽躬任杵臼之勞人稱孺毅  
郎中饑殮不能自給詔歲給月米五石進階朝列大夫  
及卒尙司襄葬事焉子德能詩文以市鬻餬口鄉人憐  
且敬之

嘉靖志

鄧志編列傳六

十四朝叢書  
約園刊本

朱奇童字鄴賢宋中丞公綽之後永樂間以諸生貢太  
學授刑部河南司主事陞青州知府郡人稱其廉介

嘉靖志

陳恭字孟起靜誠先生遇之子也居金陵從其叔遠徙  
家于鄞舉永樂乙酉鄉試預修大典觀政刑部出判興  
化府事以最稱宣德間超拜大理寺少卿時有男子嗜  
酒爲妻苦諫乘醉自刎有司罪其妻論死獄移大理恭  
廉得其情欲原之而柄刑必不可終夜不寐繞榻徬徨  
表請乞去詔卒貸其人後歷官至工部尙書乞骸骨歸

卒賜祭葬

嘉靖志

周冕字汝服六歲讀書日記數千言十三通尚書補諸生時徐和仲見而器之授之琴卽工琴比長尤留心書法凡秦漢晉唐碑刻必探其精畫山水梅竹皆工妙一日父飭之曰若非所謂玩物喪志耶乃盡棄所習一意務學永樂中築修大典徵能書之士有司以冕應詔十年冬上北狩太子留守冕作頌以獻除正字明年駕還遷春坊司諫太子厚遇之而冕愈謙謹自講筵退歸私室非召命不敢出見客自寒暄外無一語及朝廷事因

鄭志稿 列傳六

十三四明張

約圖刊本

自號訥菴是時漢王高煦謀奪嫡東宮官屬多得罪者冕亦以譖賜死年止三十八洪熙改元追念舊臣召冕長子庭特授鴻臚寺署丞給俸讀書從子濂仕至吏部

郎中

嘉靖志

俞得儒字大雅九歲補諸生十三而孤居喪哀毀登永樂九年進士選入兵科改庶吉士授行在監察御史時西南蠻貢使至境命得儒往莅其事惟以庭實上供其珍異悉貯公帑弗獻或言貴州藩鎮陰結蠻酋勅往按爲辨其誣誅告者十九年詔求直言與給事中柯暹率

同官歷陳六卿曠官事上命六卿與言官論難六卿十  
不得一以是爲大臣所忌出得儒知賓州暹知安福縣  
賓介在邕柳人多梗化得儒至修其政令一郡帖然宣  
德初征交趾師至浮梁江不得渡得儒建議用藤纜布  
橋遂濟後論奏廣西副使李立貪暴立謫戍雲中秩滿  
乞歸卒子澤天順丁丑進士歷官四川僉事

嘉靖志

鄭阜義字公宜永樂戊子領鄉薦明年中會試乙榜例  
授教職辭不就特賜冠帶俾卒業太學祭酒胡儼器重  
之成壬辰進士是年詔命于進士中選學行超卓者授

鄭志列傳六

十四四明叢書

約園刊本

以方面阜義得山東上以其年少宜在南方改廣東歷  
職九年宣德初丁外艱服闋入朝將大用之以疾卒子  
自強乙卯舉人爲餘杭訓導

成化志

陳本深字有源號涇泉中永樂戊子鄉試會詔擇進士  
舉人有文學者入祕閣纂修本深預其選歷四年擢刑  
部主事畿內有韓廣者爲盜殺人有司不能得繫及無  
辜十八人本深以計獲之十八人俱得免擢員外郎丁  
艱歸刑曹方倚辦詔令起復上疏乞終制情詞哀惻許  
之宣德初以雄劇九郡闕守上特命大臣慎舉才吏少

師楊士奇以本深應詔守吉安命乘傳赴郡賜勅自藩  
臬以下不職俱得劾奏所屬吏及郡中大家有罪卽繫  
治雖勅太守與巡按等時吉有巨猾彭搏等十九人自  
號十人爲龍九人爲虎橫行郡中前守莫敢治本深至  
郡陽若不聞且密遣人與諸豪相結爲設飲具召至後  
堂潛伏壯士廡下盡拉殺之曳屍出府門一郡驚懾樂  
安大盜曾子良據大盤山有眾萬餘本深以地逼永豐  
命千戶王業伏兵界上賊果至伏發斬子良初爲政務  
舉大綱及大猾旣除乃起學舍立忠節祠築隄捍水諸

鄂志稿 列傳六

十五 四明叢書

約園刊本

廢畢舉郡中無事遂與民休息每晨起鼓而坐堂吏無  
所白卽退卧閣中間有訴事呼至榻前與辨曲直立遣  
之亦不受狀九年考滿入覲吏民先入京奏留上嘉之  
召宴內廷賜御製詩晉階正三品中議大夫贊治尹使  
還郡楊少師贈詩有螺川城外人千萬爭候神明太守  
歸之句再莅任九年益無事凡士人有嘉慶肅之燕輒  
往旣罷使左右攜果餌過坊市小兒則投而唱之往往  
擁其輿蓋一日聞廨前有迎娶者笑曰吾初來是尙乳  
下兒今可作人婦吾豈得復留此是歲再入覲遂力請

老方行時吏民遮留不得前因好語之曰吾卽歸當復至郡及賜勅還鄉仍迂道吉安與郡中人日敘飲踰一歲方歸送者舳舻相接互數十里適有御史持節過遣吏問之爲太息而去歸田後十二年始卒壽八十一後吉安人爲浙大吏如蕭都御史廩陳都御史德鳴李御史邦華相去已百餘載俱遣官就祠致祭其遺愛若此

明史循吏傳及甬上耆舊集

王營字宗器中永樂六年鄉試授淮安府睢寧教諭擢禮科給事中改刑科仁宗嗣位營疏言胥吏托故在鄉

鄭志稿 列傳六

六一四 朔 據 續 約 園 刊 本

者多病民闕隘虐行旅非險要宜罷去上皆俞納又請楊時羅從彥李侗等宜從祀孔廟從之宣德初奉命宣撫湖貴高煦反扈駕親征事平復詔營遍諭浙閩己又命往河南山東山西都選衛卒強壯者補皇城守兵未幾勅守肇慶下車與民誓榜于門曰賊貪害政者天殛之乃盡捐除宿弊境內帖然秩滿陞正三品改知西安治如肇慶而稍加嚴越三年致仕歸卒

嘉靖志

方佐字用輔宋鄞令軫之八世孫永樂戊子貢上春官卒業太學預修大典書成授漳州府檢校改南康其同

知郭玘語人曰用輔有剽繁治劇之才而屈在下僚乃  
上章薦佐尋以艱去服闋陞上海令縣故瀕海號難治  
佐至廉慎自持門無私謁而搜剔奸蠹百廢具舉暇則  
詣學宮課諸生殿最親爲講解經史正統改元用少傅  
楊溥薦超陞廣州知府奉勅而往振肅綱紀一郡肅然  
以例入覲得疾卒于贛明制藩臬監司奉勅行事太守  
以下不用勅宣德五年以吉安肇慶等九郡雄繁特薦  
廷臣九人賜宴領勅同時鄞得其三陳本深以寬和名  
王瑩及佐則以嚴毅名云佐孫誌字信之母感黃蛟之

鄭志稿列傳六

十七四明叢書

約閣刊本

祥而生幼聰穎不羣日記數百言領成化丙午鄉薦明  
年第進士知金谿縣爲人剛果而洞達事體鋤強梗殄  
寇盜民以閭羅目之爲謠曰除姦凶得方公歲旱蝗禱  
于神輒應又歌曰民不死賴方氏擢監察御史董學南  
畿嚴立法程革浮靡抑奔競士出門下者咸厲風檢尋  
陞山東參議以譖罷今金谿祀于名宦

嘉靖志

管思易字原理永樂乙未進士授刑部主事持法平恕  
奉使湖廣辨釋疑獄全活甚眾衡陽有少婦秦氏孀居  
姑欲嫁之不聽有隣並惡少馮小二將挑之以姑在不

得問因計毒其姑有司遂坐婦以罪思易將至郡夢老婦繫二馬泣訴車前曰馬實殺我非婦也比至有司以獄上求馬姓者不得視隣右尺牘刺之有馮小二曰將無是乎遽呼訊之卽立承婦遂得釋歸州同知孟紹芳盜庫金二千許棄官去司府以孟巨璫姻不敢問乃囚吏郝洪等十數人思易廉知其冤上奏徑執孟論誅之凡所平反獄有司有俟思易行而私科罰之者思易卽疏劾黜知州二知縣一已而居艱起復仍前職時有囚王琦罪不應死尙書吳中以私憾置之大辟思易爭之

鄧志稿 列傳六

十八 四明叢書

一約閣刊本

不能得嘗殺之乃歎咤憤惋感疾而卒思易平生勵志清約不苟得赴會試道臨清見遺錢守以待失者還之性至孝母喪致毀足不踰戶所人俸悉以公伯氏及猶子與人<sub>嘉靖志</sub>不依阿人皆嚴之

戴浩字彥廣永樂十八年舉于鄉初判東昌有麥商舟覆拯其屍殯之貯遺金數百鎰于公所據引召商家屬盡給還後臨清聞獲金玉奇器不費封貯縣臧尋有中貴人言已所遺沾閱其數驗卽歸之逾九年遷守甯州州故並海滬常售祿乃築隄以捍風潮郡廳事梁產三

芝人以爲異改永州又改永昌歲饑發邊儲三萬餘石以賑監司語以法浩曰固知有法在如民飢何上奏請以臣一人命易千萬人命優詔原之年近七十疏乞骸骨民相率走闕下留之許復任值天順改元遂循例致仕浩所至以愷惠稱民懷其德在東昌民常歌曰於別駕公實惠吾儂勤慎忘躬能使年豐鞏昌時穢寇通商又集庭下頌曰君侯守邊惠政無前我道我行蕩蕩平平浩笑而遣之家居二十餘年置義冢立義塾以厚德表率鄉里喜吟咏詞翰皆爲時所珍年九十三卒東

鄧志稿 列傳六

十九 四明叢書

約園刊本

昌雷永鞏皆祀之名宦季子檣檣子鰲鰲鰲皆別有

傳

嘉靖志兼採  
前上者舊傳

黃潤玉字孟清號南山五歲侍母疾夜不就寢十歲道見遺金不拾郡守王璉舉鄉飲酒禮就郡庠觀之然識其儀歸書于册塾師大奇之永樂初徙閩右實北京父當行詣官請代官少之對曰父去日益老兒去日益長官異其言從所請踰年抵京受墨北城外十里所沙漠無人烟潤玉與同役者築室成比閭墾圃鬻蔬以自給人不堪其瘁願獨安之稍隙卽肆力于學無人可師卽

以心爲師一切言動無所苟有富室僅一女招寓其室  
固辭或問之曰瓜田不納履也里中子弟多從之因數  
且學補諸生十八年應京兆試擢禮經魁授建昌訓導  
父喪除改官南昌用薦拜交趾道監察御史出按湖廣  
斥兩司以下不職者至百有二十人宣德中詔推舉提  
學官以楊士奇薦擢廣西僉事提督學政時寇起軍興  
吳指揮妄掠子女萬餘口劾而歸之副使李立入民死  
罪數百人亦爲辨釋南丹衛在萬山中瘴甚戍卒多死  
爲奏徙平曠地丁母憂改湖廣按察巡撫都御史李實

鄧志稿列傳六

二十四  
約國刊本

張甚潤玉無所加禮論罷其親故墨吏二人實憤奏潤  
玉不諳刑律坐謫含山知縣浚麻湖閱蘆場捐進租革  
積弊不以左降故懈于職後以老致仕潤玉之學一以  
聖賢爲宗嘗曰明理務在讀書制行要當謹獨鄉人尊  
稱之曰南山先生歸田後著有儀禮戴記附註經書補  
註學庸通旨考定深衣古制陰符經註孫子註四明文  
獻考寧波簡要誌皆藏于家子隆別有傳明史本傳  
余麟字天祥舉永樂二十一年鄉試授主客司主事積  
資陞儀制司郎中有言襲封衍聖公非孔嫡系欲奪之

命往勘麟曰聖裔襲爵非一世嫡庶誠難辨倘勘不實將何據易之遂不果

按衍聖嫡裔隨宋南渡居温州今世襲博士者是也金人別立其大

子續封麟亦未之考耳

以憂去服闋改主客郎中適河南河隄潰

特授左參政往治之至則度水勢築防甬尋奏功別詢民疾苦察吏治去墨樹廉凡六年陞本省左布政時中貴執柄麟不能俯仰遂歸子洵字允清用五品京官子充國子生正統三年舉順天鄉試授刑部主事轉員外郎郎中陞福建副使丁內外憂服闋改湖廣已又改陝西撫治漢中陞本省右參政轉右布政使其在荆襄時

鄭志稿列傳六

二王四明叢書  
約圖刊本

都御史項忠都督李震收捕山賊小王洪濫殺竹山諸縣流民三千餘人又誣楊泰等十一戶爲黨俘之洵廉其狀卽引同官往爭泰等得不死震又欲與監軍檢討張寬發兵搜捕入山流民洵抗言流民避死入山前所殺已過多奈何又益之以冒功震等乃止遂大銜洵後忠震皆進秩洵不獲敘乞骸骨歸孫杲字懷明以貢授

常州訓導嘗上十事於朝不報卽致仕

嘉靖志

蔡錫字廷子中永樂二十一年鄉試入太學仁宗詔擇國子生有學者六十人翰林院嚴試之拔其尤二十

人充近侍官錫與焉授兵科給事中彈奏不避權貴出知泉州府性勤吏事剴剔宿弊爲民樹長畫修學舍均徭役奏除洛陽中山大橋三成公私便之尤善摘伏郡中盜賊無迹時洛陽橋壞發故石有刻文云石頭若開蔡公重來橋故宋太守蔡君謨所建而錫適與之同姓遂議重修然橋本跨海無所施工錫因自爲文檄海神募能齋往者莫敢應一醉卒踉蹌前曰公但飲我善酒我能齋檄往遂益飲大醉臥于海灘上彷彿若出沒海中卽持檄還上判一醋字錫意度之曰是期我八月廿

鄭志稿 列傳六

三四明徵書  
約園刊本

一日也卽以是日舉工潮旬餘不至工遂成郡人爲立祠配享端明遷山東副使參贊宣府軍務以功陞順天府丞改應天再遷大理寺卿湖廣大饑奉勅往巡撫其地設法賑濟所全活數萬民爲肖像祠之尋乞歸蕭然圖書無長物至不給餽粥宴如也有草堂在小白河干去城五十里日嘯咏其中所著有買山稿

朱國禎湧幢小品及耆舊集

梁輯字用光永樂二十一年舉于鄉正統間任直隸太平府推官屢釋寃繫擢山東道監察御史丁內艱歸復

任以直言出知河南汝陽縣未幾復補御史以疾終于

京

嘉靖志

王舜字友倫由賢良任左軍都督府都事宣德中改令  
仙游先是邑人積苦征斂多亡徙者舜至首奏免小嶼  
寨土兵之役復計都里以均坐派條征輸以完積逋民  
漸復業乃以餘力葺廨治倉庫及壇壝道路民不知役

三年卒于官邑人建祠祀焉

嘉靖志

鄧志稿列傳六

三十四明叢書

一約園刊本

鄧志稿卷六

鄧志稿卷七

甬上蔣學鏞警始撰

列傳七

陸瑜字廷玉號省菴年十四爲名諸生中宣德癸丑進士授刑曹奉命出錄兩淮江南北十七郡獄參錯訊鞠務得其平所釋繫囚三百餘人改從輕比者千餘人歷遷郎中以才望擢爲山東布政使齊魯大饑民相聚取富人粟監司坐強劫當死瑜曰民苦饑攘粟以苟活旦夕耳奈何更殺之改從搶奪例英廟初復辟李文達賢時爲上言其才及刑部尙書闕廷推數人皆不許密諭非瑜不可遂徵拜瑜先在刑曹于格律輕重夙練習有大獄諸司不能決輒曰某年某所獄堪比擬曹吏發故牒視之不少差時門達治錦衣獄用法酷弘農衛卒誣指揮李斌某反事下達鍛鍊具獄會廷議瑜獨言其寃達怒語頗侵之瑜曰某所執祖宗法耳奈何枉人至族達奏瑜庇反者上不聽止誅斌赦其妻子曹欽夜爲亂瑜被執知爲瑜曰是素平恕釋不害時有希功者執欽佃人數百輩爲逆黨瑜曰欽謀倉卒諸佃相去或數百

里安得與謀盡釋之憲廟初乞致仕上曰國方倚任老成卿安得去又六年堅乞骸骨歸又十有七年年八十

一始卒謚康僖

嘉靖志

戎洵字君實宣德九年鄉貢授湖廣黃州府推官秉法不阿屢出冤獄郡中翕然頌爲神明在任七年卒于官貧不能斂郡民贖金賻之乃得歸復立祠祀焉

問志

邵玉字德溫宣德乙卯舉人授汝州學正歲荒煮粥活民歷任南寧河間順天教授用兵部尙書馬昂薦擢雲南按察僉事提督學校嘗典試山東山西江西並稱得

鄭志補 列傳七

二四明叢書

一約園刊本

人以足疾乞歸性孝痛母早喪宦轍所至必迎父就養訓士以身爲範特嚴義利之辨卒後李東陽銘其墓子

莊舉成化甲辰進士仕終按察副使

嘉靖志

錢奐字文煥紀善安之孫正統丙辰進士官給事中會京畿八郡大水疏請命大臣發廩督耕尋奉使封秦藩王出女樂侑燕却之後以曹鼐薦出爲廣西參政適義寧報警總兵田真檄奐同討眾議轉餉奐請給兵以銀因糧于敵兵民稱便富川賊盤性之江華賊王茂合兵犯修仁荔浦賊韋萬秀等寇陽朔西延賊糾湖廣蠻寇

興安趙普旺嘯聚瀧水俟先後悉討定朝廷嘉其功進  
食侍郎俸賜綵段寶鈔改守潯州大藤峽賊老藍屢擾  
州境及平樂南寧二郡俟單騎往諭遂降土官岑豹羅  
文愈爭地擁重兵俟宣布威德各帖服而退巡柳州方  
耕時牛多疫死出帑金每十戶市給一牛天順三年課  
績第一陞湖廣左布政使值大旱民苦造紙上疏請寬  
止又啟楚藩假私稅三千兩充運船公私賴之丁內艱  
起補廣西大藤峽復叛御史韓雍統兵征討歲適大祲  
俟悉力調度軍需得無乏而民亦不困凡所俘獲必詳

事蹟補列傳七

三四

讞得活者甚眾又九年致仕歸以高壽終

嘉靖志

張愷字德和以太學生選補江陵知縣時荆王府校卒  
見令不起即啟王杖而遣之王所爲不法愷白太守吏  
不得繩王以法宜密聞於朝遂與守列上其事朝廷察  
其言審遂廢錮王終身邑人快之守未嘗以屬吏待愷  
常呼曰大令時大帥征交趾所過州縣吏無不遭譴者  
道江陵愷以鼎肉餉軍一軍盡喜大帥奇之欲試以倉  
卒日晡時以令牌立取火爐及架數百愷即命木工以  
方漆桌鐸半脚剗其中置鑊燃火又取竹束火燎數千

卽盡收民家葦簾應之又取馬槽千餘卽使針工併各戶婦人用綿布縫成槽綴槽口以繩用木椿張其四角以飼馬良便收卷車中遂足用大帥服其智歎曰此真應變才也因奏爲參謀寢不下比去官江陵民爲立生祠遷工部主事周文襄公忱巡撫南畿奏愷同行每至州縣以張戶部不可犯告之松江守以美綾三百疋置舟中來迎愷登舟見之悉以綾封庫欲劾守守肉袒謝罪乃免由是守令皆自重犯法後擢知常州知府命下而卒

嘉靖志兼採  
者舊集本傳

鄭濂列傳七

四四明叢書

約閱刊本

陳濂字德清正統乙丑進士初官訓曹明習文法去一切株連逮繫之弊歷陞廣東按察副使巡視海道海故盜藪剽掠甚慘濂對天設誓不與賊俱生因厲兵以待忽一日大風雨乘賊不備勒眾進勦賊迷曠大敗之俘誠無算海南肅然陞廣東布政使尋遷巡撫時海寇兵興供億日困濂多方矜卹民力得舒旋奉命總督漕運勦疏濬嚴監督立程度輸運無後期兼飭泊兩淮豪猾梟橫凌啖庶姓者歷河南巡撫改撫北直隸兼按紫荆諸要害後朝議以漕運事重仍以副都御史還濂原任

比至淮疾卒

印志

宗顯字必彰正統甲子舉人任宜興知縣律身廉甚一介不取讞獄必得情民呼爲宗青天又爲之謠曰二三萬戶皆傳說八九十年無此官陞大興知縣畿輔煩囂廠衛恣橫皆重顯清望莫敢犯遷南京都察院經歷丁憂歸服闋無意仕進遂致仕家居貧甚至不能自存初官宜興時年四十餘無子民聚禱于羣祠遂得子因名曰佑佑字元吉登弘治庚戌進士主考徐溥拆卷見其名喜曰此吾邑清廉令宗公之子也天之報循吏如此

鄭志稿 列傳七

五

四明叢書 約圖刊本

佑任刑部主事陞員外郎以詞翰名

李黃山 文獻錄

洪常字子經號石田性強記家貧無書從友人借讀一覽輒盡中正統戊辰進士觀政兵部尙書廊廡侍郎于謙疏薦常有經濟才授武選主事夢錯立判會土木之變坐死難忠肅進尙書寇患孔棘奏對一以委常忠肅每入朝常具紙筆以從值有事須上啟且語且疏不具草立上稍遷至郎中上皇復辟吏指爲忠肅黨上知其名特原之陳汝言代爲尙書復以事誣常欲致之死上置不問後馬恭襄公昂長樞部值西睡多事嘗面陳部

曹乏人上顧問洪常安在以憂去對卽命起復久之昂  
疏薦爲本部侍郎忌者知之先劾昂私所屬常遂力請  
疾歸里時年甫四十自念與于公同事幸蒙上知得不  
死再脫虎吻皆上所賜因日與里中耆舊相聚雅歌絕  
意世事歸後歷三十餘年非歲時鄉飲不至公所蕭然  
一室以文章自娛所著有勉學錄石田稿隨筆考諸書  
常操履廉白在兵部時出入常無馬武平伯陳公奉八  
十金爲馬值至再却不受同里李郎中山如清操絕俗  
沒後常爲經紀其喪其高義如此

李志兼采  
獻徵錄

鄞志稱列傳七

六四明叢書  
約開刊本

李衍字文盛父懋邑諸生嘗問關萬里尋父子蜀卒獲  
完聚人稱其孝衍以貢入太學中宣德乙卯順天鄉試  
正統時王振承太后旨選寫佛經托疾辭弗往因久次  
不銓遇恩例授廣州府推官屢辨冤獄以撫勦反寇功  
陞刑部員外郎值天順初石亨用事其家人奪民產民  
訴于朝命衍往勘竟歸田于民亨怒諷錦衣門達構衍  
重罪謫戍宣府亨敗得復官尋遷廣東兵備僉事告歸

卒  
嘉靖  
志

豐慶字文慶司業貞初之子登正統己未進士授兵科

右給事中輔左上皇北歸偕林聰葉盛高棣等請朝南宮及諍景泰易儲事言甚剴切下詔獄長繫七年英宗復辟陞河南左參政疏論周王府內官不法事上嘉之陞本省右布政使廉潔絕俗有縣令欲試之以銀爲燭裹以蠟因掾吏以獻及晚慶視事命取燭卒不可燃叱使還之詰旦召令責讓屬吏後無敢以苞苴及門會奉表入賀墜馬傷足遂致仕歸

聞志

楊守陳字維新號鏡川栖芸先生之孫父諱自懋號梅蘭母張夫人夢星落懷中而孕及生天庭有墨子七宛

鄭志稿 列傳七

七

四明叢書

約園刊本

類北斗稍長爲詩文輒吐奇語舉景泰庚午鄉試第一明年登進士第改庶吉士授編修成化初充經筵講官英宗實錄成進洗馬在詞館凡十六年泊然退處未嘗干進當軸有欲援之者使所親諭意謝曰吾猶嫠婦也今老矣豈至白頭改節哉孝宗出閣充日講太子奉制立聽問臣請太子坐侍官跪講守陳執不從文華大訓成凡事關宦奄皆削去守陳曰此不足訓爲跡其善惡具錄以進一日在經筵講武成篇進曰書言武王垂拱然自列爵報功一一盡善方得無爲而治後世委政內

侍乃安危利災耳左右爲之悚然尋陞少詹事兼侍讀  
學士孝宗卽位閣臣意忌之擬陞南京吏部侍郎上手  
去南京二字下之詔議祧禮禮官請祧懿祖以德祖比  
宋僖祖百世不祧守陳疏言天子七廟祖功宗德故凡  
號太祖者卽始祖必以配天若商周稷契直推功德非  
但原本統也宋僖祖及我朝德祖僅可比商報乙周亞  
圉非稷契比議者習見宋儒嘗取王安石說遂使七廟  
既有始祖復有太祖太祖配天又不得正位南向名與  
實乖非禮之正時不能從又上講學聽政疏大要謂人  
主一日之間居文華殿之時多處乾清宮之時少則慾  
寡心清政務可成天下可治陛下御極以來聽納忠諫  
放逐奸表持此不懈可幾堯舜臣愚過慮正始猶易保  
終實難若內養弗深外資弗博銳志少懈慾心漸滋有  
初鮮終古今大誠上嘉納自後特御午朝時召大臣便  
殿議政皆自此疏散之修憲宗實錄充副總裁在部與  
三原王公恕其持正論爲閣臣尹直所忌因屢疏請解  
部務謂尙書恕老成公忠然且不免于臣何有焉蓋爲  
直發也詔以本官兼詹事專職史館嘗言國可滅史不

可滅靖難後不記建文事遂使當時朝政與方黃死事諸臣皆闕落無傳及今蒐採尙可補葺景帝三正位號英宗實錄標目猶書郟戾王附宜改正凡留中諸疏雖忠言正論關係國家大政事例不得登實錄宜宣付史館以備遺亡疏具病不果上遂卒年六十五上聞訃驚悼贈禮部尙書謚文懿守陳爲人孝友平恕于書無所不讀有得卽爲論著早歲嘗作四書五經私抄敘正錯簡更定其章句擇取諸家之傳註而自以所見立說晚年更加刪定文章力追大家所著有晉菴稿桂坊稿鏡川稿及東觀金坡銓部諸稿初爲洗馬時乞假歸里次一驛其丞與抗坐卒然問曰公職洗馬日洗幾馬漫對之曰勤則多洗懶則少洗忽有一御史乘傳至則其門人也跪而起居此丞乃匍匐請死守陳笑遣之其雅量復如此

守阯字維立守陳弟成化元年舉鄉試第一入國學祭酒邠嚴下獄率六館生伏闕訟冤十四年進士及第授編修秩滿故事無遷留都者會從兄守隨爲李汝省所逐欲并逐守阯乃以爲南京侍讀守阯怡然就道曰此

吾家盛事何懟耶弘治初召修憲宗實錄直經筵再遷侍講學士時給事御史龐泮等以救知州劉遜悉下獄吏部尙書屠蒲奏遣他官攝之守陟貽書蒲以不能執奏專務順旨極詆訕十年大計京官守陟時掌院事上言臣與詹事府學士王鏊俱當聽部考察但臣等各有屬員進與吏部會考則當坐堂上退而聽考又當候階下我朝優假學士慶成侍燕班四品上車獨臨雍坐彝倫堂視正三品今四品不與考察學士亦不應與臣等職侍講讀稱否在聖鑒苟非其人當賜黜有不待考察者詔可其奏學士不考察自守陟始修會典充副總裁尋遷南京吏部右侍郎嘗署兵部陳時弊五事又署祭酒考績入京會典猶未成仍留爲總裁事竣遷左侍郎還任進二秩武宗立引年乞休不待報竟歸詔加尙書致仕劉瑾亂政奪其加官瑾敗乃復守陟博極羣書少時師事兄守陳後學行相埒其爲解元學士侍郎皆與兄同又對掌兩京翰林院人豔稱之守陳卒守陟爲位哭奠者三年目視爲不良從兄守隨爲逆瑾罰輸米千二百石苦無措守陟方告歸積俸四百金將分授諸子

盡出以代輸夫人少有靳色怒曰兄弟急難豈暇顧其子耶年七十卒例應得諡卒爲冢宰所厄學者稱碧川先生

守隨字維貞與守陳同祖舉成化二年進士授御史巡視漕運覈大同軍餉巡按江西所至以風采見憚疏陳六事言郟王受命危時削平禍亂功甚大沒諡以戾此非先帝意權奸逞私憾者爲之宜亟改易尙書李秉一時良臣爲蕭彥莊所逐乞卽召還御史朱賢婁芳僅犯公罪遽除名乞復其官西征之役以數萬兵討出沒不

鄧志稿 列傳七

十二 四明叢書  
約園刊本

常之寇千里轉輸曠日持久恐外患未平內地先敝乞速班師官軍犯罪未結正者遇赦卽原致此曹遷延以冀倖免自今厭證明白者卽據律定案毋使逃罪在外官俸兵餉有踰年不給者由郡縣蓄積少也請于起運外量加存留以濟匱乏奏雖不行人聽其議太常少卿孫廣安母喪起復守隨與給事中李和連章論之乃令守制八年冬以災異陳時政九事有謀撓吏部權者創例方面官須令京堂推舉京堂缺須內降守隨疏爭得旨奪俸三月已又劾奏奸僧繼曉罔上之罪直聲動朝

建山東饑或請命吏納銀免考授冠帶守隨極言不可而止擢應天府丞未上丁母憂歸服除補原官初按江西時奸民李孜省習變幻術恣暴鄉里守隨治其罪擬遣戍而孜省走京師覓緣中貴遂以左道得幸授太常寺丞守隨還京劾奏孜省以賊得罪不宜典郊廟百神之祀因改上林苑監未幾孜省益用事得以小簡白百官賢否吏部嘗擬守隨南大理少卿再擬大理寺丞皆格不下孜省阻之也及是隨例入覲忽詰吏部守隨以憂歸何爲懸缺以待吏部對以補而復缺非懸缺乃竟

鄭志補 列傳七

十三四明叢書

約圖刊本

誣以添註斥守南寧弘治初召爲應天府尹勘守備中官蔣琮罪

此事問志誤屬之作府丞時不知前以憂歸未上也

琮族其黨郭鏞劾

守隨按給事方向獄不公責遷廣西左參政久之進按

察使八年召爲南京僉都御史提督操江歷兩京大理

寺卿九載滿進工部尙書仍掌大理寺事孝宗崩中官

張瑜等以誤用御藥下獄守隨會訊擬大辟中官李興

擅伐陵木論死令家人以銀四十萬求末減守隨持之

堅獄詞得無變後以中旨免適廷臣以內廷取戶部餘

鹽四十萬伏闕爭奉旨詰責是何大事守隨語韓文曰

事誠有大于此者時劉瑾等八虎亂政乃與文及張敷  
華等定議命郎中李夢陽草疏請誅之合眾伏闕上屢  
遣慰各官還治事守隨等言之益力大學士劉健謝遷  
復中主其說遂得俞旨而退越三日命瑾簽書司禮監  
張永谷大川羅祥魏彬馬永成邱聚各筦樞要不復在  
左右守隨曰是乃使之握權其害更甚於左右親倖也  
乃獨具疏言內臣劉瑾等八人日以荒縱導陛下或在  
西海擊鷹縱犬或于南城躡峻登高禁中鉦鼓聞于遠  
邇宮中火炮不間宵晨引車騎而供執鞭之役列市肆

而親商賈之爲方且竊弄威權詐傳詔旨放逐大臣刑  
誅臺諫廣納賄賂濫授金貂傳奉冗員多至千百武勇  
召募收及孩童附意者進官忤己者褫秩天下但知畏  
瑾等不知畏陛下授以兵刑財賦之區根本機  
密之地或掌團營或主兩廠或典司禮或督倉場上下  
胥護神人共憤伏望大奮乾綱立置此輩重典宗社幸  
甚疏入不省未幾傳旨致仕瑾憾未釋坐覆讞失出逮  
赴京罰米千石輸塞上復坐庇鄉人重獄除其名追奪  
誥命再罰米二百石至鸞田宅脫簪珥又假貸以輸詔

指守隨與劉健謝遷韓文張敷華林瀚及科道等官凡五十三人目爲奸黨頒示天下瑾誅復官還所奪誥命又十年卒年八十五贈太子少保諡康簡弟守隅

守隅字維德登成化二十年進士授工部主事改兵部車駕司掌郵傳符檄中官向濫用黃馬快船道路爲之驛騷守隅請內府勘合宿弊遂除故事命勲臣一員督收馬役歲終以倒死椿頭稽報時南和伯方壽祥恃寵不法守隅論置之罪轉職方員外郎郎中擢江西左參政先是寧藩祿米例石輸銀一兩寢踰其半守隅啟王

鄧志稱列傳七

十四四明叢書

約園刊本

曰江右災傷所宜軫卹撫巡官欲裁如例然不卽上請者欲惠出自王而天下以爲賢也若奏而從之恩不將歸于有司乎寧藩如所請及逆瑾肆毒誣人不法事有罪應籍沒者守隅力爲之辨瑾怒先後罰米四百石奪職歸瑾誅起原職移四川適流賊藍老人麻六等猖獗蜀漢間多方捍禦蜀土以寧陞廣西布政使乞骸骨歸日與伯仲觴咏自適未嘗一造城府人以爲不愧諸兄

云

按吾邑在前明時大位不乏人而一門以風節著莫

如三楊至今婦孺猶熟其名然自張司馬嘉靖志及李志聞志曹志事跡頗有脫誤或紀其小而遺其大蓋諸公不及見孝武兩朝實錄且其時亦未有明史故各據所聞者書之今考正本傳復參以舊誌所載國史鄉評交資互備庶幾先正言行得盡見後世云董琳字廷瑞景泰五年進士除南京監察御史時留都戶兵刑工四部尙書及國子祭酒皆不職遂抗章論之錦衣衛都指揮劉敬父子怙勢肆虐特疏其不法竟黜敬而戍其子風裁凜然轉山東按察僉事遘疾乞歸卒

鄧志稱列傳七

十五四明叢書

約園刊本

子鑰字啟之弘治庚戌進士初爲上海令政聲籍甚內擢監察御史時山東按察副使楊茂元以論太監李興平江伯陳銳治河不法事并及外戚興銳誣爲妖言張后尤怒之逮下獄鑰上疏論救人服其敢言既而出按雲南鎮守太監孫景與參將盧和交構累經案鞫莫敢決鑰承旨一訊輒得其情皆置大辟巨豪惴怖焉及劉瑾竊柄除不附己者乃矯詔逮之勒令致仕瑾誅復召竟以病不起

李志

黃隆字自立號南谷潤玉之子景泰五年進士授南刑

部主事一夕獨坐有青囊踰垣擲入隆不啟視詰旦持  
白尚書楊寧中有白金五錠則湖廣稅長繫獄求釋者  
陞廣東按察僉事巡撫系盛稱其才後改福建復以撫  
臣薦下璽書旌異中貴黃賜橫甚羣僚皆爲其母上壽  
隆獨不往陞四川按察副使松潘隣于吐蕃餽運率十  
而致一隆議開屯田所餽餉別給以銀民便之遭父喪  
歸不復出從子溥字存吾以貢授蕪湖訓導奉寡嫂撫  
弱弟孝友篤摯學者稱南厓先生隆孫異字啟亨弘治  
十五年進士授南京刑部主事積資陞岳州知府苞苴  
屏絕門無私謁忤巡按御史遂乞歸屬吏贖以千金却  
不受士民涕泣以送爲立石誌去思後副使吳廷璧莅  
岳知岳人誦之不已因題岳陽樓壁曰棠陰如蓋滿樓  
前啾啾人傳舊守賢在郡不聞驚犬吏歸囊尤乏買山  
錢可以想其風概矣

李志

吳桓字廷用父江正統間以閩右徙實京師桓侍行中  
景泰四年順天鄉試選汀州通判嘗攝府事剖決若流  
庭無滯訟時漳州衛官以豪資凌轢儕輩至死上下結  
納莫敢誰何積十數年不決桓被檄按之輒寘于法上

杭阻山爲固民多反側適朝廷遣重臣巡視民間訛傳  
勦之輒嘯聚欲亂桓單車往諭眾爲帖然丁憂服闋改  
常州職專督賦賦戶長歲致千金爲餽名曰分例錢桓  
峻却之時王文肅公俛語人曰管糧官不受分例自洪  
武迄今僅兩人周同知吳通判耳秩滿當遷常民詣闕  
請留陞本州同知加四品俸凡閱五年均徭役導水利  
招流亡給田種民歸業者相望宜興山暴崩墊溺漸死  
者眾桓發倉賑之又捐俸倡諸富民俾共出粟爲助靖  
江濱海風潮蝕田額稅無辦桓躬爲覈實請以新漲沙

鄧志稿列傳七

十七四明叢書  
約圖刊本

田補焉撫按薦章凡七上以病乞骸骨進階中憲大夫

常州府知府致仕

嘉靖志

陳淳字德温幼有雋才九歲能作長松賦景泰四年舉  
於鄉知欽州以廉明稱時靈山民有大獄株連數百人  
會大暑牢戶皆滿淳止繫當坐者數人餘皆出之守大  
怒淳據法力爭竟不能屈舊有義倉貯穀二萬餘石積  
爲豪強所侵悉徵理之歲適大祲民賴以活州境接蠻  
獠前有司多索奇貨時至啟蠲淳盡却所饋不受終淳  
之任邊隅寧輯撫按交薦擢廉州知府命下而卒弟英

字廷賢登成化八年進士知廬陵縣縣積苦征役英鈞  
稽戶籍定賦法豪家猾胥俱不得售其奸民困以甦歲  
旱禱雨輒應邑中火適大風不可撲救亟焚香告天風  
止火熄民頌其異仕終監察御史英子玘嘉靖十一年  
進士歷南北刑部主事改車駕司亦以御史卒官

嘉靖志

錢璉字廷珍少善屬文揮翰立成父象爲建陽典史鄧  
茂七反犯所治象率民壯擊却之有婦其功者譖于監  
軍曹吉祥遂逮治璉扶象聽鞫鞫者嘗之璉曰父子之  
道天性也豈有父受枉而子不侍者乎鞫者見其幼卽

鄧志稿 列傳七

十八 四明叢書

約園刊本

以父子主恩命題作七藝璉立就鞫者歎曰象有子如  
是何必爲此卑官遂白其誣後登景泰甲戌進士除廣  
西監察御史歷任雲南江西按察使遷福建左布政使  
所在有聲以忤時左遷甘肅行太僕卿廐馬蕃息邊兵  
用是以強值孝宗初御採用人望冢宰三原王公恕將  
舉璉適璉者績入京道病遂運章乞休人皆高其勇退  
璉世居梅江歸田後念瀕江田多苦淹沒與兄珪首捐  
貲創築長隄計二百八十丈被其利者三邑七鄉民德  
而稱之曰錢公塘珪亦好義嘗輸粟賑關西詔階承事

郎聞

志

薛穰字有年宋知衡州朋龜十一世孫也性聰敏好學天順六年舉應天鄉薦授涿州知州俗素悍值歲祲盜賊四起穰至誅鋤強梗復發倉粟以賑饑氓賴全活者億萬計三年用薦改知灤州灤故孔道徵發繹絡穰徵輸供億各得其宜不煩而事集歲苦河決築長隄以捍之遂爲永利致仕歸橐不入私室置產與昆弟共之散其餘祿於鄉族日所行事書以粉簡倣古人黑白豆之意敦飭至老不倦工詩文並善書法得者珍之孫淋別

鄧志稿 列傳七

十九 四明叢書

約園刊本

有傳

李志

毛弘字士廣登天順丁丑進士六年授刑科給事中成化三年夏偕六科諸臣上言比塞上多事正陛下宵衣旰食時乃聞退朝之暇頗事逸游炮聲數聞於外非禁城所宜有況災變頻仍兩畿水旱川廣兵革之餘公私交困願省游戲燕飲之娛停金豆銀豆之賜日御經筵講求正學庶幾上解天怒下慰人心帝嘉納上從學士商輅請自改元後建言者悉錄用弘請斷自踐阼以後召還給事中王徽等不許

按此本明史然疑是天順編聞事成化未嘗改元也

修章懋黃仲昭檢討莊景以諫鰲山忤旨廷杖謫外弘  
抗言三人出自草茅初居翰苑不顧一身敢言直諫真  
盛世事願乞復官先是修撰羅倫亦以論李賢起復被  
貶弘言之益力謂倫不足惜天下將以言爲諱遂得旨  
四人俱改官南京此據李杲堂耆舊集明史本傳不載  
而分見于莊景等傳考其年月李賢  
起復在成化二年倫復官在次年章懋等諫鰲山在三  
年改南京卽在是年且同時有翰林四諫之稱率連書  
之當不誤會懋懿太后崩詔廷臣擬別葬弘言慈懿作先帝  
配爲皇上母內外無失德葬宜耐裕陵主宜耐太廟爲  
萬世不易定禮皇上生事兩宮如一今慈懿崩乃欲別

御志稿列傳七

二十四明續編  
初國刊本

葬是有二也太后不從當幾諫以合道無使得罪天下  
用是皇太后亦開悟竟得合葬如禮聲動宮闈呼爲毛  
秀才太后欲識其面垂簾見之弘在垣中數論事帝頗  
厭苦有昨日毛弘今日毛弘之語欽天監正谷濱受賊  
當除名命贖貶秩正一真人張元吉有罪論死詔繫獄  
弘固爭皆不聽三遷至都給事中得疾暴卒子驛弘治  
甲子舉人知光山縣從子益正德庚午舉人知廣昌縣  
俱有惠政民祀以祠明史本傳兼李董山文  
獻志李杲堂耆舊集  
楊文卿字質夫安成訓導實之子成化戊子發解浙省

戊戌舉會試第二爲刑部主事時有尹清夜飲殺人事  
覺匿豪家令其妻賄同飲者張鐸承之文卿訊知其誣  
根捕尹清坐以法又有逋寇席英王勇白晝殺人邏者  
不能得追躡賊所過逆旅主人逮繫之有夏廣才者坐  
窩主論死文卿又爭之曰廣才迫于兇暴飲食之耳何  
物之窩竟出之諸如廣才例論死者二十人皆得釋陞  
山西提學僉事嚴條約公勸懲嘗曰考試糊名此革提  
學之弊非革士子弊也不自爲弊安用是乃竟不糊名  
士亦無異論屏巫覡毀淫祠凡寺觀皆更爲社學選俊

鄧志稿 列傳七

平西明徵書  
約圖刊本

秀弟子讀書其中風俗爲之一變陞山東提學副使其  
教如山西積勞致疾卒文卿爲人剛毅臨事確然不可  
奪居官律己務主清約屏絕私謁身沒橐無餘貲惟圖  
書數篋而已所著有菘畦集筆談類稿茗溪集若干卷  
子叔通正德戊辰進士授南京禮部主事歷兵刑吏三  
曹陞湖廣提學副使積官至山西左布政初文卿卒官  
有司賻贈數千金叔通皆却不受及分藩山西有羨餘  
金鉅萬悉歸于公人以爲廉儉有父風云

嘉靖志

楊茂元字志仁文懿公之子生負異稟能視烈日久不

眩讀書過目卽成誦第成化十一年進士授刑部主事  
同曹楊仕偉以事忤汪直誣以受賄徵其贓仕偉廉不  
能輸同曹斂手莫敢顧茂元爲代輸且手署曰刑部主  
事楊茂元俸銀十兩直見之詫曰此人好大膽由郎中  
出爲湖廣副使改山東弘治七年河決張秋茂元陳三  
事各爲一疏合上之其一言天下事任專則功成官多  
則民擾今皇上旣命劉大夏治決河復遣太監李興平  
江伯陳銳來同事以張秋方掌地而三大臣羣聚於此  
費用萬億可爲寒心臣聞各官初至祭大河天氣陰晦  
帛久不然忽結爲人形面目畢具萬人驚駭此神明示  
戒乞將李興陳銳取回獨用大夏且水陰象也欲消其  
變宜嚴宮禁近聞后戚家威權大盛假其名號橫行河  
道間不可勝數乞少裁抑其一言近聞明旨訪求天下  
畫工臣謂皇上御極收用名賢罷傳奉之官塞寶石之  
門絕四方貢獻出奇禽異獸于外今明詔忽及此使人  
得窺聖心所向乞收渙汗于旣頒天下幸甚其三言山  
東連年旱澇差科繁重近又差都知監李全前來鎮守  
加派供給將何所出況朝廷設官極備不知此鎮守復

理何事乞將李全取回以甦民困疏入下山東撫按勒  
奏言焚帛之異誠有之所奏供億多過其實于是興銳  
連章劾茂元妄而帝又入外戚張氏言遣錦衣衛百戶  
胡節逮之父老遮道訴節乞還楊副使及陞見茂元長  
跪不伏帝益怒置之詔獄節乃遍叩中官備言父老懇  
冤狀中官亦爲感動會言者交章論救部擬贖杖還職  
特謫長沙同知謝病歸起安慶知府遷廣西左參政正  
德四年逆瑾擅命御史出盤查取賂人謂饋以千金可  
免禍茂元曰千金非盜官帑則剝民脂以此自救畏無

鄭志補列傳七

三四明叢書

約圖刊本

妄之災而犯有名之律也卒不饋瑾遂勒致仕瑾誅起  
副都御史撫貴州討平箠子坪諸苗再進南刑部侍郎  
卒於官弟茂仁字志道成化丁未進士歷官四川按察  
使所至以剛介稱從弟茂清守陞之子以蔭知貴池縣  
莅事明決善斷滯獄仕終沔陽知州

明史本傳  
及耆舊集

章鑑字元益成化丙戌進士選庶吉士改兵科給事中  
彈劾不避權貴會妖僧繼曉得幸王公貴戚皆膜拜受  
戒鑑極論其左道亂風俗乞正典刑以清朝紀疏入繼  
曉遂失寵不敢肆惑一時直聲大震陞都給事論列益

切權豪斂迹時同邑毛弘亦在諫垣都人爲之謠曰毛黃門口章黃門手毛章在朝神驚鬼走後威寧伯王越鎮邊殺平民首級邀賞鎰發其姦及越掌京營虧耗卒伍復連章論之反爲所中遂掛冠歸以詩文自娛不涉

外事久之卒

李志

屠浦字朝宗號丹山登成化二年進士試監察御史命勾稽湖廣軍儲出巡按四川盡革舊弊時王越掌院薦其可大用擢都察院右僉都御史歷遷至右都御史以人言改掌南京院事占城國爲安南所侵王子古來奔

鄭志稿 列傳七

正四明叢書 約園刊本

訴于朝浦受命往勘移檄安南喻以禍福因請停冊使俾古就館受封募勇健千人護歸國古以金寶奇器異香爲報峻却之其國人別以疏請上命受之再辭乃止弘治改元命總督兩廣軍務討猺賊俘斬數百賜金綺召掌院事以疾乞假歸旋丁內艱服闋擬補南京上特命還掌院事進左都御史加宮保以災異陳二十事多見采納寧化王罪干倫理迹涉曖昧既逮至京辭不服瀟摘訊官疑誤微開其端多所寬釋彖宰闕廷推四人上親書瀟名付內閣陞吏部尚書黜陟至慎每考察見

以喪去者非大過不熟注選至煙瘴遠地必停筆良久  
以土俗稍宜者補之奏著爲令會知州劉遜爲岷王所  
誣就逮給事御史龐泮劉紳等六十二人交章論救上  
怒盡繫之獄瀟遣他官分攝諸科道事同里楊守阯時  
爲學士貽書瀟謂大臣當執奏不得遽爾處士沈周有  
題楊宮詹與屠太宰劄子詩語尤相刺然越六日上卒  
從瀟請釋諸言官後見石田集有此詩乃次韻具述其  
事時多內降官瀟奏言天下士有業詩書勤案牘冒鋒  
鏑竭筋力者積數十年不得官而白身之人貧緣僥倖

鄭志補列傳七

三五四明叢書

約園刊本

如拾芥不可以爲訓因得稍減有請開納馬例者疏言  
內藏與太僕見積尚多忽開是例使人疑國用大耗邊  
裔將生心議遂格重建清寧宮成詔西僧慶讚瀟率諸  
大臣力陳不可又因彗見奏十事以早視朝勤聽政爲  
首其餘如汰冗官黜異端罷莊田停改造皆切時弊會  
台省論列大臣戶禮刑工四部尚書皆去位瀟因召對  
論周經不當去戶部言官并劾瀟遂命致仕正德初召  
至京仍以太子太傅掌吏部尚書兼都御史時逆瑾盜  
政流毒搢紳瀟力不能爭獨隨事斡旋保護士類瑾以

私憾鉤擿前兵部劉公大夏事必欲寘之死請爲之委曲解釋乃止謫戍前都御史嘗笞辱御史以媚瑾瑾以諷滿瀟不可瑾意不滿奪月俸者再自度時事難爲復乞致仕歸卒年七十三上輟朝一日贈太保諡襄惠瀟性寬容在部堂令辦事官捧硯時新衣白綾甚澤其人誤傾汁狼籍惶懼請罪瀟笑遣之鄉人柴氏者昌稱屠公子干調郡縣人以聞于瀟意必大譴責瀟但呼而戒之曰汝爲吾子亦不辱但難爲汝父耳法有明禁自今慎弗復爲其雅量類如此子侄正德辛未進士由中書進吏部文選員外郎以書翰名從子僑

鄧志稿 列傳七

二五 四明叢書  
約隱刊本

僑字安卿舉正德六年進士以才授御史按居庸關時承平日久武備俱廢僑周覽關隘愾然曰此國家之北門也因繕治城堡障障實軍伍飭火器舉刺諸邊將常若臨大敵同事多謂僑喜事僑不爲止武宗詔擒生虎使命屢至僑抗疏曰虎惡獸也生致之必擾其爪牙陛下徒取玩一時竟不惜民命耶且非萬乘所宜近事得履命按江右寧藩久蓄異謀賊結中外知僑廉潔獨心憚之使所厚鎮守畢真齋重裝自浙饋之拒不納已而

與巡撫孫忠烈公燧其謀翦二司官之黨濠爲姦利者會以憂去嘉靖改元入臺首疏請日視朝親賢圖治會選曹係江右人以僑前按江右時不容其私遷知保定府詭曰三輔重地非屠御史不可至則剗理宿弊都指揮白璽以稔惡聞論治其罪總兵陳瑾橫甚役使郡縣僑曰國典具在太守非總兵屬吏也不爲屈竟爲瑾所中調守延平尋擢山西參政山東按察使進廣東右布政使改福建左使所至以廉稱入朝者四未嘗持一物饋遺遷光祿卿改大理寺進刑部右侍郎以災異免復

鄭志補列傳七

五七四明叢書

約開刊本

用薦起爲左侍郎拜刑部尙書改左都御史值嚴嵩柄國以曾銑事傾夏言僑與刑部尙書喻茂堅大理卿朱廷立等擬銑比邊師守備不設律斬上不許令更擬于是以交結近侍官員紊亂朝政律斬又十二日言亦逮至僑復與刑部大理寺據曾銑律以請而別謂言實當入議所謂議貴議能者上切責僑茂堅等阿附言竟棄市後以議丁汝夔獄請貰其死時嵩亦力爲汝夔地不能得議奏帝怒杖僑等仍命復職在位凡八年卒贈太子太保謚簡肅

按二層名位至顯例應入于國史而襄惠無傳簡肅則僅附于周恭肅傳末言其屬相嵩時廉慎自持風紀不振至同時諸臣章疏中則時及之而襄惠尤多此明史所以不立傳之故歟然襄惠之寬厚簡肅之清介終始一節不幸值權璫姦相威福已出致晚節不得行其志較之阿附者則尙有間矣聞李志曹志及甬上善舊集專據李少師東陽所作襄惠墓碑呂太傅安所作簡肅神道碑節錄成文謂襄惠嘗力與瑾抗則乞歸何以能善其去謂簡肅屹然山立大疑大事以身當之無沮色則議獄何以不力白夏曾之寃徒使熟于明史者見一二過當語并疑平生善行皆緣飾今止據其實書之覽者知人論世棄瑕錄瑜則二公固不失爲名臣也

金澤字德潤成化丙戌進士授刑部主事改南京歷遷郎中讞獄明允擢四川參議播州宣慰厚餽金幣磨却之知其以庶長奪嫡按論如法革三長官司撫安七十二寨羣苗帖服土賊李廣聚黨殺通江官吏劫帑藏鄉民王伯榮犯順焚蕩縣治澤設方畧偵其魁所在先後

鐵之銅梁新設民多貧固澤拊循有方邑以寧輯獲賊  
號野王剛者狙獗湖陝間上命三省會勦澤提川兵出  
以重賞激將士竟擒剛磔于市陞廣東布政使會贛寇  
陸梁遷右都御史巡撫江西兼總制閩楚南廣便宜從事  
澤嚴明節制有不如命輒斬以徇流賊滿天明等一時  
俘馘畧盡諸蠻聞風震懾累轉南京兵部侍郎後遂徙

居金陵

嘉靖志

朱瑄字廷璧第成化己丑進士授工曹督修通州倉漕  
舟例有輸納概却之監稅蕪湖嚴禁法外苛征歲入溢

鄧志稿列傳七

元氏四明叢書  
約圖刊本

常額無毫髮私改兵部郎中奉命賑饑鳳翔先稽戶定  
籍按數以給必周復貸穀種牛具招流民歸耕所存活  
數十萬計陞河南參議進參政以身律下貪墨吏皆斥  
去改本省右布政使擢右副都御史巡撫南畿江南屬  
邑多無主逋糧鄉里歲受其累疏請蠲免秋稅折布錢  
每重派下戶而勢豪家得私免瑄立法均之京邑科差  
煩重禁育司毋額外擾民營行部太倉忽病中風醫言  
得鹿血和藥可治瑄謂吳中一鹿值錢數千乃命破耳  
取血僅足和藥而還之疾亦愈遂請老老稚遮道哭立

祠祀焉瑄歷中外幾四十年家無餘祿郡邑大夫稔其匱乏以薪米餉一無所受歲饑家且絕食都御史王璟奉命賑濟饋米四十石瑄謝曰飢民則有之豈有飢官乎妻子竊尤之當道嘗檄樹綽楔固辭曰費官錢煩民力不忍爲也兒童有戲以紙錢相貨者父老戒之曰朱都堂尚不受真錢若輩乃用假錢乎其爲市井人信服如此卒之日貧無以爲斂至黃棺于市肆

李堇山四明文獻志

李堂字時升生時其父夢有神抱送八歲日記數千言屬對敏捷甫成童督學胡榮試其文大奇之卽稟于郡

鄭志稿 列傳七

三四明藏書

約圖刊本

庠登成化丁未進士授工部主事監稅蕪湖時中官宋昂怙巨璫李廣勢阻遏商人搜括行李堂力厄之凡商稅嚴立計簿昂侵蠹無所得歷陞營繕屯田二司議革南京蘆洲積弊禁易州廠科罰定順天府工匠減借薪司雇役及內府柴炭等直并請添差科道官監收巾帽局皮帳成著爲令清寧宮災以郎中承勅督監首請發內帑免徵天下以蘇民困羣議工費既定堂抗言減十之五比工成猶贏其十之三時提督英國公張懋兵部尙書馬文升工部尙書徐黃等旣蒙蔭賞合章保堂公

勤精敏宜膺殊賞有旨陞京職二級堂三疏辭免明年  
勅建禮部公署及修闕里卽取向諸風羨民用不擾兵  
部請築京師外城阻止之停南京內府不急工役召還  
燒造饒器內臣痛抑寧藩濫請及議霸州葦地征租太  
重元宵燈火糜費皆切中時弊陞應天府丞會歲饑盜  
賊蠭起相聚堂單騎喻禍福惟斬首亂者餘悉解散應  
天鄉試有以賄囑者爲奏黜其三人歷遷工部左侍郎  
督修徐汴河鎮守太監廖堂與逆瑾表裏深嫉堂竟爲  
所中因力請疾歸里詔許乘傳俛痊日有司勸駕後乾

鄧志稱列傳七

三十四朝載書

約國刊本

清宮災朝議起之不果歸田十五年築堇山草堂讀書  
其中所著有正學類編四明文獻志堇山全集學者稱

堇山先生

耆舊集兼采  
邱李二志

章銳字元進給事中鎰之兄也成化壬辰進士歷任秋  
曹剖折滯獄如老吏有中貴橫奪鹽商利且構成其罪  
株連幾百人銳直其枉後守鳳陽誅巫覡之以左道惑  
眾者杖釋其黨孝宗卽位應詔上言鳳陽軍民利弊及  
時政闕失率多議行明年復上陳十八事言極剴切在  
郡減修陵之用至數萬值旱蝗爲疏額神自引罪請無

貽民病雨輒應蝗亦旋弭復疏請蠲稅三之二陞湖廣  
參政撫流移節浮冗禁飭政府官校之橫擾者督監衡  
州雍邱省工費不賈會錦田苗獐反山多瘴癘當事者  
憚不行銳獨蒙犯霜露以孤軍深入平之至臨武威疾  
垂沒猶呼從吏囑某事某事云何遂卒子濟以孝友稱  
從孫槃字邦貞號三洲嘉靖乙未進士歷監察御史謫  
興化推官屢遷至廣西按察使僉事所至以治行稱開志  
張曷字仲明都御史楷之孫其先慈谿人後徙鄞舉成  
化八年進士授鉛山知縣性剛明不惑神怪有嫁女者

鄞縣志 列傳七

三四男 叢書  
列國 邦本

及門而失女兩家互訟官不能決曷行邑界見大樹妨  
稼欲伐之從者言樹有神不可伐曷不聽率眾往有衣  
冠三人拜道左求宥叱之忽不見比運斤血注曷怒手  
斧之卒仆其樹樹窟有巨巢墮二婦人言爲狂風吹至  
樓上與三少年俱其一卽前所失女也有巫能隱形淫  
人婦女曷執而痛杖之無所苦已并巫失去曷馳縛以  
歸以印印巫背鞭之立死乃盡毀諸淫祠曷釋與凡邑  
孝子節婦皆致之胙有節婦子持胙歸爲虎所噬鄉少  
年欲難曷代婦書牒請得虎抵罪曷與婦期五日乃齋

戒祀城隍神祈得虎不則撤壇墮而更新之及期二虎  
果伏庭下叱曰食吾民者法當死無罪者免一虎起斂  
尾去一虎伏不動曷射殺之以昇節婦一縣稱神君鉛  
山俗婦人夫死輒嫁有病未死先受聘財謬稱供湯藥  
者曷欲變其俗令寡婦皆具牒受判署二木牌一曰羞  
願嫁者跪之一曰節願守者跪之民傳四妻祝氏不欲  
嫁舅姑給令具牒跪羞字牌下曷判從之舅姑謂婦曰  
令君判汝嫁矣祝不可投後圃池中死舅姑怒實土填  
其池俄而邑大旱曷意有冤獄夜宿神祠默禱夢婦人  
投牒泣拜覺而記其里居姓氏往至婦家啟土貌如生  
曷哭之慟曰殺婦者吾也爲文以祭罪其舅姑天遂大  
雨乃改葬婦且疏於朝請建祠祀焉諸異政多類此擢  
南京御史弘治元年七月偕同官上言頃陛下免喪遣  
官告孝陵將祭陰雲忽變暴風大作豈皇祖神靈以是  
啟陛下俾益謹履霜之戒歟請略陳之邇者臺諫交章  
論事矣而扈蹕糾儀者不免錦衣捶楚之辱是言路將  
塞之漸也經筵旣舉矣而封章累進卒不免寒暑停免  
之說是聖學將怠之漸也內倖雖斥梁芳而賜祭仍及

便辟是復啟寵倖之漸也外戚既罪萬喜而莊田又賜  
皇親是復縱姻婭之漸也左道雖斥而符書尙揭于宮  
禁番僧旋復于京師是異端更興之漸也傳奉雖革而  
千戶忽除張質通政不去張苗是傳奉復啟之漸也織  
造停矣聞仍有蟒衣斗牛之織淫巧其漸作乎寶石廢  
矣又聞有戚里不時之賜珍玩其漸崇乎詩云靡不有  
初鮮克有終願陛下以爲戒帝嘉納之先是南京御史  
黎鼎以雷震孝陵柏樹與曷共劾大學士劉吉等十餘  
人給事中周紘亦與同官方向等劾吉吉銜之其冬曷

鄭肅列傳七

三四四期藏書  
續國刊本

紘奉命閱軍軍多闕伍曷約紘同舉劾守備中官蔣琮  
琮怒反奏兩人擅作威福章下內閣吉修隙擬黜之尙  
書王恕抗章曰天下大政惟賞與罰今不治失位之罪  
反罪執法之臣何以服天下帝不聽恕再疏爭言官亦  
論救乃調曷南京通政司經歷紘南京光祿寺署丞久  
之曷用薦起四川僉事富豪殺人屢以賄免御史檄曷  
治果得其情尋進副使守備中官馬某將進術士周慧  
于朝曷擒慧論徙之極邊歲餘引疾歸環堵蕭然或絕  
食夫人慍曰公素廉徒苦我因出金珥易米曷問所從

來曰此門生某所餽無預公事曷給取玩投之水卒不得米都御史王璟以賑荒至餽白金堅拒不受璟固請乃受下戶飢民例一分以答其意知縣丁洪曷令鉛山所取士也旦夕候起居爲具蔬食曷曰吾誠不自給奈何以此煩令君卒謝却之及卒含殮不具洪爲經紀其喪

按舊誌及臬堂耆舊集專採張公異政錄張皇其事語頗繁絮而于官御史後章疏及觀察川中諸政績則概略之甚矣人人厭常而好異也今據明史本傳

郵志補列傳七

三五四明叢書  
約圖刊本

補入而異政錄所載亦節存其概云

金洪字惟深郎中亮之子舉成化二十三年進士授靖江知縣歲餘以才堪治劇改令吳江靖江民建祠祀之吳江素號難治豪右與胥吏比輒委役下戶每占一役不至破產殞軀不止任里甲者率視爲鬼域洪歎曰虐政有甚于此乎乃裁抑勢家剷革狡吏廣爲分派以殺其力又減節冗費歲省數萬計公無逋負而民困亦蘇邑人德之生子至有以金命姓者當道爲請于朝頒其法通行諸邑焉每直指至吳江民獨無訟怪問之郡守

曰金令固善撫民也時邑游饑保留在任凡七年陞御史巡按陝西并勅督修邊事罷免大小文武官不職者數十員時有車載冠之誣條陳地方便宜十事俱見施行改差山東有二巨奄出選武皇帝婚勢焰薰灼所至需索動以千計洪乃先發一檄盛稱二使廉正有司不許妄有科率損使者賢名隨道張之且度所至輒尾其後竟不得肆又鎮守太監以家人昌充勇士糜月糧洪奏請裁革月減糧數千石適青州賊戴崇濟南賊楊欽嘯聚爲患久而勿靖洪設方略勦平之又陳地方便宜

鄧志稿 列傳七

三十四朝叢書  
一統圖刊本

詔如所請洪前後裁抑宦官逆瑾不能堪揭其名于壁且使人諷之冀以賂謝不爲動乃欲擯之邊郡吏部以洪勞績甚著得補松江瑾怒洪前在陝西有告婦梁計兒謀殺其夫傷而不死者辟案已成洪以其夫不親告爲辨出之瑾因駁洪有私矯旨爲民洪又減松江官布價司庫奄不得賂詭以布惡言于瑾械洪至京幸案牘明甚竟不能害瑾誅詔起原職不赴子櫟正德丁丑進

士仕終職方主事

鄧志

鄧志稿卷七

鄧志稿卷八

甬上蔣學鏞聲始撰

列傳八

施應麒字應祥祖童嘗爲孟津縣丞以惠政名自慈谿徙鄧應麒領成化四年鄉薦通判衡州改懷慶御史武卿委理開縣荒田三千餘頃增子粒三萬石懷慶民張志上疏請開導河渠功未成而志得罪巡撫徐恪乃檄交應麒疏鑿五龍枋口廣濟河渠凡大小九十餘處造橋設牖二十座灌田二千餘頃民德之陞池州同知

鄧志稿列傳八

一四四  
新編 七  
取書

建昌饒撫衛爭屯田歲久莫決巡撫命應麒往勘據洪武永樂版籍以鬪爭遂息方以賢能薦遽致仕歸加授奉政大夫應麒嘗遊楊文懿公門教以明體達用之學

歷官二十年貧如昔

李

王瑄字宗玉成化十七年進士除臨邑令值歲洊饑疫厲大作瑄親往問賜藥物無所避白于監司請振不待報遽發粟吏執不可瑄曰罪在令不在若也每訟至立決未嘗收繫丁外艱服闋陞南京監察御史尋授長沙知府府故有吉藩羣小暴橫不法前守多被窘辱瑄至

訊其渠魁白吉藩誅之羣小畏戢儀賓史朝忠與羣閹積不相能而承奉朱泉頗有贏貲泉一夕暴卒羣閹遂誣朝忠利其貲致毒冤不能白瑄爲白之其鋤強仲抑類如此以母喪免起復卒于途瑄天性孝友母失明日拖持凡寢與飲食必親護視弟性嗜酒多所忤一不與較推己田宅與之身沒子孫以貧約聞

李志

陳振字時起成化十七年進士宰吳縣縣故劇邑鎮以廉平治稱最陞監察御史所陳章疏一不以語人轉福建按察副使連丁內外艱起復至京值正德初逆瑾用事諸以事至京者必執贊其門振獨徑赴部不往見瑾銜之改官雲南時邊寇煽亂振親冒矢石勦平之瑾索其費不得名益顯遷苑馬寺卿乞骸骨會有旨徙官以山東右布政使致仕歸後家無餘貲餽粥僅給足不踰戶闕言不及時事鄉里罕見其面

曹志

孫紘字文冕成化戊戌進士授鎮江推官以廉能稱擢南京監察御史有國戚奪民田萬計民灼其勢莫敢言言亦莫爲直紘至悉按版籍還民太監郭鏞犯後湖私渡禁無所忌紘抗章劾罷之守備太監蔣琮冒奪民蘆

洲及侵後湖墻地爲田紘率諸御史共劾奏不勝坐謫  
廣德州判官尋陞知州務持大體不爲煩苛豪滑斂迹  
而良民不知有官府期年譙樓巢鶴產鶴城南有汗濱  
不澄自清州民爲記石誌其德紘少貧母病思豚肉不  
可得乃傭書得值買肉以供母母含淚舉筯及貴終身  
不食肉人問之以他語對從子漳正德六年進士官至

御史亦以清節聞

李堇山  
文獻志

李文昭字誠之成化庚子舉人通判淮安東海有富民  
殺人屢年不決一訊得其情鹽城大饑道殣相望乃說

鄧志瑞  
列傳八

二三四明叢書

約園刊本

守長屬僚各捐俸入合公私米得數千石文昭親爲粥  
以哺飢羸活人以萬計沈陽有腴田數萬頃隄湮河塞  
旱潦俱病文昭爲疏導陂障民甚賴之頌曰東海死冤  
公來始白沈陽萬頃賴公封殖回紘降寇馮啞八倡逆  
勢猖獗撫臣張縉檄文昭監軍進討平之奏上其績遷  
南寧同知飭已愛民一如在淮時監榷梧州得羨餘三  
千金悉籍于官撫臣陳金薦遷潯州知府已而命下得  
重慶未行況村土官黃文昌反單騎往諭降感瘴疾不  
起自大吏至士民咸痛惜之

邱志

李麟字仁仲童時爲文輒奇偉舉弘治六年進士授營繕主事歷武選員外郎車駕司郎中陞江西參議正德初入賀至京逆瑾方張賂遺成市或勸借貸行賄可得美缺且責償于民麟謝曰進退有命贖貨獵榮何爲時州郡承風科斂旗校偵事交馳於道麟不爲意竟忤瑾罰米九百石瑾敗乃釋寧藩恃勢凌傲鎮臣以下皆折節麟不爲屈陞廣東按察副使提督學政丁憂歸服闋改貴州陞四川參政有劉太監者奉命迎佛還至成都所至科擾無算麟但飭郵傳如故事省費鉅萬遷貴州

寧藩傳八

四四朝叢書

總圖刊本

按察使轉左布政司引年歸杜門掩迹不一涉公庭時或寓意吟詠鄉人皆宗之有心齋稿八卷

邱志

陸偁字君美尙書瑜從孫登弘治六年進士授監察御史歷陞福建按察副使巡視海道時海寇充斥居民遭焚蕩偁乃濱水戰及火攻法又編海艘爲什伍程其出入立賞格定保甲邊徼肅然已而汀漳山民嘯聚當路以兵事屬之偁增築三堡據險設伏謀賊半至磨伏擊之又張奇兵夾擣俘賊無算事平閩人爲勒石月港以記其績後被論歸監司行都至訪以利害力陳東湖陂

隄宜修築宅山堰洩水入江者多宜培之使高監司如其言鄉人蒙惠焉子鈞別有傳

邱志

包澤字民望弘治九年進士授監察御史巡按湖廣勒王府侵田歸之民參將趙昇嘗杖殺戍卒奪民園舍賄結權要人權要人皆庇之聞澤至密行萬金賂澤按之如法儀寶蕭璉凌鏢諸司有罪不就逮王實爲之窟澤曰藪亡格憲非制也當上聞王懼出璉付獄所至墨吏望風解印綬去大和宮巨璫素怙寵恣意爲民害聞澤按部輒戢其下曰毋縱包公擒汝矣巴東多洞蠻難于

鄧志稿 列傳八

五四明叢書

約圖刊本

遙制澤度地奏設九溪永定兵備諸蠻爲之懾服其風裁幹畧類如此鄴有猾盜詹揀尸者善發古墓事覺繫獄澤方居鄉盜啖其隣人袁孟一持黃金數錠玉椀二祈澤丐免澤曰此爲墓中物無疑當不待教而誅者也亟言于官置之法天性孝友二親沒諸弟妹尙幼力爲鞠育及宦成俸入皆均之無少私又買山田四十餘畝爲同族營葬之需所著有東川政畧十二卷從弟沐以貢授石埭訓導爲人端嚴動遵古禮陞泚水教諭未拜卒從子梧字子木生而穎異讀書過目輒不忘領嘉靖

元年鄉薦通判蘇州時織造太監倨貴判皆庭參梧獨  
長揖諸額外取索皆裁之因爲所誣奏逮詔獄謫無爲  
州同知量移成都改漳州同知瀕海盜賊長吏視爲泛  
常弗問梧特設奇鉤致時有株連人情殊不帖帖竟奪  
職歸澤孫大燿嘉靖三十八年進士歷官工部郎中

及半湖  
日錄

李  
志

呂和字克中登弘治十二年進士爲臨淮令臨淮乃陵  
寢重地多開國勳裔又水陸要衝財匱民困和振飭綱  
紀鋤強扶弱值歲歉發公帑貸種穀民用甦息以其暇

鄭志稿 例傳八

六八 四明叢書  
續國刊本

興水利修馬政擇子弟之秀者聚之學宮躬爲程試毀  
淫祠四十五所以其材葺新公宇僧尼悉還編籍每中  
使過其邑恣貪虐取索常不貲和乃覈符驗緩急而節  
量之治其從役之尤橫者由是多假他道以去丁父憂  
歸濠民悲泣爲圖像祀之服闋改建平道出臨淮民逃  
道挽留太守邊翼以簡書嚴畏曉諭再四始聽出境建  
平俗囂好訟和按其豪黠不可化者數輩窮治之姦惡  
斂迹時黃河水溢臨淮民赴闕請和復任而建平民恐  
其去羣數百人往爭之士大夫莫不歎異陞刑部主事

歷員外郎山東按察僉事有王尚書弟倚勢殺人當道莫敢誰何竟置之辟長清令劉儒內結權貴貪虐靡所忌痛繩之爲所誣下詔獄久之始白臨清指揮柏紹不法巡按屬和治紹逃至京匿權璫家和遣健卒伺于皇城外捕得卽莅其罪遷陝西副使繕漢中寧羌諸城南鄭金州學圯久不修命立之酌丁差之規停更番之戍州縣各立祠以祀進四川按察便道上隴以儿似多拂同官意被論落職

邱志

陸健字文順爲諸生白于僉事陰了淑悉毀境內淫祠

卷八

七

刊本

初鄆學遍于寶雲寺請徙寺于戒香菴齋趾而以寺趾爲明倫堂登弘治十五年進士官刑曹陞貴州僉事會乖西苗亂山徑險而曲久莫能克健乃佯爲罷兵之議募黠者薙其髮作行腳僧乞施胸懸小囊盛草實爲苗境所未有者撒歧路東西分處先下令軍中令人取拳石附膝間戒弗去及春草種生下令去膝間石視草所生處疾行抵苗窟賊皇遽不及戰走踞山巔滾木石如崩雷健先期爲板屋其材人各肩一以入抵其處卽構之礮礮不能傷賊驚爲神又先遣壯士援山掩皆後樹

幟發砲賊賊亂奪氣無鬪志斬殺無算所俘二千餘人  
殲其魁諸宣慰酋長爭攜牛酒犒軍且獻黃金健怒磨  
其金咸咋舌頓首苗境悉平時刷卷御史威凌兩司兩  
司皆俯首下之健獨與抗卽公堂執其從人之爲奸者  
用是銜之沒其戰功已而轉福建副使憤恚遽卒囊無  
餘貲鄉人號鎬官于閩爲之治棺斂歸其喪

聞志及  
耆舊集

錢璿字廷佐万伯奐之子弘治己未進士初令潛山見  
公署器物侈麗卽愀然曰此民脂也未能利民而先累  
民乎命撤之潛俗刁梗璿以寬和臨之民自愧服巡撫

鄧元福  
列傳八

八  
四  
明  
書

新園刊本

彭禮按部至無一訟詞十大府禮歎異之按臣劉淮以  
青陽獷悍難治調瓊宰青陽檄下潛民相顧錯愕曰奈  
何奪我父母去時璿方喪內遣柩歸邑人皆裂麻執紼  
助輿出境至青陽值旱雨隨車至民歌之署其門曰四  
知門下交遊少三尺法中欽恤多陞廣西桂林府同知  
歲方宸申上官奏免秋稅清覈屯田軍民皆德之擢南  
刑部員外歷郎中多平反冤獄擢雲南僉事獎廉黜貪  
王守仁手書一道清風四字以贈轉廣西按察副使瓊  
故官桂林士民習知治行咸喜其復至嘗鞠囚梧州夜

夢婦人麻衣投牒而哭厥明按故牘有王姓者初謂其兄殺之妻刁氏更訴其姪有司蔽罪于兄瓚謂兄年六十長其弟二十年力衰不能毆壯者至死是必姪所殺欲呼刁質之刁已死乃悟夢中婦卽刁也一訊而服其論疑獄類如此已而告歸橐無長物長子崑嘉靖元年舉人知信豐縣以慈惠稱庶子嶧嘉靖二十三年進士徐州兵備副使治尙嚴明民不敢犯曾孫若廣隆慶五年進士官臨江知府事詳其子啟忠傳

李志翁采曹志及甬上香齋集

張時孜字惟善弘治十二年進士知東莞以憂歸改令

迎志稿 列傳八

九四期叢書  
約園刊本

萍鄉萍鄉本涓邑吏弊蝟聚紛不可理又當孔道冠蓋雜還令策馬迎送無已時時孜至獨簡于接應略無餽遺日較簿握算搜剔諸蠹窮脊且不休或勸其自爲計不應裁允費均力役懲奸胥適天旱步禱于神雨立沛竟以勞瘁卒萍鄉民德之祠于學宮

李志

陳槐字公輔弱冠魁鄉薦登弘治十八年進士授松溪令巨璫奉璽書至諸令長競奔走賂遺猶懼不得當槐獨無所懾邑素不習絃誦乃大興學舍朝夕督課士多向風陞刑部主事去邑人祠祀之積資陞武昌知府至

則汰酷吏抑豪族歸王府侵田于民奪鎮守私侵湖課  
政績爲諸郡冠尋以病乞休并條上十三事疏三奏乃  
許正德戊寅用湖廣巡撫薦起知撫州時寧藩蓄逆謀  
已久槐語巡撫孫公當出巡旁郡聚士馬芻糧以防變  
孫不能從又語巡道許公請各府選兵會操許公行之  
不密寧藩覺而遏之槐自密爲儲備叛報至人情洶洶  
槐立焚其檄時郡縣文移尙稱寧王槐卽斥爲逆濠貽  
書王都御史守仁願爲犄角已而守仁檄諸郡會兵槐  
以兵糧夙具卽率眾偕吉安知府伍文定先赴守仁用

鄭志齋列傳八

十四明叢書

約圖刊本

爲領哨官設伏黃家渡八字腦等處陣擒逆黨拱枏等  
收復九江南康諸郡時統兵官皆儒將無紀律前哨入  
南康將軍中尉府皆被焚掠槐亟斬部下七人始戢守  
仁方遣槐檻送宸濠詣京值武宗南巡守仁被讒以宸  
濠付太監張永命槐偕行就留都獻俘時永得內外官  
交通宸濠籍以問槐槐勸焚之惟以錢寧陸完等六人  
名上江彬輩導上遊幸命浙直進地圖常之惠山蘇之  
太湖虎邱徽之黃山杭之西湖紹興之蘭亭寧之普陀  
皆將遍歷焉槐語張永曰傳聞聖躬已違和而六飛戒

行未已無乃危乎永鬻然入告劉夫人始還京會辰州  
苗叛當道謂非槐不治時已暑江西兵備副使改調湖  
廣已復以勦勞命扈從武宗崩閣學楊廷和欲留四外  
家邊兵彈壓京城部議將從之張永以問槐槐曰是皆  
江彬羽翼也速驅之尙恐後況置之臥榻之旁乎永遽  
白太后令歸邊衛廷和亦悟卽日遣之徐聞永之請出  
于槐偉其識屬草遺詔槐具十事以進其中有連勦衛  
及中宮者廷和不能用其後御史楊材故槐舊吏有夙  
怨誣劾槐當宸濠叛時觀望桂萼從中主之落職歸世

宗錄平濠功守仁與方獻夫胡世寧先後上其績于朝  
會守仁亦受誣竟不得直止蒙白金文綺之賜閒居二  
十餘年著半湖日錄所載本朝事及梓里掌故皆歷歷  
有據初邑西廣德湖田課稅至重爲民害者數百年儒  
士楊允恭控奏槐適在京與太宰聞淵陰左右之得輕  
折民德之立祠湖田中事詳水利志

按槐初知撫州語孫許二公防變事見所遺王文成  
書中其告張永令扈駕回京及撤邊兵事見萬季野  
弭變記邱李二志及聞志曹志謂公在撫州數月復

以病乞休聞變始起兵設公果將謝病則必不復預備不預備則勤王之舉必不能爲諸郡先又以楊材劾公卽在武宗初沒時者亦誤考半湖日錄公之歸田其歲月可稽也今改正

張泮字味芹舉弘治辛酉鄉試初知豐縣以扼于權貴不得伸其志願改教職爲養母地得汀州府教授時汀學久荒泮無登賢書者泮加意造就集講經義激勵而振恤之正德己卯汀士領鄉薦者四人同官爇殞于道泮經紀其喪言于郡縣俾得歸葬兩攝邑事以清慎

鄭志稿 列傳八

四明叢書 卷一 約國刊本

自矢邑人頌其有循吏風丁母憂歸未幾病卒踰十有四年汀士追思之爲立石于學宮

汀州府志

聞淵字靜中弘治乙丑進士初授禮部主客司改刑曹時逆瑾方張以失囚詰責諸郎吏挫辱之眾並震懾淵委蛇自如瑾敗廷訊猶抗詞不服淵厲色折數其罪瑾語塞伏辜太宰楊一清器之調稽勳員外郎歷考功郎中改文選司會大計有墨吏二人賄錢寧欲逃其罰尙書陸完懼寧威淵執不可寬斥之累官應天府尹故事守備中官受民詞下府幕淵曰中官安得受詞幕吏安

得爲中官議獄一切禁絕嘉靖初張璠桂萼以南部郎  
獻大禮議欲借淵名爲疏首謝不預改尹順天遷太常  
卿晉南京兵部侍郎舉馬永輩十餘人後皆爲名將召  
爲刑部右侍郎遷左陞南京兵部尙書淵素知中貴侵  
權諭其屬曰官有法紀中貴不得侵部郎部郎亦不得  
侵有司是今大事不由通政司達者置不理小者悉付  
有司民自是無妄投訟牒者初張璠爲刑曹嘗題詩于  
壁及大用或諷淵勒碑于堂淵曰此尙書堂也吾敢以  
相公今日故爲郎官勒石就移南吏部召爲刑部尙書

鄭憲稿列傳八

十三四明叢書  
約關刊本

周用卒代爲吏部尙書歎曰使我前十年爲此官猶可  
爲今何時哉大學士夏言柄政淵老臣不能委曲徇數  
爲所困乃折而從之及言失旨罷位命部議淵謂言事  
祇任意迹涉要君請上自裁決上大怒責淵阿附此係  
言再  
罷相時事及後復起用  
始以河套之役得薦及嚴嵩當國勢益橫部權悉爲  
所撓數以小故奪淵俸淵年已七十遂乞骸骨歸家居  
十四年卒贈少保諡莊簡從弟澤字美中號克齋正德  
甲戌進士授職方主事武宗南巡偕同舍郎黃鰲陸震  
等疏諫下詔獄罰跪午門五日杖三十奪俸六月世宗

卽位錄前諫南巡者陸倕一級改武庫歷車駕郎中守直軍士歲給冬衣然頒發多後時或有凍死者澤請及時給散士感其德遷江西布政司參議便道過家上家感疾卒澤弟源字立中舉嘉靖壬午鄉試令建安陞刑部主事轉員外郎授衛輝府同知致仕卒

按鄉里之傳皆以貴溪之獄莊簡有力焉至今雖婦豎無不嗾鄙不知此語始于何人考之世宗實錄則惟貴溪罷相有迹涉要君之議世宗手批謂言實要君何云迹涉實以阿附權貴若曾銑之獄則屠簡肅

鄭志稿 列傳八

十四 四明叢書

爲都憲與司寇理卿共定爰書非莊簡也分宜作相莊簡誠不無委蛇其間然尙非同郡趙司空比故屢爲所挫明史謂其晚厄權相功名稍損而實錄則稱其凝重深沈終始一節裔孫性道作邑志遂多溢詞李杲堂耆舊傳亦未免爲晚節諱而于貴溪一案反少辨白今據實錄及明史爲主參以邱李二志庶幾得實至湖田減稅之功迄今廟祀別具水利志中此不復述

王應鵬字天宇號定齋少爲諸生卽慨然論經濟以豪

傑自負中正德三年進士知嘉定縣魏國公弟徐淮橫  
行州縣間應鵬執其黨治之吳郡通判索糧長金應鵬  
發其贓巨萬徵拜御史武宗喜微行應鵬屢疏諫詔迎  
烏思藏佛復力諫奉命清查福建戎政兼理鹺事時鎮  
守太監崔某縱部下鄭八李鎬漁利虐民輒擒治之貽  
書戒厲崔某不敢怨庚辰出按山東務持大體上南巡  
從容酬應無不辦壬午督學畿內戒士子曰學莫先立  
志近來士習見儕輩有力學敦行者輒指摘非議必欲  
于無過中求有過此忌刻庸鄙徒自絕于君子耳又曰

鄧志稿 列傳八

十五 四明叢書

約園刊本

國初氣化渾厚發而爲文論事析理足被世教近時文  
體衰薄動以古書字句相摹擬求其中則索然無有不  
惟文日以降卽居官任職往往乖理僨事此學術之禍  
也再遷大理少卿嘉靖改元進僉都御史巡撫畿內以  
討平王朝相賜金綺再疏辭曰願陛下留以待有功適  
晉寇陳卿倡亂官軍數敗上震怒特改巡撫山西賊懾  
其名卽解散斬首亂者數人遷副都御史上疏陳時務  
謂當今國事未定人心未一譬若大病初起元氣尙微  
宜休養生息以俟其充論者昧此求治太速綜覈之嚴

翻成刻核使陛下頻年望治不得享一日安靜和平之福內閣方獻夫見之歎曰此當今之藥石也未幾以臺愆下獄免歸里居名益重臺省累舉者逸卒不召用所著詩文集行世

書舊集參用印志

董鏊字濟之御史琳從子也登正德六年進士授戶科給事中儀表英偉武宗以董長子呼之每遊燕煤褻必問董某在否蓋憚之也嘗疏陳時政六事切中當世弊忤權貴復爲同進者所擠謫溧水丞後武宗忽問其姓名將復用而鏊已卒初在京邸有藩伯以重賄遺一大

鄒志稿 列傳八

十六四明叢書 一約圖刊本

僚黃姓者其使誤黃爲董遂投于鏊遽召其使還之終不發其陰私其謹厚如此子恪領嘉靖元年鄉薦仕鬱林知州孫棖以歲貢任教諭曾孫光擘領萬曆三十一年鄉薦以儒術世其家

邱志

汪玉字汝成世居鄞之大雷山故自號雷峰年十六七讀性理諸書潛思默悟以聖賢自期正德三年第進士授刑部主事轉員外郎陞湖廣僉事攝辰沅兵備時承順土官侵保靖地權要多爲所餌勅大臣按治又有爲之左右者玉按故籍持之堅永順唱以金貝玉命擒其

使使遁去乃心銜玉令刺客偵之玉屹弗爲動卒正其  
侵地之罪嘗構書院于沅之明山日聚生徒講學士多  
興起己卯巡武黃會宸濠反陷九江黃蘄與接壤吏民  
爭欲駭竄玉沿流入斬日夜修城增埤募民集兵不踰  
旬而辦境內安堵然性剛不爲當道所喜歷六年巡按  
毛伯溫始疏薦擢郴桂兵備副使賊王廷鑑嘯聚率民  
兵搗平之不自陳其功旋丁外艱服闋補臨清兵備稽  
費省役及陞山東按察耆幼泣送滿車下尋以卓異擢  
僉都御史巡撫順天首奏罷邊將不法者二人畿內賊

耶志稱列傳八

十七四明叢書

一約園刊本

楊恭倡亂京師震動玉調參將郝通指授方略擢之居  
無何以積勞病渴乞休不許卒于官玉爲人勁特論人  
必求其心術之微天下鮮當其意者己或有過纖毫不  
自蔽所著四書粹義書經存疑雜錄記敝篋稿若干卷

子坦別有傳

邱志及  
獻徵錄

謝汝儀字國正少鞠于祖母及長奉事篤摯登正德九  
年進士授餘干令時中貴督茶稅聲燄薰灼汝儀不少  
阿徇其害稍戢富民邱氏殺人囑勢家關說不聽卒按  
如律擢監察御史劾外戚陳萬年宦官王堂及奸黨何

明等罪狀直聲震一時尋督直隸馬政出按廣西上疏  
乞寬假議禮諸臣首觸忌諱人爲凜凜陞按察僉事備  
兵嶺東擒大盜曾蛇仔移漳南設海防四策改授巡海  
副使奏設詔安縣安邊館立墩臺蓄番兵爲一方保障  
擢雲南參政築尋甸嵩明二城滇南賴之尋陞江西按  
察使便道歸適祖母病沒汝儀過于哀未幾以毀卒邱志  
戴鰲字時重鞏昌守浩之孫登正德十二年進士授刑  
部主事見繫囚滯獄令櫛沐以蘇瘍有方士言人陰事  
多驗卿相以下迎致恐後鰲心知其妖檄召訊之果挾

鄧志稿列傳八

十八四明叢書

約園刊本

採生術遂置之法遷四川僉事兼署安綿兵備繕樓櫓  
遠斥候羌戎不敢犯境民獲安息龍州土官多以賂結  
兵備至同殮燕恣肆干紀莫敢誰何鰲以法束之不少  
貸涪江當松灘襄漢孔道風波洶涌渡每不測鰲戒工  
市材造船三十二爲梁四十餘文橫互如坦途未幾以  
忤時宰奪職家居八年時宰沒起爲河南僉事尋轉江  
西參議提督糧儲江西故多遺糧每鈎稽吏胥輒緣爲  
奸不可振刷鰲立格做前史年表例逐歲而稽奸不得  
行而乾沒者悉償遂無復負者移饒州兵備副使兼督

造尙方磁器窰戶每爭利至持刃相殺鬻爲條畫禁治  
爭鬪之習遂息又以不能媚悅後相嫉言官論之坐廢  
四年起爲廣西府江兵備時猛獠嘯聚稱亂撫臣謀會  
師征之鬻曰此不足煩大兵密選精銳數百命指揮林  
瑞等授以方略深入仙迴松林歸化馬尾石田等山繞  
出賊腹攻之斬首百餘級俘其酋豪數十輩餘悉駭散  
陞江西參政山西按察使有奄豎殺人匿宗室家吏不  
敢問鬻卽收捕付獄巨商持宰相書來告逋欠杖而遣  
之曰朝廷監使爲賈豎掌錢債耶一知縣受賂按臣知

鄭志瑞列傳八

十九四明叢書

約詞刊本

其與當軸有連曲爲解且曰進士可惜鬻曰進士可惜  
一方民尤可惜竟劾罷轉廣西右布政使改四川左使  
丁外艱服闋補江西陞副都御使巡撫四川入蜀盡革  
煩苛以察吏職訪民隱爲亟所隸諸州雖羊腸鳥道必  
輕車詣之故老相語以爲撫軍旌節二百年來僅得一  
覩者屬吏皆悚息而江西舊僚有嘵鬻者以飛語傾之  
落職歸鬻精于吏事而負氣高亢不屑俯首權要又不  
爲同事所權故屢起屢躓未竟所施初居家時見賈人  
利番舶闌出無禁作海防策至嘉靖末年果驗又以河

道湮塞作鄞水利三敘尤功于桑梓其戴中丞文集若干卷藏于家長兄鰲次鯨弟鰲皆登甲科人稱同胞四進士

鰲字時鎮號靜山弘治己未進士初令太和撫按以才堪治劇調興化適大祲請粟得三萬餘石賑民二萬六千有奇瘞道卒二千三百有奇收遺棄小兒官爲哺養荒政爲諸邑法稍遷刑部員外部陞尋甸知府郡故蠻方百度未舉鰲至始築城立學設壇壝置常平倉如中土又縱獄囚張小頭白華等使之捕盜用命有功旣告歸立宗祠以敦讓教族里年八十餘卒

鄭濬列傳八

二子四訓 續書 約園刊本

鯨字時鳴號南江嘉靖癸未進士授番禺令以嚴懼虞衡主事營繕員外郎刑部郎中俱在南京陞江西僉事有考功郎況維垣欲毀庠垣以廣其宅託李御史爲之請鯨曰況君非孔子徒耶不許維垣嘆之中以蜚語謫鄧州倅遷同知汀州陞湖廣僉事丁內艱起復補建寧兵備改本省左參議旋丁外艱遂不出敫歷三十餘年僅餘薄田一頃性好書里居手一編不置郡志自成化後久不續纂乃蒐采補葺爲一書名四明志徵以其餘

爲文獻錄楊知州茂清授以父碧川所藏鄉先輩詩文  
鯨增輯之爲四明雅集所著曰東白樓稿

鰲字時化號少山嘉靖乙未進士以工部主事治徐州  
洪工成通商利漕人皆德之旋卒四戴中最天折事父  
母至孝中夜嘗數起就牀側伺起居計偕時同舟一友  
染疫眾皆棄去鰲獨周旋湯藥既沒爲具含殮其行義

類如此

邱志聞志  
及耆舊集

葉應驄字肅卿生而丰骨堅峙步履俱中尺寸爲人尙  
氣節不肯齷齪與里俗相倚阿讀書潛識默解務求合

鄞志稽列傳八

二四明叢書

約園刊本

于註疏之外舉正德十二年進士官刑部主事會上將  
南巡與同曹伏闕諫罰跪五日杖之朝瀕死嘉靖初遷  
郎中有相國子怙勢爲大奸事發繫獄司寇以付應驄  
論如法甲申大禮議起復與廷臣伏闕下詔獄又杖之  
朝又瀕死給事中陳洸者潮州人素鴟張無狀橫虐其  
鄉御史戴金張曰韜藍田奏發其奸六科十三道復合  
疏共列其怕酷敗倫納叛諸大不法詔刑官往按時洸  
方以議禮媚張桂諸人相朋結諸曹皆顧縮不敢任以  
屬應驄卽毅然承詔而南牒巡按藩臬共論鞠凡七訊

而獄成遂具奏置大辟等力庇之僅除名一時有手搏猛虎潮民得所之謠秩滿遷守吉安丁內艱家居而洗覆出爲惡反誣奏萼復力主之遂逮問應驄荷械言笑就道及廷鞫權貴其相折辱至不堪應驄不爲屈大聲曰驄故法吏所持國三尺耳諸公必欲直洗枉驄如國法何如鬼神何是日黃霧四塞次日大風拔巨木有詔從輕擬竟坐讞獄不實罪落職爲民洗必欲殺公復橫詆霍韜從中主持乃謫戍遼東鐵嶺衛得命卽挾室而行衛故絕邊控弦出入無常開府聞其名每延訪邊

郵志稿列傳八

三三四明叢書

約園刊本

務輒爲籌畫中機宜遼左諸生競執經集門下日與講論欣然忘其爲萬里戍也丁酉大赦放還明年明堂大享禮成復其官應驄平生執大議論事忼慨身瀕死者數矣而不撓不悔爲國直臣子萬景萬曆八年進士仕

至知府明史本傳

柴經字季常御史履之孫正德十二年進士授刑部主事司寇張子麟雅重之轉員外郎遷雲南按察僉事以憂去起補湖廣有鄭生以冤陷獄前監司嫌其富不爲理經理出之人無餘議沅州判官恃當路姻恣貪酷無

敢問者經按如法歷遷至廣東右布政使尋轉左使晉  
南京右副都御史提督操江兼署南大理寺會法司爲  
言官修怨文致人罪至死池州守亦爲前守滅仇家籍  
其貲株連數十輩經悉爲平反諸人銜入骨因嗾言官  
攻之竟落籍經天性友愛俸入與弟均之人有過未嘗  
發揚同里稱長者而性介介自粵陟內臺僚屬循例致  
賤謝弗受親故在邇顯不一致書問至國法所在尤堅  
執不撓卒以此齟齬子應賓嘉靖十三年舉子鄉知寧  
國縣以清廉著邑中士民有吏從冰上立人在鏡中行

鄭志列傳八

三四明叢書  
約園刊本

之頌陞知福寧州州濱海倭患方亟應賓爲增築城垣  
修治火器次年倭復犯境以有備挫刃而去州人德之  
爲立祠

邱志

黃綬字汝文正德二年鄉薦九年成進士授兵部職方  
主事遷武選司武宗南巡同兵部郎中黃鞏等疏諫下  
詔獄廷杖八十旋出監山海關又命督蘇松兩浙江西  
馬價有門生慕之謂此行乃膏腴之選綬不知也回京  
轉郎中歷官至山東按察僉事以親老屢疏乞養歸

曹志

兼采  
草志

陳璧字天瑞少孤力學正德十二年進士出知滁州滁  
故孔道使輶踵續費不貲璧力爲節省值武宗南巡隣  
郡徵發驛騷璧獨不甚科率民德之陞刑部員外郎時  
錢寧壻都督齊佐以奸黨亂政魏彬弟錦衣千戶魏英  
以內亂俱坐死已而巨璫奉命清獄欲出之璧直前爭  
曰佐受廖堂萬金用鎮陝西陷人死無算英姦子婦因  
殺死王長隨此而可縱孰不可縱二人竟不得出轉江  
西僉事初宸濠叛時布政梁宸坐附逆論辟巡按承當  
道意欲寬之璧曰宸一方長吏乃爲逆藩署僞檄遍移

郵籍列傳八

三四四明叢書

約園刊本

各省罪有浮此者乎不果釋當道心銜之改調四川復  
勒令休致璧外和內剛與人寡合自釋褐爲五品二十  
餘年薄田不滿百畝人服其清云

邱志

楊言字惟仁號后江正德十五年進士授行人嘉靖四  
年擢禮科給事中閱數日卽上言邇者仁壽宮災諭羣  
臣修省臣以爲責在公卿而不在陛下罪在諫官而不  
在聖躬朝廷設六科所以舉正欺蔽也今吏科失職致  
陛下賢否混淆進退失當大臣蔣冕林俊輩去矣小臣  
王相張漢卿皆得禍矣而張璁桂萼始由捷徑以竊清

秩終怙威勢以賊善良戶科失職致陛下儉德不聞而張翥輩請索無厭崔和輩敢亂舊章禮科失職致陛下享祀未格于神而廟社無衎幪之庇兵科失職致陛下綱紀廢弛而錦衣多冒濫之官山海攘抽分之利匠役增修而不禁奏帶踰額而不裁判科失職致陛下用罰不中元惡如藍華輩得寬籍沒之法諍臣如郭楠輩反施桎械之刑工科失職致陛下興作不常局官陸宣輩支俸踰于常制內監陳林輩抽解及于蕪湖凡此皆時弊之急願罷臣等以警有位帝以浮謗責之奸人何淵

請建世室言與諸臣廷爭不聽言復抗章曰祖宗身有天下大宗也君也獻皇帝舊爲藩王小宗也臣也以臣並君亂天下大分以小宗並大宗干天下正統獻帝雖有盛德非若周文武勅王業也欲襲世室名舛矣如以獻帝爲自出之帝是前無祖宗以獻帝爲禰卽宗之是後無孝武二帝陛下前旣罪醫士劉惠之言今乃納州之說前已俞禮卿席書之議今乃拂書之言臣不知其何謂也楊一清召入內閣言請留之三邊特旨拜張璠兵部侍郎言以璠貪佞險躁且新進未更國家事請罷

聰并劾吏部尙書廖紀引匪人同官解一貫亦諫皆不  
納有投匱名書御道者言詩卽燒之報可六年錦衣百  
戶王邦奇借哈密事請誅楊廷和彭澤等下部議未覆  
而邦奇復誣大學士費宏石瑄陰庇廷和詞連廷和子  
主事惇堦修撰余承勳同里侍讀葉桂章等將興大獄  
言抗疏曰先帝晏駕江彬手握邊軍圖爲不軌廷和密  
謀行誅俄頃事定迎立聖主此社稷之勳也縱使有罪  
猶當十世宥之今旣以奸人言罷其官戍其長子矣乃  
又聽邦奇之言而盡逮其鄉里親戚誣爲蜀黨何意聖

鄭齊列傳八

王公四明叢書  
一約園刊本

明之朝忽有此事至宏瑄乃天子師保之官百僚之表  
也邦奇心懷怨望交飾奸言詬辱大臣而陛下入曖昧  
之詞成師保之獄豈小人言必可信大臣行必可疑耶  
書奏帝震怒并收繫言廷鞫之羣臣悉集言備極五毒  
折其一指卒無撓詞旣罷下五府九卿議振遠侯顧仕  
隆等覆奏邦奇言皆虛妄上責仕隆等阿徇然獄亦因  
是解謫言宿州判官御史程啟充請還言舊任不聽稍  
遷溧陽知縣歷南京吏部郎中忌者傾之再謫夷陵累  
官湖廣參議忌者又傾之落職歸言爲吏多著聲績溧

陽夷陵皆祠焉

明史本傳

董瀚字宗理父銳見特行傳領正德十一年鄉薦嘉靖中知費縣費俗里正歲斂民錢爲令贄瀚佛然卻之有同產訟者毋右幼子而誣長以逆瀚廉得其情諭以孝慈民泣謝焚詞而去居八月以父喪歸得羸疾竟卒孫大晟字揚明諸生爲學探奇索幽以博洽稱所著有半樓雜集若干卷

邱志

范楦字廷儀號南泉正德甲戌進士官刑部主事陞廣州知府以覲典入朝會大禮議起與同邑王相等伏闕

鄭志稿列傳八

三十四明藏書

總圖刊本

諍詔四品以上奪俸五品以下各杖有差遂歸不復出楦兄槐弘治乙卯舉人杖正德癸酉舉人鄉里有三鳳之目

閩志

按楦之卒在嘉靖十一年張司馬東沙修郡志距其卒已二十九年而不爲立傳考他書伏闕諍大禮者有范祿無范楦或卽楦之訛耶聞志據其家乘補入今仍之

沈應奇字天瑞其父以閩右實京師攜應奇北行七歲能大書名動京師憲宗召試命書皇帝字應奇俯伏奏

曰書皇帝二字乞賜一几上奇之字復稱旨命授中書  
閣臣奏應奇童稚當使讀書不宜遽授官遂改送順天  
府學後從學于豐熙中正德己卯鄉試與修武宗實錄  
成授中書舍人歷六年將轉官會卒

周志

周薇字惟翰由儒士中正德己卯鄉試時舉太監鎮浙  
諸舉子往謁皆庭參薇獨長揖嘉靖乙未知六合縣皇  
太后梓宮葬承天道經六合所過民疲于役諸司多獲  
罪薇措置有方事集而民不擾當道上其勞績詔賜衣  
一襲以旌之遷同知重慶府督理皇木所贏金十四萬

鄭志稿 列傳八

三八 四明叢書

約園刊本

兩盡籍諸官遷工部員外郎陞河南參議未任卒其在  
六合民德之繪像城樓歲時致祭久之像損士民走數  
千里至鄞募其家遺像而去其遺愛入民如此

周志

沈汝璋字君重號蓮塘以儒士中正德己卯鄉薦授辰  
州推官祁寒溽暑必爲衣粥以給囚徒丁艱歸服闋補  
官武昌會太后合葬獻陵內使督陵工嚴有司見者皆  
匍匐汝璋獨長揖璫怒委以狎需物刻期不少貸汝璋  
從容籌畫無不辦璫反推重焉陞郎陽同知諭降房竹  
山叛苗薦章七上以分宜當國守土大吏多其黨辭疾

致仕嘉靖間倭寇亟議修城編戶疲于供億汝璋鬻產輸金于官勤行履役法紳士效之貧民稍蘇息焉隆慶初覃恩進朝列大夫壽九十二乃卒

聞志

陸鈞字容之號石樓福建按察副使傅之子正德甲戌進士授南京車駕司主事職掌郵傳一切符檄紛集綜理井井中貴濫用黃馬快船裁減十之五歷陞安慶和府自逆濠之變毒于兵發鈞撫以安靜歲大稔爲粥以食飢民全活以萬計已而陞貴州按察副使兵備龍里時龍猴二場軍人以貿易亂鈞往治攜死囚往戮數人

郵志稿 列傳八

三五四明續書  
約園刊本

眾驚懾遂繫誅倡亂者又王景羅者聚黑苗入寇鈞檄諭之卽星散歷陞廣西按察福建左右布政使晉都御史巡撫保定禁侈靡清侵冒鎮撫屬夷飭固城守會世宗巡承天鈞倉卒區畫百務立辦獨中貴與都護輩素賂不應爲所中御史胡守中希風劾之落職歸仲弟銓銓字選之號石溪嘉靖癸未進士授刑部主事以才典章奏改兵部武選時大禮議起同里豐坊以執奏觸帝怒有兵千人露刃夾坊于朝朝士皆驚散銓獨立候之見坊無恙乃出旣而與弟鈇同伏闕並廷杖下詔獄兄

弟運牀賦詩唱和後陞禮部儀制司郎中世宗方議制  
作定四郊親藉親鷺諸禮內降旁午宗伯倚辦于銓討  
論陳奏頃刻數四而輔臣以圖上祭器不先闕白銜之  
遷福建按察添注副使攝海道漳故盜藪諸奸人多賄  
監司闌出爲患銓獨嚴立禁網不爲射利者所餌盜皆  
斂迹歷遷廣西按察使時弩灘徭賊侯公丁雜處胡藍  
二姓間相助爲寇或議舉兵盡誅之銓曰堅賊黨而分  
我兵力非策也且順逆難盡明不若計殲渠魁而撫其  
餘監軍如其言弩灘果平陞廣東右布政使以內艱歸

鄧志稿列傳八

三四明叢書  
約園刊本

未幾卒季弟鈇

鈇字舉之號少石中正德庚辰鄉試辛巳廷對擢甲科  
第二授翰林編修以諍大禮與兄銓皆下詔獄後預修  
武宗實錄進修撰既而大禮告成張桂方在內閣憾前  
不附己出爲湖廣按察僉事晉江西參議釐革糧儲宿  
弊酌諸郡之贏縮驗物產之登耗而損益上下之人以  
爲便遷山東提學副使教士以實行爲先山東舊無通  
志鈇歎曰海岱山川之望也聖賢人物之宗也六經文  
章之祖也一方之志而天下古今之事備焉遂考古諏

今補遺訂訛日夕不倦志成而病上疏乞骸骨不許卒  
于官鈎母爲尙書楊碧川女兄弟科名之盛一如外家  
制行亦不愧云

聞志及李杲堂耆舊  
集全謝山族望表

周相號莓崖登嘉靖二年進士知臨川縣俗歸訟號難  
治相發奸摘伏民驚爲神擢監察御史六年靈寶縣奏  
黃河清五十里上謂神貺遣太常往祀羣臣表賀相上  
疏諫止上怒下相獄廷杖之六十謫韶州經歷屢遷至  
參政致仕有以遺才薦者起原官晉廣東按察使陞副  
都御史巡撫江西會籍沒故相嚴嵩家相監之奇玩重  
器山積一無所私踰二年復致仕歸從子汝觀登萬曆

鄞志稿 列傳八

三十四明徵書

新園刊本

丙子鄉薦仕至雲南副使

邱志

李循義字時行爲諸生以博洽聞學使者按試偶爲所  
遺卽上書自陳學使怒欲加譴乃試以滄海遺誅賦下  
和泣玉論循義援筆立成文不加點而詞義博奧使者  
大喜更相與歡飲而罷登嘉靖二年進士授池州推官  
尋詔入爲御史出按江西夏相國治新第欲徙旁近十  
餘家以大其宅移書相囑循義不可由是有隙次相嵩  
欲傾言聞其事使人諭意請論言開邊事而已從中下

之循義曰彼雖吾嫉然其恢復議甚正吾不敢毀大臣以媚大臣嵩怒卽改爲衡州知府未幾以疾告歸卒子生威字廉甫少穎異好學如其父長徧覽羣書文曰有名登嘉靖甲子鄉薦爲鳳陽推官汰舞文吏十餘人惟留木訥者給使巡按率寄耳目于司理司理因得竊其權以行私生威獨矯之凡陳事必于廣坐中未嘗咕囁耳語會與郡守有隙遂歸平日力持儉素衣食如寒士里人重焉孫櫟別有傳

聞志

陳侃字應和知廉州淳之孫嘉靖丙戌進士授行人進

鄭圭

傳八

三四明叢書

約園刊本

刑科給事中時閣臣張孚敬構陷學士夏言侃不平摘其幽隱悉數之不少忌遂爲所中命出使琉球涉大海瀕死者數終不懼琉球餽以金卻之還朝其使臣偕來以所卻金上奏上命受之終力辭而止陞光祿少卿仕終南京太僕寺卿著有出使琉球記

聞志

趙昊字子明嘉靖丙戌進士授行人世宗將遷獻陵昊上疏諫謂舜葬蒼梧之野二妃未從願太后少損貞婦之思致隆從子之義會廷臣亦多諫者遂止選授御史張璉桂萼以瑞蓮白雀爲嘉祥表上之昊奏言一物世

所常有大臣以此惑上聽罪在不賞報聞後太后忽聞  
獻陵不遷之故上以昊諫止對太后怒命下詔獄廷杖  
四十謫福建照磨稍遷池州推官順德同知晉刑部郎  
出知瓊州時方征黎昊恐濫及無辜自請監軍諸將憚  
之無敢妄報首功者後以與監司忤投劾歸至揚子江  
舟中鏗然有聲昊詢其故則其僕攜一小銅鉦昊痛責  
之曰吾在瓊止飲一杯水若輩敢私此乎命投之中流  
抵家後至無以爲生惟日以文史自娛云

曹志

史元中號鹿泉少好任俠善射習技擊先輩解之曰以

聖志稿列傳八

三三四明叢書

約圖刊本

子之才但稍治經生業得由甲乙科進身卽立功未晚  
也元中乃力學中嘉靖十年鄉試謁選得魚臺令邑多  
盜有簡瑞者爲盜魁勇健絕人元中廉得其親信授以  
計縛瑞以獻瑞臥廷下張目曰吾左持稍右短兵騎劣  
馬出沒方輿道上莫敢誰何今爲書生掩取天也元中  
曰若輕書生耶卽起著短衣持其所用稍運之旋舞庭  
中如匹練忽砉然稍斷爲三擲之曰汝稍豈足用耶瑞  
叩頭稱萬死至冬月將論決請于元中曰身亦山東男  
子不負公乞假十日一生別老母元中卽縱之去眾皆

懼及期簡果就獄離魚臺二十里爲獨山巨寇劉儀嘯聚其中有眾數千開府曾公銑議進勦以元中才屬爲前部旣擇日禡祭元中知獨山有謀者在軍乃命植一竿百部外持弓矢誓曰吾以書生討賊若賊當滅則三矢皆中此竿時萬目齊注監司諸將皆失色元中從容三發三中軍士呼噪震地卽察得謀者三人賜以酒笑謂曰汝來觀吾射耶謀者股栗盡吐虛實及所入徑道立提兵襲其寨擒劉儀曾公大喜手書平寇第一功相贈方論薦而曾遷三邊總制奏復河套檄令同事監司

鄧志禧列傳八

三四四明叢書  
約園刊本

以大盜初平留元中不果行三年任滿入覲值曾公爲相嵩所害赴西市歎曰事尙可爲耶卽日掛冠歸性喜山水或縱遊歷月忘反守令造訪思一見不可得老困于貧惟賣文自給所著曰青蓮集

香舊集

全元立字汝德父政性篤厚以貢歷常熟教諭元立登嘉靖十四年進士改庶吉士授檢討同修會典秩滿進修撰充經筵講官册封魯藩前此册使俱有餽遺元立獨卻不受王手題九山圖相贈曰此無玷太史裝也大學士嵩傾首輔夏公及楊沈諸忠相繼赴西市舉朝冤

之而莫敢言元立憤然曰使吾職臺諫當以言爭職廷尉當以法爭吾職史獨董狐筆在耳作告天文陳諸君子冤狀嵩聞而忌之時世宗設醮內廷命學士撰青詞自貴溪分宜華亭皆由之致大用元立雅不欲爲會命值西苑乃自請改南京便養同官袁煒謀代其任嵩以前憾遂授煒入值而授元立南京侍講學士實外之也煒用是入閣元立不以介意改南京太常寺卿郊壇逼近守衛營諸軍士穿墻垣爲捷徑元立繚以崇垣懸令踰越者罪聞有犯者罪如令衛軍鼓煽加橫語元立不

爲動樂舞生某以宣淫敗事連勳貴人勳貴人居間欲寢其事元立曰吾不持白簡議公後幸矣奈何撓吾法陞南工部侍郎會歲旱兩都大臣俱自劾相嵩從中主之遂聽其乞歸性至孝歸時髮已斑白益嚴奉其母出告反面母病自秋涉春衣不解帶居喪哭泣如孺子竟以毀卒孫天敘別有傳

邱志及耆舊集全氏世譜

汪鏜字振宗號遠峯嘉靖二十六年進士改庶吉士遷編修教習內書堂內書堂者諸少閣所業也鏜每爲談小雅巷伯諸詩以勵其志歷遷諭德王南京鄉試有當

軸以書屬其子不許遷祭酒頒五倫條約及清餼廩之  
乾沒者以給諸生尋擢南工部侍郎三遷至禮部尚書  
兼學士時江陵當國倨甚鏗與之無款曲亦無所忤久  
之引年歸孫樞字伯機以能詩著

者舊集

張淵字維本其族人在陳州因占籍河南中嘉靖二十  
六年進士授興化推官甫到官見道旁有作睨視狀者  
卽收訊之果遂囚一郡大驚攝仙遊令值瀕海塘壞又  
大禋主者難之淵請用范文正故事發粟廩飢民計日  
使受役塘成民亦賴以活以與上官忤平遷工部主事

郭志積列傳六

三十四明藏書  
約圖刊本

出知武昌府時營二殿徵大木於楚故事官募商賈貴  
厚者充役人皆皇駭引避淵定議遣官市木第召商習  
事者估值上下始帖然久之運木不下當事懼後期得  
罪淵知楚藩積大木無算乃多出金購之木遂足數較  
采運費省三之一以異等遷按察副使備兵紫荊有妖  
賊染大林乘饑倡亂與大盜安盈相犄角淵至設方略  
分其軍爲三鑿卒善緣險使先登麻陽兵銳甚爲中堅  
官兵持重居後俱勒兵以待淵素善風角夜起視天密  
令諸將乘月明進發賊數百人擒大林乘勢盡破旁塞

安盈亦就縛當事議上其功謝曰此俱飢民郡縣不能撫又不早蕪除使至此今尙敢居功耶議遂止歷遷貴州布政使復以積忤時遂投劾歸淵操守廉介罷官無餘貲同里余太常寅贈詩曰平生作事都無過今日論貧總不如人以爲實錄所著有革象新書六壬天文圖說

書舊集

黃元恭字資禮父宗欽嘗爲合肥丞出人冤獄後以金謝卻不受其人卽用所卻金造舟濟人以表其德元恭登嘉靖二十六年進士授營繕司主事所職與內官監

鄭志稿 列傳八

五十四明叢書 約園刊本

相關其長高忠虛列工匠萬計靡金錢無算元恭欲核實而後給忠不可因疏發其奸幾得禍皇貴如出葬諸中官扈從者故事人各爲席舍而裹楣柱以帛元恭曰此一日需耳顧耗官帑至此乃使數人共一廬斬茅覆苫而已庚戌京師戒嚴廷臣舉元恭將才奉命視南郭址築蘆溝橋俱立辦時相嵩方擅命元恭疏其罪乞早竄僇以謝天下疏已入銀臺矣尙書文明愛其才密從司禮取其疏毀之然相嵩已微聞其事遂判漳州稍遷南兵部郎出爲河南兵備復以忤撫軍李遂罷歸子靜

存以貢授隨州同知未嘗妄受一錢隨人德之祀於名

宦曹  
志

杜思字子膚嘉靖三十五年進士授營繕主事督造五鳳樓工成賜金綺轉都水司郎中出知青州州志久闕軼思手自纂輯李于麟爲之序陞斬黃兵備旋以事鐫秩補南寧知府安南入貢督撫議相見禮思以內外官體相等貢使見中丞如見宗伯禮見鈐轄如見太常禮從之遷福建參議罷歸

邱志

董邦樂字子藝給事鑿從孫也嘉靖二十五年舉于鄉

鄧志稿  
列傳九

三民四明叢書  
約園刊本

就選得浮梁知縣俗好訟數起大獄豪貴起而兩持之費傾乃已邦樂諭之曰若爭睚眦而以己產肥他人乎各感悔謝去訟爲少戢會上官嫌之罷歸孫應圭舉萬曆三十七年鄉試授南安推官改建寧歷和易鄧三州其在鄧有守城勞鄧人建祠祀焉

曹志

徐金星字紫庭嘉靖辛酉舉于鄉令池州府之建德以

治稱召入爲御史時重甲榜凡乙科雖行取無得入臺省金星獨從異數掌河南道遷按察僉事致仕

蔣良弼字巖臣號警菴父九華見孝友傳良弼少時晝

臥夢一白鬚翁語之曰汝父陰行善加汝一塊貴骨因手摩其頂驚寤額上果一骨隱起嘗讀書城南袁氏樓其下爲刑人所時有海盜十三人方論決每昏黑卽呼嘯或以砂礫擲行人遇者輒病良弼一夕聞鬼聲甚厲推窗謂之曰汝輩自作不靖抵法今旣死尙貽害生人耶自是遂闕然張文定與其父同研席見良弼極器重之願久躡場屋外兄聞賢卿官闕中招之往賢卿向與蔣都閻善勸令占籍陝西遂舉嘉靖四十年辛酉鄉試一上春闈報罷以親老家貧謁選得建德令建德地瘠

鄆志稿 列傳六

三九四明叢書  
約圖刊本

民姦一切契要詭濫不可究詰良弼一以敦悃治之訟者投牒卽呼至榻前相語如家人徐論曲直皆中窾綮久之民相戒不忍欺巡按議疏薦有同僚謀攘之者揚言按臣奈何私其鄉人遂以嫌不果薦時鄆懋卿勢張甚其家丁至縣索驛馬良弼以非公使不許家丁怙勢出不遜語卽痛杖之慮爲所中旋乞終養歸貧如故杜門不交貴要撫按藩臬聞其名或以事至鄆造廬輒引避久不報謁年八十六卒

聞志兼采高中丞  
斗樞所撰墓誌

管大勳字世臣號慕雲中嘉靖四十四年進士改庶吉

士遷給事中適宦官滕祥奏復故太監黃錦姪浦都督  
銜使守錦墓家人黃斌充御馬監勇士以示存恤上許  
之大勳與御史陳聯芳奏浦前以不職罷不當藉口守  
墓乞敘復斌等廝卒希充勇士冒餉皆不宜聽事遂寢  
有師宗紀者以黃冠廁名太常盜庫金千計復與鄒應  
龍發其奸論如律直聲震一時竟以積忤貴要出爲臨  
江知府擢四川提學副使降知延平再以副使督湖廣  
學政遷福建布政使加光祿寺卿致仕

青菴集

萬邦孚字汝永都督鹿園之孫父達甫襲世職歷官至

鄧志稿 列傳八

四十四明叢書  
約園刊本

廣州參將少游王龍谿唐荆川之門造詣深遠有蛋賊  
剽海上當事冀張大其事報首功達甫曰若輩鼠竊遣  
一校足縛致麾下何煩出兵當事怫然遂解組歸後海  
上出師所殺虜多無辜人服其先見邦孚弱冠爲諸生  
已襲補指揮擢山東都司率戍卒至京值三殿災引所  
部夜從大司馬救火衛承運庫與五鳳樓竟獲全朝鮮  
中倭援師敗衄命邦孚以龍江水師駐鴨綠江通饋運  
時調兵四集踰再歲暴骨遍野爲收瘞設厲壇以祭軍  
士感泣師還晉參將守溫處閩盜詐爲商人入內地殺

掠既飽輒揚帆去莫可詰邦孚請分海界閩省入浙則  
乘浙船浙商入閩亦如之盜無所容遂著爲令甲以副  
總兵守江北建牙通州適改築州城發道旁冢殘骸狼  
籍特捐貲買地以葬轉都督僉事總福建兵修戚繼光  
遺法嚴設烽燧時親歷諸汛以覈勤惰有外島舟失風  
泊岸大吏欲駢誅邦孚曰彼幸脫風濤而膏吾刃何忍  
如之力持不可竟遣去久之引疾歸與里中耆舊詩酒  
爲娛年七十五卒

閩志

范大徹字子宣年二十六游京師題詩雙塔寺袁文榮

鄞志稿 列傳八

四十四明徵書

約園刊本

公見而奇之延館于家華亭相國復引爲記室以是得  
交四方名士由太學生補鴻臚寺序班嘗奉使琉球朝  
鮮木邦車里緬甸安南諸國再使遼東一使九邊進秩  
二品致仕歸性好圖書行天下遠所至輒重價購之收  
藏甲于一郡又集所得秦漢以來銅玉印章數千著爲  
印譜從父司馬公天一閣多祕籍大徹嘗借觀司馬不  
時應意怫然凡得一書知爲天一閣所遺者卽具酒茗  
邀司馬過其家取書置案上司馬取閱之默然而去其  
風致如此優游林下二十年卒年八十七

耆舊集

鄞志稿卷八

鄞志稿  
列傳八

四明叢書  
約園刊本

鄧志稿卷九

甬上蔣學鏞聲始撰

列傳九

余有丁字丙仲號同麓父永麟由鄉舉爲學官歷浦江  
崑山擢判蘇州未任卒有丁少穎異文辭閎麗名日起  
家亦日落有廣陵郝翁者延于家且資之遊太學舉嘉  
靖辛酉順天鄉試次年中禮部選殿試第三人及第與  
吳江申文定公婁江王文肅公聯名後皆入相有明一  
代鼎甲所未有也授翰林編修草詔敕故例受敕者先

鄧志稿 列傳九

一四 明 叢書  
約 園 刊 本

具略節爲底本且有餽因如其言潤色之有丁獨戒門  
者謝客曰此王言奈何諛人又因以爲利草制之不受  
潤筆自有丁始乙丑分校禮闈得一卷古色闕潛曰是  
必歸熙甫文初有丁從其父至崑山求執經其門不許  
因歎曰失吾不收先生老公車矣遂薦之拆卷果然人  
服其識遷太子洗馬侍神宗于東宮晉諭德以疾請歸  
當事留之不可乃改官南京得便道之家買山東湖中  
得古洞疏峰披道構亭榭其側皆以歸去來辭命名神  
宗御書名山洞府以賜有終焉之意有司強之起萬

曆甲戌陞南國子祭酒令諸生以什伍相保有過則連坐終其任無犯令者居二歲復移疾臥東湖起爲少詹事陞太常寺歷禮部左右侍郎尋改吏部江陵相卒閣中止蒲州張文毅及申文定乃特加禮部尙書命入閣有丁之相雖由江陵垂沒時所薦而上自以東宮之舊進用故薦者凡九人惟二人得大拜其一則潁陽許文穆也常夢之帝所手戈逐一璫獻俘至是司禮馮保敗遂贊成其獄中外快之江陵之當國也諛者至比之舜禹中允高啓愚主試首題舜亦以命禹亦未有他意江陵旣籍產御史丁此呂劾啟愚以命題寓勸進申文定擬旨留啟愚而出此呂于外豕宰楊巍力駁此呂以曖昧中人于是給事御史俱大譁謂閣部皆居正餘黨文定疏辨語多激潁陽至乞歸有丁進密揭調停其間上下始相安浙江兵譟命左司馬張佳胤以節鉞往過有丁問計誠之曰是過急則激變緩之則法不行中州有徐景星者舊領此軍爲將士所信今失職待事薊門可挾以往司馬如其言軍人果縛首事者九人以獻梟之變遂定皇子生加太子太保遼東滇南相繼告捷以贊

畫功加少傅太子太傅建極殿大學士在位三年卒于

官賜祭九壇謚文敏

邱志兼采許文穆公所作神道碑

李尙默字子靜隆慶二年進士授確山令丁外艱起補桐城治有聲召入爲監察御史有緹騎犯法方按治其帥擅奪之以去尙默特疏聞詔罰帥而戍緹騎出按遼東遇暴疾卒遺橐蕭然至無以爲殮同官醵金致賻始得以喪歸先是寧郡故有馬價銀七千歲使里正轉解河南邑復有采辦之役亦使里正輪值應役者率破家尙默入臺奏其害得裁革鄉人德之曹志

邱志稿 列傳九

三四明叢書 約國刊本

徐應奎字見吾隆慶二年進士授刑部主事積資遷江

西贛州知府故例鄉民貿易者以米薪入城心科其稅

爲郡守交際需應奎革除之擢河南參政已改廣東轄

珠池池居海中奸宄時竊發命兵士守其地有掌兵潘

弁者黨比姦人而以賄結內璫及守土大吏反爲獎薦

應奎獨摘發其罪輿論翕然稱其廉明遷福建右布政

司司舊有羨金二萬充私橐應奎一無所取將解任舉

所貯庫者悉籍之官調廣東左布政嫌其地腴辭不就

四疏乞歸加太常卿致任

曹志

邵城字守齋隆慶二年進士授興化府推官舉卓異會  
與當事忤量移永州府同知遇秋試爲同考官張江陵  
子入試主者遍囑同考城獲一卷心知爲江陵子特抹  
數行主者親搜得駭且讓之謝曰不識耳尋遷刑部郎  
而抹卷事已聞于江陵度必爲所中遂謝病歸

曹志

周保字子翼隆慶五年進士屢遷國子監丞申明條約  
以身律士歷遷南雄延平兩郡守終於福建鹽運使里  
居卑屋數椽與妻子僕隸共脫粟人稱其廉云  
趙參魯字宗傳號心堂父龍積學篤行人稱爲趙夫子

李志稱列傳九

四十四明叢書

約編馬本

以歲貢官懋學訓導參魯少從父論學以主敬爲宗登  
隆慶五年進士選庶吉士時江陵枋國朝官奔走其門  
參魯獨無私謁改戶科給事中特疏請以王守仁從祀  
孔廟慈聖太后于蘆溝橋立碧霞元君廟參魯斥其不  
經且言南北被寇生民方受其害而瀋河興役財力盡  
出閭閻貧者至鬻及妻子陛下苟以建廟之費移卹窮  
黎造福當更大不聽南京中官張進醉毆給事中王願  
臺省交章劾進未報參魯上言進乃守備太監申信之  
黨不併治信無以厭人心時信方結馮保保怒江陵承

其旨詰責令回奏參魯立草上有云臣但知有道之世可以危言不顧君父之前所當忌諱此則臣之罪也疏出一時傳誦竟謫高安典史到官勤修尉職不自知從諫垣中來當事檄使主白鹿書院諸旁郡外藩士皆來就學生徒樹極盛稍遷饒州推官擢福建提學僉事時學使者多阿江陵意向嚴刻課士率汰多而錄少參魯待士獨以寬未幾得父手書忽心動疑其有疾卽請急歸歸而父果病篤日夜侍湯藥不一入內室天晷伏牀下進養器手滌中裙父沒哭過哀幾得心疾喪畢仍起

鄉志稿 列傳九

五四明叢書

約園刊本

督福建學政入爲光祿少卿三遷南太常卿十七年以右副都御史巡按福建申嚴海禁有陳申者以倭報至言甚張皇參魯察其狀曰是將勾倭以自爲功耳立械繫之謂倭來卽斬汝已而倭竟不至漳卒誣有司權其爲髮欲弗問參魯曰廢法以養驕亂之道也縛其魁斬之一軍讐不敢動在閩二年未嘗取一銖幕府市租悉裁以養士及遷大理卿尙贏六萬金皆籍之官而去再遷刑部左侍郎移兵部值日本封貢議起力爭不可總督顧養謙不懌爭于朝且言參魯玩熟倭情宜使在此

章下部參魯復持前說因著東封三議言利害甚悉時同里沈一貫在內閣與兵部尚書石星皆陰主封一貫惟不許其貢其後封事敗星下獄一貫獨不問參魯遷南刑部尚書誠意伯劉世延妄指星象欲起兵勤王被劾下吏參魯當以死屢疏請早行皇太子冠婚禮罷礦稅釋彙係諸臣會廷推吏部尚書一貫疏言參魯係臣同鄉臣在參魯必不至或至勢必兩求罷乞免召參魯由是在南京九年給事御史摭他事劾參魯參魯乞休太宰孫公丕揚奏參魯行履素高不當聽其去詔留之

鄧志稱 列傳九

六四明叢書 約園刊本

竟致仕歸累加太子太保卒諡端簡子存劬以父任服官十餘年至鬻產自給仕終刑部郎中

明史本傳及耆舊集

高萃字升伯萬曆二年進士素以文名士多以所業就正江陵亦遣其子攜文質之或謂宜少寬假萃批駁無所顧次日以幣來或復謂宜往謝亦竟不往授延平訓導久之遷國子助教以母老乞養歸母終起復累遷至刑部郎中時臨淮侯李宗城奉詔封倭高麗人惡其洋縱給以倭兵至棄印敕逃歸止大怒下之詔獄司馬石星本主封議及是懼得罪欲嫁禍于邈之督撫謂其位

訛言阻封事萃謂宗城曰汝罪當死若實言或以勸臣  
奇得丐命宗城遂具言倭實不受封狀次日廷鞫萃又  
語之曰汝昨已具實今上前毋妄及一人否則舉朝殺  
汝矣宗城因以實對上卽下星于獄并令定宗城罪萃  
奏罪在不赦然以八議律之非小臣所敢定請上裁上  
果從寬典一日上朝太后問所隨左右四人何不至上  
謾以誤服毒藥對太后驚問誰所爲上謾云某某太后  
卽收付法司中旨促尙書蕭大亨速具獄萃曰此上一  
時謾言非實事太后以宮禁事內外廷安知不有意乎

鄭志補列傳九

七四明叢書

約圖刊本

若獄具或上實告太后將疑法司多冤姑緩之後果置  
不問出知肇慶知府興復水利兼置學田養士郡人皆  
有像祀之年六十致仕歸後以孫斗樞貴贈右副都御

史邱  
志

董樾字子亭萬曆五年進士值潞王出閣授編修充講  
讀官陞修撰侍講讀如故時禮部郎高桂刑部郎饒伸  
以劾奏順天鄉試事被譴樾昌言于朝以爲過執政不  
喜改廣西參議旋丁外艱服闋補貴州時播州宣慰楊  
應龍叛服不常議征之川黔並出師樾承檄監都司林

盛兵前進應龍私致金一車爲餽比不受命壯士潛渡  
烏籠關拔緣而上破老軍關戮守卒四十餘人出播民  
之被陷者男婦共四萬五千餘口已兼程踰水西與安  
氏諸苗酋定約束令毋助逆諸酋皆羅拜願効力應龍  
憚之不敢南向逆黔兵而別遣卒北出敗蜀支圖又以  
重賄啖當路僞求撫征師遂止前諸難民既出無所得  
貪欲復故土又慮爲應龍所害樾出帑金賑之隨放水  
西宣慰給地使墾種流民遂安改督學政諸藩臬監司  
多缺未補命兼攝每日文符雨集立剖決一切治辦時

邱志稿 列傳九

八十四 明 嚴 盡  
約 園 刊 本

應龍益猖獗疆吏各持一說勦撫未定樾獨建議當勦  
經略侍郎邢玠至樾三上方略陳不可不討之議玠然  
之仍命監軍遷四川兵備副使將赴任抵赤水行館應  
龍潛使人毒之忽頭眩遽卒

邱志兼採  
征播記

按樾之死係應龍遣刺客尾之行宿行館一夕失其  
頭大吏多庇應龍聲言暴卒其子孫亦諱之以中毒  
聞舊誌並承其誤其實壽與刺皆死國也不當諱今  
姑從舊誌仍附記其說于後以記實云

沈九疇字箕仲號東菴中萬曆五年進士授刑部主事

遷郎中出爲江西督學副使下車先爲約禁人投書雖  
臺使文移亦不得入終其任無所干陞四川參政上書  
以父年踰九十無入蜀理願終養詔以左參政仍領江  
西父終起復改山東值歲連祲有平度州民聚眾肆掠  
九疇歎曰是峒強兒不肯受一簞者耳卽先布檄隨以  
單騎馳往眾大驚皆匍請命遂治其首亂數人餘盡  
釋之復條爲食飢法時上已念齊魯災傷許發帑賑未  
至九疇曰必待此十死八矣請貸所在應上供錢急散  
之民而以所發補償民賴以蘇歷遷江西布政使時稅

鄧志補列傳九

九四明叢書

約園刊本

使四出有中貴奉敕權江西先檄藩臬諸長吏俱迎敕  
九疇曰是敕中使非敕所守土者也例不得迎璫爲氣  
阻復移書九疇自稱予九疇叱其使曰若中貴人何敢  
自稱予惟天子曰予一人昔高皇帝起吳時常自稱予  
若欲何爲耶璫大懼立造謝又一日移書稱奉命視藩  
庫九疇以簿籍示之而已初璫欺上以爲稅江西可得  
十四萬金旣無所措屢詣九疇求所以自解九疇屢折  
之最後踰階泣下乃以五萬金許之璫復請益于臺使  
者爲增萬金江右稅得不濫科者九疇力也尋以入覲

道平

者舊集及邱志

徐待字子器號東磐萬曆二年進士授同安令邑紳士多侵奪小民又與胥吏交通陰持令長短待至則建鼓設旗聽民訴寃諸侵牟者不得肆連丁內外艱服闋補河間縣擢湖廣道監察御史嘗條奏七實四議五事縷縷千餘言皆切時弊遷江西按察僉事卒于官性儉素嘗出按陝西道經河上輒芻卒從舵樓窺之見一羊裘蒙茸者疑非真御史叩其從人始駭歎孫承烈領萬曆四十年鄉薦仕至刑部主事

邱志

鄆志稿列傳九

十四明叢書

約園刊本

陳言字伯實隆慶初以鄉貢授遵化訓導遷大城教諭學舍多圯兩廡主皆散失有司春秋釋奠漫不加省言自捐俸葺治又常周卹諸生之貧不能婚喪者臺使薦之擢贛州石城縣至則集父老于庭誓曰令苟妄取石城一錢卽不願生還自是雖稅耗贖緩亦概卻之會御史按部有所求索言不能應遂棄官歸大城石城皆祀之名宦祠言少時有異母兄嘗凌虐之析產兄據其二言得其一後兄盡喪其貲言以脩脯所入代償其逋負撫兩姪有加人稱其長者

范筆山雙雲堂集

王孫雍號東鰲萬曆元年舉于鄉授教諭陞臨江通判  
上官多以疑獄委之摘伏鈎隱人皆驚服會鄉人有爲  
監司者恥以屬禮見鄉人銜之罷歸里居未嘗干謁惟  
小民爲勢豪侵欺卽憤然詣公府白之一時稱鯁直者  
必曰王東鰲云閩志

林可成字宏志萬曆八年進士授太康令邑有蝗爲文  
遣之蝗飛被天去歲祲爲粥食老弱募壯者繕城給以  
錢民賴以活性廉潔有以新茗餽者剖視之乃受召爲  
南臺御史值南北游飢連疏請發臨德二倉及三關稅

鄭志稿 列傳九

十一 四明叢書 約園刊本

課兩院贖銀以賑皆下司農如其請管南都漕糧嚴踢  
斗之禁軍士德之辛卯監應天鄉試方操筆點名暴卒  
後巡按彭應參檄郡守建忠勤祠以祀焉邱志

沈一中字長孺相國文恭從弟也萬曆八年進士授虞  
衡司主事議罷神嶺山采石民得不擾稍遷儀制郎中  
多與藩邸關時濬濬負大力有干請俞旨輒從中出一  
中爭甚強半得寢出爲按察副使備兵上荊荆多庶宗  
貧無賴不受有司約束一中爲曲貸其困已而稍整齊  
之遂奉法擢山東參政以兄居揆席引嫌請疾屏居者

九年起補福建參政稅璫高案與紅毛番通擅許貢市  
尋以疏請番舶已泊漳門一中抗言疆臣無延寇入門  
理宜以死守下令集舟師逼使去璫疏遂格不行晉按  
察使遷河南布政徙貴州其地無成賦一切仰給鄰壤  
適徵發巨材人多受值而逃鄰值因不至一中下令先  
輸木者受鐵立得材三千金筑民頗馴隸安撫嘗苦豪  
右侵爲具請使內比爲州拓地千里未幾力請致仕歸  
方一中初釋褐時文恭已在詞館及枋國每自遠避與  
人語未嘗一及相君人或問相君起居唯唯而已所著

鄭志稿 列傳九

十二四明叢書

約園刊本

有書禮二經補註

者舊集

朱瑩字仲明萬曆癸酉舉人授鎮平教諭丁外艱補龍  
泉學陞清河令旋丁內艱服闋知武陵縣民有夜臥街  
中而失其首者家人訐爲仇家所害瑩驗所傷非刀斧  
痕牒于城隍夢神言北城墜下有狼穴詰旦令死囚入  
穴果得所殘之首寃以白有搢紳兄弟訟繼產賂以千  
金瑩詰所爭產有幾曰一二千金瑩曰若舍現在而爭  
未來何不留此金以全手足之誼卻之訟者亦慚悔而  
止播州亂作諸路師聚境內瑩善爲措置民得無擾大

吏以卓異薦遷衛輝府丞轉莒州守權工部員外尋改  
河南按察僉事未任致仕武陵及莒州民皆立祠祀焉

聞志

吳禮嘉字會之萬曆八年進士歷監察御史時國本論  
起臺省俱合疏諫禮嘉方出按宣府臺中知其同志遂  
列名疏中神宗方惡言建儲俱視職禮嘉無一言自明  
既歸與屠辰州本峻全學士元立等六人爲林泉雅集  
好事者傳之圖畫光宗立錄建言諸臣而應嘉已卒贈

光祿寺卿

聞志

鄭志禧 列傳九

十三 四明叢書

約園刊本

王佐字翼卿號太蒙萬曆十一年進士授工部營繕主  
事督造毓德宮壽宮及皇城工出入纖悉皆著之籍同  
曹無從乾沒心嫉之陰嗾給事韓某奏其侵費疏下部  
時冢宰陸公光祖取所著籍會計之不第無所侵節存  
反以萬計覆奏王主事才且廉給事所言皆無狀佐名  
由是益顯遷知江西南昌府用法嚴吏皆側足立無敢  
出聲郡中諸廢舉舉所攜止老僕三人供爨取給惟月  
俸此外無絲毫入及以治行薦入京廷見畢將歸而橐  
已盡不能買車馬當事爲給一傳符以行歷陞本省提

學副使按察使右布政使皆在江西聲名常如治郡時  
轉廣東左布政粵中地腴而法寬屬吏上調非奉筐篚  
不敢見佐一切禁絕徵賦例有加耗至增十之三四佐  
命盡準部頒權量無溢取庫有羨金十萬可私悉取充  
餉以南韶災疏免太平橋稅銀三萬念全粵賦重再奏  
免加派丁糧四萬有奇粵人德之尋擢右副都御史巡  
撫江西江西民聞其再來額手相慶時稅璫四出爲民  
害有潘相者居會城橫甚獨稍憚佐佐以利害開諭甚  
至因使自上請減稅五千商困少蘇李道稅湖口尤不  
法佐擒治其爪牙奏革奄稅歸有司遂微諷民使盡焚  
其官舍江右積大水四年民乏食乃奏改折南安漕糧  
留以貸民又請停牲口廚料諸歲課折宗祿留贖緩免  
一切重征加派並報可約省數十萬以濟民困民賴以  
活又謂有糧道則監兌可裁有府幕官帶徵則課稅大  
使可革漕糧民運當改官運弓箭條弦本色當改折色  
凡所建議公私俱兩便擢工部侍郎理河道時河西務  
口狼矢口並決山陽新挑溝邳州直河及脾沙塌西月  
隄俱大溢佐東西奔走疏濬合期皇陵得無侵齧運艘

亦通旋召入爲工部尙書督定夔二陵皇極殿工佐舊爲工部屬于事無不曉練竣成加太子太傅值魏忠賢用事遂力請骸骨歸里居老屋數楹食無兼味終身不蓄妾媵卒年七十三加太保諡莊簡其後里人有宦粵中歸者或問其橐金蹙頰曰嶠南本善地自王太蒙官此不取一錢至今十餘年藩臬尙無敢受人苞苴苦遂使金銀穴中化爲冰雪其餘風所被若此

者舊集及  
獻徵錄

丁繼嗣字國雲號禹門萬曆十一年進士從刑部郎歷陞河南僉事移湖廣參議備兵下江按閱沿江堡寨視

鄧志稽列傳九

十五 四明叢書

約園刊本

地勢險阨築黃梅城使與赤壁相掎角盜賊屏迹事聞資金幣尋以副使分巡江右稅璫潘相將采鑛西昌力阻之晉參政考績入朝屬吏例有餽曰儻邸費悉卻不受已遷右副都御史巡按福建日本詐爲琉球貢使突入會城偵虛實繼嗣疑之使核其物果皆日本所產乃獨留其使柏壽候旨餘悉驅歸又條上分任責成四事海防九議未幾致仕歸居鄉有林泉雅會之集又嘗捐貲築東岡新硯至今東七鄉賴之

曹志

全天敘字伯典侍郎元立孫萬曆十四年進士改庶吉

士授編修皇長子出閣充日講官時神宗雖未立儲然于講筵察覈特嚴漏下五鼓皇長子卽出寒暑不輟天敘習北音睿聽曉然嘗小疾屬同官代卽詢內侍全先生何不至歷五載晉中允癸丑主順天鄉試事竣科臣劾副主考焦竑有私天敘具疏乞先賜罷斥溫旨不允及竑落職外補天敘請去益力亦不允旋以省親歸丁外艱服除補原官歷陞左庶子少詹事侍讀學士以母在京邸不習苦寒乃乞報慶差奉母抵家留侍踰時值察典爲臺省所劾改官南京年五十三卒天啟初以先

邵忠禱列傳九

十六四明叢書

一約園刊本

朝講讀勞贈禮部右侍郎予祭葬蔭一子邱志

林祖述字道卿萬曆十四年進士選庶吉士改監察御史疏劾巨璫張鯨未報會給事中李沂以言事廷杖復抗章論救謫汀州推官歷遷至貴州參議四子長棟隆萬曆四十七年進士官至吏部左侍郎仲子岳隆叔子

祚隆季子奕隆別見隱逸傳邱志

水卿謨字禹陳萬曆十四年進士授寧國知縣歲大祲請停征復勸有力者助賑謀所以拯民者甚備邑中賦役多不均躬校簿書力爲調劑諸宿弊盡革上官廉知

其勤調繁丹陽地當衝要迎送無虛日又存饑修荒政如寧國時竟得疾嘔血卒子佳胤天啟壬戌進士仕至湖廣督學副使同邑有掛逆案者代爲疏辨落職歸

邵志

兼珠續  
香齋集

周應賓字嘉甫萬曆癸未進士廷試擬大魁同邑余文敏在內閣引嫌置二甲第一選庶吉士授編修奉使冊周世子贈貽無所受神宗將立東宮忽改傳三王並封應賓偕同官上言請先正儲位不報遷國子司業改中允屢陞至禮部左侍郎兼學士掌院事轉吏部右侍郎

鄭志稿列傳九

十七四明叢書

一尊園刊本

值尙書闕嘗攝篆固推大司徒趙世卿因天變借九卿伏闕上疏旋丁內艱歸里居十六年光宗卽位召爲南禮部尙書改北五疏乞歸加太子太保致仕族弟應治字君衡登萬曆八年進士知分宜縣擢南京吏部主事嚴考功法議四善七事上之冢宰歷遷僉事督山東學政移湖廣兵備副使運三殿大水請用官舫蘇民力會宗人華樾之變殺巡撫趙可懷應治亦被傷遂引疾歸

邱志

周天學字後覺萬曆七年薦于鄉調選得安慶推官遷

鄧州知州其地故雜蠻獠流官與土官互相猜天覺坦  
懷以待終其任境內安戢時滇中稅璫楊榮以諸生李  
暢忤己黜之天覺以士子非中貴所得黜力言于學使  
者復其餼會銓曹係安慶人嘗有憾于天覺竟貶秩歸

曹志

按曹志以天覺之貶爲楊吏部修憾是時冢宰乃楊  
士喬其人君子也且係饒州人非安慶修誌者據周  
氏家乘所載爲據今闕之

傳光前字長孺萬曆十七年進士授南太常博士南曹

鄧志稿列傳九

十八四明叢書

繪圖刊本

事簡日與周汝登諸人講求陽明之學或中夜有得則  
秉燭起書會陳公有年爲冢宰薦爲吏部驗封主事光  
前方請假歸里郡邑有司日遣人伺關津將郊迎致贈而  
不知光前已乘小舟從間道抵家矣及蒞任慨然以澄  
清仕途爲事卽冢宰意所左右亦不苟徇僅半載爲忌

者所撼能去

曹志

徐時進字見可萬曆二十三年進士授南工部主事權  
蕪湖輕商稅而盜額反至萬餘金遷職方員外郎轉郎  
中時援高麗兵奉虎符索餉大譁時進以利害開諭眾

遂攝出守岳州採權使方四出楚璫尤橫郡國畏之如虎多託故以避時進獨遣吏前通刺璫謂他郡無敢均禮者可速更刺來時進如不聞直抵舟次亢顏相對璫亦爲斂威去調守荊州免沙市舟稅清宗祿詭籍築長隄甃龍陂荆人德之再擢廣東副使以水陸兵攻海盜破其舟因條議設大艦增哨兵以資防禦海患浸息三十八年入賀萬壽卽乞歸天啟改元起南光祿卿尋改太僕皆不赴加大理寺卿致仕

郡志

范鈞字宣卿萬曆二十三年進士授刑部主事上疏規

萬志 列傳九

十九 四明叢書

約園刊本

時政闕失請躬郊祭御講筵定儲位補曠官罷鑛店語極愷切不報丁內艱起補工部董三殿九陵諸大役多所裁省積資陞右參政轄上川南道值承寧用兵未已而獬狷並興大吏又欲議勦鈞請開其就撫之路獬狷果款服未幾致仕歸孫汝植太學生授中書舍人

曹志

朱勳字定國少爲諸生有名王司寇弇州嘗延之家塾

吳門王文肅亦稱之中萬曆丁酉鄉試授靖江令靖田

多瀕江坻漲不常坻者稅終不得除勳履畝度之賦其

漲以代坻者民得免累遷同知松江善治盜嘗除郡中

大猾聲績赫然爲同官所忌罷歸性嗜占善鑑別所居  
五岳軒購先代彝器名蹟充其中一時博古家多載某  
物在四明朱氏卽五岳軒也所著詩文集若干卷藏于

家者舊集

余暨字自新通政使本之孫也以明經授海寧教諭遷  
紹興教授陞四川新寧學正署新寧州事值歲饑設法  
賑救全活無算有妖僧詐爲尼煽惑閭左暨廉得其狀  
猝掩捕盡得所匿婦女于複閣立杖殺之火其居邑人  
稱快旋以疾歸行李蕭然惟所著書數卷邱志

邱志稿 列傳九

二十四明叢書

約園刊本

董光宏字君謨父棗南安通判卒官奉喪歸其嫂以庶  
凌之至不堪乃奉母別居益勵學以慰母萬曆二十九  
年成進士以刑部郎中卹刑福建多所平反歷遷河南  
督學副使陞參政時福藩初建諸瑞恣意陵鑠州郡光  
宏正身率屬彈壓不少假勢稍戢靈寶礦賊起討平之  
擢江西布政使晉順天府尹執法不撓諸中貴乞免田  
役不許羣擠之遂乞歸加南京兵部左侍郎致仕問志

趙世祿字文叔御史昊之孫登萬曆二十九年進士授  
刑部主事出知蘇州吏治精敏值歲饑講求荒政甚具

又修三江水利盡去私占雖豪貴家不得挽涇濟寧河  
道副使未上以憂歸起補吉安兵備與鄒南臯郭青螺  
諸公交甚洽江右士從而宗之未幾掛冠歸曹

志

葛文炳字星垣萬曆十六年舉于鄉授江西南城令宗  
藩牙校多擢民爭利文炳謁益王陳其弊王感悟由是  
犯者得先啟其罪而面決之縣南有煙火山凡七十二  
障奸民託名王府建壘踞以自私文炳請濬其界立石  
爲表以樵牧還諸民俗鬪狠嘗服山砒草自死以誣  
人乃嚴禁并絕其種時乘小肩輿遍歷阡陌間察水利

鄧志稿 列傳九

一王四明叢書

約園刊本

勸農桑創立社學涖邑六年士民立生祠祀之陞大理  
評事以疾歸

邱志

范汝梓字君材父大濩倜儻負幹略嘉靖時胡宗憲以  
征倭總制諸道兵幕下多奇士大濩與焉後由太學生  
爲山東布政使照磨陞將樂丞攝縣事獄中一重囚親  
老無子大濩憫之與刻期縱使歸或爭以爲不可弗聽  
囚妻果有子卽還就獄爭者初爲大濩危旣而服其德  
感境有妖賊討平之論功當遷以忤上官罷歸汝梓幼  
敏悟日記萬言能背誦十三經註疏中萬曆二十二年

進士廷試擬上甲同里沈文恭抑之置二甲授工部主事督修九陵寶城神路幼大璫陳永壽冒破金錢又疏請東宮講學且貽書政府坐謫四川酉陽經歷天啟時復官改刑部主事崇禎元年進郎中會鞠張體乾誣殺知府劉鐸汝梓擬大辟時權要有居間者司寇懼乃改定其案以上出守延平時方缺兵餉命額外加征汝梓校簿書見舊賦多胥吏侵蠹者追之得萬金卽以充餉民得無困移守襄陽攝南漳道流寇圍城五晝夜汝梓登陣拒守出奇兵擊之擒賊將李八兒寇始退以勞瘁

郭志稿列傳九

王四明叢書

約園刊本

卒于官

閩志

陸世科字從先父大漳見特行傳世科年踰艾始登萬曆三十五年進士第授建安令猶及迎養其父每事必咨焉未幾丁艱歸起補增城邑瀕海多盜往往倚豪大家爲窟穴世科立法稽覈盡得其主名實諸法盜爲衰止境內產斷腸草入口立死無賴攬富室金不慊輒服此草誣之先盡奪其貲後訟之官世科具知其故訟者率反坐且著令有輕罪許乃草根若干以贖署一吏司秤并驗真偽每朔望則焚之閱二年草種皆盡害遂息

擢山西道御史天啓初巡按廣西復丁內艱服闋除山東道巡視兩淮鹽漕嚴禁夾帶商引大行遂溢額三十萬時逆奄擅國生祠遍天下或告以識時局且曰彼知君裕國功盍稍委蛇可立致異數吾已構一祠請署公名于額世科謝曰吾五十始登第頭顱如許乃復取譏清議耶部推蘇松督學格不下尋命巡視京營京營皆羣小奄主其事內操無時巡視者晨夜不得休蓋欲以是困之而世科迄不與通遂削籍崇禎改元召還臺陞太僕少卿遷南大理卿致仕歸卒贈右都御史子宇燿

鄧志稿 列傳九

三十四明故書  
約圖刊本

宇燿字燾皆別有傳

開志

李康先字嵇仲工部侍郎堂之曾孫登萬曆三十五年進士改庶吉士授檢討以母老乞終養天啟二年服闋起左贊善右諭德纂修神宗實錄兼經筵講官轉右庶子尋遷禮部侍郎國子監祭酒時逆奄勢熏灼舉朝無不趨附康先挺然自如上幸太學故事司成坐講三品以上皆坐聽忠賢恥立侍廷臣側授意鴻臚止傳講官坐康先正色曰坐聽祖制也鴻臚何得擅改于是廷臣皆坐忠賢立侍如故楊忠烈之斥龍也策蹇出國門僚

屬懼忠賢送者無幾人康先特餞之郊於悒而別忠賢積怒目爲邪黨削其籍崇禎元年以原官起用改吏部左侍郎遷禮部尙書加太子少保會浙江學使黎元寬失閣臣溫體仁意喉言官劾之且諭康先重按其事康先覆疏曰元寬激揚清濁之意多和厚包容之氣少體仁曰此乃元寬薦章也于是又目康先爲黨復削籍既歸杜門謝客有周御史者與並舍居故奄黨雖已掛逆案其氣力尙足通朝責承體仁風旨時加陵籍康先弗與校及康先病革御史聞之樹籬于廳事令不得爲喪

鄧志權列傳九

正西四明叢書  
新國刊本

次二子頗不平康先誠之曰停吾棺左箱令若得朝夕近不猶愈乎且吾已褫職爲庶人沒當用庶人禮毋加冠服及大殮御史果遣人監視諸子遵治命遂不得逞其毒其後巡按行部至鄞故康先門生也詢知其詳將撫御史他不法事以報二子固止之人以爲有家法云

同志兼采兩  
敬止錄

張鳳輝字宸宣方伯洲之曾孫萬曆四十年舉于鄉三上公車報罷謁選得涪州知州有異政逾年卽遷興化府同知初鳳輝曾大父嘗爲此郡司理有惠政人爲立

祠及鳳輝至拜祠下每朔望必以佐郡所行事焚香上告郡中大治士民皆謂不愧其先已而降調四川大足縣時大吏多非人用及期卽投劾去鳳輝初爲諸生時出無衣及舉孝廉方製一紫花布袍服之數十年每飯盛一磁器僕偶損一角請易之笑曰三瓦不全此世間豈有完物吾不與易也其風致如此

耆舊集及敬止錄

黃景章號玉陽僉事綬之孫萬曆三十五年進士授平原令值旱蝗度請賑不能得命繕城浚濠給以備錢民賴以食陞工部主事奉敕理河道躬親營度辦料鳩工

鄧志稿列傳九

三五 四明叢書

約園刊本

省費無算歷員外郎郎中陞廣西參政天啟中遷湖廣按察使舉卓異入覲賜宴擢福建布政使入爲南光祿卿崇禎元年晉應天府尹未幾謝病歸卒贈工部右侍郎著有問水贅言治畿腐議兄景弢萬曆三十二年進士官刑部主事從孫璠登萬曆四十六年鄉薦亦仕至

刑部主事引年歸

閩志

陸懋龍字珍所萬曆庚辰進士知合肥縣召入爲兵科給事中晉刑科都給事中出爲湖廣參政致仕歸嘗做范文正義田法捐產八十畝以贍族人其子寶復承其

憲而廣之邑令王忠烈公爲作贍田記寶別有傳

閱志

項良梓號鄧林萬曆三十八年進士授刑部主事尋奉命恤囚山東遼左屢平反疑獄擢守永平值軍需旁午殫力以應事皆集晉昌平兵備副使陸軍多虛額守陵

監乾沒其餉良梓清覈之遂劾奏爲璫所構罷歸

曹志

葛仁美號海門登萬曆二十八年鄉薦授江西撫州府同知民有以失牛控者仁美察其狀非良民呼而斥之皇遽失措隨遣吏搜其家多官物蓋鄱陽積盜也遂并其黨盡擒治之人以爲神轉長蘆鹽運同知擢守臨江

鄱志稿列傳九

三六四明叢書

約園刊本

府陞廣西按察副使監左江潯寧太思四郡治以廉靜士司皆奉約束以老致政歸

曹志

殷宗輔字翼聖萬曆四十一年進士授東阿令甫至值旱蝗首捐俸爲紳士倡令各出儲粟爲粥以活飢民次年蝗復起率民捕蝗以身先之山左多失收阿邑獨豐前此民多流亡入淮徐者招歸凡千餘人給以牛種俾復業更立社學以教子弟卒于官民祠祀焉

曹志

管學經字道明光祿卿大勳從子萬曆戊子舉人爲全椒令丁外艱歸服闋補陽江邑隸粵東多奇貨且饒珠

池之利大經一無所私邑人立石頌德陞兗州督河同知工稱最兼以勦獲白蓮教功晉刑部郎中尋出知慶陽府地逼西番多盜賊學經雖文吏嘗擢甲上馬親督吏卒討捕邊境以寧大吏方奏上其功以母老乞終養

歸聞志

朱應樞字國中號荆石以貢授沙縣丞閩中稱膏腴應樞獨持清操不橫得民一錢縣有大決灘屢覆民舟應樞爲文祭水神遂成安瀾又嘗爲民請興利民饋以巨資潛致白金其中應樞覺之卻不受民感其德建亭灘

鄭志稿 列傳九

三七 四明叢書

約園刊本

許顏曰卻金亭應樞命撤其額曰吾豈以博名高耶擢永安令卒于官橐中錢不能具棺太守賻以木方得斂民爲巷哭卒之夕永安城隍祠守者聞嚶呵聲曰朱公新赴官民因樹石廟門曰愍德哀思之碑

者舊集

施翰字季鷹家貧博通文史善行草書亦能詩嘗遊遼左爲李成梁客因習騎射中武進士授萬安守備時鄒南阜講學里中翰執贄行弟子禮遷四川都司晉雲南參將控禦苗蠻境內帖然擢神機營都督僉事引疾歸家居垂二十年於宅後起竹中精舍棲息其中四方客

至四明者必造其園亭飲酒賦詩連日夜不厭晚歲聞四方多事輒慨然有拊髀之意卒年八十一

嘗舊集

高斗樞字象先一字元若晚號屈弧知肇慶府萃之孫崇禎戊辰進士授刑部主事值京師戒嚴奏記尙書喬允升請假京營兵防獄人多迂之已而囚果逸尙書坐繫始其服其先見是冬與曹郎五人俱以論罪失輕下錦衣獄大臣多論救文文肅公在講筵進講呂刑以諷得復原官次年卹刑湖廣時前所已卹者尙稽獄中請先出之民頌其德癸酉春出守荊州荆爲惠王所封而

鄧志稿 例傳九

二天 四明叢書 約圖刊本

故遼府宗屬亦在焉橫甚王奏江陵令史調元擅杖宗人詔械入京斗樞爲白其事得末減藩府贍田本有司供輸有鄭承奉者說王欲自遣人督賦斗樞密白巡按余應桂以計緩之未幾承奉贓私事露議遂罷楚地屯田最多久沒民間戶部按故籍並追前所侵入之租御史下其事牒甚急斗樞力陳不可御史以阻詔慮得罪斗樞曰但述下官狀以報使罪有所坐竟得止前此中原流賊雲擾而南方尙未被兵武備盡弛是冬賊始入楚荊州無一卒斗樞急籍民兵昇舊銃百餘置城上試

之砲聲轟然賊以爲有備馳去乃歎曰賊躡秦豫五年而荊州虛砲足以懾之其技易與耳使有強將勁卒殄滅可立盡誰使橫行至此者于是治兵甚健甲戌春賊復自襄而下巡撫唐暉發募兵衛承天道由荊州斗樞輒留駐界上唐暉聞之大怒曰陵寢少驚咎將誰任斗樞謂駐兵于荆賊必不敢越我而向承天卽所以衛陵寢賊果西去遣募兵追襲敗之暉乃更喜丙子遷副使備兵長沙長沙以江湖爲限益狃承平故習斗樞至急募兵築城已而臨藍賊起破湘潭乘勝圍長沙斗樞連挫其鋒賊退圍袁州卽引兵躡其後大破之袁圍亦解湘鄉煤丁數千復反直犯安代急白於沅撫陳睿謨曰煤丁新起易撲滅宜先勦之使臨藍失所犄角遂自討湘鄉賊于桃花江破降其眾乃會睿謨之兵于臨藍請獨當一面殲賊幾盡臨藍平論功晉右參政賜銀幣辛丑督相楊嗣昌兵敗乃加斗樞按察使守鄖陽卽久爲賊所蹂躪一望菁萊屬邑城堞皆夷民結砦高山縣令亦寄居砦上不復入郡參謁斗樞下令繕樓櫓治兵甲鄖人始有固志壬午李自成陷襄陽將寄帑焉以鄖與

襄近謀取郟然以其地小而瘠心輕之遣兵萬餘來攻時有降賊王光恩者驍果善戰斗樞厚撫之使爲用列營城外賊來攻與確鬪三日城上復以火罐擲賊殺傷無算終不得薄城而去斗樞度郟城形勢西北枕漢水東南據山麓各築樓守之命光恩駐東南樓癸未賊掠白河一帶民船將從漢江順流下攻城西北斗樞乘其未集遣水哨馬之服泝流潛上焚其舟賊眾改從均州陸行抵郟以破均州所得門板竹箆聯爲木城則長圍周于城下斗樞乘夜用火炬投之木城焚賊驚卻官兵盡撤其板以入賊用木梯數百將倚以登斗樞命開東南門奮擊光恩亦從樓上馳下大呼搏賊賊披靡走守陴卒因拔其梯賊復盡刈田間青麥爲臺凡用麥一層卽加土一層累累高與城齊斗樞憑城與拒數晝夜度賊倦出兵攻臺城上助以矢石別命民持鋤隨兵後臺破卽鋤去其土擔麥以歸攻守踰五旬賊喪精銳過半仍斂兵從均州而遁由是郟人不復畏賊而賊反畏郟自成自入楚後所過無不立破而再爲郟劬忿甚踰月復遣三萬眾來攻斗樞命拒之揚溪山上賊望見山上

兵駐不敢前夜聞漢江水發有聲驚曰鄭兵至矣自相擊殺或走或伏賊謂未與官兵接尚如此其何以攻遽引歸先是均爲賊據偵探者不能踰均而東斗樞遣卒收復城中賊立潰遂平均州會督師孫傳庭出關斗樞以襄陽爲賊老巢請于督師以鄭兵趨光化穀城直搗襄陽刻期夾擊督師大喜斗樞方破光穀得進兵而督師敗聞至乃退保均自成以搗巢之怨益大發兵必取鄭使驍賊路應標將之下令有前卻者一軍駢斬鄭屢歲受攻野不得耕全楚復浮飢斗樞遣人溯漢江羅

鄭志稿 列傳九

王國光 卷九  
約五 同本

美稗雜草根木實以給餉賊密招光恩光恩願心動斗樞知之乃大會將士于城樓諭之曰吾守土吏事不濟當死諸君有欲圖富貴者可斬吾頭就賊光恩起曰公此語殆爲光恩發也生死當從公遂手刃賊使以自明會天馬山掘得古劍一口廢基下得糠粃十斛許眾以爲天賜愈感奮次日傾城決戰賊大崩斗樞復令遊兵焚其積聚賊乏食仍退甲申賊北行留兵四萬綴鄭二萬分守光化穀城斗樞募死士間道持疏乞援二月至京師時關內外皆賊境朝廷謂鄭已沒罷鄭撫不推疏

至懷宗驚喜議卽以斗樞撫郿而大學士陳演系與知  
郿陽府徐啟元善躡遷之改斗樞巡撫陝西道阻命不  
得達郿亦不聞外耗九月始與陷都之報同至斗樞痛  
哭以懷宗末命尙思赴秦用郿將苗時化兵入關攻下  
西安而吳三桂至西安復失郿撫亦率光恩以降斗樞  
進退失據乃躬耕于云上以自給踰年大兵下江南浙  
東亦內附而斗樞之父翹年八十餘尙在有司以斗樞  
前朝官久不歸將錄其父斗樞聞之始返里門戊子降  
巨太僕謝某旣盡殺華楊諸人並誣訐斗樞逮至省大

鄭志稿 列傳九

三五 國朝書  
約編卷本

吏遺卒守之有千夫長者故賊兵以降附得官見斗樞  
謂其卜曰是高都憲嘗固守危城眞鐵漢若曹善視之

後事解得歸卒年七十七子宇泰別有傳

明史本傳及  
守廉紀略

錢肅樂字虞孫一字希聲號止亭廣東布政奐之後祖  
若膺臨江知府父益忠瑞安訓導肅樂舉崇禎丁丑進  
士釋褐知太倉州吳中素難治博徒鹽梟結社成聚又  
多仗庇有力之門肅樂痛繩之尤屏竿牘有巨室子坐  
罪求武進吳鍾繇書以請吳公故肅樂勇考也肅樂執  
不許吳歎曰希聲狀如弱女子不意挺挺如此嘗思行

義倉法庚辰歲稔令民畝輸米一升得數萬石次年大旱藉此以賑又苦蝗以餘米賞民之捕蝗者署崑山令民揭竿劫粟亟捕繫其魁而嚴治富民之閉糴者變遂定素病咯血以旱故步禱烈日中黥瘡骨立民環而請曰侯病甚矣其姑返則對曰無歲將無民又安用我聞者爲之感泣以考最陞刑部員外郎丁外艱方家居而有甲申三月十九之變未幾世祖章皇帝定鼎乙酉五月下江南六月平浙江肅樂聞信痛哭夙疾復大發屏醫藥所死諸弟已爲之治身後事會餘姚孫僉事嘉績

鄞志稿 列傳九

三四 四明叢書

約園刊本

熊給事汝霖起兵鄞諸生華夏董志寧王家勤張夢錫陸宇燝毛聚奎思應之卽所謂六狂生者也遍謁諸鄉老莫敢預其事肅樂適興疾至城東六狂生聞之大喜亟挽入城集紳士于城隍廟百姓不期而集者數千人遂擁入巡按署中俄而海防道標下兵及城守兵皆至願受約束遂以墨褰視師時定海總兵王之仁已納款肅樂遣志寧等以書招之而同里故太僕某先迎降于貝勒欲發其事爲功冀得起用亦貽書之仁令統兵誅肅樂及六狂生約日具牛酒以待之仁兩諾之及期肅

樂等會之仁于城東演武場太僕某亦至之仁忽變色叱軍士縛降臣將斬之降臣前以御史從征登萊盡輦賊金而歸富不費乃請助餉十萬以贖肅樂遂與之仁聯兵赴越越中章給事正宸等三迎魯藩于天台黃江而守肅樂至授太僕卿再加僉都御史分瓜廬說而分地分節之議起江上諸軍方國安最强之仁次之戶部王事邵之詹議以越州八邑供方軍寧郡六邑供王軍苦取給予正賦謂之正餉肅樂及熊章諸軍取給予士民之樂輸謂之義餉義餉不可常繼肅樂上言臣師既無分地無從得餉勢當散越但國恥未雪終不敢歸安廬募散兵之日單丁入伍濟則君之靈也不濟則以死繼之時魯藩亦無如方王何報聞而已既而閩中狼詔之議復起方南都之亡閩中已奉唐藩建號及是則遣使以詔至越熊給事及張公國維以唐魯皆宗藩非有親疏之分不當稱臣于閩議卻之肅樂及朱公大典則謂浙閩相與唇齒同姓不宜爭先當受其詔而稱皇太姪以報命于是忌者遂言其有二心于唐藩肅樂復疏言國有十亡而無一存民有十死而無一生大指謂

宵人攘臂朝章委地戚畹張國俊竊主權而集賄南都  
故臣馬阮倚強藩以議政咫尺江波烽煙不息而褒衣  
博帶滿目太平讌笑漏舟之中迴翔焚棟之下又言民  
爲國本曾不加卹比戶困于誅求富室勒以供億今也  
竭小民之膏血不足供藩鎮之一吸將來合藩鎮之兵  
馬不能衛小民之一髮疏出上下側目魯藩命進副都  
御史辭不受方王與馬阮比輒以議受閩詔爲口實且  
謂其散軍辭官意在入閩甚至遣壯士刺之肅樂乃避  
之温州不三月江上軍潰唐藩遣使以原官召肅樂以  
前嫌不赴而上書陳十弊爲戒閩中繼破徙居海壇與  
諸弟無所得米則食薯無所得薯則食薯葉之枯者乃  
從浮屠碧居祝髮以免物色久之魯藩依鄭彩泛海至  
琅江肅樂聞之入見彩方擅國初推熊公爲大學士彩  
自爲兵部尙書肅樂至則以爲江上舊臣令代理兵部  
事肅樂辭魯藩不許尋命入閣上疏言江上之失由諸  
帥分擅互相觀望請建元戎以一兵權挑死士以備進  
取又疏薦故太僕卿劉沂春故副都御史吳鍾巒時魯  
藩次閩安以海爲都以舟爲行殿肅樂繫小舸其側稟

擬章奏卽于其中接見賓客事畢牽船別去其所稟擬亦不過上疏乞官部覆細小之事大者皆彩主之魯藩亦不得問會熊公以休沐暫歸琅琦彩與周瑞鄭遵謙交惡而遵謙與熊公同郡亦適在琅琦彩疑其合謀遂執熊公沈之海肅樂不勝悲憤每入見流涕不止因奏曰朝衣拭淚昔人所譏臣不能禁魯藩亦爲之歛衽前大學士劉公中藻起兵復福清彩欲以私人守其地中藻不可則縱兵肆掠肅樂與中藻書不直彩而書爲彩邏者截得彩益心忌又自知逆節已著迨遙海上不復

肯協力肅樂前此以從兵收服羅源長樂等邑至是復盡失知事不可爲血疾復大作賜藥不肯服竟絕食卒魯藩震悼親製文以祭贈太保諡忠介葬于閩吉田縣之黃檗山肅樂弟九人其三人已前卒第四弟曰肅圖第五弟曰肅範第七弟曰肅遴第九弟曰肅典肅圖別有傳肅範預于江上之役授監紀推官肅樂不欲子弟濫被恩命固辭及在琅琦肅範故工書能詩文因諉以誥敕閣學馬公思理復薦之授檢討肅樂卒劉公猶在福寧招之人謂閩地已蕩平福寧區區一邑不日被兵

何往爲不答逕赴劉公助城守被圍六月戰屢捷而糧絕寄其兄肅圖書曰吾兵猶利足以一戰但枵腹枕戈勢安能久每望草飛塵起以爲援兵也聞風聲鶴唳又以爲援兵也如此有日而卒寂然吾惟一死而已城破投繯不及被執脅以降張目曰吾大學士錢公之弟無降理遂延頸受戮第九弟肅典從亡琅琦授推官以肅樂遺命避地瑞交仍往來于鄞後魯藩駐健跳島中竊上箋問起居事露死之第七弟肅遜亡命佯狂卒于崑山肅樂子名允恭肅圖擊之居翁洲未幾卒肅圖流離

鄞志編列傳九

三七四明叢書  
約園刊本

轉徙五十始納婦生一子名濬恭以爲兄後國朝乾隆四十一年欽奉上諭錄前明死事諸臣議易名以表其

節肅樂特賜諡忠愍

明史本傳兼采黃南畝別傳全謝山墓碑

張煌言字玄著別號蒼水其先世以孝友著里中稱雍

睦堂張氏父圭章天啟甲子舉人歷官刑部員外郎煌

言年十六補諸生懷宗以時多故命學使者于試文之

後校射諸生從事者新莫能中煌言三發皆破的學使

奇之舉崇禎壬午鄉試未幾卽遭國變錢忠愍舉事煌

言從之遣往天台迎魯藩授行人旋賜進士加翰林編

修出入軍旅間議論嶽嶽雖與忠愍其事而所見亦不盡合閩中頌詔使至獨主張熊二公之說以忠愍爲非同里楊侍御文瓚主忠愍煌言出揭排之且自請充報使入閩以釋二國之嫌江上之師潰泛海入翁洲道逢富平將軍張名振同駐石浦時據翁洲者爲黃斌卿名振與之相犄角會松江帥吳勝兆以所部來歸遣使求兵應援斌卿不欲往煌言與故御史沈公廷揚勸名振應之遂監其軍以行至崇明大風覆舟沈公死焉煌言匿于壬午房考故諸暨令錢氏以免間道歸海上明年

率眾結寨于上虞之平岡庚寅魯藩自閩還將入翁洲斌卿不納名振攻殺斌卿奉魯藩居之召煌言同翊衛晉兵部右侍郎辛卯翁洲破復扈從至閩次鷺門時鄭成功駐兵其地成功舊事唐藩爲招討使至是尙稱隆武三年且修頌詔之隙其于魯藩僅如寓公之禮煌言前以報使入閩嘗識成功欲調停之使魯藩得安因稱之曰招討始終爲唐成功喜亦稱之曰侍郎始終爲魯二人交雖睦而成功終不肯奉魯乃復返依名振軍甲午入長江登金山遙祭孝陵題詩寺壁還次崇明再抵

儀真登燕子磯蓋上游有宿約而失期不至復東下駐  
翁洲是年名振卒遺命所部歸煌言煌言始能軍丙申  
屯田于天台時魯藩亦去監國號通表桂藩戊戌桂藩  
授煌言兵部左侍郎兼翰林學士成功亦遙受桂藩封  
爵以書來約大舉至羊山颶風作海船碎者百餘羊山  
者海中小島羣羊乳其上見人不避然不可殺殺之則  
風濤立至軍士不信殺而烹之未熟而禍作于是反旆  
己亥成功全師入江與煌言所部並發煌言議崇明爲  
江海門戶當據之爲老營脫有利鈍可依以進退成功

鄭志稿 列傳九

三五 四明叢書  
約國刊本

不從直趨瓜州時金焦間以鐵索橫江面兩岸列西洋  
大炮煌言爲前部麾兵斷鐵索而江中礮聲方雷錫舟  
出其間飛火夾船而墮乃登舵樓焚香祝天遂以十七  
舟逕進守礮者俱走因據瓜洲木城次日成功至議師  
所向成功欲越鎮江直攻金陵煌言以爲非計成功疑  
攻鎮江則金陵援師必至鎮江不可破煌言曰此易耳  
以偏師薄觀音門足以綴金陵何援師之敢出不得鎮  
江恐下流多梗成功卽令煌言溯儀真而上未至儀真  
五十里吏民爭迎附之抵觀音門而鎮江捷音亦至急

致書成功令其陸行赴白下而成功用舟師越數日方  
達則城中守備已固煌言部下哨卒七人掠江浦遞取  
之所遣別將亦以蕪湖降書至成功謂蕪湖上流要地  
倘金陵不卽下當藉以扼江楚之援復設煌言往赴之  
至則相度形勢一軍出溧陽以窺廣德一軍鎮池州以  
截上流一軍拔和陽以固采石一軍入寧國以偪新安  
傳檄郡邑一時響應自寧國太平池州徽州廣德無爲  
和陽長吏皆納圖籍士民攜牛酒犒師凡得四郡三州  
二十四縣軍行所至禁侵掠江濱人多以小艇載果蔬

鄆志稿 列傳九

四十四 明故書

總圖刊本

來貿易軍士以船板拔之而上因呼爲船板軍入城邑  
必延見遺民故老相撫慰守令則別其賢否而去留之  
江楚及淮南北人來見者多密約與訂師期而成功之  
敗聞至初成功之圍南京也煌言遺之書謂宜分遣諸  
將先撫定旁邑倘四面克復則金陵自在掌握且可遏  
蘇松及浙師之援成功徃屢勝但環立八十三營日造  
攻具士卒樵蘇四出不謹斥候蘇松總兵梁化鳳等果  
率援兵長驅入城莫之能遏化鳳遂乘夜襲破前屯成  
功倉卒移帳質明軍竈未就大兵傾城出關諸營俱崩

潰煌言聞敗以爲軍雖挫未必遽登舟卽登舟亦必入  
鎮江以圖再舉彈壓列城如故且使人就成功請濟師  
而不知成功并撤鎮江之守揚帆入海矣時下流已爲  
大兵所截乃引舟趨鄱陽欲招集散亡至銅陵與江楚  
兵之援金陵者遇軍士已奪氣潰潰或言英霍山寨可  
投乃焚舟登陸士卒尙數百人至霍山寨則其帥已受  
招撫拒不納改就英山渡東溪嶺追者奄至從兵皆竄  
相依止一僮一卒迷失道士人將止之因賂土人爲導  
變服夜行天明而踪跡者思導脫身去又以賂解散諸

鄭玉編 列傳九

四十四明叢書

一約圖刊本

踪跡者然茫然不知所之念有故人買藥于安慶之高  
河埠復賂一土人導以往至則故人適他出其友納之  
問姓名諱不言則笑曰公前在太平受降時曾于船隙  
窺見公識公爲張司馬吾亦有心人者其毋諱乃實告  
其人匿之櫃中乘夜以舟載芟令伏其下由樅陽出江  
渡黃湓抵東流之張灘始陸行建德祁門山中時病瘡  
力疾零丁至休寧買棹入嚴陵又恐浙人多識之也改  
而山行自東陽義烏以出天台舊時部下聞其至皆復  
集旋使人告敗于桂藩且引罪桂藩專敕慰問晉兵部

尚書辛丑冬至閩則成功方與紅夷爭台灣地特遣客  
羅子木挽之俱北成功不可焯言乃知其無殉國意不  
足其事次年桂藩遁入緬甸久之魯藩之訃亦至焯言  
痛哭曰孤臣以二王故歷年漂泊螭灘鯨背之間今尙  
將何爲乎遂散其軍先是督府郎廷佐嘗以書招之降  
不答至是部院趙廷臣復招之答書曰不佞所以百折  
不回者不忍負故國耳今方別求寄跡之地于十洲三  
島間遼東早帽將更安歸信國黃冠抑且不屑顧執事  
無費八行由是遂屏居南田之懸巖懸巖在海中荒瘠

鄭志稿 列傳九

聖主四明叢書  
約園刊本

無人山南有汭港可通舟楫其北則峭壁焯言結茅其  
間從者惟故參軍羅子木門生王居敬侍者楊冠玉將  
卒數人舟子一人時浙之提督張杰者必欲得生致之  
以爲功募得焯言故校使僞爲僧居補陀以伺適巖中  
告糴之舟至故校以刀脅之其將赴水死殺其卒數人  
最後一人始告以所居且曰公不可得也公蓄雙猿以  
候動靜舟將近則猿輒鳴木杪公得爲備矣故校乃以  
夜半由山背攀藤入暗中執焯言及子木冠玉等去壬寅  
七月十七日也十九日至鄭杰使以肩輿迎人提督署

仰視歎曰此沈文恭故第也而今爲馬廐乎杰以客禮  
延之舉酒屬曰遲公久矣對曰國亡不能救父死不能  
葬今日之事速死而已居數日送之杭有防守卒史丙  
者坐船首中夜唱蘇子卿牧羊曲煌言披衣起曰有心  
哉然吾志已定爾無慮也呼酒與其酌卽扣舷和其歌  
至會城帥院趙公設供帳甚豐許故時部曲之內附者  
得慰問官吏士民欲見者皆弗禁煌言南面坐拱手不  
忍士民求書卽立應之九月七日起市遙望鳳凰山一  
帶曰好山色賦絕命詞挺立受刑子木等三人殉焉鄧

鄧志稿 列傳九

四三四明叢書

約鳳刊本

故侍御紀五昌捐金令煌言之甥朱相玉購其首杭人  
沈璜書張文嘉斂之朱錫九錫蘭兄弟則預買地于西  
湖之南屏而鄞人萬斯大爲營葬姚江黃宗羲銘其窆  
石後二年故校爲千夫長巡海猝遇一小舟有健兒拔  
刀躍上手擒校數之曰公何負于汝而忍爲此吾欲剖  
汝肝以祭公公必不食惟寸斬汝以洩憤因磔而投之  
海同行卒股栗不敢動健兒笑曰無預若事但歸語張  
杰慎無值我我故公帳下士也刺舟而去煌言娶董氏  
一子名萬祺初煌言入翁洲時有司錄其家口入告世

祀章皇帝知其有父命弗籍其家有可強其妻及子以書勸歸輒挾之不啟視刑部卒羈管其妻子先煜言死三日萬祺亦戮于鎮江其族人以再從子鴻福爲之後

黃南雷墓志

按明史錢肅樂有傳而煜言止附名其傳中舊誌皆以嫌諱不載然考世祖所以寬其父者爲同時諸人所未有至被執之後大吏非仰體聖祖如天之度亦何敢以隆禮待之如此至乾隆四十一年命廷臣議易名奉旨賜諡忠烈區區殷頑得蒙三朝格外之澤

鄧忠禱列傳九

聖恩四明叢書

約園刊本

不可以不記也故備書其事以見褒忠之典之有自云

莊元辰字起貞號漢曉晚字頑庵崇禎丁丑進士其鄉會試出汪文毅長源馬文忠世奇門釋褐南太常博士八載不遷冷曹清宦泊如也甲申三月傳聞京師危急一夕七至中樞史公之門促以勤王及福王卽位議選科道盈廷皆舉元辰爲首而馬士英方張欲盡致朝臣出其門下遣私人喻意曰博士但一謁相公掌科必無他屬元辰峻拒之士英怒傳中旨攷刑部主事卹刑江

南已而阮大鍼欲興大獄盡殺復社諸名士元辰曰禍將烈矣乞假旋里賦招歸詩十章寓板蕩詩人之意未數月而南都陷錢忠愍之舉事也將西行留千人屬元辰以城守事卽四明驛爲幕府日耀兵巡城堞是時危城人心岌岌賴之以安自七月至十月始解嚴魯藩召爲吏科都給事中尋遷太常少卿陸正卿兼吏科如故元辰上書言殿下大仇未雪將士冒鋒刃于外編氓浚膏血于內宜臥薪嘗胆之不遑而數月以來漸耽逸樂輕用恩賞殿下試念兩都三殿播越不守則居處何以

鄭玄稿 列傳九

聖五 四州 故書

約圖 刊本

安念孝陵長陵薦奠無時則對越何以慰念太子二王之辱則撫王子將無以爲懷念江干將士列邑編氓之困則一切奉御可以俱廢疏入報聞又言中旨用人之非乃南都批政臣叨居科長斷不敢奉詔蓋是時妃父張國俊用事多輦金授官元辰屢有封駁中宮力尼之卒不見聽已而馬士英又至詹事王思任移檄以拒又廷論其罪皆爲方國安所格元辰言不斬士英國事必不可爲疏留中于是移書同官林時對曰觀叢爾氣象似惟恐不速盡者願得以微罪成其山野遂歸江干既

潰元辰狂走深山中中服似頭陀而又稍別一夕數徙  
雖親故莫知所止丁亥疽發于背歎曰吾死晚矣勿藥

卒

續書  
舊集

謝子宣字宣子父三賓太僕寺少卿富甲一郡于宣少  
無絀紡習崇禎丙子舉于鄉癸未成進士授行人時國  
事已三嘗題詩于壁曰聖明自切衣裯戒臣子曾無戶  
牖謀及闖賊破京師于宣將投繯其僕阻之旋爲賊所  
執聞其富也索金帛掠治甚酷械置馬棧中或以火炙  
之十指被拷俱折目睛突出寸許無乞哀語將死棄諸

鄧志權列傳九

四六四明叢書

約圖本

途年三十有一福王時其父請卹得蔭一子入監讀書

邱志

沈延嘉字顯申方伯一中之孫崇禎五年進士改庶吉  
士授檢討冊封周藩還直起居注編纂六朝奏章充經  
筵展書官晉日講時懷宗治尙嚴廷臣議獄多以刻爲  
能會熱審延嘉講無慮熒獨章反覆切至次日遂下弛  
刑之旨戊寅丁外艱服闋侍母家居辛巳繼丁內艱遂  
不出南都建國以諭德召不赴順治初年詔舉人才海  
道王爾祿將以延嘉應固辭而久之悒悒致疾卒

左

雲道  
老博

鄞志稿  
列傳九

皇七  
四明叢書  
約園刊本

鄞志稿卷九

鄞志稿卷十

甬上蔣學鏞聲始撰

列傳十

范光文字潞公侍郎欽之曾孫順治六年進士授禮部主事主陝西鄉試遷吏部文選司嘗值諸曹乏人兼署四司事剖決精敏案無留牘家宰倚辦焉頗以勁直不能阿政府意罷歸初爲儀部時見同里董文和母妻子女並沒入旗下行乞途中光文適空乏爲竭蹶貸金贖歸里人高其義侍郎天一閣藏書甲于浙東光文復購

鄞志稿 列傳十

一四明叢書  
約園刊本

所未備增儲之與同里董孝廉天鑑林評事用圭日觴詠其中四方士至甬上者如姚辱庵黃梨洲諸人光文皆導之登閣讀所未見書一時稱其不愧世家風流云

續耆舊  
集本傳

黃象雍字薛侯性孝友事父極色養再世同爨闔門羣從數十人無少間言登順治六年進士授行人典試廣東踰年請假歸時海氛未靖大師雲集率屯聚民舍編戶遭迫逐者多至露處或同居輒不免簞楚象雍以己宅讓戎帥而諷以戢士閭左稍安後遷禮部郎中致仕

曹志及續  
耆舊集

范光遇字逢年少貧力學每五鼓起讀書日間則治生以養父年四十餘始得補博士弟子員順治五年舉于鄉次年成進士授膚施令地當兵燹之餘戶口多逃亡而丁賦極重責居者代輸尤迫按籍申撫軍求奏蠲虛額得報可民慶更生遷常州同知嘗攝宜興篆懲奸民之冒旗軍者其黨以飛語構諸大帥幾得禍對簿事始白又嘗署郡事出冤獄四人陞知兗州下車卽革私耗卹驛遞葺學宮甫八月以前在常郡時帶征餘賦未完

鄭志稿列傳

一四明叢書  
一約屬刊本

擬降秩遂歸從子廷元子廷魁廷元字掄三光遇同榜進士廷魁字介五舉順治十二年進士皆選授庶常改檢討嘗偕侍世祖章皇帝于南海子廷魁班居後唱名世祖顧廷元曰汝弟耶廷元叩頭謝因賜衣二襲未幾廷魁卒年止三十三廷元歷遷至洗馬出爲江南參政督糧儲轉河南按察使晉廣東右布政使卒于官最敦內行事光遇如父所置田宅與從弟其之增先世祀產周三黨之貧者人以爲有宋時汪薛諸老之風邱志兼采行狀張翼字燕及順治九年進士授肥鄉令肥俗犇悍多盜

翼均里條嚴保甲盜爲衰止巨濱漳河久淤而決立屯  
工築隄露宿水次且爲文禱于神一夕大風沙忽漲決  
口不築而塞肥民德之爲立碑紀異焉入爲刑部主事  
轉郎中丁內艱歸旋卒子九英別見文苑傳

邱志

戎上德字聿修少學于里中故評事林荔堂成順治九  
年進士殿試後將館選聞父病不候班見遽歸連丁內  
外艱服闋赴京授大理評事擢戶部主事出榷邗關先  
是榷關者于支流曲港遍置人役雖一介行李必不免  
橫征上德一切罷革事竣轉員外郎廷議交推轉文選

邱志補列傳十

二四明叢書

約圖刊本

司郎中謝絕私謁苟苴無及門者廷議又推之出巡長  
蘆榷政恤竈戶汰陋規商民感悅差回復領選事陞鴻  
臚少卿改光祿擢通政司右參議卒于官荔堂爲前朝  
遺老閉戶不接見時貴上德歸日候門下拒不納而上  
德始終執弟子禮及卒家止中人產荔堂爲詩悼之稱

其庭脂不潤云

林荔堂雜錄及邱志

史大成字及超號立庵宋時舉八行詔之後登順治十  
二年進士廷試擬第三世祖章皇帝閱其對策改第一  
授修撰隨充日講官嘗講周易稱旨賜資優渥其父思

之繪已容以寄亦令大成繪已容以寄父大成得書悲  
惻而故事京僚六年俸滿始得假歸時大成甫四年上  
疏曰臣父思子不見思見子之儀容呼子不來頻呼子  
之名字臣而忍此不可以爲人子亦不可以爲人臣世  
祖覽其奏情詞哀切特許之歸比歸父已卒繼丁內艱  
康熙初服闋赴京歷遷至禮部左侍郎時同官有議裁  
孝子節婦廩給者狀不能難大成徐曰君謂子自爲其  
父婦自爲其夫何預朝廷而廩給之然則爲子不孝爲  
婦不節亦何預朝廷而國法必嚴之也議者愧屈十五

聖志稿 列傳十

四 四明叢書

約園刊本

年知貢舉往時科場條例甚苛往往于點畫小疵必舉  
以繩士士甚苦之大成但嚴內外之防一切寬其文法  
遂制爲令尋以病足乞歸爲人和平敦厚尤篤友誼素  
與同里周容善己亥城東兵亂容時客遊大成適里居  
所以卹其家者甚備後容北遊依大成于京邸容沒殮  
如禮且歸其喪年六十有四卒以尙宗室女得賜祭葬  
從子在甲字牲忠號慎庵甫生而父沒于京邸八歲復  
喪其母值大成歸撫視之未幾大成又卒在甲以孤道  
力學補諸生年四十餘始中康熙癸巳恩科鄉試聯捷

成進士班見聖祖詢知爲大成姪特選入庶常授編修  
出知山西汾州府郡有水道自平遙縣流注汾陽平遙  
民墾其上流資灌溉潦則洩之以汾陽爲壑在甲至相  
度高下均其蓄洩二邑皆被其澤有奸民蘇文通者利  
其從父貲招客飲其家殺之以誣從父有司以其富也  
引嫌莫敢理在甲訪得其實一訊而服竟抵文通罪久  
之以廉慎爲世宗所知召見語侍臣曰此晉省第一清  
官擢淮陽道未上改廣東都轉鹽運使向有公費率派  
之商人在甲悉絕之三年晉山西按察使旋陞通政司

鄭志稿列傳十

五四明叢書  
約園刊本

右通政命督理寧夏渠工疏惠農昌潤二渠復開新渠  
建西河長隄築賀蘭山後定遠營城事竣歷遷左副都  
御史禮部右侍郎以前在廣東得溼症至是足不良于  
行致仕歸在甲所歷官與乞休歲月無一不與大成相  
符卒亦六十四初在甲微時假貸爲生舉賢書不能北  
上有齋夫助以金及宦成旋里所貸皆倍償召齋夫與  
禮食而厚遺之人以爲長者採家狀及全謝山  
送史侍郎南歸序  
屠粹忠字純甫號芝巖中順治十五年進士謁選得封  
邱令時封邱遭河患城垣廬舍傾圮無餘前令率艤舟

河干以莅事粹忠至築土誅茅粗立官署復置草舍數十百間招流亡居之巡行城址出磚甃于沙土中充雉堞之用鳩工植版不兩月城垣如故在任十載以最陞禮科給事中江撫議題州縣外補粹忠疏爭爵賞宜從中出以議論與時不合乞終養歸旋即居憂服闋補兵科陞戶科都給事中康熙三十六年淮揚大水陳便民十要陞大理寺丞授奉天少尹晉大理卿超擢兵部侍郎聖祖以粹忠老而矍鑠書修齡堂三字賜之晉本部尙書卒官子孝義康熙丁卯舉人授龍川令兼攝海豐

鄧志稿列傳十一

六十四明叢書  
約圖刊本

和平歸善三邑俱有惠政

曹志

袁時中字向若幼失怙恃撫于王母趙氏趙亡依其叔勵志問學然貧苦特甚五棺俱在淺土侍御陳朝輔見而憫之助以貲乃克葬著報恩編以識康熙六年登進士第授中書舍人與修實錄分校壬子北闈吳三桂反從征加禮部儀制司主事屯兵楚中值暑溼士卒多病疫時中素曉醫術處方製藥雖廝養卒亦必親診視疽中皆感涕時賊在湖南官兵相拒于洞庭湖口調江南鮑工以數萬計至軍前久不用時中奏遣還皆踴躍而

去一日赴帥府急召山程積雪劣容馬足忽投空墜峭壁下垂梯出之已折脅死矣軍中皆號慟適遇蒙古醫人以奇方治之復蘇隨征七年始班師還本部員外晉郎中出爲貴州提學黔土經兵火後瘡痍未起又距闕期僅數月時中疏請改歲爲科朝議允之行部甫畢感瘴疾遂不起

曹志

范煒字赤霞號修園爲人伉爽自豪雅不喜有所附麗時黃南雷講學甬上邑士多從之獨不預同族筆山居相近方與徐戡齋陳怡庭諸人治詩古文詞爲心聲社

鄞志稿列傳十

七四明叢書

約園刊本

亦不預惟閉門讀史考據古今方略爲有用之學康熙癸卯甲辰科場變例停經義以策論取士煒倣古制科策治治千餘言暢陳所見遂聯舉鄉會試除南和知縣遇事不拘文法輒以意斷有斥生某素桀黠橫行鄉里善持吏短長前令莫敢問煒下車廉訪得實其人方竄名胥吏中監納秋稅匿稅銀三十兩立捕鞫某挺立戟手曰吾賊未入己罪止擅開官封卽更進之從監守自盜例亦僅論徒四年而後且將觀公之政煒怒曰此亂民也刑故無小立杖斃之一日視囚有三人者久論決

見燁稱冤覆按其事則其族人素漁色恣淫邑里間家富有司率庇之三人妻女被汙訟不得直反予杖忿而聚毆致死因條上其事得末減蓋刑一人宵三人而南和人並稱快遂帖帖惟令指麾適三藩變起大府立徵軍需署中賓友各錯愕無措民間尤洶洶燁神色自如單騎歷四鄉諭以國家鞏固小醜不日就殄惟當具芻芟糗糧爲勦寇用事平歸爾值民故信燁皆樂輸不日而事集他州縣多以此獲譴而南和令獨被優獎後果捐俸以償民民益謂令不欺在任數年以最當內擢有

鄭志稿列傳十

八四明叢書

約園刊本

巨公方主持聲氣重燁才欲招致門下謝不答旋以內艱歸服闋補通城部議遷中書已刷堂矣而巨公以前嫌尼之大吏承風旨坐以他事落職旣歸家有小園日觴咏其中杜門不見當道久不與名下士交優游三十餘年卒從弟光曦字晨馭和厚謙約以拔貢生授陝西麟遊縣值歲歉倉故無夙儲勸右姓捐助多不立應乃出已貲爲粥以食飢民諸右姓內愧各出藏粟民藉以活內陞戶部主事歷員外郎中出知南雄府南雄多隴戶率貧困終身不婚娶光曦擇窮民女爲之配各資助

之婚者四百餘人一時呼爲范父致仕歸卒年七十有九嘗書座右曰吾仕宦五十餘年只一肯吃虧三字盡之與煒操尙不同並以吏治稱

范氏家狀

徐勅字道勇戶部主事家麟之子成康熙三年進士授三原令值吳三桂作逆四川平涼皆叛應之秦中郡縣供應驛騷勅竭力區處大軍過單騎迎犒士馬皆飽騰而去漢中乏餉制府檄令未完之賦皆改征米自輸送軍前計米一石腳價且數倍而三原民欠尙三千金勅爲借墊報完邑民獨免折色之苦再任廣東順德銳意

鄭志稿 列傳十

九四明叢書

約園刊本

振興文教朔望課諸生親與評論士皆鼓勵適當大比邑中獲雋者至二十四人嘗行部見室多停柩野有暴骨飭保甲剋期令歸土無主者捐俸買地葬之民頌其仁秩滿擢山西道御史未幾卒

曹志

黃斐字雲襄號策園僉事綬之四世孫少與包夕齋張啓嶼董缶堂陳非園遊亦及侍黃南雷講席康熙九年成進士授庶吉士改御史疏參廣平府沈某下督撫勘奏大吏以屬員貪縱慮并坐謂沈某已前乞休聖祖大怒謂此見黃斐疏上特顛倒年月以圖掩飾耳遂以失

察罪之四川布政使家人以貿易失盜誣指良民所開  
失物甚多斐疏糾謂金珠羅列非下吏苞苴卽川民膏  
血且吏而商已罔利矣況又波累無辜乎隨奉旨察議  
二疏出直聲震一時陞太常少卿轉左右通政歷奉天  
府尹晉通政司仕終副都御史子廷銘副貢生授行人  
司正歷戶部郎中

曹志

陸經正字復古大理卿世科之孫登康熙十二年進士  
授山東利津知縣同選者多貸金以壯行色經正曰異  
日必浚民膏以償欲爲廉吏不可得矣獨與兩蒼頭策

鄧志稿列傳十

十四明叢書

約園刊本

寔之任邑征額有陋規吏告以舊例可取厲邑叱之凡  
催科有常期兼有定式及數而止無稍溢錙銖者民感  
之輸納如約不施鞭朴而正供獨先諸邑訟者初投牒  
卽詰其情僞以單詞決之或須訊鞫兩造具備隨聽斷  
無久淹者邑苦貧士多失學數十年中無一人得列賢  
書經正歲時集諸生于學宮贍給之爲講析文藝自是  
有登甲榜者邑人謂之破天荒任滿晉蘭州知州旋乞

致仕歸

曹志

徐懋昭字晉公康熙甲辰進士知沛縣沛有前孝廉閻

古古方亡命刊章名捕懋昭重其志節外奉簡書而陰  
厚其家其後古古以合肥龔司馬之力得釋生還懋昭  
繼粟繼肉執後進禮時人以為難其治邑以文學飾吏  
治在沛縣凡六年家止老屋數椽無一壠之植妻子未  
嘗服紈綺己未詞科薦舉鴻博既報罷遷開封同知柄  
在太守不得一展其志平日與周鄭山李譽樵洪海槎  
唱和極多及卒海槎為詩哭之且誌其墓

洪程鄉集及續音舊傳

慮宜字公弼一字函赤康熙五年舉于鄉再上禮部不  
第以母老便養授蕭山教諭蕭為水陸孔道邑令有事

鄭志稿 列傳十

十一 四明叢書 約圖刊本

輒借力能補所不逮毛檢討西河方困于諸生宜極力  
嘘拂之丁內艱歸補嘉善陞鎮遠知縣兵燹後遺黎無  
幾大吏令招湖廣民實之宜鎮撫新故皆有威德郵傳  
往來如織臺省符牒催呼旁午一切不以擾民俾安堵  
休息後以積勞致病乞休督撫咸慰留不能奪去之日  
士民為樹碑于中山之陽歸後杜門著述有鴻遠堂集  
八卷黔行紀程一卷工書法兼擅繪事以墨蘭著續音舊傳  
謝于道字敏公行人于宣從弟康熙二年登賢書越十  
年成進士選庶吉士改刑部主事聞父病請假歸尋丁

外艱服闋補原職陞員外郎嚴獄吏需索之弊冬日製衣以給重囚之裸體者遷戶部郎中出督雲南學政滇省洵經喪亂多失學于道脫略威儀相視如師弟子途次有擁輿問業者永昌衛官與諸生爲難行文審理知爲衛胥所陷遂申其狀于督撫礙衛官而白諸生寃行部所至多立石紀德後數十年滇士官于浙者猶追述謝學使不置惜早卒未竟其用云

曹志

邱克承字紹衣成童時海寇入境從兵刃中負其祖母出逃人稱其孝康熙八年登賢書授義烏教諭嘗校刻

鄞志稿列傳十

十二四明叢書

約園刊本

宗忠簡黃文獻王忠文集以惠學者陞鉅野令邑民置產多不歸戶里胥催科有遠步數百里者克承編甲命就近著戶籍公私便之舊時審丁止憑吏手得恣意爲奸克承逐保按籍閱視得實宿弊遂清鉅素多盜有曹州李姓者號天王鑽爲盜魁身不出境而羣盜倚爲巢窟捕尉莫敢問乃于元旦出不意擒之餘黨次第翦除鄰境俱安堵邑當曹定下流歲苦水克承相視高下潯其淤塞沮洳皆爲膏腴撫軍以卓異薦旋得疾卒時方擬定陶鉅野民聞之並垂涕爲祀諸名宦

鄭寒村墓誌  
兼采曹志

陳紫芝字非園性純篤事其兄金芝如父白首無間言  
從黃南雷講學與陳怡庭仇滄柱諸人相切磋中康熙  
十八年進士主考葉文敏公見其名喜曰浙東名宿也  
薦入館選旋以親老歸省丁外艱服闋改御史毅然以  
風紀自任時外吏餽遺京僚名爲書帕于科道官尤重  
紫芝一切峻拒有奸徒鄧二者張酒食肆以妓爲囹內  
私置囹誘良民入其室恣嚇詐或不遂所欲卽囚禁  
之甚有潛斃者踪跡詭祕又以賄徧結當路人莫能詰  
紫芝巡視南城遣役捕得一訊而服遂立置之法嘗上

鄞志稿 列傳十

十三四明叢書  
一約園刊本

疏謂朝章國典宜歸畫一民間冠婚喪祭尤未有定制  
請編纂禮書又疏乞裁并屯衛大指謂屯衛始于前代  
今名存實亡而其籍掌于衛官有司不預知請以屯務  
屬州縣則錢糧可稽地畝可核逃盜可清所建白皆切  
于實用時封疆大吏多由閩部保舉湖廣巡按張汧大  
學士明珠所私也恃勢不法臺垣無敢糾之者紫芝獨  
具疏參劾且請罪其保舉之人疏將上有大臣力止之  
不可聖祖已遙望見命上殿卽出疏因面啟其罪上頷  
之且曰滿朝爲所賄囑爾小御史乃爾敢言翊日面諭

九卿保舉湖撫者一體嚴處事雖寢不行而紫芝直聲震朝野

事見郭琇劾明珠疏舊志所載殊不覈

旋陞奉天府丞兼督學政

力絕請託所得多知名士請葺學宮墾荒土置學租設教習部議允其二歸朝陞大理丞讞獄慮囚屢有平反在廷多側目以其方承眷無如之何一日偶於朝房吸茗歸至寓暴卒

浙江通志兼采山東萊州府志郭琇傳

陳汝咸字萃學號悔廬翰林錫嘏子也少隨其父于講會中目無流視耳無妄聽凡星緯方輿之說無所不究而以慎獨爲宗旨驗其功于修己治人之間顧未嘗以

郭志列傳十一

十四四明叢書

卷四刊本

道學自名康熙三十年成進士選庶吉士座主安溪李文貞公方以講學招來後進或拉之同往汝咸謝不預徵館改漳浦知縣漳浦俗好訟胥吏能以一訟破中人產汝咸下車著令凡戶婚田土先令親屬保甲議議成息訟于官其大者甫受詞卽面諭訊期不遣役下鄉亦不少稽時日吏無所容其奸俗好服斷腸草以誣人嚴禁之倣古有輕罪者命納草以贖又捐金募民誅草以絕其種民間酷信巫有病昇諸妖師狂走禱祝雖藥石亦卜之食其吉者食而死則曰神所不佑也汝咸開示

曉諭并自製藥以濟貧者巫風以息值徧審上戶或數千畝下戶止數十畝舊例任糧長者計戶不計田上戶逸而下戶常勞又都鄙分保大小不均汝咸定三百畝爲率上戶分之下戶合之輸當糧長保則限以二百家無少贏縮閤之丁口專據明時戶籍有遷居百年而原籍丁糧未除者汝咸援國制請于大吏令入籍二十年以上收之遷籍二十年以上除之各縣皆以爲便鹽課則革場差杜包納凡漳邑商民之困皆爲之一蘇暇日爲諸生講明經史修銅山朱子祠堂漳故有黃石齋誠

鄭志稿 列傳十

十五 朔湖叢書

約園刊本

明書院爲浮屠所據理而出之贍以田兼葺石齋諸書以示學者同邑錢忠節墓在古田縣黃檗山爲修其廛道而清其界任漳浦六年督撫交章薦而當軸者尼之及更一紀尙未調會南靖多盜而汝咸在漳浦令各鄉練鄉兵有賊黨數百伏邑之七星洞發鄉兵擊走之復聚于丹窰山已而聚于平和山因誘其黨林大札令擒賊魁曾睦以獻賊始解散又以計擒海中大盜徐容細訊之則知海中凡有六頭目且因供詞併得勦撫機宜申請招撫果降其四大吏奇其才遂調守南靖漳民聞

改調競取桔槔犁耙塞縣署門出則擁輿遮道不得前  
乃夜半微服去始得抵南靖漳人爲立月湖書院以祀  
焉月湖者汝咸所居也因爲名其治靖如治漳浦招  
降歐山羣盜且大興境內河渠未幾內擢刑部主事靖  
民攀留者一如去漳浦時尋遷廣西道御史疏言臺灣  
事宜次陳命案條例宜加詳定已聞海賊燒汛船特具  
防海二疏大旨謂海疆防賊命商舟掛號以憑查驗其  
實賊出海止乘小舟及奪商舟則關防縣照已盡得之  
非掛號之所能查況商舟利走大洋風急帆駛賊舟不  
能攔劫今以掛號故不得不迂迴于礁嶼之間而賊船  
乘之是掛號反爲商舟之害也又言賊雖海中飄蕩經  
冬必返其居故在洋之劫掠宜責之巡哨將士而未下  
海之踪跡宜責之本籍州縣誠能嚴行保甲何不可窮  
治之有疏上溫旨慰勞寵眷日隆五十一年海賊陳尙  
義乞降卽徐容所供六頭目之一也前招撫時獨尙義  
不至因具劄謂當因其來而亟許之自請行且薦福建  
舉人阮蔡文與同往鐵山鳳城島招納陞辭聖祖面諭  
近御之臣不可蹈險但令蔡文入海爾駐遼左以待蔡

文果撫尚義并令集未來餘黨十餘年巨患悉平復命  
都御史趙申喬薦其能實心辦事擢通政司參議尋命  
使湖廣祭炎虞二帝陵兼賚駐防將士湖南北谿峒深  
險施州九溪等處尤崎嶇或請但遣他人代給汝咸不  
可徧歷其地谿洞長出迎則宣布國家威德以諭之事  
竣晉鴻臚卿再遷大理少卿會陝西甘屬報荒奉命查  
勘入境見飢民載道卽不御酒肉山路仄則下馬步行  
嘗一日踰九嶺至平涼急發所貯粟賑之體素孱以勞  
瘁致病猶力疾不已至固原而卒訃聞聖祖憫之蔭其

鄧志稱列傳十

七四明叢書

約園刊本

子本醇入監讀書本醇故諸生亦謹飭能守其家法孫  
熙綱乾隆辛卯舉人今世所傳漳浦政略乃邑民裒其  
告約諭條文移而梓行之者其奏議及詩古文曰心齋

集若干卷藏于家

全謝山墓碑  
及浙江通志

蔣兆龍字御六四歲而孤鞠于外家甫就塾卽循循有  
規矩刻意勵行非禮不言非禮不履同學皆迂之及長  
授徒會稽主人豪家也侍兒百輩出入交錯常正襟危  
坐從無流視侍兒竊歎曰眞聖人也又嘗假館錢湖一  
日襍被遽歸叩其故不肯言久之乃知其因奔女康熙

三十年成進士初任雲南浪穹縣蠻獠雜處一以至誠撫之莫不帖然晉保安知州治如浪穹民有投訟牒者呼至閣前以情開論絮語如家人訟者往往內愧復懷牒去吏役見其和易暮夜以金進求出人罪立予杖而褫之移治歸州陞刑部員外郎每逢訊期反覆評審惟恐一人失入然罪犯明著者執法不少阿關節既絕或以兼金請于公子莫敢應時京師遊手之徒爭爲部胥冀分苞苴之餘獨相戒勿事蔣郎中公署終歲如洗典衣質衾僅給朝晡冬月惟一大布羊裘夫人不能治複

鄭志稿 列傳十

十六 四明叢書

約園刊本

裙怡然也出知平涼府值西陲方用兵軍需旁午日不暇給會大將軍過供應簡淡遂以買馬不稱被劾平涼民數萬叩制府乞留不能得雨泣送之歸後猶責償馬價無以給命籍產止破屋四楹身沒幾不能具棺聞者傷之初自歸州赴京使道旋里偶乘肩輿出適有貲郎得罪于諸生諸生誤以公輿爲貲郎之輿環而擊之碎其簾亟下輿問故諸生惶恐踵門謝過笑曰彼自當擊諸君特誤耳何尤焉揖之外堂茶話而別其雅量復如

此全謝山墓表

戎式弘字含大通政上德之子康熙間拔貢生初任蕪  
蕪縣值歲歉奉命蠲賑不足出已貲佐之日赴各廠察  
核按口均給病者設藥局踰半載全活者眾有營弁率  
健兒入境縱圍場蹂躪民田式弘遽奪所持令箭用印  
封識繳納帥府于是相戒不敢復犯遷江南旌德縣兼  
署績溪有逋賦數千積久未清而地瘠民貧雖敲朴不  
能應式弘惻然爲鬻其先業償之丁外艱瀕行士民綰  
攀與泣別圖以贈服闋補福建安溪未幾卒子澄字心  
源康熙二十四年進士知四川德陽縣蜀中萬山回互

鄧志編 列傳十

十九 四明叢書  
約園刊本

爲令者率循資待滿澄少年銳于有爲大吏知其能以  
全蜀丈量事諉之澄素講勾股法所至親自履畝凡兵  
燹後開墾成熟者無隱漏久荒賠累者輒豁免之官民  
皆以爲使陞督捕司主事改職方卒

曹志

范正輅字載瞻吏部郎光文從子康熙丙午舉人初就  
秀水教諭尋陞泉州德化縣攝篆大田撫軍以其莅泉  
久咨及一方利病遂條議十事以進檄下閩屬遵行之  
長子從益以明經爲桂林簿次子從夔康熙三十八年

舉人

張之紀字公肅以太學生爲東萊縣丞陞河陽令旋攝河內以病告歸立義塾義田延師教族子弟三黨中乏嗣者爲贍田立祀修墓焉

謝允文字有聲太學生由光祿寺典簿陞湖廣衡州府通判捐俸置學田供廩餼攝郴州篆有周濂溪祠宇久圯修葺爲書院置出贍之前守劉某遺孤貧甚不能歸資助之爲之授室其好義多類此

右三人皆曹志所載其傳多冗詞而少實跡然亦不敢削也姑節存數語以志其概

鄧志稿 列傳十

二十四明叢書  
約圖刊本

陳時臨字二咸甲寅三藩之變總制周有德知其才辟置幕府後隸撫軍楊雍建從征黔中議敘授湖南城步縣部有紅苗最難撫時臨曲意安輯之丁外艱歸服闋補河南汝陽縣邑經喪亂之餘田疇幾廢楊埠有支河久淤時臨疏濬復其舊民始得灌溉之利康熙三十四年河北大水戶口皆流亡時臨遽以便宜開倉賑濟而後中上僚上僚嘉其膽弗責也河北盡食蘆鹽獨汝寧一郡食淮鹽蘆商欲併之時臨謂蘆鹽計口而授不問所需多寡以成額給之是厲民也吾不能爲河北盡革

其害反徇商人意以害境內乎爭之力得止汝寧諸邑均受其庇撫軍徐文敬公潮亟稱許謂宜久任由是後諸大吏皆留之在汝陽凡二十餘年始陞兵部主事以病乞歸初作令時俸入皆以給宗族親友之貧者既歸蕭然無有一日太守來通謁以無襲衣謝之太守適有所白逕登其廳事乃遣人四出假襲衣久之始得見晚

景益頗頽以卒

全謝山墓誌

董雱字山雲父德巍以淳行稱黃南雷誌其墓三子雱其仲也長雯拔貢生授上虞訓導後陞國子監學正以

鄞志稿 列傳十

三四明叢書 約園刊本

母老不赴季霖亦以拔貢知臨漳縣內擢工部主事雱以諸生入太學援例授房縣令房居萬山中亂後井竈蕭然其田分三等賦亦如之初有司招民墾種所墾係上中二等田而所報則下等之賦有司方事招徠弗詰也及是詔令長吏募民開荒能盡地力者得書上考荆襄鄧郢之間有司各踴躍從事而房縣無有太守詰之對曰房之未墾者皆下等田而其籍之在藩司者則上等賦也將來所入且不償所出卑縣已戒耆老無妄動矣太守不以爲然曰居官傳舍耳但得書上考何慮後

日爲雩終力持之其後果爲南土之患民報墾者多磽确水旱卽失收賦不得蠲售之則莫有應逃亡者比比而房縣民獨無事遷永昌同知移萊州其屬邑歲遭大水爲濬河築隄水患遂絕擢永昌知府時制府議開孟迺銀山雩爭之曰孟迺係土司若開山必遭大眾遣大眾必陵蠻戶而金刀所在漢人與蠻戶必有互相攘竊之事且成亂階制府以其阻議頗愠會六月米價騰踊民多死者由永昌文移至會城往返需六旬乃先發常平倉并借施甸之穀以給之而飛騎請擅行之罪于制

鄧志稿 列傳十

三四明叢書

約圖刊本

府制府果大怒遣人覈其數皆可稽無升斗私且民間頌聲翕然乃止以年老不及令去官尋更悔之得原品致仕而孟迺之議亦止子竑字樂窩號鈍軒能壁窠書兼習繪事以宗譜多訛求全謝山考定兀兀手鈔至盈尺謝山續耆舊詩之役走故家采訪甚力次子宿字守素號梅圃最工隸書兄弟皆能詩相唱和然去雩罷官不十餘年各餬口不給可以知雩之廉矣

續耆舊本傳兼采曹志

王暎字禹瞻號曉園少負才以幹略自許一日見陳裕齋裕齋語之曰士不通古今雖寇萊公之才猶爲乖厓

所謂乃精研史學補諸生再踏省門不利卽棄去遊京師武陵胡復齋出知夔州邀與俱復齋晉僉事分守川東仍留置幕下會大兵征喇藏以餉不繼引還聖祖再命四川甘肅雲南三路出師制府視川中諸屬吏無可任饋運者憂之復齋薦睽才制府召見語合意假州判銜令督餉前此馬一疋馱糧二石喇藏去中國幾萬里半途馬多斃餉由此缺睽乃請于制府馬皆有副出松潘路歷竹浪諸國皆屬夷睽厚結其酋長酋長喜以所有牛畜代馱馬得散行數千里至沙磧外則馬皆肥健

郵志稿 列傳十

三四明徵書

約園刊本

又有副因不至羸疲一日迷失道時已昏黑平沙無際不知所向軍士皆惶惑睽謂管子稱老馬之智可用命縱銜勒隨所之日間騎兵經過多遺矢在地馬得逐氣而前逕造大營至弱水軍不得渡投以竹木皆沈睽語川帥曰吾聞古人有以革囊濟水者乃製革噓以氣使脹固緘其口試之囊果浮水面卽取軍中牛馬皮爲數百囊連綴兩岸令軍士數人齎巨索先過用索橫互于河人挽索馬乘囊遂畢濟旣抵喇藏甘溟兩軍先至而餉已盡時親王督師問川帥餘糧有幾川帥意不欲分

給而不敢拒曰須問司運者王立召睽睽對餘五萬石  
因命均給三路兵既退川帥咎之曰若不欲歸乎睽對  
今在絕域幸合眾力得破賊何患無餉否則兩軍飢死  
川兵豈能獨支不數日與同盡何歸之有卽運輸兩軍  
王解所服貂賜之軍齊進竟復喇藏班師藏中白金山  
積軍士舍衣裝競以馬馱金睽禁部下敢挾金踰二百  
者斬後歸經雪山舍衣裝者多凍死惟運卒無恙敘功  
授陝西漢陰縣邑饒水利而土人不知稼乃申請招湖  
廣人開墾官給牛種大吏謂漢陰自來無水田設不效  
牛種安所取償不許睽再申請遂以牛種先給應募者  
大吏無如之何是年秋大穰土人競墾荒遂成沃土邑  
多虎災禱于城隍神虎遽絕城西紅石厓當孔道極險  
仄睽以水田所得賦償牛種外募工鑿平邑人無知學  
者遇學使者試不能滿額睽擇穎秀子弟置義學躬教  
之有劉崇者尤加意嘘拂踰年舉于鄉士始漸知讀書  
值制府獲譴諸嘗保舉者皆褫職睽自以軍功議敘非  
特薦大吏嫌其倔強遂循例去官邑民斂田千畝請留  
居不可歸而貧甚後劉崇知定海縣訪之所居在窮鄉

絕食乃延主舟山義塾未幾卒

宋定海令劉崇所作行狀及征西日記

邵基字學址號思蓼父恢字眞長以碩學爲里黨師顧  
屢躓場屋年踰艾始舉康熙癸巳恩科未幾卒基幼承  
父指授康熙庚子舉鄉試第一次年成進士選入庶常  
授編修再改御史命巡視京西時世宗憲皇帝勵精圖  
治深惡臣下苞苴之習舊奉使者外吏競有賂遺基性  
素介盡卻不受回京襍被蕭然上廉知之始有意大用  
改給事中侍直皇子書房副鴻臚遷通政司參議改祭  
酒再遷都御史入侍直廬基小心謹畏出入禁廷凜凜

邵志痛 列傳十

三五四明叢書  
約園刊本

以溫室之樹爲諱屢膺召對密有獻替不一語人雖妻  
子亦不知世之趨附者及門多被辭頗以此致謗然于  
閣部大臣舍公事相見外未嘗有私謁數主會試李礪  
山爲共同學老友頻上春官不見錄人乃服其公擢吏  
部右侍郎今上卽位命巡撫江蘇時河督性愎江左諸  
大吏皆曲意下之基與議開河事不合因并與江督左  
由是事多牽掣有州守以貪聞已疏劾去職復有保舉  
之者基自恐負任使而又不得專行其志惟事正身率  
屬或以惠山泉餽斥之曰是卽飲貪泉之漸也爾無以

此相嘗試故同列雖不嫌亦不能有所加旋得疾上遣  
太醫診視竟不起遺奏至京予祭葬如例初基爲侍郎  
時賜邸舍內城遷寓惟衣一簏書數篋及任江蘇先君  
子過之見曝薺魚于庭曰此鄉味吾適遣人歸里因命  
致此隨市內一觔兼取魚佐酒止二簋其後諭祭使者  
至門所居在隘巷不容肩輿則步以入矮屋不足以設  
廣筵則畢事于簷雷之下使者太息而去子鐸字員夫  
丙辰進士以庶吉士改檢討早卒

節錄全崑山神道碑  
兼采先吉士祭祁中

丞文

鄉志稿 列傳十

五十四明茂書

新國刊本

范廷謀字周路號省庵孝子洪震之孫少從學于陳編  
修怡庭屢試輒躓赴北闈亦薦而不售會武昌兵變三  
韓張公敏乘傳視師邀之偕行軍機宜皆代爲部署張  
公謂其才宜早爲世用何必從事帖括適陝饑開例卽  
代捐貲得漳州通判時權海關者多不遵成例廷謀爲  
列其弊申詳大府並立石道左示商民定額俾官吏毋  
得橫征平和縣令某以不愜輿情致激變時議加勦廷  
謀亟白制府請自往撫慰民果帖然丁內艱歸服闋補  
雲南府倅量移郴州知州有命案捕係二十餘人迄不

知正犯爲誰乃禱于城隍祠齋宿三日卽于祠中集諸  
囚謂之曰神已告我矣唱名次至一人神色惶遽諾之  
立吐實遂盡釋餘人自是鄰郡有疑獄輒檄使訊治撫  
軍以爲能特具疏保題入都命督糧輸甘肅往還九閱  
月事竣候陞郎中旋諭九卿舉堪任道府者廷謀預焉  
引見授臺灣知府舊仕臺者一切章程多用僞延平鄭  
氏故制且其地多流寓而番民尤梗化因條八事上大  
吏謂兇番宜勦荒地宜墾田賦宜均住籍宜定臺城宜  
建築民番賦稅宜一土子宜取本籍澎湖宜添設府同

鄭志稿 列傳十

二七 四明叢書

一約園刊本

知一員以稽查舟艦防姦宄制府高公採其半上奏行  
之會屬吏以罪被籍御史誤取邑中平糶公頂并没入  
之廷謀以國課所關力與爭遂以徇庇被劾引見面奏  
事得白超擢兩淮鹽運使時年已六十有八大書署門  
曰竭力勤勞拚老命苦心調劑做清官閱三年以重聽  
屢就大吏乞休上廉知之責以沽名釣譽且諸事以老  
推諉命解任修築鎮江城隨至京口週城勘閱燒擊鳩  
材未畢工得疾卒

采家  
狀

傅維祖字文孫一字海峰父攀龍能詩全謝山續選書

舊集列諸北郭八子之一維祖舉康熙辛卯鄉試數上  
春官不第就刑部學習期滿引見授福建龍巖州漳平  
縣在任九年調福寧府福鼎縣維祖居官好修舉廢墜  
漳平舊止木城明正德間知縣徐鳳岐始築土甃石康  
熙十六年大水城東北隅崩數十丈其後西南隅亦圯  
工費浩大前令相視莫敢舉維祖申請大吏領帑承修  
費不敷則捐廉濟之邑南龍江有浮橋用船二十四隻  
上設板以鐵索橫互兩岸久而船朽橋廢民病涉乃捐  
貲新之又慮山水驟漲當解纜分船以避衝擊別造二  
舟以備渡由縣至州道由金溪潭舅姑嶺潭深嶺峻逕  
不容足乃于農隙募工鑿石以便往來又佛仔山有先  
蠶祠適奉部文撤淫祠且命變價維祖以百金償價而  
別葺之爲菁城書院俾邑士肄業焉舊有義冢斂暴骨  
之無主者葬已滿置棺其上殘骸枯骼互相委積爲別  
買地于高明寺之右表其四界立石記之後知福鼎縣  
未及暮以老乞歸卒

福建龍巖州誌

范從律字希聲號西屏延平守筆山孫也幼穎異甫七  
歲父訥齋在都中能作書候起居後隨任延平筆山延

同里周孝廉淳伯授之經暇則自爲講說適趙蒙泉過  
署與筆山論詩卽以所和楊龜山此日不再得詩就正  
蒙泉大稱賞歸里中則與李礪山陳函輝相切磋前輩  
如謝恕齋鄭南谿皆器重之補諸生食餼且二十年七  
赴棘闈不見售以次當貢學使何端簡公復選拔之雍  
正癸卯始舉于鄉三上公車至癸丑成進士座主任香  
谷語同事曰吾主試得此佳士庶幾不虛選入庶常乙  
卯世宗賓天今上御極將增上歷聖尊諡掌院大學士  
可亭朱公命分撰孝端文皇后孝莊文皇后尊諡册文

鄭志稿

列傳十

三九四明叢書

狗園刊本

此非庶吉士所職朱公重其名特諉焉散館引見以知  
縣用得山東武定府商河縣館閣大僚皆惜其去從律  
以筆山亦嘗作吏至今尸祝遂欣然就道至商按圖籍  
知商邑凡六鄉二鄉悉鹹嫌不毛舊有官莊募民開墾  
後應募者皆逃徙而數百頃浮糧令四鄉均攤賠納卽  
力言于撫軍爲具題豁免值歲旱失收請賑得報可醫  
月親至被災地方稽戶口以給之邑有奸民崔如蘭等  
結十虎社以刀筆毒善良廉得其最桀黠者重懲之境  
內素多盜有劉子純者爲之窩主乃擒置之獄并得

歷年分俵簿籍悉追給原主訟牒稍稀盜風亦衰止乃立義塾召邑士親課之于署中置書屋三間有以文就質者卽延入與縱談旁縣士聞之亦競集會大計郡守以浮躁爲撫軍黃公崑圃所劾去官而黃公素稱商河令不置太守疑從律擠之也訴于臬司臬司入其言凡案牘無不吹索加駁詰黃公已內召謝事從律知不可久處以病告遂與休致瀕行士民具車輿相送至郊外有諸生劉有信者邀宿其家生嘗被誣從律爲雪之是夕設飲一老嫗年八十餘就席前陳謝伏地嗚咽不已

鄧志稿列傳十

三四明嚴書

約園刊十

至省黃公方將入都出白金一兩贈之曰知君素廉以爲道里資旣歸菲衣糲食爲寒士所不堪惟日與里中後輩論文賦詩以自適年七十餘卒

采年譜及黃崑圃集

張興宗字肯堂以太學生入都就選人籍例應得州佐世宗不次用人引見以爲能發山東試用知縣適歲荒臬司唐公義村諉以查賑時同事者務主節省頗不能徧及唐公出飢民攀輿聒擾愈激怒興宗宛轉調停覈其果爲里中所浮冒者汰之餘皆按戶口而增其數唐公喜以爲善會吾意且能補吾過言于撫軍得題署堂

邑踰年遂實授初至見糧額皆憑戶房吏所造赤歷流水簿一切摘拏大戶勾消流水皆出吏手因得舞弊絲毫增而爲釐釐稍增而爲分遂將已戶漏輸或私收大戶所納而以民間之羨抵之興宗素精算學按畝分會計知其數不合然簿籍已定姑取赤歷核實勾消歲終餘二百七十餘金念所羨無從給還則以逃戶與有糧無地之賠戶免其征貧民受惠不知所自次年乃令赤歷以毫而止無得改毫爲釐者歲終猶餘百五十餘金吏以前之均抵及貧民也故令其所親稽延不完以圖

被澤興宗必欲絕之于次年令以忽而止吏稍稍窮歲終不過十餘金命貯之庫以備公用而浮徵漸絕又念曩者查賑之役皆由保甲之法未善乃實心清核詳見所著堂邑戶口記其法至備可舉而行之天下平時嘗謂聽訟之失無論事之大小動經數月甚或數年鈔詞有費出票有費掛牌聽質有費上堂又有費而尤可訝者所謂賞紙之例夫以票爲賞是導之需索也及是則凡呈詞準理者定在三日而鈔詞之費免簽牌則量其地之遠近限以某日違者必責而掛牌之費免屆期不

論早晚立與間斷消案或須覆訊則卽在次日遇甚亢  
則面諭以日期而遣之而守候偵探指撞之費免嘗語  
人曰此輩如鬼如蜮謂能使之一切風清吾不敢信但  
不至決波倒瀾耳其後山左復饑大吏援以工代賑之  
法題開武城臨清夏津一帶運河與宗方攝臨清象所  
轄役夫二千三百餘人共計估土方三萬三千七百有  
奇發帑銀二千七百兩歎曰以工代賑周官之良法今  
天子極意拯卹而大僚不通知古今冒昧奏行區區小  
吏惜無由以利弊上達蓋大工旣與所聚人眾米價且  
益昂一也赴工者皆壯丁老幼婦女仍無所得食二也  
且如築城築隄可以土方計今開河道河身限二丈四  
尺初在平地一人竟日可得土一方受值裕如及至七  
尺則高下懸殊二人竟日僅得土一方至一丈五尺以  
上則水已灌注又別需涸水欲涸水必需椿需壩需水  
車而掘土者復兼運土往返愈勞三人竟日尙不得土  
一方而值不加增勢必逃亡司牧者雖以身殉之亦何  
益三也惟初計土工之時逆慮及此而又別謀所以拯  
其老幼婦女之法方與周官意合茲者上官旣未嘗悉

其委曲不能博詢于眾及具疏定工則束于成數後雖知之而無由變通將如之何乃首捐己貲次苦勸富民之稍有餘粟者令其助工給食不足復那移庫項以濟之較所給帑金增至三倍僅而得集日則步行河干夜則握算發值遂以積勞成疾右足爲汗濕所傷屈伸不得自如事竣歸堂邑將以疾乞休而同官有百方脅民以助役者民輒頌堂邑令事以隱詆之同官慚怒遂以前語微洩于大吏因遭劾邑民聞代者至閉城拒之太守親至城下諭以令雖暫謝事吾當代爲申理民始啟

鄒志稿 列傳十

三三四明叢書

門閭前所那庫項尙未完邑富民相謂曰吾儕幸不居臨清今準助工例爲令君免此累不旬日滿此數已而得旨再召見將用之直隸而興宗以足疾發奏對畢蒲伏不能起乃賜歸歸後疾益甚家無長物僵臥一室遂

戚戚以卒

采堂邑土民所編惠政記及全謝山行狀

按興宗一邑令而傳至屢幅者以其所力杜之弊乃古今之通弊而其言土工計值之法尤爲役民者所易忽君蓋身歷而知之也故不嫌其冗備書之以當

官箴一則

李昌昱字復旦號匯川乾隆甲子舉于鄉再上春官不第適辛未浙東大荒飢死者日以數百計有司委措紳就富民勸捐助賑以贖產高下爲差主其事者有所左右或不能盡得其平昌昱獨與其友屠可堂徧走四鄉稽其戶籍實數富老不能隱各輸粟如數有司定議設粥廠昌昱爭之曰施粥之害有三壯者能就食老弱在數百里外餓羸之餘何由至廠卽至矣或因擁擠攫奪且將致斃其害一施粥則胥吏得有侵欺甚或雜以他物飢民食之適致死其害二聚數萬眾于一處薰蒸之

鄧志稿 列傳十

三四 四明叢書

約園刊本

氣必致癘疫其害三不如分圖造籍計口給米戶給一單注口若干閱十日一給各就近處寺觀令里甲及富室主之有隱漏及減少者許起訴富室倍捐里甲予杖則澤可均而害皆去有司從其議全活無算昌昱及可堂方典衣賣書自給無毫髮私也甲戌成進士授工部主事歷遷員外郎郎中出知江西臨江府臨江僻處江右俗強悍下車首廉得大猾何仰思廖永昌等治如法又痛懲胥役之作姦者每謂邑令曰吾居鄉知此輩之儼久矣諸君恃之爲爪牙然使諸君播惡于眾者皆此

輩也由是俗稍戢吏惴惴不敢肆乃修舉郡中廢墜學舍向苦卑隘徇諸生之請爲卜遷別于其旁置講堂朔望集士子而親課之新淦縣有沙湖歲苦水患頻湖之民失耕者已數十年爲損節公費且捐貲爲倡屬吏助之築隄凡數百丈民始得安業士欲就講堂立石紀績不許新淦民欲建祠隄上以祀亦不許然性坦率不能承上官意凡十年不遷後屬邑有殺人取貨者牧牛兒從草間見之邑令方舉卓異匿不以報昌昱廉得實遣捕殺人者至一訊而服兼得死者衣服大吏薦令者慮

鄧志稿列傳十

三五四明藏書

約園刊本

并有處分密諭使寢其事不可改令他郡守會審餓牧牛兒數日脅令改供始得食及質牧牛兒供如初且訴受餓事他郡守默然而罷大吏陰斃殺人者于獄而以失入劾之遂去官歸後士民爲補立講堂碑及沙湖隄祠里居脫略威儀每敝衣紉履與親舊過從見者不知其故二千石也卒年七十九屠可堂字斯壽號雁湖少司馬竹墟之後性至孝父庶諸生負氣好屬邑令有違法事面相詆諍乃假他事中傷稅革之且治罪可堂挺身詣官請代令方怒予重杖四十可堂素弱不勝衣及

是血肉狼籍扶出堂廡上下觀者數百人皆爲揮涕庶好飲可堂方赤貧竭蹶以奉稍忤意卽撻之伏不敢起庶意解掖之乃立侍舉乾隆壬申賢書考授內廷教習期滿分發雲南署定遠縣及姚州知州丁外艱歸服闋補大理府太和縣適有征蠻之師軍需繹絡鄰治蒙化府有合江驛在深山密箐中遇急遞時致誤大吏檄其兼辦凡役夫例給錢三百而軍裝必藉馬輸送官馬不足僱之民間其值與夫價等乃出私錢增其二公事始得如期及撤兵題署白鹽井提舉鹽戶向苦采薪山嶺懸崖削立運致甚艱煎熬常不及額可堂見山頂有泉乃鑿巖壁如溜漕狀運薪木順流而下民以爲便久之以勞瘁得疾卒

昌旻傳采講堂碑及湖隄祠記可堂傳采家狀

陶泓字書田其婦翁爲李孝廉礪山負高才願困于公車不得試雅器泓每語以古今經濟之學泓性卞急礪山亦頻戒之後中雍正乙卯副榜考授州判分發江南署新陽縣丞撫軍莊公有恭一見引重適淮河決命以查勘桃源阜寧贛榆三縣水災時居民漂沒者多僅存者率露處隄上泓謀所以賑卹者甚備具稿將面呈莊

公聞莊公在寶應掉小舟急回值風雨昏黑從人及舟子皆勸暫泊俟次曉進發泓不可至決口舟隨流而下遂覆溺死莊公爲具題其事得旨贈州同賜祭葬蔭一

子人監

采范西屏所著行狀

黃繩先字正木一字嗣音號墨舫明僉事綬之後中乾隆壬申鄉試初爲諸生時極爲觀察長洲葉公所器時葉公已致政里居遂延主家塾葉公長于吏治謂繩先他日當爲世用每舉一切民間利弊語之丁丑成進士引見以知縣用分發江西旋知饒州府樂平縣踰數年

郁志稿列傳十

三七四明叢書

改調淨梁繩先善治獄巧發奇中而時寓以寬厚之意前後諸大吏才之他郡邑有疑獄輒激治潘村有報乞丐路斃者驗之有毆傷痕其地居民皆潘姓苦不得毆者主名因命暫就潘氏祖祠貯棺俟屍親控告當覆檢江右人最重陰陽忌避見輿尸入祠族人大聞或私相詈曰某殺人奈何累舉族繩先已令役潛伺聞其語遽執之一訊而伏鄱陽有盜劫僧物獲其一堅不承賊已俵散獨假銀二錠保僧徒鑄以供佛者繩先記舊歲景德鎮有用假銀貿易事露被執卽其人姓名詰之盜

駭服未幾鄙人又獲其一撫軍檄南饒二府雜治之獄不具復以諉繩先繩先見其人被掠無完膚意惻然爲之洗瘡傳藥召其母妻列于前以情諭之盜大哭遂吐實豐城人有余上文者其弟耀文被毆死歷訟不得直會聖駕南巡上文至山左籲冤發本省訊治其事已二十年中更守令督撫非一大吏應得實則前承審官皆獲譴將坐上文誣控繩先爭曰定例驚蹕罪當軍事誣且反坐今上文以弟故甘自取罪此必實有冤奈何使兄弟俱以不良死遂竟得殺耀文者特以上文所控微

鄞志稿 列傳十

三三四明叢書

約園刊本

有不合使承審官得免議上文亦邀末減其聽斷多類此在樂平有前明邑令張彥芳于靖難時闔門投井死邑人爲立清白堂繩先加修葺作粟主以祀且立碑表之在浮梁修昌江書院苦無膏火資城南有社學久廢其田爲僧徒所據親詣其地得斷碑遂奪歸書院民事有須親勘者勘畢卽就其地官亭或樹陰設座斷遣之無留滯然在本邑率歲不過數月常奉檄奔走讞理諸疑案遂以勞瘁得疾乞歸未幾卒

采家狀及浮梁去思碑

鄧志稿卷十一

清甬上蔣學鏞聲始撰

儒林傳上

班史作儒林傳所載皆經師而董江都不與焉宋史又特別道學於儒林專以建安爲大宗上溯濂洛此外卽東萊象山及永嘉諸公俱溝而出之繫之儒林之列所見雖不同均淺之乎視儒林也吾邑自慶曆五先生首闢學統南渡後有親承之龜山者有私淑於上蔡者有稱金谿大弟子者自訥菴果齋出而朱學始獨盛有明一代則整菴姚江各有宗派迨其末年而漳浦鼓山之門又紛然以志節經術自見要而論之皆儒林之嫡傳也昔人有言三代而下如諸葛武侯陸忠宣公范文正公司馬溫公皆粹然儒者使其例則所錄且不僅此恐墨守門戶輩見之幾以爲決藩而毀籬也故止取其平日素以講學著者列之傳中而窮經之士亦附入焉

作儒林傳

王致字君一與慈溪楊適杜醇爲友俱以道義化鄉里諸生弟子尊師之稱爲鄧江先生時王荆公宰鄞敬禮

甚至嘗與言政事荆公復書曰先生無事于職而愛民如此可以爲仁矣慶曆中詔天下立學薦補本州教官辭不受至和二年正月召爲校書郎命下卒年七十宰相陳執中奏錄其文得一百八十篇藏之祕閣

延祐志

按荆公嘗作鄞江先生墓志然不載於集舊志但引其語曰四明立言之士自先生始而已今王氏家乘有其文聞志遂錄入之全謝山祖望嘗爲之辨曰誌文中所記門下弟子自豐稷袁轂周師厚諸人外又稱遊學者有張機張邵張郊張祁考郊祁皆邵之弟邵係徽宗宣和三年登第建炎初假禮部尙書使金補其弟祁爲明州觀察推官因家焉鄞江先生卒於至和二年邵兄弟已在弟子之列最少年亦不下二十乃閱六十七年始登第又八年使金又十四年始自金歸又十二年命知池州而卒何其長年也志文之出於依託不必言矣今觀聞志所錄墓志繁冗卑弱與荆公文體絕不類謝山之辨甚嚴卽傳中所載至和間勅書舊志未之有疑亦采自家乘中係王氏後人僞爲之並削去

王說字應求致之猶子受業其門教授鄉里餘三十年  
熙寧中以特恩補本州長史嘗建書院于桃源之鄉因  
御書桃源書院四大字賜之人稱此爲小鄒魯遺集失  
傳今僅存慈谿縣重建驄馬橋大寶橋二記弟該字蘊  
之慶曆六年進士好古文尤長于詩官吉州安福尉使  
者過境上屬該訪金橋該曰民事竊嘗有意矣茲非該  
之所知也使者不說而去熙寧中終襄州鄧城令初官  
舍有樹葉長尺許每詩成取樹葉書之罷官行李蕭然  
滿篋詩葉而已隱居廣德湖之望春山說子珩字彥楚

鄒志稱 儒林傳上

三四明鏡書  
約園刊本

大觀三年進士仕至宗正少卿年八十卒著有經傳異  
同論三卷臆說五卷時政更張議四卷該子瓘元豐五  
年進士以文行稱

延祐  
志

樓郁字子文自奉化徙鄞卜居城南志操高厲以讀書  
窮理爲先學者稱爲西湖先生慶曆中詔郡縣立學延  
致鄉里有文學行義者爲師因推掌教縣庠者數年又  
教授郡學一時賢俊皆在席下同邑豐公稷袁公穀俞  
公充天台羅公適其著也王荆公宰鄞與之書云足下  
言行篤美信于士友窮居海濱自樂于屢空之內此僕

所仰歎後登皇祐五年進士調廬江尉自以祿不及親  
絕意仕進以大理評事終于家贈正議大夫有遺集三  
十卷建炎遭燬失傳

延祐志

按同時慈谿有楊先生適杜先生醇學者合稱爲慶  
曆五先生

郭維其先河南人父貫官長沙判建炎南渡維徙居四  
明以程張諸公遺書教授諸生里中後進由是始知中  
原學統

閩志

高閔字抑崇號息齋其先由廣陵徙居於鄞弱冠入太

鄞志稿 儒林傳上

四一四明叢書

一約園刊本

學見楊文靖公時授以伊洛之學宜和間文體習駢偶  
閔力變之紹興元年賜進士釋褐授祕書正字高宗每  
手書中庸儒行二篇以賜進士閔言儒行多漢儒雜記  
中庸實子思所傳乞罷賜儒行又請預嚴水戰之備帝  
皆嘉納後攝禮部郎賜對帝曰士論咸言寬裕安民可  
以召和閔對曰心正則氣正氣正則天地之和應陛下  
明問特致和一事耳帝是其說爲國子司業三舍學法  
皆閔所更定帝幸太學講易泰卦胡五峰貽書非之閔  
不以爲忤秦檜弟棣託姚孚請婚拒不許檜亦夙憎閔

以禮部侍郎出知筠州罷歸絕口不言時事嘗作春秋  
集註推程子本旨其言曰春秋非一王之法萬世通行  
之法也文武之道期於周之後王周公事業期於魯之  
子孫非止褒善貶惡而已又嘗集厚終禮一編朱文公  
定家禮多用之卒贈少師謚憲敏子文虎文善文虎官  
至翰林學士有天官書集註文善官將作監子衡孫爲  
吏部侍郎尹臨安爲檢正史宅之括浙西公田官屬皆  
增秩衡孫知不便獨辭賞乞致仕卒於家

廷祐志

趙敦臨字芑民紹興五年進士官蕭山縣主簿校劉道

鄞志稿 楊林傳上

五四明叢書

約圖刊本

原外紀刻于越部使者郡守交薦之遷湖州教授少入  
太學與高閔見楊文靖公于京師得私淑二程之傳講  
明正學同里魏文節杞在莊靖大猷皆其門人也所著  
論語孟子尙書禮記春秋皆有解其記奉化學曰教學  
不明禮義消亡讀書爲官不爲道仕宦爲身不爲君父  
兄之詔誥師友之話言非富與貴則眾笑之以爲不知  
時務其流禍遂至此極也其論學者審其是曰孟子學  
孔子人皆信以爲然子雲學孟子人皆不與焉蓋學者  
信其行不信其言故也其送陳揚廷序曰學詩而不遠

樂之情不過知詩之言未可與論詩也學樂而不達詩之意不過知樂之聲未可與論樂也王深寧尚書輯其遺文而序之其略曰噫斯文黃收純衣之制太羹玄酒之味也昔者朱子謂前輩爲文明白磊落指切事情無睚眦側媚之態愚于芘民之文見之道微俗薄先儒緒論聞者鮮矣康誥曰汝丕遠惟商膏成人宅心知訓逸詩曰昔吾有先正其言明且清是用掇切要之語與學者共講焉

延祐志

孫枝字吉甫父允受業鄉先生沈銖學以真實爲本教

鄧志稿 儒林傳上

六十四册 藝書

授鄉校者十年枝與銖之子煥同游陸文安門學罔益精著書解十三篇袁正獻公曰初謂子善爲文不意造理乃爾寧宗卽位上書極言天下大事不見省嘉定七年與子起子同登進士第允時尙無恙郡守鄭覃表其里曰重桂鄉枝卓邁有知略自秦隴荆湘達于淮海凡險要阨塞瞭如指掌于邊事軍謀無不練習後父卒淮帥延致幕下自以祿不逮養辭不就起子爲昭武參軍郡卒噪於庭起子往喻之卒羅拜曰孫司戶清廉官不得犯入朝爲監察御史至太常少卿次子願質登紹定

五年進士第後中教官科終工部侍郎願質子璿知臨安丞相葉夢鼎尙書王應麟以文章政事薦之

成化志

沈煥字叔晦乾道丙戌進士銖之子也由定海徙居於鄞弱冠省試第二入太學行藝優諸生始與臨川陸文達公九齡爲友一日盡舍所學師事焉復從其弟文安公九淵游中乾道五年進士授上虞尉教授揚州召爲太學錄先是取士優劣一決于試煥欲參以譽望司業難之煥持議如初會充殿試官唱名日序立殿下帝偉其儀觀遣內侍問姓名眾滋忌之或勸其姑營職道未

鄞志稿 儒林傳上

七 四明叢書

約園刊本

可行也煥曰道與職有二乎適私試發策引孟子立乎人之本朝而道不行恥也當路疑其訕己遂論煥與長官爭議非安靜者宜少抑之在職八旬調高郵軍教授煥方會食齋中聞命夷然敘別而出後幹辦浙東安撫使公事治高宗山陵百司次舍供帳飲食之需州縣奉承不給煥謂國有大喪而臣下飲食自如乎移書御史先治喪紀貪求自息可不煩彈治而肅御史從之歲旱領常平賑恤上虞餘姚二邑無復流殍部使者奇之淮東帥臣尤露章力薦孝宗猶憶其風度曰是向爲學官

人物甚偉者乎忌者思梗其入假煥名作黨論且列爲三圖疏士大夫姓名其下以激眾怒謗語果喧從班有以百口保其不然者然終不果召改通判舒州不赴時史忠定方退休里中割竹洲宅延居之煥與同里袁正獻慈谿楊文元奉化舒文靖俱承金谿之傳學業相勵稱淳熙四君子晚歲與朱文公呂成公及其弟忠公極論今古貽書相往復每言學者工夫當自閨門始晝觀諸妻子夜卜諸夢寐兩者不愧始可以言學自以資稟剛勁非所以歡庭幃大書婉容愉色深愛和氣一章于

鄧志稿 儒林傳上

八四明叢書

約園刊本

寢壁及卒周益公必大問之曰追思立朝不能推賢獎善予愧叔晦益者三友叔晦不予愧也乃銘其墓寶慶

三年贈直文華閣賜諡端憲

本袁絮齋所撰行狀兼參用延祐志

袁燾字和叔朝議大夫穀之四世孫也生而端粹專靜乳媪置槃水其前玩視終日夜臥常醒少長讀東都黨錮傳慨然以名節自期入太學見陸文達公遂師事之同郡楊簡舒璘沈煥皆聚於學朝夕以道義相切劘登淳熙八年進士由江陰尉歷遷太學正時方論鑿道學遂以學黨去更歷外服隆興間召爲都官郎遷司封因

言陛下卽位之初委任賢相正士鱗集而竊威權者從旁睨之彭龜年逆知其必亂以言獲罪而去後權臣幾危社稷陛下追思龜年常臨朝太息曰斯人猶在必大用之固已深知龜年之忠矣今正人端士不乏願陛下常存此心一龜年雖沒眾龜年繼進天下何憂不治遷國子司業進祭酒延見諸生迪以切己之學謂常病世之學者襲先儒緒言未能自得手心不足以爲學吾心卽道不假外求忠信篤實是爲道本聞者悚然遷侍講講詩二南及列國變風自身而家國及天下有關君德

郭志稿 儒林傳上

九四明叢書

約園刊本

治道者託義以諷時史彌遠主和變爭甚力臺諫劾其好名遂奉祠以歸著述弗倦或勸宜少休曰吾以此爲筌鏞譬管不知其勞也又嘗曰此心存雖賤而可貴不存雖貴而可賤大哉心乎與天地一本精思以得之兢業以守之則與天地相似每謂爲學當以聖賢自期仕宦當以將相自任其所講明體用兼綜所著於尙書禮記諸論說尤詳明成就後學甚眾學者稱之曰絜齋先生贈龍圖閣學士謚正獻子甫字廣微當正獻教授城南時論諸生當以立志爲先甫年尙幼首領其旨後問

道于楊慈湖簡簡曰學貴自得尊大人之言也心明則本立矣由是慨然以斯道自任嘉定七年舉進士第一爲校書郎轉對言邊事之病不在外而在內偷安之根不去規模終不立壅蔽之根不去血脈終不通忌嫉之根不去將帥終不可擇欺誕之根不去兵財終不可治會遷職願侍養東歸通判湖州守衢饒二州提點江東刑獄爲外官者十五年一以傳心爲本教授學者復取孝經衍其說告諭屬邑於貴溪册象山書院于廬阜修白鹿書院又建番江書堂自爲之記其略言諸老先生

鄧志稿 儒林傳上

十四明叢書

約園刊本

遠矣師友道喪士習日駁慕超詣者無深實詳縝之功驚辨博者乏貫通融明之趣轉相依倣諸老先生之本旨愈晦而不明方且徇偏見立異同幾有分門別戶之弊其原皆起于論說多而事實寡然則羣居書堂相與切磨亦求其所以爲人者若何耳在家庭則孝友處鄉黨則信睦莅官則堅公廉之操立朝則崇正直之風果若是奚必問其自白鹿乎自象山乎不然飽讀舊書熟習遺訓而孝友信睦公廉正直一有愧怍自白鹿則白鹿之羞也自象山則象山之玷也可不懼哉又明朱陸

之學非二曰道一而已矣和而不同乃所以爲和也道無終窮先賢之切磋將歸之于未始不同也其在衢州歲助養士千緡代輸龍游常山三邑積窘預借錢三萬五千緡蠲放四萬七十緡江東旱饑發倉庾之積凡州縣窠名隸司倉者無新舊皆住催爲錢六萬一千緡米十三萬七千麥五千八百石遣官分行賑濟飢者子粟病者子藥單弱與失業者皆曲軫之又請度牒百道以助費時江閩寇迫饒信又檄制司爲保障捍禦之圖寇迄不敢犯都城大火上封事言上下不交以言爲諱

鄞志稿 儒林傳上

十二四明叢書

約圖刊本

天意人心實同一機災變之作端由於此願下哀痛之詔以回天意遷祕書少監入見帝曰卿久勞於外篤意愛民每覽所陳備見懇惻甫奏無逸之義言知農夫稼穡艱難自然逸欲之念不起乞力守更化以來求賢如不及之初意遷起居舍人兼崇政殿說書于經筵奏剛之一字最切於陛下徒有慕漢宣勵精爲治之名而乃墮元帝文宗柔弱不振之失蓋二君果斷不用子斥邪佞反用於逐賢人由不識剛之真所謂真剛者當爲之事斷在必行不當爲之事斷在弗行而已兼中書舍人

繳奏不摘苛細時相鄭清之以國用乏履畝使輸券甫  
奏避貴虐賤有力者頑未應令而追呼迫促破家蕩產  
者大抵皆中下之戶嘗講罷帝問近事甫奏惟履畝事  
人心最不悅又嘗讀資治通鑑至漢高祖入關辭秦民  
牛酒因奏今無以予人反重科之人心喜乎怒乎帝爲  
惻然史嵩之帥淮西力主和議甫奏曰臣與嵩之居同  
里未嘗相知而嵩之父彌忠則與臣有故嵩之易于主  
和彌忠每戒其輕易今朝廷甘用父子異心之人臣謂  
不特嵩之易于主和抑朝廷亦未免易于用人也疏入

鄒志稿 儒林傳上

三四明叢書

約園刊

不報乞歸不允授起居郎兼中書舍人未幾嵩之擢刑  
部尙書復奏云臣于嵩之本無仇怨但國事所繫誼難  
緘默嵩之誥命終不與書行乃出甫知江州王遂抗疏  
力爭帝曰本以授其兄袁肅報行誤耳卽令遂勉甫無  
他志翌日乃與肅江州而殿中侍御史徐清叟復論甫  
守富沙日贓六十萬湯巾等力爲之辨清叟亦悔後改  
知婺州不拜嘉熙元年遷中書舍人入見陳心源之說  
帝問邊事甫奏當以上流爲急議和恐誤國時清叟與  
並召而清叟未至甫奏臺諫風聞言事初亦何心今

人物眇然有如清叟宜在朝廷今其辭避實惟臣故乞  
趣其赴闕嵩之移京湖沿海制置使知鄂州甫言嵩之  
輕脫難信去年在淮西王楫由淮西而來北軍踵之今  
又併湖南付之臣恐復以誤淮西者誤湖南疏留中不  
行翌日權吏部侍郎引疾至八疏賜告一月遂歸從臣  
復合奏留之尋除國子祭酒兼修玉牒官皆辭不拜遷  
兵部侍郎入見奏江湖暴湧旱魃爲虐楮幣蝕其心腹  
大敵剝其四支危亡之道近在旦夕乞秉一德塞邪徑  
尋兼給事中岳珂以知兵財召甫奏珂總餉二十年焚

鄭志稿 儒林傳上

十三四明叢書 約圖刊本

林竭澤珂竟從外補遷吏部侍郎兼祭酒召諸生講習  
理義條邊遠十事擢兵部尙書卒贈通奉大夫諡正肅  
己上采宋史本傳甫嘗言觀草木發生聽禽鳥和鳴與我心契  
其樂無涯黃文潔稱立朝正直無所阿附近世掄魁之  
有益世道者惟甫一人而已 黃東發集

余端臣字正君精毛氏詩學宗慶源輔氏以溯朱子之  
傳人太學歸教授于鄉從游者常數十百人若王文貫  
其最著者學者稱訥菴先生 至正志

王文貫字貫道登寶慶二年進士教授真州除宗學諭

從余訥齋游以慶源輔氏爲宗其門人如慈谿黃震奉化汪元春俱以學術政事稱於時弟宗道字與文別徙居奉化嗜古人之學窮渺討幽第嘉定七年進士爲江東提舉司幹官著述甚富

至正志

按至正成化二志及黃南山簡要志皆以宗道爲文貫之弟惟奉化志則以爲王時敘之子誤也

史蒙卿字景正號果齋獨善先生淵瑩孫也七歲能屬文十二入國子學通周易春秋兼擅詞賦登咸淳元年進士第授景陵縣主簿歷江陰平江教授入元遂不仕

鄭志稿 儒林傳上

十四 四明叢書 約園刊本

卒于大德六年年六十初其父肯之提刑湖北蒙卿往省遂從學于巴川陽先生岳岳師常德晏先生淵淵師朱子故蒙卿得聞朱子之傳晚年設教于鄉程端禮兄弟皆稟學焉先是淳熙四君子俱師事陸象山故四明後學皆宗金谿自黃文潔及蒙卿私淑考亭程畏齋兄弟守蒙卿緒言而四明又盛言朱學矣

李廷機府志

孫會叔字友仁精春秋三傳教授學者行誼爲鄉人所宗程端禮記東湖書院有日子少時侍友仁先生講學其中欲結屋以領湖山之勝顧南北馳驅未遑也則知

畏齋伯仲亦嘗從之游云

問志

程端禮字敬叔號畏齋學宗朱子務適于用初爲建平建德二縣教諭歷信之稼軒建康之江東兩書院山長文宗在潛邸遣近侍子弟來學禮遇甚隆鵝湖書院之旁有道院一日見驢跑地驅去復來默卜而發之得碣十餘上刻羣賢像因立堂祀焉秩滿以台州路儒學教授致仕郡守王元恭復禮請爲學者師嘗謂門弟子曰學問之道具在聖賢經傳真知實踐則存乎其人遺病醫者進藥御之坐頃頭容稍偏門人告之復端坐而逝

鄞志稿 儒林傳上

十五 四明叢書

約園刊本

年七十有五所著有進學規程畏齋文集藏于家弟端學字時叔至治三年鄉舉時歐陽玄爲浙省考官其四靈賦詞意高迴同事欲黜之玄爭之力及拆號同事素熟其名謂玄曰非先生幾失此佳士泰定元年成進士除仙居丞未行改國子助教累官翰林國史院編修每有論撰學士虞伯生極推服之中書選令考校鄉試稱得人端學與兄同師史蒙卿端禮色莊氣和善誘學者使之日改月化而端學方毅剛正舉動必合禮法人以比河南二程在國學時慨春秋在六籍中獨未有一定

之論乃取前代百三十家折衷異同著春秋本義三卷  
三傳辨疑二十卷或問十卷後經筵官請命有司取其  
書板行天下

至正志

鄧志稿

倚林閣上

十六

四明叢書

約庵刊本

鄧志稿卷十二

清甬上蔣學鏞聲始撰

儒林傳下

傅淳字伯厚幼有成人志稍長知自奮勵嘗業舉子試不利卽取所業稿焚之益究經史百家言折衷于濂洛之說以論道德性命之奧讀易至繫詞聖人以此洗心退藏於密拱立曰淵乎休哉遂顏其室爲退密守令聞其賢每訪以治道必參酌古今以對至老不廢書一夕讀周禮漏下三鼓不置侍者請休曰吾樂此不知疲也

鄧志稿 儒林傳下

四明叢書 約園刊本

就寢而逝所著有洪範敷言性理叢說大學補略視志稿藏於家

成化志

戴安仲字仲莊耿介有守先是里俗治喪多用佛氏安

仲獨悉循古禮復按小宗法立祠堂以祀其先凡冠婚

賓祭多本朱子家禮時集羣從子弟講學郡守上璫高

其名薦授郡庠訓導秩滿致仕歸自號樵園老人

成化志

倪復字汝新號畏菴嘗曰士生程朱後幸有坦途乃更

欲立門戶耶故其說經談理止據先儒成論會而通之

爲門人講易及正蒙諸書詞旨洞達聽者莫不解悟尤

遂於鍾律辨晰名數潛思默會超然自得平生篤於孝友親喪哭泣遂成目疾束脩之餽未嘗入私室操履甚嚴市肆優場終身不一置足士友嚴憚之或羣居談諧復至寂然無聲善引誘後進若余通政本其一也諸學使咸接以賓禮內江劉瑞才相器重每稱爲畏菴先生而不名

嘉靖志

豐熙字原學生而穎異志趣卓絕嘗署其壁曰立志當以聖人爲的遜第一等事于人卽非夫也十六遭母喪水漿不入口者數日倚廬三年郡守姜昂曰此吾郡顏

鄭志稿 儒林傳下

一四明樓書 約園刊本

子也弱冠師事姚鏤受毛鄭詩弘治十二年殿試第二人及第授翰林院編修陞侍講與修孝宗實錄轉右諭德時逆瑾用事朝士多媚之熙獨不附瑾銜之出掌南京院事考滿便道歸省父沒喪之如母旣免喪疏乞終養繼母不許復原職時資望隆赫中外莫不望以大用而忌者阻之卒不調嘉靖初始擢學士三年世宗欲考輿獻帝舉朝爭之不得熙率翰林部院諸臣跪文華門外哭諫聲聞大內上震怒悉寘之獄次日拷訊所繫八人以熙爲舉首子廷杖謫戍鎮海衛後廷臣論薦及請

釋者百十疏終不聽熙在戍惟杜門著書凡十三年是時彗星犯文昌天鼓鳴浙江榜眼坊忽裂僉謂熙應之竟卒于戍所熙爲人嚴重慎交與意所不合卽當軸未嘗通刺其門少潛心六經尤精于禮所著一齋白菴二

集明史本傳

按豐氏自宋清敏公後如監倉治通判存芳俱殉國難見忠義傳入明則國子司業寅洪武中以諫觀燈貶德化教諭靖難師入卽棄官歸給事慶景泰中諫易儲繫獄後歷官布政使熙卽慶之孫也喬木世家

儒林傳下

三四明史書

約圖刊本

豐氏爲最惜熙子坊墮其家聲云

張邦奇字常甫號甬川幼敦敏好學方成童著反騷已又著易解登弘治十八年進士選庶吉士授檢討非其人交時然後言擇地而蹈正德初逆瑾竊柄乞告歸家徒壁立躬履田間治桑麻稼穡事暇卽讀書部檄促赴京力請外出爲湖廣提學副使至則下令曰學不師孔顏行不希曾閔雖文如雄襄且斥之修嶽麓明山二書院身爲諸生說經世宗時在安陸藩欲就學告試爲別設一臺課文送入學未幾疏乞終養嘉靖改元起爲

四川提學調福建歷遷國子祭酒南京吏部侍郎丁外  
艱服闋補吏部右侍郎尋改左先是上奉皇太后謁天  
壽山陵語及擇相太后曰先王嘗言提學張邦奇器識  
他日必爲太平宰相今其人安在上謝曰尙未用也及  
爲少宰每得章奏輒稱善以指書其名衣帶間宮監以  
告答曰上用我當以堯舜之道進舍則亦有田可耕此  
非所關心也諸璫爲色沮後攝尙書事前此選部除擢  
必先白政府邦奇曰黜陟自有至公乃覘當軸爲用舍  
非國家設銓衡意遂不白內閣李文康心不平適主斷  
詔獄郭勳夜畀金四萬請寬其家人卻不受曰法者天  
下所共卽天子不得私況我曹耶竟入其罪勳銜之及  
上將擢爲太宰二人共尼之且使人以微詞相懾不爲  
動後又欲命之入閣乘一陶真人最爲上所幸遣人道  
意冀得一見謝不往裕景二王冊封朝議謂秦晉齊楚  
建國甚多今宜營浙閩以均民力邦奇獨曰江南財賦  
所出且接壤留都國初封吳王卽改於周二百年來誰  
敢建此議者事遂寢上慕道改無逸殿爲永安宮令內  
直大臣簪冠如道家或以相諮對曰使我等背聖人教

不能從也母老久思故鄉今乞歸有名矣上聞之亦不復強太后將合葬獻陵上曰廷臣惟張邦奇至孝可授禮部尙書兼都御史以行相嵩亦忌公奏禮卿無兼憲職者上默然而罷後以母年踰九十力請改南乃出爲南京兵部尙書然上常念之輒曰張某何在將召入相嵩密劄謂邦奇性至孝母老不樂北來召之亦不至上頗信之會留都雷震中夜星殞于江奏謂天變非常宜嚴武備占者曰應在德望重臣踰日卒上聞震悼閣中擬諭以文恪文敏進上曰張邦奇真道學大書定字子

鄭志稿 儒林傳下

五十四 約圖刊本

後邦奇與姚江王文成公論學不合文成每言行先知後一日偶同舟舟子安檻未定姚江命以火燭之邦奇曰此非先知後行之一驗乎姚江不能答官翰林時作觀頤錄爲司業作昭事錄日所爲夕必書之爲政持大體不斤斤小苛議論務依忠厚故士大夫識與不識多傾心焉

明史本傳兼  
參用者舊集

余本字子華號南湖生而英邁立志不苟少從倪畏菴游讀書不爲科舉文字之學自五經及子史百家言罔不鉤玄纂精于天文地理鍾律象數悉研其奧尤深契

張子正蒙嘗言人對聖賢書則心明氣定及他玩好不能入從此攝伏心身久自得益與及門之士講解辨析期于人人各充所造一時以余夫子稱之性篤孝處母喪三年不入私室從兄弟早孤爲置室且給之田勇于臨義得喪是非禍福不一置于懷正德辛未殿試第二人及第授翰林編修時內閣與權璫比鬱鬱不自得求補外授廣東提學副使至則以釐俗作士爲任察采有不合或面折不少容由是與巡按御史毛鳳忤疏其不法于朝鳳亦肆誣詆朝廷兩罷之遂絕意進取講學著

鄭志稿 儒林傳下

六十四册藏書

約園刊本

書嘉靖丁亥復起督學山東陞南通政于文牒事無大小一一辨其可否罷行之曰此官所以遏邪說距殄行非是卽曠官也晚與張文定邦奇汪中丞玉友善在南都一日過邦奇寓坐定傳中丞訃至爲嗟悼流涕述其平生行事方疊疊忽頭目暈眩氣噎欲絕邦奇扶其首哭呼不應竟卒于客座所著有讀易備忘禮記拾遺律呂新書解皇極釋義正蒙集解諸書聞志兼採書舊傳戴圭字秉誠潛心易學踐履篤實每語人曰學自謹獨始久之則與天爲一嘗題楹間曰人中台下原無我地

上原來都是天張文定見而亟稱之汪中丞玉云吾執業戴先生門下先生貌甚莊氣甚和言甚簡重動止甚矩度讀書能精思自得其所造不能測也時與親友高會談理學及當世事竟日未嘗出一時俗語易簣之日語子乾曰夫聖賢之言一轍也後儒分異同乃門戶之見耳故吾所著書不立宗旨時人薄爲恆談然吾終身用之已不盡矣後學稱爲野橋先生

李

黃宗明字誠甫舉正德八年進士授南京武庫主事遷武選員外郎時王陽明先生倡明良知之旨宗明從之

鄭志稿 儒林傳下

七四明藏書

約閣刊本

遊稱高弟宸濠初反上江防三策爲大司馬喬宇所重復上諫南巡疏武宗幸南都百官服罩甲衣以朝宗明約言官奏不宜服褻眾懼得罪不果卽移疾歸尋起刑部郎中嘉靖初大禮議起舉朝譁之宗明獨奏主上乃繼統非繼嗣不當拘濮園議頗與張桂合人疑其希旨及署丞何淵請以興獻帝入太廟卽具疏斥其妄疑者始釋然知前疏之各有所見也然坐是竟出守吉安下車首建白鷺書院以學道教諸生宸濠遺孽朱祥阻隘嘯聚白日橫行城市中吏不敢問宗明潛發兵布賊舍

左右候除夕牒郡從事他出猝至其所賊方聚飲伏發立縛祥父子及其黨盡斬之巨寇既平次治奸吏次決健訟次行清里法行團甲法次修義倉法俱有條緒稍遷福建鹽運使晉光祿卿輯光祿須知爲疏以進略曰帝王謹德于供御飲食至爲切近防侈止欲養德養身不可不慎乞定制有常式且使貪冒乾沒者無所利上納之著爲令遷兵部侍郎編修楊名以論彖宰汪鉉武定侯郭勳下獄詔窮治主使宗明上疏楊名罪不罪宜有定法今罪一楊名而必窮主使之人使延及善類其

鄧志稿 續編傳下

八十四 刑部

約圖刊本

關國家元氣不少上怒以宗明卽主使之入并下獄左遷福建參政踰年召拜禮部侍郎莊肅皇后崩廷議欲從殺禮宗明力爭之遼陽廣寧兵變疏乞擒治渠魁以昭國體議者趨之宗明爲人溫恭廉靜然風節挺特以是與貴勢者不相能至其應變成務沈幾默運確有定力略與姚江相近子元忠以貢仕至岳州通判亦以文

行稱

明史本傳  
兼採李志

莊學會字仲肩號天目萬曆丁酉舉于鄉平生以學道自任偕昆弟會講于堂設講鼓兩楹間節以金石進止

揖讓必衷古禮歌雅詩江右李見羅慕其賢稱之曰此  
程朱後身也訓導東光捐俸薪課士尊學宮遷樂安令  
以徵稅蠲耗羨忤上官謫順天知事袁崇煥襲殺烏帥  
毛文龍上疏劾之匭司匿其疏不敢上忌者側目一夕  
暴卒貧不能具棺同鄉有任治中者爲醪賻始得含殮  
以歸聞

志

錢啟忠字沃心別號清溪啟忠幼有書癖雖枕席上猶  
吟唔不絕口天啟辛酉舉於鄉以省伯父若廣過臨江  
遂執經鄒南臯之門崇禎戊辰成進士與同年劉之綸

鄒志稿 儒林傳下

九 泗明藏書

約園刊本

金聲黃端伯金鉉朱天麟吳甘來王章汪偉管紹寧周  
鳳翔輩結千秋不朽社談道論學其旨微雜禪宗而律  
身居官毅然以名節自任觀政兵部時崔魏亂政後所  
在書院皆拆毀抗疏請復又疏陳八事皆切時弊于是  
劉宗周李邦華賀逢聖倪元璐諸公皆深相引重除南  
康推官職守稍暇則修白鹿洞書院朔望集諸生發明  
聖學刻一貫編仁孝訓二程語錄陽明傳習錄朱陸問  
答諸書以示學者改理撫州葺崇文書院復集生徒講  
學擢刑部主事疏請理滯案修新監通獄囚家問埋已

斃故犯四事詔著爲定例郭正域之子昭封以草廐事  
被逮力爭得減戍陳子壯湯開道建言下獄上書乞宥  
丁艱歸服闋轉儀部途經山東流殍載道疏乞留漕十  
萬石賑之出爲山東督學副使饑饉之餘振崇文教士  
風爲翦然詔各省學臣直陳起廢疏舉高宏圖華允誠  
金聲陳必謙陳靖之皆人望也任滿乞假歸卒于家李  
余澣字霖兩太常卿寅之後甲申後棄絕科舉聞餘杭  
何義兆姚江呂仲憲在大滌山中親得漳浦黃公之傳  
欣然往叩之其學深于易漳浦三易洞璣之旨最深潛

鄭志稿 儒林傳下

十四朝 叢書

約園刊本

思力索遂盡究其間奧爲人清介所往還皆獨行之士  
奉母至謹與弟潘尤友愛潘出授徒以養澣則日候寢  
門起居無一不適節者其母嘗曰澣也侍我潘也食我  
平生不與人言學亦不輕著書或問之答曰子黃子學  
行冠絕一代故能以其所得提唱後進吾輩何所有但  
法其事親孝守身廉不負私淑二字足矣工詩多黍離  
麥秀之感而出之沖淡燕人梁職方公狄至鄞極賞之  
曰使世有杜清碧當入之谷音卷中者也潘初亦不欲  
應試以母命出補諸生貢太學後任宣平訓導

全謝山  
黃唐傳

萬斯選字公擇學者稱爲白雲先生明丙子舉人泰之子泰八子並有名而第五子斯選第六子斯大第八子斯同尤遂於學時南雷黃宗羲以念臺劉公之傳開講甬上兄弟三人並從之遊斯選爲人方巖造次不苟同社視爲模範卽南雷亦心憚之大學士徐元文嘗薦南雷入史局辭不赴一時往還詩文或以徵君相目斯選舉筆抹之曰先生豈以一聘爲重南雷語諸門下曰萬五真不愧諍友其論學謂當於靜中得力初時浮氣縱橫游思妄想紛紜而至惟深思痛絕若必不可容久乃

歸志稿 儒林傳下

十一四 明 卷 書  
約園刊本

退聽仍時時提醒不可少縱惡念既絕存養之功可得而言然不可用寂坐調息之法以求靜此卽是林三教艮背之妄或問之曰先生謂格物乃正吾心之物則萬物之理將不必窮其極乎曰非也學豈懸空索摸之謂人情世故正是用功實地惟聖人揭知本之旨使人先正吾心之物以爲接物之本非謂舍卻萬物也又曰動中有事靜中無事有事而以無事之心應之則動靜一致矣今人惟靜中無事耳于諸儒之書一語稍涉二氏輒辨駁不遺餘力曰吾非敢詆先正也然其說陶洗未

盡則足以惑學者視聽平生極慎取子見有以講學自命而不甚持廉節者而折之使無以容家庭間愉愉怡怡然未嘗有惰容媿語同里方舉講經之會斯選曰吾黨今日學業可謂極盛然不驗之躬行亦復何益聞者悚然及卒南雷哭之慟曰昔徐曰仁死陽明每臨講席輒歎曰安得起曰仁於泉下而聞斯言乎子理叢山遺書學者尙爲舊說所錮惟公擇獨渙然冰釋今思公擇不異陽明之思曰仁也所著有白雲集

本梨洲墓志全謝山耆舊傳及

狀家

萬斯大字充宗號褐夫晚號跛翁明亡隱居不試深於經術嘗謂非通諸經不能通一經非悟傳註之失不能通諸經非以經證經亦無由悟傳註之失湛思遜志證墜戢闕於諸家聚訟條分而縷析之劃如也其排纂戴記之書視衛正叔爲更博正叔無所折衷斯大則披卻導竅言之了然凡二百卷其別出者曰學禮質疑曰禮記偶箋曰儀禮商曰周官辨非南雷嘗曰充宗之論禮能使百氏無堅城也又輯春秋二百四十卷燼于火晚年復輯之絕筆於昭公臨沒曰吾夢寐中猶與劉原父

諸人論季武子立後一事也其覃精如此爲人剛毅大略與兄白雲相近中有不可軌形於色慕義若渴張忠烈公死國與同志負其骨葬之南屏歲時致祀父友陸大行符死無後兩世之喪三十年未葬爲寡之有力者而寧焉嘗遊杭之玉龍山見有張縉彥神主擊而碎之廟祝驚怖語之曰此故明兵部尙書降流賊後爲浙中方伯者也如有問者但言我爲之所著有丁災甲陽草卒後南雷銘其墓

兼採黃梨洲墓志全謝山耆舊傳

萬斯同字季野號石園生有異稟八歲於客座中誦揚

鄭志稿 儒林傳下

十三四明叢書 約園刊本

子法言如倒峽然不肯帖帖守塾師規程父兄以其頑閉之空室中竊見架上有明史料數十冊讀之甚喜又見有經學諸書皆盡之既出隨諸兄後聽其議論一日伯兄斯年家課請預焉伯兄曰爾何知答曰觀諸兄所造易與耳伯兄奇其言姑雜出經義目試之汗漫千言立就伯兄驚曰幾失吾弟亟白其父履安先生履安亦愕然曰幾失吾子未幾遣從南雷受業則置之絳帳中高坐斯同讀書五行並下如決海隄然守先儒之戒以爲無益之書不必讀無益之文不必作故于書無所不

讀而識其大者康熙戊午詔徵博學鴻詞巡道許宏勳以斯同應力辭得免明年開史局崑山徐學士元文延修明史時局中徵士稱著作郎食七品俸學士欲援例以授並辭之以白衣參史事不署銜不受俸蓋斯同先世自明初受三等之封世襲指揮僉事迄于國亡故不輕出仕而獨有意於故國之史諸纂修官以稿呈閱畢語侍者曰取某書某卷某翻有某事當補入某書某卷某翻有某事當參校侍者如言而至無一誤者在京師仇侍郎滄柱邀主講會聽者常數十百人見人輒以有

鄭志稿 儒林傳下

十四 四則叢書

約園刊本

用之學相剝切戒以勿溺文字勿鴛聲華其學從子劉子人譜入手一以慎獨爲主人無賢不肖皆至誠接之是時京師才彥雲集爭術所長斯同居其間最閭淡然自王公以至下士皆稱曰萬先生而其與人往還自署止曰布衣萬斯同無他稱也史館有劉繼莊者博涉略相等鈔館中祕書無算持歸蘇之洞庭招斯同曰此間有何樂曷不與我共成千秋之業斯同將赴之時元文已罷官而澤州陳廷敬京江張玉書繼掌史事復留之堅勉成明史列傳三百卷明史表十三卷宰輔彙考八

卷河渠志十二卷自後史局雖屢經更定要無能出其  
底本之外者聞繼莊沒頗抑抑不自得遂卒于明史館  
中其平生撰著別有儒林宗派八卷廟制圖考四卷周  
正彙考八卷羣書疑辨十二卷石鼓文考二卷補歷代  
史表六十四卷紀元會考四卷宋季忠義錄十六卷南  
宋六陵遺事二卷庚申君遺事一卷安谿李光地最慎  
許可嘗曰吾平生所見不過數子顧寧人萬季野闢百  
詩斯真可備石渠顧問之選者也

據劉坊行狀全謝  
山墓志及曹志

按先生在京師徐尚書乾學居憂與之語喪禮因纂

鄭志稿 鄭本傳下

十五 四明叢書

初編刊本

讀禮通考自國卹迄家禮九十卷凡十四經之箋疏  
廿一史之志傳漢唐宋之文集說部採取無或遺者  
又以其餘爲喪禮辨疑四卷今借刻徐氏傳是樓中  
尚書又請遍纂五禮遂節略前書復補其四共二百  
餘卷未及繕寫先生卒稿本留京師一故家近時有  
檢得之者其書多以片紙黏綴或脫落失次因重爲  
編葺竟竄名己作崑山所刻人知出先生手而五禮  
通考人或未之知也用附著之

陳錫嘏字介眉號怡庭明提學副使束之從孫少奇穎

方入小學讀孟子百里奚不諫輒作論非之年十五補諸生然困于場屋康熙乙卯始舉浙省榜首次年成進士選入詞館授編修同纂修皇輿表及輯覽先是南雷講學甬上里人錮于聞見或相非笑錫嘏徐徐導之有志者翕然皆集其後請假歸里同人已散之四方復集里中後輩重舉此會爲人蘊藉與之交者無不喜爲平易可親而其中介然處身若冰雪家素貧授徒爲業惟恐一人失學窮日講授兀兀几案至背爲之偻及在史館入局纂書翻閱羣籍不敢輕下一筆退則書筒客席

摒擋率至夜分旣告歸父奩猶在堂料理供饋及家人餽粥之計依然寒生故態三黨恩意友朋緩急未嘗以貧寒辭同社董允璘負才而死經紀存沒其子自以爲不孤晚得店疾逾年弗瘳猶隱囊危坐區畫諸事親疏各適其分沒後南雷誌其墓謂其從事于格物致知之學于人情事勢物理未嘗放過苟一事一物精神所未到則此心不能自安子嘗告以格物者格其皆備之物則日用皆可行所無事不待安排思索君天稟羸弱必務殫于此故陽明格之而病者君遂格之而死然錫嘏

之學本從南雷入手其後參以朱子明體達用之旨合  
內外本末皆精察而致行之非真如陽明格亭前竹子  
之說也南雷以其于師傳略作轉手故其誌有微詞焉  
所著詩古文粹然如其人子汝咸別有傳

節錄南雷墓  
志文兼採鄭

禹梅所  
作行狀

陳赤衷字夔獻號環邨初爲諸生名赫甚屢爲當事識  
拔慨然以爲學問之道非場屋之所能究竟乃入天井  
山借僧寮掩關危坐日取先儒語錄閱之再週歲人事  
既絕浮氣盡屏于理境時有悟入始返而求之六經是

鄧志稽  
儒林傳下

十七  
四  
海  
叢  
書

約園刊本

時黃南雷方至甬上萬氏兄弟首從之遊赤衷聞其緒  
論意合遂執贄爲弟子與同志倡爲講經會舉業之徒  
習於帖括講章俗說羣起譁之或至會所相詆訕赤衷  
搥拳欲毆其人乃惶恐避去發里中故家所藏說經之  
書討論得失一義未安談辨鋒起研精探微時有發先  
儒之所未發者復覆取語錄參證近理亂真之說始不  
足以惑之故所著論學諸書洞盪胸臆能釋連環之結  
語溪呂氏以格物之學自誇獨得歷詆有明諸家間至  
甬上赤衷貫宗勾極折其角而去南雷嘗曰使吾惡言

不入者夔獻也同學鄭梁以詩古文爲南雷所賞赤衷  
曰寒邨子不道之謀而詩文之習其志荒矣梁爲之瞿  
然爲人剛介寡合以貢入京師名公卿耳其名爭倒屣  
有當軸招使一見赤衷鄙其人不在凡貢士例選儒官  
當軸憾焉使需次縣佐貳赤衷不以介意將束裝歸崑  
山徐尙書固留之欲薦入書局未果以疾卒

南雷墓誌  
及鄭禹梅

環村  
集序

仇兆鰲字滄柱爲諸生以抗直忤有司遭羅織久而始  
解已酉遊學越城于古小學書院謁南雷先生兼叩質

鄭志稿 稿本傳下

十八

約園刊本

于姜定菴先生始留意先儒學統南雷至海昌復從預  
講會甲寅授徒諸暨值土寇亂避去寇平復往臘月歸  
見士人有室家被掠者傾館穀贖之乙卯預鄉薦房考  
爲安陽許西山西山素以講學迪後進相得極歡乙丑  
成進士廷試策問官方及開海禁極言官方有保舉徇  
庇之弊開海宜捐利以與民讀卷官楊以齋大稱賞將  
列上甲同事以避忌抑之閱日上特拔此卷付閣臣公  
閱因榜已定不復更張遂選入中祕與修一統志未幾  
以葬父乞假歸邑令將以丁糧併入田稅邀紳士公議

兆鰲謂楊炎兩稅已合租庸爲一後世復加口率之賦  
今又併丁于田保無貪官汙吏田賦如故而別增力役  
以病民者乎是時無田之民利於更法羣聚呼噪至毀  
其所居外牆而持議不少變前在館時曾進所纂兩經  
要義後上遣內侍持至南書房問著書者何在冢宰陳  
澤州以病假對次年上南巡屢蒙顧問踰年乃入京補  
原官遷宮贊轉侍讀特擢內閣學士禮部侍郎尋改吏  
部時李文裕陳澤州張京江皆在內閣日相從講貫益  
以理學自任四月奉使昌平祭先代帝王陵寢回京奏

其地例解外國羊皮因內務府索費別使昌平州解收  
今仍有解費二千金官民何以堪上頌之卽革除此項  
有請以武昌稅務歸併荆關監督者奉旨廷臣集議戶  
工二部將如所請兆鰲謂武昌至荆關七百餘里添設  
百餘關將大爲商民之害力爭不果行會江督劾奏知  
府陳鵬年罪至重士民走京師懇冤者數萬命九卿會  
審朝臣阿江督意莫敢出一語兆鰲抗聲曰鵬年有三  
大罪眾愕然問其說則曰不善事上官一可殺眾人皆  
濁我獨清二可殺使百姓謳歌滿道不能如王民之暉

暉三可殺上微使人覬之得其語入奏鵬年得敘復後以病蹇不長于行太宰缺懸之以待而病終不愈乃乞致仕歸壬辰進祝聖壽問以地方所聞見對曰去年江督噶禮免官張伯行留任江南士庶歡騰臣不勝大慶噶禮卽前糾鵬年者橫甚張清恪公爲蘇撫甫抵任卽劾之遂互訐噶禮罷而清恪亦以降級留北鰲已退休猶惓惓爲朝廷分別如此少時論學從南雷指授後歸宗于朱子然著四書講義仍兼採舊聞平湖陸清獻公貽書謂念臺劉公之言不當葺入答書言學行如劉公

鄭志稿 儒林傳下

二十四朝叢書  
約園刊本

而猶以偏見廢之乎則仍未嘗局于門戶也晚年特好養生家言註刻參同契士論惜之

仇少宰年譜

陳士良字宗獻號裕齋明副使槐之曾孫也少卓犖不屑章句之學湛深經術薈萃漢唐宋元明諸儒箋疏訓詁而以己意折衷其間旁及史漢考證辨駁不遺餘力爲人動遵古法嘗講求大宗小宗毅然欲改易世俗之所謂宗長者以定祭禮族人大譁而止父得末疾閱數年扶持抑搔朝夕未嘗離側暇則執卷就床下讀父亦臥而聽之居喪一如禮經而顏色稱其情三年中客有

過者人人自斂不敢對之作一笑待友朋自視如嚴師  
織芥之失必極口譙讓同時董文學正國最嶽嶽見士  
良亦降意爲古文時文落筆踴厲風發皆直達其所見  
學使者馬裕課士其經義以天地定位一節命題士良  
不主陳邵之說詰之則舉漢唐舊註及明以後諸儒之  
辨圖學者歷數如懸河裕怒置之下等笑曰昔轅固詆  
黃老幾有司空城旦之謫吾不能以曲說亂經一諸生  
何有平生以孟韓自任欲貫道與文而一之有問學者  
曰諸君且料理入孝出弟事毋高談性命後館汝陽疾

鄭惠稿 儒林傳下

王四明叢書  
約園刊本

作遽歸卒于逆旅

董次歐誄詞及  
全謝山墓版文

全祖望字紹衣號謝山明侍郎元立之後四歲入塾卽  
蠶解章句八歲畢諸經兼讀通鑑通考諸書其母吾姑  
也因遣從先君子遊十四補弟子員窮周禮田賦之數  
積算累日夜遂病萬九沙編修謂之曰子年尙少能徐  
通諸家疏解何患不了然則大喜遍從里中故家借讀  
先儒經訓先君子復語之曰治經不止經生家言吾嘗  
親承何義門之說矣如周易中象數一切緯候諸家皆  
分得其一支經生以爲支離黜之實自文其陋三禮則

當參以史傳然後知古今異同及因時損益之故其餘文集說部一二獨得之語轉爲漢唐宋釋經者之所未及皆在所酌取吾老矣姑爲述先正門庭以待子之深造而自得之卽義門尙非其至者由是益務廣覽是時陸氏南軒陳氏雲在樓藏書尙未散遍讀之以爲未足癸卯甲辰登范氏天一閣搜閱其祕本及諸古碑年二十出遊武林交諸名士復就趙氏小山堂借所未見書己酉督學交河王公極賞之貢入成均王公故精於音韻復從之叩擊盡得其說入都謁方侍郎靈臯與論喪禮靈臯大器之聲譽日騰起壬子舉北直鄉試李閣學穆堂見閣中所答策親過其寓齋劇談竟日出曰此深寧東發以後一人也閣學時居宣武門南係合祀宰相國故邸先是嘗以東偏居南昌萬學士孺廬至是復割其西偏招使居之每日高春就紫藤軒下促席或論學或徵据經史蔥湯麥飯互爲主賓穆堂笑曰此楊誠齋所謂三三徑也靈臯復介之見江陰楊文定公公曰素聞子博雅遜謝曰以東萊止齋之學朱子尙議之何敢言博公曰但見及此則進矣癸丑下第欲歸時方有詞

科之辟工部仁和趙公以名薦遂留京師丙辰成進士  
選入詞館張相國奏已入館者不必復應詞科竟不得  
預試散館歸進士班補外靈臯欲薦入三禮館纂修以  
書辭之遂歸不復出爲人負氣骯髒初爲諸生觀察孫  
公詔極相器重嘗上尊經閣祀典議又屬記儒學進士  
題名碑然非延訪歲時不一通謁孫公擢江西按察而  
卒則哭之極哀以申知己之感方選貢入都攜書數萬  
卷中途資斧竭一族人在山東臬使幕往貸之設講極  
豐訝問其故曰主人雅聞君名但另修一刺稱門下當

鄭志稿 儒林傳下

三十四 明 叢書  
約圖 刊本

厚相資贈立辭席去質所攜書數部給車值其成進士  
張相國子爲同榜相國命其子延致之謝不往竟坐是  
左遷後兩粵制府聘主端谿書院將特疏薦聞之語諸  
生曰是以說經爲媒也託疾辭歸晚年好窮先儒之說  
館維揚馬嶰谷家借其小玲瓏山館書增補黃南雷宋  
元儒學案嘗自謂少時喜爲孤峰峭壁之人尙大有客  
氣在其作金嶽山晚楊梅賦結語云惟漸底于和平尙  
與人以可受蓋其所造深矣卒年五十一所著自學案  
外有讀史通表六十四卷石經考四卷訂正水經註四

十卷續甬上者舊集八十卷甬上族望表二卷詞科據  
言四卷文集五十卷詩集十卷句餘土音一卷其經史  
答問錄十卷已刊行於世

鄞志稿

備林檎下

二西明續書

約園刊本

鄞志稿卷十三

清甬上蔣學鏞聲始撰

文苑傳上

范書作文苑傳昔人譏之以爲六朝詞章之習然後此諸史遂各循其例則亦不可廢也茲據舊志所載兼采之正史雜錄雖其撰著或傳或不傳皆筆之傳中俾令有述於後至無事跡可記者則別入於藝文志然其間有位至宰輔卿貳而以文苑目之非真如蔚宗之重詞章也覽者亦自可默會也夫作文苑傳

鄞志稿 文苑傳上

四明叢書  
約園刊本

任奕仕漢爲御史中丞所著書名任子其論道之略曰一人之智不如眾人之愚一目之察不如眾目之明又曰水可乾而不可奪溼火可滅而不可奪熱金可柔而不可奪重石可破而不可奪堅山陰朱育嘗稱其爲文章之士立言粲盛所馳文檄有若春榮今意林載有任

子十卷

會稽  
典錄

徐浩字季海本越州人由明經以文詞著張說見其喜雨賦及五色鵠賦曰後來之英也薦爲集賢校理授中書舍人詔令多出其手乾元二年前上廣孝經十卷遷祕

書郎旋以御史劾奏出爲明州判遂居鄞曰稱四明山人父嶠之善書浩得家法嘗書二十四幅屏八體皆備草隸尤工邑董孝子廟碑浩所書山谷評其書法老重著有書譜一卷古跡記一卷載藝文志

寶慶志

袁穀字容直一字公濟王鄞江先生門人也博貫羣書擅詞藻一試開封兩試於鄉皆第一嘉祐六年舉進士除建安尉改倅青州治獄多得其情知邵武軍條鹽法利害以便民奏減其課調通判杭州其爲開封舉首也蘇文忠軾實爲之亞及貳郡而文忠爲守唱酬相得極

鄞志稿 文苑傳上

二 四明叢書 約園刊本

歡坡一夕語穀曰素聞博治試徵襍事穀一夕錄百數

十項坡曰可謂博矣復取筆增十餘事

見樓攻愧跋袁容直與東坡同

官事迹及施武子蘇詩註

延祐志後移知處州以老乞致仕卒贈光祿大夫

王璧字子潤直祕閣庭秀之子先世居鄞庭秀之父徙

慈谿壁葬父子甬東遂復居鄞生而穎異七歲日誦千

言過目輒不忘宣和六年第進士年少氣銳以遠大自

期悉焚前所爲舉子業披閱羣書波瀾日富紹興五年

魁博學鴻詞科待次通判未幾卒著有相山集

宋史本傳

按同時有兩王庭秀一慈谿人卽璧之父宋史有傳  
一鄞人以詩名著磨衲集考宋史庭秀入太學從楊  
龜山游又學詩于黃山谷爲御史極論黃潛善之罪  
而王深寧困學紀聞謂磨衲集中以鄭介夫爲妄言  
以陳少陽爲鼓變是熙豐之法度非元祐之紛更甚  
者擬程子之學于墨釋氏蓋自紹聖以來家以荆舒  
爲師人以章蔡爲賢至紹興間邪說猶肆行筆之簡  
牘不恥也據此則與師龜山山谷正相反全謝山祖  
望作甬上族望表斷以爲兩人近屬樊榭翬選宋詩

鄭志稿 文苑錄上

三四 明敏書  
約園刊本

紀事亦以著磨衲集者爲鄞人而云字穎彥官至直  
祕閣則又與宋史合蓋考之尙未詳耳

朱翌字新仲晚號省事老人其先安慶懷寧人晚卜居  
于鄞以太學生賜第初爲溧水簿歷遷中書舍人南渡  
後爲祕書監預修徽宗實錄嘗奏信金人太堅持金使  
太厚排眾論太切姑息諸將太深立志太弱忤秦檜意  
指爲趙鼎之黨貶韶州凡十四年起知嚴州朝廷憫其  
饑寒計貶所十四年衣俸悉還之改守寧國移平江節  
損浮費積緡錢四十萬奉祠歸及高宗視師江上後守

以所積錢獻有詔嘉獎復召知太平潭泉三府皆不赴  
家居食指甚繁往往絕爨嘗作信天緣堂自爲之記其  
略曰宗子昔北遊于瀛漠之境徘徊于塘澗之上觀二  
禽有感焉一類鵠色正蒼而喙長凝立水際不動魚過  
其下則取而食之終日無魚迄不易地其名曰信天緣  
一類鶩奔走水上腐草泥沙啜啜然必盡索乃已其名  
曰謾畫信天緣若無能者乃與謾畫均度一日無飢色  
視謾畫且加壯大予三十餘年屏跡荒縣自念少時官  
州縣月俸錢萬二千米五石麥如米之數十口之家取

足而已已而官朝廷祿且十倍之視其室空如故南來  
已老內外食者數十人家人告曰室罄矣幸營之尙可  
支否則俱爲餓鬼予呼使前曰天生匹夫一飯已前定  
多圖未必得坐視未必失也世間豈有一門同日困於  
無飯者姑洗爾釜待之行有餉子者矣一老嫗北人也  
在旁笑曰翁豈信天緣乎曰是遂以名堂書其說於壁  
將死自爲誌周文忠必大論其詩似杜牧之而出處亦  
相類有文集四十四卷

延祐志

高元之字端叔人稱萬竹先生武烈王瓊之七世孫建

炎間南渡其父寓籍明州遂家焉家貧無書得易編口誦不輟數月忘櫛沐隣士頗有書深憐之稍借以觀其後無書不究卽佛氏大藏經亦閱至兩過受易春秋學於沙隨程先生迴時傅伯成爲郡教授少許可獨折節與之交鄉里學者皆師事焉元之事親孝貧能輕財復喜言兵著述甚富尤邃於春秋采諸儒所長凡三百餘家刪會成書間出己意號曰義宗爲卷百有五十務明經意三傳而下不盡可又作變離騷九篇曰愍畸志曰臣薄才曰惜來日日感回波曰力隲曰危衷曰悲嬋娟

鄧志稿 文苑傳上

五四明藏書  
利園刊本

曰古誦曰釋思讀者歎其情深解易詩論語及後漢曆志各一卷詩千餘篇號茶甘甲乙集五上禮部卒不第將沒手書屬樓攻媿以歐陽公南省白禰求誌文貧不能殯門人爲葬於桃源鄉蔣山買田立祠於寶巖院歲

時祀之

延祐志

張良臣字武子一字漢卿家拱州父避寇來明州因占籍焉善爲詩清刻高潔不蹈襲凡近音節悲壯尤長於絕句語盡而意益遠良臣于舉子業非所長隆興元年試南省魏文節公杞時爲參詳官攜三策以見主舉張

燾曰此文拙古必故人張武子所作欲得士願以進燾許之後撤試果良臣也杞晚居小溪山中日從酬唱或終感不出一語故所作必絕工官止監右藏庫有詩集十卷至咸淳間彌甥徐直諒始爲哀刻於廣信郡

延祐志

樓昉字暘叔號迂齋與弟炳皆以文名登紹熙四年進士嘉定間爲太學博士入對論金人求和皆非實意若能自立彼自退聽又言朝廷能馭將將能馭軍則人人取戰寧宗深然之後守興化軍以卒少從呂成公于婺其文汪洋浩博援引敘說小能使之大而統宗據要風

鄭志稿 文苑傳上

六朝綱鑑書 約園刊本

止水靜泊然不能窺其渙從學者數百人鄭清之應禊鄭次申趙與權尤著善章表李璧黃裳爲侍從所爲文俱出昉手清之旣相追贈直龍圖閣率其子弟祭於墓復立甬東書院以祀

延祐志兼採李蓮山文獻志

鄭鐸字剛中由福州徙鄞躬孝友之行貫通經史以詞賦名于時登紹興三十年進士仕至屯田郎寧宗在英耶兼小學教授嘗進勸戒元龜後特加贈官其子沆

成化志

高似孫字續古號疏寮憲敏公閱之孫登淳熙十一年

進士歷遷校書郎知處州後仕至禮部侍郎博學工詩  
史安之知嵯縣求似孫作剡錄邑之文獻采摭無遺著

有疏寮小稿及騷略緯略蟹略等書

見甫上書  
舊集本傳

爲館職

時上韓侂胄生日詩凡九首皆暗藏錫字頗爲清議所

少

見馬端臨  
文獻通考

及守括有妓洪蕙黠過人一日歌真珠

簾詞至病酒情懷猶困嬾演其聲真若病酒者似孫極

稱賞遂與落籍以是遭言者論劾晚年徙居姚江

見周  
公謹

癸辛雜志弟衍孫精韻學尤工畫袁清容稱其爲嘉定故老

冠似孫新舊志俱不立  
傳今採他書補之

鄭志稿  
文苑傳上

七四明叢書  
新編刊本

陳著字子微號本堂簽樞德剛之子六歲能文登寶祐

四年進士相國吳潛薦其才於朝賈似道欲令出己門

下使人授意著拒之出爲福寧令改嵯縣時宗室外戚

居嵯者持一縣權前令率被譴去且布黨隙地剽繫行

人役于家造白契占民田宅著至風裁凜然豪貴斂迹

民賴以安在嵯四年得代去民遮道乞留不得祖帳數

十里至于固嶺代者李興宗問著何以治邑著曰義理

明而取與當教化先而賦獄後識大體而用小心愛細

民而公巨室如是而已景定中遷著作郎四年朝廷從

賈似道議買公田於浙西著上疏言似道居外間則志  
在欺君處端揆則務於濟民未有將相如此而能致隆  
平者乞罷買公田斥似道似道怒出著知嘉興尋入爲  
太學博士咸淳元年似道以母喪歸詔用天子鹵簿送  
葬造墳擬山陵著帥太學諸生上疏以爲自古未嘗有  
此且似道罪惡昭彰愚夫婦亦思逐之今天降罰于其  
母所以代陛下行罰也奈何以殊禮錫之不聽似道積  
恨比還朝必欲竄著遠方帝不可改判臨安後以監察  
御史知台州宋亡避兵遷徙流離困頓晚隱居奉化感

鄧志稿 文苑傳上

八國叢書  
新國刊本

慨君國時時見之詩文而氣體雄深詞旨悱惻一洗晚  
宋之陋著有本堂集九十五卷別撰歷代統紀以淑子

弟子宓亦有文名

成化志兼  
採本集

陳允平字衡仲一字君衡別署西麓清敏卓弟子也試  
上舍不第署爲令罷去德祐時授沿海制置使參議祥  
興元年允平與蘇松都統劉義書期九月以兵船下慶  
元當內應爲怨家所許且言禮部尙書高衡孫等三十  
餘人皆聯署時張洪範督師南下遣招討使王世強圍  
捕同官袁洪見洪範解之得釋

李見袁  
洪傳

自此杜門不出

後以人才徵至北都不受官放還善詩詞甲於晚宋有  
西麓小稿二卷月湖漁唱二卷靈隱冷泉亭題咏最多  
淳祐間京尹盡去相間詩板獨留允平一作同時吳君  
特翁元龍者善倚聲允平與齊名

舊志無傳今據宋詩  
紀事及方虛谷集補

樓扶字叔茂號梅麓端平中爲沿海制置使幹官純祐  
中知泰州軍事掛冠歸工詩著有梅麓集陳西麓允平  
有哭梅麓詩云生來病苦相如渴沒後人知范叔寒齋  
又廉更也今其詩僅載全芳備祖中

舊志無傳今據  
宋詩紀事補

鄭志稿 又苑傳上

九國辨證書  
約圖刊本

袁桷字伯長宋越公韶之曾孫處州同知洪之子童時  
已著聲部使者舉茂才異等授嚴澤書院山長大德間  
閻復程文海王構薦爲翰林國史院檢閱官時初建南  
郊桷進十議一謂五帝不得謂之天作昊天五帝議二  
謂祭天歲或爲九或爲二作祭天名數議三謂圜丘不  
見于五經郊不見于周官作圜丘非郊議四謂后土祭  
社也作后土卽社議五謂三歲一郊非古也作祭天無  
間歲議六謂燔柴見于古經與周禮禮祀具作燔柴泰  
壇議七謂用牲于郊牛二合配而言之增羣祀非周公

制作郊不當立從祀議八謂郊質而明堂文作郊明堂  
異制議九謂郊用辛魯禮卜日不常得辛作郊非辛日  
議十謂北郊不見于古禮尊地而增北郊特鄭氏之說  
作北郊議禮官服其博多采用之陞應奉翰林文字同  
知制誥兼國史編修官上疏請購求宋遼金遺書爲纂  
修三史之用遷待制拜集賢直學士移疾去尋復召入  
集賢未幾拜翰林直學士至治元年遷侍講學士泰定  
初辭歸槜在翰林朝廷制冊勳臣碑銘多出其手

元史本傳

家舊有南園距城二里而近旣乞休結亭其中曰芳思

鄧志補  
文苑上

十一  
四  
續刊本

日延親朋觴咏爲樂少從剡源戴表元學爲文長師王  
尙書深寧得文獻之傳趙文敏孟頫極相推重爲築鷗  
波館于吳淞江上延居之

見本集

其初自集賢移疾歸上

書于深寧有云久知我輩固當投之濁流靜念斯文豈  
宜束之高閣則其愧仕之心亦自見乎詞矣

問志

所著延

祐四明志二十卷清容集五十卷惟易春秋解未脫稿  
卒贈江浙行中書省參政封陳留郡公諡文清

袁裒字德平正肅公甫之孫年二十與同姓文清公槜  
私議曰官族久當圯宜斬爲傳遠計遂各盡晝夜鉤思

探索以黜陳詞爲己任考建安江西永嘉永康之學合其異同以輯言行詩益溫雅嘗與桷作東湖聯句詩一百二十韻極其淹博以安定書院山長授海鹽教諭未拜一夕夢游南岳署己爲判官不旬日而卒有四子一

孫桷表其墓

問志

按甬上袁氏有三宗城南袁氏爲一望自光祿大夫穀始著至正獻公變而始大城西袁氏爲一望自知臨安府子政始著至忠臣鏞迄明柳莊琪而始大南湖袁氏爲一望則越公韶顯于宋文清公桷顯于元然與城南之袁其世系分合無可考文清嘗通譜特以年齒與袁爲兄弟行聞志竟以德平附於處州之後謂爲洪姪誤矣今各爲傳

鄭志稿 文苑傳上

十二四 續編 符圖刊本

史公珽字搢叟通諸經子史延祐間試高等同里鄭奕夫以道學文章自任凡有論撰必俟公珽鑒定然後出稿因妻以女遊西州與黃公望柯九思俞鎮輩相倡和尤熟於宋季臺閣故事言之輒疊疊終日廣平李堯民七喪不舉德祐遺民湯叟老而貧咸竭力調之自號蓬廬處士子景祖字行可仕至山西憲副次晟祖字名可

性冲淡不以事物經心文詞華贍以明經薦授鳳陽郡

訓導問志

顧輝字德潤號守齋大父應春父學海叔川皆名士輝幼承家學十歲卽善屬文郡博士俞希器欲以神童貢不果旣長慨然有經世意值時多故遂閉門卻掃默索精思垂三十年著書數百卷總名之曰守齋類稿慈溪桂彥良輝之外弟也請于金華宋文憲公濂爲之序其略曰淵乎其莫窮約乎其若豐暢乎皆有契而混融有弗覈焉覈必詳也有弗擇焉擇必精也嗚呼其庶幾古

鄭志稿 文苑傳上

十一 國朝叢書 約園刊本

之立言者乎秋髮被肩行且老矣惜哉雖然德潤志士也內而不外者也名之聞與不聞非所計也藏之以俟

後之知子雲者

見元史藝文志及潛谿集

張起字起之詩人也浪遊江南陶南邨錄其佳句云別來越樹長爲客看盡吳山不是家未幾竟卒人以爲詩

識錄

黃德廣失其字能詩至正初入北都求仕交遊無一援引之者客居教授爲生娶妻生子凡二十年元末擾攘南北路阻始附海舟歸故舊零落都盡每誦賀祕監回

鄉之可以寓嘅

瞿宗吉詩話

右二人遺集皆失傳舊志不載李杲堂甬上耆舊集亦遺之附錄于此

吳志淳字主一以字行其先無爲州人以父蔭歷官靖安都昌二縣簿濠泗兵起徙居鄞之東湖善詩文又嘗學孫叔敖碑以古隸著名至正末奏除翰林待制爲權倖所阻入明不仕其詩有爲儒已入他州籍垂老頻收故國書讀者悲之

舊志人藝術傳今改正

鄞志稿 文苑傳上

十三 四朝叢書

約園刊本

鄭志稿卷十四

清甬上蔣學鏞聲始撰

文苑傳中

鄭駒字千里持身修潔未嘗踐公卿門爲人溫潤縝密  
洪武初聘爲郡學訓導陞義烏教諭時潛谿宋濂自翰  
林歸里極推重之仲弟眞字千之研窮六籍尤長于春  
秋吳草廬發策十二事對者十不得一眞年少盡答之  
值元季科舉中廢益刻意于古洪武壬子中浙江鄉試  
第一赴禮部不第授臨淮教諭晉王之國道出臨淮召

鄭志稿 文苑傳中

一四明叢書

約園刊本

講春秋大義王諦聽之呼爲鄭先生秩滿入見太祖賜  
宴命賦菊綻秋風露脂楓葉詩稱旨遷廣信教授嘗爲  
國子典簿裴中作著存堂記後復乞文於潛溪潛溪見  
眞作歎曰君徒重我名使我執筆不能過之使之獨步  
可也所著詩文六十卷別採鄉先正言行文章爲四明  
文獻自號滎陽外史季弟鳳字千奇深於易學洪武五  
年舉明經歷慶雲莊浪修仁三邑主簿國子助教貝瓊  
嘗銘其母墓曰實生三驥皆顯于時人以爲知言

成化志

按同時有史靖可官中書舍人見滎陽外史秀水朱

竹垞錄其詩於明詩綜

胡庚字文剛幼孤從鄉先生胡世佐受毛氏詩日與同里單仲友討論學益淵博爲文冲淡醇雅工律詩洪武二十五年薦授邑庠訓導後調四川安岳教諭致仕歸遇物寫興自號乾坤一腐儒

間志

單仲友名佑以字行刻意問學自經史百家及先儒書靡不究覽爲文下筆數百言未嘗屬草性落拓不拘細行洪武中與慈谿桂彥良並以明經舉入見陳治道上才之留侍顧問尋以心疾放還疾愈復召奏州名與國

鄧志稿 文苑傳中

一四明叢書

約圖刊本

號同乞改之上尤其奏授國子助教改雲南大理府教授卒于官

李志

鄭本忠自號安分生少篤學從鄉先生舒卓受尙書悉究其旨元季方氏據浙東三郡擅爵祿遊士多依之本忠獨杜門讀書益務博覽涵泳淳蓄發而爲文必中矩度洪武六年舉明經以親老辭郡教授趙思盛薦授昌國訓導以便侍養丁艱歸服闋改會稽訓導陞秦府保安王教授執經講筵論辨醇正王雅重之卒官贈賻優渥復開于朝勅有司給舟歸葬子復言登永樂四年丙

成進士選翰林庶吉士預修永樂大典應制賦白鹿稱  
旨授禮部祠祭司員外郎歷仕太僕少卿引年歸次子  
雍言登永樂十三年乙未進士授中書舍人仁宗監國  
屢命賦詩頃刻立就尋命署禮部尙書司及六科事上  
嘉之曰卿不獨文辭典雅作字亦端嚴勁正甚類爲人  
陞河南按察僉事宣宗卽位雅重其名留直文華殿日  
備顧問賜給事牙牌以便出入終太常少卿

成化志

紀堂字宗正肆力於經史子傳爲文詞不蹈襲古人而  
步驟起伏自與之合洪武間舉明經授泰州知州以事

鄭志稿 文苑傳中

二三四明叢書  
約園刊本

謫戍遼左用薦復起知均州永樂二年改國子學錄卒

于官

李志

趙思盛字文祐一字師潤博物洽聞尤邃于春秋洪武  
初訓導郡庠八年陞教授後引年歸至耄嗜書不釋手  
時稱邃於文學

李志

崔植字斯立治春秋辨公穀左氏三傳得失歷歷如指  
掌究極羣史洪武七年薦爲郡學教授後調處州卒植  
文學行誼卓絕流輩一時耆儒皆聞風推重自號丹山

樵者

李志

時銘字季昭以字行洪武二十九年以訓導徵授監察御史以疾還里復用薦授崇仁令歷三考陞四川按察司僉事嘗夢神授以墨文思日進其詩號夢墨集列朝詩話樓澄失其字宣獻公之後與吳人梁時同受書于沙中翁又受易於魯人霸遂徙居焉尚書夏原吉治水三吳澄具言三江入海故道及所當疏濬者原吉欲薦之辭不受有林臯集行世李

謝員字友規與弟矩皆好學能詩文員以諸生充都司吏謫戍涼州著壩鳴集時解學士大紳潘待詔若水俱

鄭志稿 文苑傳中

四 四明叢書

約園刊本

坐罪遠謫與員號吏中三傑矩別見孝友傳李

周翰字維翰永樂三年舉浙江鄉試明年中會試副榜詔禮部選副榜士就廷覆試翰第一命進學翰林預修永樂大典七年除翰林典籍先是文淵閣所儲古今書籍歲久卷帙淆亂翰爲戡理逾二載秩然完整各書要旨輒能記憶秩滿陞檢討預修兩朝實錄殫心窮力書垂成而病病既劇猶問史成何如言不及他有文集藏

於家嘉靖志

臧性字孟庠父清歷清河續谿教諭性蚤習庭訓八歲

入鄉塾日記千餘言既長究極經史永樂丙戌以能書徵入祕閣繕寫永樂大典後以禮經中北闈明年又魁禮闈授鞏昌邑令以父老陳情忤旨謫交趾逾七年用薦授監察御史改知襄鄉縣未幾調宜興性剛毅不屈廉謹有守爲詩文不蹈陳襲故多出己意所著有鄆陽稿柏臺稿

李志

章珍字文重性喜詩其五言古體學漢魏七言近體學盛唐書法學宋克而少變自成一家所著詩文二十卷

號句章小言

李志

鄭志稿 文苑傳中

五十四  
約圖刊本

宋恢字宏之精于詩入唐人之奧郡中先輩詩文自明初鄭干之四明文獻集李孝謙四明文獻錄之後鮮有纂輯者恢乃集天順以來諸名人詩謂之四明雅集居恆與里中搢紳若洪常金湜周頌及一時高隱之士倪光章珍張憬等集爲詩社值佳日布衣藜杖攜酒蔬散步林墅間人望之如神仙云

李志

楊寔字誠之登正統六年鄉薦授安成訓導先是郡志自王元恭續修之後永樂初復修之書成未及刻至成化時距元恭至正志已百有餘年孝感張瓚來守郡特

延寔纂輯歷四年書成共十卷分爲二十攷嗣後張司馬別成嘉靖志體裁繁碎考據訛舛較寔書爲遜之而張志盛行寔書傳者頗少且司馬併不爲寔立傳故其行事無可述云

李堇山文集及陳半湖日錄

魏偁字達卿號雲松少負異才日記數千言迨長博極羣書以文雄于世爲諸生次貢廷試第一授石城訓導會有竄寇當事知其才使將兵禦險寇不敢犯秩滿遂告歸屠襄惠蒲楊康簡守隨方里居極相引重稱爲雲松先生性孝友與人交溫然易接未嘗有疾言遽色至

嘉志稿 文苑傳中

六十四明叢書 續編抄本

利誘勢怵則屹然不可動所著讀史編經書僅悟聞見類纂皆失傳詩三千餘篇惟歐陽鵬所選雲松詩略三百四首今存范氏天一閣

李亦兼探用善集

洪貫字唯卿父處士性以文章擅重名貫少從父受易舉成化十三年鄉試除教鄧州益肆力於古詩法盛唐騷賦有楚漢人風格遷知從化縣改知政和其地有紫陽西山遺跡因表章之以經學風勵多士然仕竟不進得下考歸擬杜陵秋興八首傳至京師李文正公東陽大加賞歎別作春興八首遙和之晚結廬東臯自號稼

翁片章尺牘流布江表一時傾慕誌墓敘牒爭欲得其  
文爲重海寧新城江陰靖江四縣志皆出其手著有周  
易解疑臥遊清獻錄太白山人稿五十餘卷

前上卷  
舊集

金湜字本清初號太瘦生晚號朽木居士甫髫髻卽能  
詩歌長益閎肆正統辛酉舉于鄉入太學以習古書法  
授中書舍人陞太僕寺丞時監牧者多以墨敗士恥居  
之湜奮然曰貪泉能汙廉吏耶卽乘傳歷諸部釐剔夙  
姦國人相顧駭曰此鐵漢也憲宗卽位勅賜一品服使  
朝鮮朝鮮雅尙文學凡中朝使至必求詞翰湜卽席賦

鄭志稿  
文苑傳中

七一四  
約國刊本

數十篇立就其國號才俊者吐舌不敢出語因請湜所  
經歷題咏刻之號皇華集又選美人入侍以詩卻焉尋  
致仕閒居二十年足不履公府惟與名勝士結社爲樂  
善寫生尤工墨竹隨綴小詩于上嘗爲延慶寺老僧畫  
竹一小幅每過必益一詩凡十一首其第十首云湖上  
禪房對竹開雨餘新水綠生苔入門聽得茶童說昨日  
題詩客又來垂老復至見尙有素處一方復欣然命筆  
曰草堂南北路高低林下相逢日又西只爲詩多不礙  
竹幾番題過又重題其風致可想也

閱志及  
耆舊集

李端字文正性恬淡與二弟同爨諸子各課以耕讀嘗  
舉爲鄉校師規約整肅與金湜倪光等結爲詩社其詩  
有唐人風嘗贈日本貢使歸國云肩挑雲影江干別衣  
帶天香海上還人多傳誦焉

閩志

張琦字君玉號白齋其從祖憬字景心有詩名時謂其  
音律沖妙超然得古意兼工書法琦自幼穎異年十二  
能詩常手鈔古人詩一卷其父見之投泥淖中徐徐取  
出暴日下夜竊讀之家貧遊學吳楚間授經每至夜分  
倦甚則與其徒取水交噴面復讀如故爲舉子業直寫

鄭志稿

文苑傳中

八

四明叢書

約園刊本

胸臆不類時人語故久不第弘治十二年始成進士年  
已及艾矣授南大理評事歷寺副寺正虛囚多所平反  
有爲僞印者三人論死琦按其狀以竹布四邊中劃字  
成文非刻印也得減死論司獄官以事落職貧甚至鬻  
女作歸資卽捐俸助之女得免鬻在南都九年吏部再  
薦督學使不報出知福建興化簡易清靜有古良吏風  
閩中林見素負重望與文字往來每共登臨輒題詩石  
壁間人稱爲文章太守監司屢上治狀竟以疾力乞骸  
骨陞本省右參政致仕歸里居凡十六年以林泉雲鳥

爲樂作詩力去陳言務寫心得多從實地生變化不爲  
蹈空語所著有白齋集竹里館集

者舊集

華爨字仁卿號石窗年二十二舉於鄉正德九年成進  
士授南京刑部主事歷員外郎中出守桂林所至皆有  
政績會田州岑氏作亂郡中苦轉輸民負租至百萬爨  
盡心區畫與民相緩急課入而民不病入覲命復任意  
不欲仕數遷延未上竟坐劾歸爲人蘊藉意味蕭然日  
與二三故人遊日嶺雪竇間吟嘯自得人望之癯然一  
布衣不知其故二千石也精書法尤工行草爲詩有王

鄭志稿 文苑傳中

九四明徵書

約園刊本

右丞風

李志

陳沂字魯南以醫籍居南京五歲能屬對十歲能詩十  
二歲作赤寶山賦傳誦人口正德丁丑第進士改庶吉  
士年已四十有八爲夙名士矣授編修進侍講嘉靖初  
忤大學士張孚敬出爲江西參議改山東參政入賀遇  
孚敬長安道上孚敬勞之且飲以內召對曰齊民困甚  
能行吾疏勝吾受德也孚敬怒爲所中左遷山西行太  
僕卿抗疏致仕書法學東坡篆隸繪事並稱能品好遊  
名山水皆有詩晚與顧華玉遊歷長干諸寺賦咏尤多

時稱朱顧陳王四家

舊集兼採  
列朝詩話

按朱顧陳王四家顧卽華玉陳卽魯南王則王章朱則朱應登也朱顧二家皆羽翼北地而魯南欽佩各能獨出手眼訟言學杜之弊庶不隨時好爲轉移云張時徹字維靜號東沙少師事從子邦奇二十舉于鄉嘉靖二年成進士歷官南曹郎以副使督學江西簡汰甚嚴會聖廟災嫉之者謂副使虐諸生所致改備兵臨清歷福建參政雲南按察使晉山東右布政使丁外艱歸起巡撫四川白草番爲亂授都督何卿方略乘霧奪險擒其五酋俘斬千五百人捷聞陞兵部右侍郎又平馬保番賜金綺復用爲江西巡撫召入轉左侍郎前都御史商公大節以忤仇鸞論死鸞敗時徹請釋之上怒奪俸二級尋丁內艱明年倭寇犯東南冢宰李默特疏薦拜南京兵部尙書參贊機務倭游騎數十至大安門亟命閉城登陴將士無出戰者歷信宿倭引去南省臺官劾之罷歸時年五十五既不爲世用乃專意撰著輯洪建以來大家名文爲文範別爲文苑續四明風雅修郡志各數十卷家有別墅在東臯曰茂嶼草堂在西臯

曰武陵壯時引名流鴈咏其間喜寵薦後輩其聲望氣力俱足鼓動一時經其門者卽蔚爲名士故同里自士大夫及布衣諸生羣奉爲騷壇宗主篤於存沒豐考功坊以落魄死陳副使東以天死並刻其遺集愛才好士蓋天性也詩文集今行于世子邦仁邵武令邦伊苑馬卿皆能詩邦伊子瑾鞏昌府同知珽江西參政有政聲

參用李志剛志及者舊集

屠大山字國望號竹墟簡肅公僑從子也生時適大宰襄惠公以太山摩崖碑遺其家因名曰大山嘉靖二年

鄧志補 文苑傳中

十一 四明叢書 續圖刊本

成進士知合州州當瞿唐下流爲築隄其東民甚賴焉有巫挾術爲奸以計捕得掠數百不中盛威嚴正色叱之有書從腋間墜立杖殺之歷刑部郎出知吉安王尙書學夔子橫里中捕其奴懲以法其子折節改行尙書謂人曰使吾子不致覆宗皆屠使君教也世兩賢之陞按察副使備兵徐州有平賊功河決爲災置橋賑濟民無流殍遷福建左布政使將樂令賢而大司成李默以不阿其意屬大山斥之大山察其政績反以最聞默以此愈重大山晉副都御史巡撫湖廣曲周馬三兒妖術

煽亂檄應山令勦滅之加兵部右侍郎總督湖南北川  
貴軍務討叛苗龍阿仔誘其黨譚細奴啖以官使擒阿  
仔以獻餘黨悉平嚴嵩子世蕃以其由外吏屢陞內閣  
頗左右之有所覬不時應會倭寇方熾欲中以法乃降  
授應天巡撫適標下參將李逢時兵大潰言官奏劾相  
嵩主之下詔獄論死上念其曾修潛邸及大和宮以問  
真人陶仲文仲文爲解得釋歸穆宗卽位復其官晚好  
黃老之言年八十二卒從子隆論其詩曰公天才豪逸  
自命作者及爲大吏經營天下三十餘年幸脫虎吻歸  
酒酣縱筆了不求工而往往神來是爲雄豪大人之章  
非隅曲詞人所及也所著曰竹墟集

李志

鄧志稿 文苑傳中

十二四明叢書

約園刊本

范欽字堯卿號東明嘉靖十一年進士知隨州陞工部  
員外郎時大工頻興武定侯郭勳總督工務勢張甚欽  
以事忤之譖于上受杖闕下出知袁州大學士嚴嵩乃  
其郡人其子世蕃欲取宣化公宇欽不可世蕃怒將噉  
大吏誣劾嵩曰此特以強項自喜踏之適高其名但當  
籠絡之耳乃特擢副使備兵九江九江多盜欽令衛所  
各帥本部分駐水陸以資策應盜駭散陞廣西參政分

守桂平轉福建按察使進雲南右布政徙陝西左使丁  
內外艱服闋陞副都御史巡撫南贛汀漳諸郡擒劇寇  
李文彪平其寨賜金綺疏請築城程鄉之濠居村添設  
通判一員以消豫章閩粵三省之奸立二參將于漳潮  
惠韶間以備倭從之又擒大盜馮天爵陞兵部右侍郎  
見政府益恣橫或有所波累未上遽乞歸築天一閣以  
儲書至十餘萬卷多祕本爲四明藏書家第一卒年八  
十三有天一閣集行世

李集

豐坊字存叔學士熙之子也後更名道生字人翁號南

鄭忠稿 文苑傳中

十三四明藏書  
約圖刊本

禺外史嘉靖二年進士除禮部主事偕廷臣諍大禮杖  
闕下改南京考功主事謫通州同知罷歸十七年六月  
忽詣闕上書請建明堂加興獻帝廟號稱宗以配上帝  
下部議從之次年又獻卿雲頌一章詔付史館初坊之  
進明堂說也兼請封禪上頗心動召所幸大臣與語大  
臣心知不可莫敢決請退諮于其同里張邦奇邦奇曰  
今郊廟土木繁興若復有此舉海內何以堪因言其人  
少有文學行多不檢所言不足采上召問邦奇對如初  
坊由是終不錄用歸益自誕放負才任氣片語不合嘗

毀多失實人以是莫敢近遂頗頷贊獨以終其身撰五經世學中多卓絕之見然託言其先世清敏公所傳于書言得之外國于詩言傳之申公于易與春秋言本之蔡邕石經同時亦有爲所惑者而時代牴牾徵引舛謬績學之士競起而攻之其書迄不行于世蓋自盛年見擯未免熱中迫思詭遇而不得遂恣意縱筆有如玩世若充其才力之所至而約之于理未嘗不可以立言自見也精諸家書法藏金石刻甚富臨摹逼真其詩則張司馬所刻曰考功集

節錄李志兼採東沙所作集序黃梨洲五經世學跋

鄧志稱

文苑傳中

十四四明續書

約園刊本

陳東字約之號后岡少奇穎絕倫試之對輒應聲就稍長益泛濫百家中嘉靖八年進士入翰林時學者爭習李崆峒勦襲杜詩東與唐順之趙時春王慎中熊過任瀚李開先呂高力追古學于是有八才子之目性亢潔不喜逢世張桂受上殊寵朝士盡奔走慕東名欲相款引東終不折節歲時上謁遣吏投刺馳馬疾過其門諸人恨之呼爲輕薄小黃毛乃出爲湖廣僉事置蠻劇之地以重困之意東徒能持文墨議論未必精會計聽斷修飭吏事逮其敗當擯之而東益舉其職卒無詞罷免

稍遷視學河南竟以劬瘁致疾卒初山陰董侍郎中峰有女慧甚工詩難其耦訪士于張文定公邦奇文定曰吾里有陳生家雖微其人才足壻也中峰至而上召見東垂髫敝衣膚神玉映試以詩文揮筆如雲煙竟以女歸之亦能詩束沒未幾蒸人亦卒

明史本傳及耆舊集

高士字克學號志齋孝子謙之子也幼孤好學事伯兄曲謹而兄每陵之後兄爲吏以贓敗罄己產代償由是家益貧爲學益力或貰米不得終日絕爨晏如也郡別駕薛甲高其文行延修郡志謂樓异害及桑梓史彌遠

郡志稿 文苑傳中

十五 四明叢書

約開刊本

嵩之巨奸趙孟傳謝昌元失節于元程徐爲大臣身事兩朝皆不當立傳其持議謹嚴如此書未成而罷後張司馬修志不盡循其例論者惜焉晚年學益富兼精于醫謂醫之有靈樞猶五經之有易也遂爲之註年七十餘卒所著有志齋稿

李志

盧叔麟字周伯善詩文學于張司馬東沙所作亦似之司馬修郡志叔麟與同邑倪珣薛晨洪謨皆與焉搜討纂葺皆諸人手筆司馬裁定而已珣字公白歲貢生晨

字子旂謨字禹臣皆諸生

李志

汪坦字仲安中丞玉之子也結髮嗜學于書無所不讀  
初應試筮得龜之上九慨然有遺世意後以國子生入  
都婦翁聞莊簡淵方在天曹深自引避足跡不輕踐其  
門太宰貽之書答言國家休戚大計無一語及兒女寒  
暄中年用門蔭歷職藩幕所至輒求古碑刻及其地先  
董遺書學益富不耐吏事解組歸所居在大雷山下構  
屋山椒爲眉階漸入漸高常臨階下俯與樓上人語至  
者如入仙都沈嘉則遊四明從大雷入先宿其家翦韭  
作供討論山中故實賓主相得極歡所著石孟集層長

鄧志稿 文苑傳中

十六四明叢書

一約閣刊本

卿序之子禮約字長文從學于嘉則工詩兼精書畫嘉  
則題詩四明石壁間輒命禮約書禮約亦和之合編爲  
遊籍所著有松風館香雨齋集今失傳惟遊籍存問

志

呂時臣字仲父早歲學詩因避仇遠遊歷齊梁燕趙間  
嘗至青州衡莊王所王新作高樓名之曰待月使客賦  
詩客各以詩進王弗愜也時臣年少下坐徐作一絕句  
其詞曰川原夕氣交暝色自相向月猶藏海底人已坐  
樓上王大喜以爲得待字意爲刻甬東野人稿晚客滯  
滯禮之亟于謝櫟年七十卒於河南涉縣

李志

沈明臣字嘉則自稱句章山人晚號櫟社長喜讀書慕  
古人廓落大節雲間沈愷爲郡守甫束髮上書萬言愷  
詫爲奇士已補諸生數試不利尙以詩自豪會東方用  
兵少保胡宗憲開督府辟置幕下是時文武吏士畏督  
府威趨走如僕隸明臣與山陰徐渭獨抵掌縱談宗憲  
亦接以客禮嘗燕將士爛柯山上酒酣樂作請明臣爲  
鑿歌十章援筆立就釀酒高吟至狹巷短兵相接處殺  
人如草不聞聲宗憲起捋其鬚曰何物沈生雄快乃爾  
立命刻石山上又嘗從登大王峰設讌有坐客言某所

鄭志稿 文苑傳中

十七 四明叢書  
一約園刊本

歌姬絕麗宗憲已被酒命健兒取以來須臾報姬至明  
臣卽起曰吾輩興闈明公可以歸矣宗憲爲強登輿去  
宗憲後死請室中走墓下哭之極哀過太倉訪王尙書  
弇州高坐論詩氣凌其上弇州稱爲布衣之傑張司馬  
主里中文盟極推重之司馬沒士皆輻輳其門晚年尙  
思出遊諸公競相挽留爲置善田百畝給朝夕遂爲鄉  
社中祭酒平生所作詩七千餘首從子九疇選其半爲

豐對樓集刊行於世

節錄書  
舊集

楊承鯤字伯翼大理丞美益之子也少工詩書學李北

海沈嘉則一見推許之名日起嘗以通家子謁王弇州弇州見其行卷極激賞承鯁默然別去語人曰王先生博大心慈客持片楮求譽津津不休人人自謂王先生知己其知己多矣僕尙容廁其間耶以太學生北上名藉甚倦於接對遽歸平生持論甚嚴是是非非無所枉以是頗違俗于城南構脩園日歌嘯其中羽人衲子多從之受詩年四十而卒

節錄者舊集

葉太叔字鄭朗其後更名亭立子介于年十六七已能詩或持以示沈滂則大奇之與定交呼爲年少李王孫

鄭志稿 文苑傳中

十六四明叢書

約圖刊本

嘗曰幸從後輩中得一伯翼復得一葉生足吾老矣介其詩于張司馬自爲長歌先之司馬亦吞賞遂一日名起性介僻初與屠長卿同學後長卿貴太叔謂其門多雜賓遂不與通長卿死乃爲詩哭其墓有故人爲吳中縣令延修邑志旣成自署卷首日四明葉太叔著令具厚幣置酒從容曰某忝令此縣雖重煩大手筆願得假名氏太叔拂然曰著書千載事豈容賣買立束其稿歸素不善飲然謂人生豈可一日無酒設虛觴若引滿者三始飯其風致又如此爲詩初學長吉後歸宿右丞所

著名藏山稿

節錄者  
舊集

余寅字君房後改字僧果萬曆庚辰進士爲都水司主事典造屬國賜服日與承運庫相關易染指寅一以法按之歲省節三千餘緡出督學陝西一無所假借御史首錄士考下下尤慎鄉賢名宦二祠人皆畏忌之陞左參政隨改山東操持廉白監司多以費不給請寅獨否同寮雖陽相推服而心齟齬不堪也遂以忤時請病歸嘗再起福建再乞休晉太常少卿致仕與沈文恭同研席文恭當國視之漠如一不通書尺年七十五卒平生

鄉志稱  
文苑中

十九

四朝  
續編

以古文自負謂于詩僅窺其藩然其文信屈或不可句詩則癯而堅質而峭類其爲人所著曰農丈人集

節錄  
沈一

賈所作  
墓志

沈一貫字肩吾號蛟門隆慶戊辰進士選翰林庶吉士授編修歷官掌詹事府禮部尙書入直東閣累加少師左柱國吏部尙書中極殿大學士入相十二年爲首相八年事詳明史本傳卒諡文恭天啟時魏黨方惡東沐以其嘗排顧憲成東林之目由此起改諡文正贈太師一貫初學文于余君房學詩于族父嘉則而筆力沈鷲

遂出二人上然讀其集深心密用亦彷彿見之

節錄者舊集

屠隆字長卿一字緯真號赤水中萬曆丁丑進士知潁上縣楨當汴泗之衝水將迫城隆于城東築隄五十丈隄成民作綠波亭其上以誌德會澤雨部使者至言田苗無恙乃君日行水謹啟閉所致對曰公所見負郭耳其餘汙邪淹沒甚多某何敢匿民疾苦使者歎息而去改青浦修二陸祠地有泖浦之勝好泛舟置酒召客值橐中罄輒解所繫銀帶銷之遷禮部主客司主事時西寧侯宋世恩年少好聲伎隆故善填詞兩家曲宴觴行

鄞志稿 文苑傳中

二十四明叢書

新國刊本

樂奏或極子夜刑部郎俞顯卿幼世寧并及隆遂罷歸

平日爲詩文信手縱筆未嘗起草于酒間分韻客飲未

盡卮揮灑已滿幅又或口占令人書之此誦彼書書不

逮誦自序所作以爲姿敏而意疏姿敏故多捷給意疏

故少精堅聞者以爲確論所著絳雪樓集

明史本傳兼採者舊集

李瑋字偉卿世業農至瑋始好讀書作有韻之文輒得

奇語時方傳王李七子詩瑋唾之閉門耽思欲盡洗俗

學歸於大雅就所居傍構一草亭藝菊百餘本值花時

築白酒數斗思與客共之又不肯作折簡招豎一竿如

酒帘狀大書酒熟花開高懷者來故人遂四集歲以爲常足跡罕入城市手定其詩曰桑麻集行世者甚集

屠本峻字田叔號漢陂侍郎大山子也以父任授刑部檢校遷太常典簿因撰太常錄備記國家郊祀諸大典歷遷繕部郎中出爲兩淮運同復移之閩閩中鹽引率勢家領之售于商商病而課日不足時方佐軍興力言于中丞減其課浹旬而課畢輸反贏萬金創先賢祠于烏石山歲時祀之陞辰州知府蠻徼用兵命主餉轉輸不乏事平敘功第一而性喜客後堂日置酒絲竹不絕

鄭事編 文苑傳中

三四 明 嚴 書

約 野 刊 本

大吏心不善罷歸在郡禁殺牛有諸生投牒詐言畜一牛垂斃請鬻其肉以餬口因判以俸買牛葬之比牽至則生牛使吏牧養及解任父老泣送牽牛隨其後仍命留於官邑人爲作留犢圖歸里喜客益甚年八十餘尙能于酒間度曲自稱曰憨先生李

志

李峻字公起御史尙默子也有瘡疾博通經史客見者以筆相問答好著書凡二十餘種閩人曹學佺嘗作海內兩奇人傳一爲峻一爲松江唐汝詢峻以瘡汝詢則生而瞽也其文學亦適相埒云李

志

應臬字仲鵠初爲名諸生數試不利遊荆楚弔赤壁載  
洒歌呼詩名動江漢間已而上薊門無所遇遂絕意進  
取世居沙鹿草堂澆花種竹庭戶楚楚日與一二詞人  
唱和永嘉何無咎輯鄴布衣詩十家臬與焉所著叢說  
精于考據米仲詔序之詩有楚遊烏溪諸草

者舊集兼採米萬鍾

叢說序

胡一桂字百粟隱居不仕喜爲詩父子皆授徒村中館  
舍相隔一溪每詩成卽呼之綠涯而語又嘗輯有明一  
代典章及四方文獻凡二十餘帙子名傳字鱗翼亦能

鄒澤文苑傳中

三國朝錄書約圖刊本

詩與風唯一交每訪之則負一囊中藏一桂遺稿及他  
著述將別復負而去鱗翼死一女嫁爲農家婦李臬堂  
選者舊詩就索其家則殘本在織筐中撕裂殆盡錄得  
數十首皆博奧可喜

看舊集

吳士璋字潛玉號笨子諸生數試不利挾其詩遊吳粵  
豫楚間鄒南臬方里居上詩有日到來天地傷多事歸  
去江湖尙有人南臬爲序其詩曰文江詩選

看舊集

全大震字二何玄洲學士次子少負異才治詩古文詞  
性任誕世家華靡婦裝亦數萬隨手而盡數踏省門不

售挾冊遊京師久無所遇家益落晚客白下莊元辰方  
官太常屢過之爲設食將徹出袖中一油楮裏其殘爰  
去其客窮如此詩則橫逸絕羣陸文虎最自負亦心折  
焉與連姻後卒於故人家

耆舊集

吳應雷字鼓和號青囊家貧授經案上獨置杜工部集  
每歲以故書紙反裝之立一冊有所作皆書其中或他  
出則鎖置巾箱惟謹人不得窺聞人論詩不答見有以  
詩贈人者輒蹙頰曰何重費筆墨爲雖子弟及門下士  
皆以爲不知詩也一日竊啟鎖則紙背中淡墨禿穎皆

鄭志稿 文苑傳中

三十四朝藏書  
約圖刊本

平日詩草疾鈔畢仍置巾箱自後見其徘徊庭戶搔首  
畫指知爲苦吟錢退山得諸生所鈔本驚喜點定之李

杲堂稱爲異人

耆舊集

孫儀字象可家三茅自田間起少時遍叩沈嘉則余君  
房屠長卿間嘗題詩僧寺不署姓名周唯一過寺中見  
之爲下拜然不知何人作後唯一官嶺外聞象可熟於  
國家典故及星緯百家之學遂與俱舟中論詩出其全  
稱則題寺詩在焉大喜更起拜兩人日有唱和一語近  
時卽相戒故其詩多奇拗語唯一欲爲刻之而未果所

善日借竹樓集書舊集

鄭志稿文苑傳中

三十四  
約園刊本

鄭志稿卷十四

鄞志稿卷十五

清甬上蔣學鏞聲始撰

文苑傳下

王嗣爽字右仲一字于越號偶翁萬曆庚子舉于鄉教授黃巖宣平知宿遷縣左遷建州經歷擢知永福縣奸民多以米餉海盜嗣爽嚴禁其闖出者復力卹鹽商之困遷知涪州與監司忤罷歸執贄劉公念臺之門曰吾以罪失官反以罪得學可謂失魚而得熊也丙戌年已八十大兵下浙有司迫遣登舟令謁見貝勒至慈谿乘

鄞志稿 文苑傳下

一四明叢書

約開刊本

潮遁歸嘆曰人生不幸至此惟祈死而已又三年卒少時爲余太常寅所賞酷嗜杜詩嘗夢見少陵與握手論句法及官涪州以事至錦官城過浣花草堂遺像宛如夢中遂箋其詩曰杜臆所著有密娛齋集

耆舊集及續

楊德周字南仲號次莊萬曆壬子舉於鄉官金華教授擢古田令嘗夜閱獄詞鬼哭于庭祝之曰有冤當再聲哭愈厲廉得其實昭雪之再遷知高唐州致仕乙酉魯監國以尙寶卿召不赴壬子年七十六卒德周最精考據宋人魏峴著它山水利備覽爲之註且版行焉工詩

在古田與曹尚書能始倡和晚與王涪州葛祭酒爲汐社中三老嘗作新稻詩曰曾孫穡事周京盛不救西山兩餓夫讀者傷之

續香舊集

葛世振字仞上號同果南評事文炳之孫崇禎庚辰進士及第第二人授編修隨充日講官奏對論兵餉有增兵不如練兵加餉不如清餉之語稱旨上爲書其名於御屏時上頗好察每入講陳經旨必歸寬厚以寓諷上常改容聽之特授東宮講讀尋以省親告歸甲申聞變著十哭詩杜門不與世事結廬光溪之濱課農桑自給

鄭志稿 文苑傳下

二四明叢書約園刊本

乙酉丙戌兩膺召命戚友多有勸之出山者陸高士宇燦投以詩有云曳履隨班稱老臣少年隊裏自嫌身阿婆改作新來婦抹煞庚辰第二人世振得之嘆曰使吾一舉足更何面目以見陸生遂不赴

閩志

陸寶字敬身一字青霞號中條大參懋龍子也少從屠長卿余君房遊皆稱其詩以太學高等爲誥勅舍人京洛詩人如葛震甫汪遺民林茂之唱和尤多己巳以邊事請纓自効有詔褒答旣因母老乞養歸與楊南仲李封若周農半共選邑中先輩詩數百家爲甬東詩括後

李杲堂耆舊集半因之冢素封乙酉丙戌間輸餉而不  
受官其後遷入碧溪之上憔悴行吟以卒質素慕陸放  
翁詩盈萬首以是坐臥寢食皆不廢吟年八十果滿其  
數刲羊豕祭三百篇以來之詩人盡集同社餽餘其風  
致如此所著曰霜鏡曰辟塵曰梧香今惟霜鏡集存餘  
失傳

徐殿臣字心水一字玉清崇禎七年進士以行人擢試  
御史時兵擾並亟疏言計臣當擇人如劉宴爲度支軍  
興不乏而未至病民不然因賊設兵因兵增餉賊未及

郵志稿 文苑傳下

三四明 叢書  
約園刊本

勦而民且揭竿應之矣又請復驛遞驛遞者流賊所從  
起之由也初舉禮部時出石齋黃公門下石齋得罪集  
同人祖餞賦詩有如公眞不欺明主在帝何曾殺諫官  
之句當軸頗側目出提督南京學政左遷山東僉事以  
親老乞歸國變後奉父避亂入山爲海師縛去索萬金  
賴友人周容救以免久之悒悒成疾卒喜讀白蘇二公  
詩顏其閣曰香眉少作風流自喜晚歲多河山破碎之

感焉

續香  
舊集

徐之垣字維翰別字心韋天啟辛酉舉于鄉乙丑成進

士授江西永豐令永豐俗淳事簡之垣時循行阡陌老  
稚多邀入其室輒爲述古孝弟舊事以勸勉之或逾數  
日始歸會入覲調繁吉陽永豐民詣巡按請留任巡按  
諭以已奉旨不可留豐民私相議令赴吉必由府當邀  
之之垣抵信州吉陽吏胥方具輿蓋迎豐民肩其輿尊  
其蓋擁歸邑之垣不能禁以狀白大吏次日藩司遣人  
慰諭命送徐令之任豐民閉城大譟爲罷市藩司復遣  
通判盧某召之垣至郡議之豐民數千偕行至寓所環  
坐以守藩司見眾志堅爲移文巡按託其上請豐民謂

鄭志稱 文苑傳下

四四明叢書

約園刊本

必可得稍稍引歸而巡按方以病在告郡守命之垣速  
微服之吉無使豐民知之垣既抵新任豐民聞之悵然  
如失父母信州故有宋趙忠定公一盃亭民爲新其亭  
易名攀雲并祀焉吉陽爲鄒忠介公故里之垣至忠介  
方沒力營其身後事且爲立祠其治吉如治豐久之丁  
內艱歸服闋補福建松溪地在萬山中終歲苦暑多癘  
疫之垣禱于城隍祠是冬大雪爲閩所未有者民以爲  
異行取授御史時中官張彝憲監戶工二部外吏入覲  
者皆匍匐上謁之垣獨不往陳侍郎子壯以爭宗室改

官事下獄之垣疏救之留中不下遂請病歸起補原官  
出按湖廣首輔溫體仁以之垣嘗疏侵之奏言其人善  
病不任封疆仍移疾去體仁歸召對平臺稱旨命按江  
北適大祲發贖銀以賑且作大廠二十楹收遺孩全活  
萬計池州山中賊起假他故集兵于徽掩其不備擊滅  
之畿輔始安改督學至廬州會賊破城僅免任滿復告  
歸國難後削髮爲頭陀居光溪別業所謂在澗樓者不  
復入城自以不死廬州之難復目覩變革深用悔恨嘗  
題其柱曰早已覺來都是夢譬如死去未曾埋君子悲  
之所著曰在澗樓集

高斗樞徐侍御墓志

鄧志稿 文苑傳下

五四明叢書 約園刊本

全謝山耆舊集以之垣與周昌晉陳朝輔水佳胤徐  
家麟同卷周陳二人事見明史水太僕以疏救昌晉  
遂同入黨案家麟爲御史適流賊破京久之始南奔  
同時頗有物議苦心韋以學使按部廬蘄州非有守  
士之責其自咎則臣子之義然論者不當必以必死  
責之也故列心韋於文苑而周陳諸人之不立傳亦  
附著焉

陸符字文虎崇禎壬午舉人風貌甚偉警敏如洪鐘讀

書不墨守章句古文詞則鵬鷺海怒極意而止復社諸人爭相推重然獨留心世事崇禎己亥文文肅入相戢山諸公復起論者謂東林由此得吐氣符心憂之嘗曰彼方以眈眈乘釁此乃以夫夫得意禍且至矣未幾烏程果排文肅去位又移書宣城沈眉生以爲近日友朋中兵心見于文字鬪氣長于同人乃亂亡之兆當務闡修弗以聲聞爲事會有保舉之令學使者許豸以符應詔入國子監懷宗幸學諸生迎謁見符儀表履目之舉崇禎壬午鄉試癸未下第歸踰年而國難作魯藩時賜

郵志稿 文苑傳下

六四明叢書 約園刊本

進士授行人命清查衛所錢糧千戶馮如奎乾沒獨多嚴覈之遂拔刃刺符于廳事不殊謝事養疴山中未幾卒所著曰環堵集

采李志及黃南雷墓志

萬泰字履安號悔菴其先以勳衛世其家至泰始舉崇禎丙子鄉試與陸文虎並有名出與復社諸名士交時稱萬陸文虎性剛介視世俗鬼瑣齷齪之士直叱之若狗泰稍蘊藉然自長揖外不交一談東江建國以戶部主事司餉國亡遁入榆林已而榆林亦被兵城中故居爲大帥所奪乃窮棲丙舍公車敦促作長歌謝之泰雅

負作用不徒以風節見戊子五君子之難高都御史斗  
樞父子李儀部桐父子皆蒙難密爲籌畫得釋庚寅黃  
晦木已赴市復以奇計出之然感懷故國日忽忽不自  
得賦詩多悽絕丙申遊粵歸至南安同年生毛汧舟中  
病疫不忍棄之爲視其病汧得生而泰竟死得年六十  
其五言酷似陶靖節七言及近體似高岑八子皆以文  
學者別有傳

南雷墓誌及續耆舊集

董守諭字次公受業石齋先生之門天性孤峭不肯與  
人苟同大類石齋其詩文排募邊幅之外亦類石齋天

東志稿 文苑傳下

七 四明叢書

約園刊本

啟甲子舉人七上公車不第學日進名亦日盛是時吾  
鄉預于復社者陸文虎萬履安董天鑑與守諭而四守  
諭最隘心契不過數人魯藩在越以薦授戶部主事司  
餉時方國安王之仁輩號正兵熊汝霖錢肅樂孫嘉績  
之軍號義兵正兵取正餉義兵自求義餉守諭爭之曰  
義餉不可常繼是欲散遣之也而正兵所食過多且日  
驕王以爲然特無如方王何其後之仁無厭請稅漁舟  
又請行稅人法守諭曰今所恃者人心耳措剋已甚民  
何以堪持不可又請籍沒大戶祀田以充軍資爭益力

之仁大怒曰行朝諸閣部無敢裁量我輩何物豎儒乃爾上言得孟軻百不如得商鞅一旦折簡召守諭或謂往則見殺矣不往亦必遣卒行刺王使避之對言命吏死生係于王悍帥雖強豈足畏哉卒不往之仁亦中愧而止次年三月十九日請哭臨行邸三軍縞素從之越城內附屋從不及乃行遞江滄痛自責曰吾不同汪長源陳本叔同死尙何顏立人世作歌詩徧哭所知之死節者淋漓悲愴令人不能卒讀杜門著書自一二遺民外概拒不納甲辰卒年六十九縣令張幼學嘆曰所謂

郭志稿 文苑傳下

八四明藏書

約園刊本

名可得聞身不可得見也所著有讀易一鈔二鈔卦變考略易韻補遺其詩文曰擊蘭集樂府曰匪風集

續音舊集

兼採正氣錄

周容字茂三一字鄧山號楚堂少卽工詩睥睨一世甲申後棄其諸生丙戌更去髮爲僧旣而以母在返初服初名溶至是改今名浪遊吳楚燕趙間所至與魁人奇士交于浙最契查虛舟于山右則傳奇主申梟盟于江右則王于一于吳則紀伯紫于閩則許有介諸公亦翕然推之其在里中與徐侍御心水最厚容未知名時首

爲侍御所識揄揚不啻口出遭國變侍御避跡天童海  
師突至縛之去置王朝先營索餉萬金不得囚水牢中  
戚友莫敢赴容挺身往請之願留己爲質釋侍御歸既  
而餉不盡如所索遂加榜掠朝先客方伯呂萬旋吉舊  
與容相識爲力解閣學沈彤菴亦以爲言乃放還足由  
是蹙然于侍御始終無纖毫間侍御死爲詩哭之極哀  
晚年既倦遊會有以非意加之者復掉臂入都時方有  
詞科之辟朝臣爭欲以名薦誓死力辭次年卒於京邸  
年六十一素工書于前人諸體略述取神獨不屑作側

鄭志稿 文苑傳下

九四明叢書

約園刊本

媚之態古文頗似徐文長詩則多礫硯鬱勃之氣嘗自  
言字裏有血行間有淚所著詩稿外別有翁州志二卷

今失傳

刪節申冕盟所  
作傳兼采李志

張庚字長生自號太白山人生於嘉靖壬子卒于順  
治戊子年九十六初從屠長卿沈玄扈相唱和其後陳  
恭潔公尤重之嘗題其小影曰閩南著書五千卷湖陽  
吟詩八百首書不停披孟常在手出則傳巖之梅羹處  
則商山之橘叟推服至矣李杲堂者舊集遺之其殘藁  
尙存蓋九十後所作詩律工細無老人態

續書  
舊集

李文純字一之一字姬伯號戒菴四川提舉樞之子也  
諸生丙戌後棄之遭逢喪亂匿迹奉化之求村亂定復  
入城不復見一人亦不與人倡和暇則鈔書幾至千卷  
耄年筆畫猶端勁嘗自嘆曰昔人欲以青蠅爲弔客吾  
猶嫌其闢未若枯木頑石相與賞心風味殊不惡少時  
侍父入蜀與同里戎玠相唱酬工力悉敵玠字孟常諸  
生兩人詩照映蜀中後文純年八十餘猶藏玠詩一卷  
其從弟杲堂爲錄入耆舊集中

杲堂所作詩集  
序及續耆舊集

錢光緒字聖月號蟄菴知寧國府敬忠子也少隨父居

鄞志稿 文苑傳下

十四明叢書

約園刊本

峽石嘗遊石齋先生之門石齋愛之爲作法廬銘法廬  
峽中齋名也甲申上書中樞史公請急引兵勤王又請  
追還漕艘弗責盜糧史公答以具曉忠懷卽圖進發南  
都陷後知事不可爲自習寒灰道人從兄忠節起事招  
之不赴亂定歸鄞構莖蒸菴誠園日居其中與學佛者  
爲方外交其詩曰崇慕堂集

續香齋集

范鴻儒字九華諸生肆力於古家貧無書聞人有祕本  
百方借之學日富所至名山川必有題咏年八十卒所  
著茗柯集讀史偶記老子譯諸書

李志

楊秉紘字所收太僕卿美益曾孫最精考索自丙戌後  
頽然自放以著書爲事其浙江水利考尤詳覈好談故  
國事間扶杖出里中後輩遙望見卽爭迎之聽其敘述  
滔滔汨汨以爲異聞嘗言閩古古勸史閣部清君側所  
言兵事尙不足望辛幼安項背當時年已八十餘雖誦  
古古劄子如河注海早喪其子有孫十四而殤又遭大  
火與老妻匍匐烈燄中僅免撰著多被焚嘆曰吾已無  
國并無家今且無書是天多我也因號天多老人復錄  
所記憶詩未及半而卒

續書  
舊集

鄭志稿 文苑傳下

十二 四明叢書

約園刊本

紀歷祚字永吉推官五倫子也推官以清節著罷官如  
寒素獨好聚書歷祚盡讀之又借閱所未有熟于史書  
諸志凡古今禮樂制度郡國分合山川夷險及名物象  
數之學言之如貫珠國變後棄諸生冠服作道人裝每  
年三月十九日以麥飯祭懷宗流涕闌干或問草莽臣  
而祭天子禮有之乎答曰此所謂野哭也偶至衢巷間  
見有坊表門閤必歷數其生前淑慝以語從行者高隱  
學輯甬上敬止錄時就之訪軼事焉

續香  
舊集

錢豹字文蔚宋末有隱君子惟墳者與高文友居東湖

山中因名其里曰高錢豹少有才思錢忠節瓜里之役  
參其幕府國亡絕意進取同時周唯一王水功隱於榆  
林其唱和甚矜重豹時時過之相得甚歡錢退山嘗評  
其詩曰文蔚穆然靜遠性所蘊蓄發爲聲詩家枕東錢  
湖上水光山色互相融結故其詩有近陶者有近韋柳  
者有近常儲者水功亦曰文蔚之詩魂清想渺神況淡  
澹臨終書一紙云邁此陽九辰平生無大誤昔年如是  
來今日如是去

采周證山  
詩集序

沈士穎字詰先一字心石知荆門州延祉子也諸生甲

鄭志稿 文苑傳下

十三四明叢書  
約園刊本

申後棄之時年二十有四士穎負揆天之才自以世臣  
故國故君之念不能自遣放浪詩酒燕人梁公狄來鄞  
唱和入子士穎年最少杭之遺民如徐蘭生汪魏美亦  
器重之尋以表問魯藩起居爲人所首下獄高辰四兄  
弟力救出之自此菁華消索壬辰病卒今存吟社詩稿

一卷萬履安所手錄也

林荔堂  
詩集序

右十四人皆前明故臣遺老以其卒于改步以後故  
與本朝諸公合爲卷蓋遵明史錄楊維禎戴良之例  
也

董允璘字吳仲孝廉德偁季子也少有才與其兄允瑄齊名後遊黃南雷之門學益進南雷宗念臺劉公之傳以意爲心之所存非所發學者習考亭舊說多未信允璘解之曰存固存而發亦存也聞者始釋然同學爲講經會于字句間多異同允璘謂學當鞭逼近裏從得力處做工夫區區訓詁同亦可異亦可若專力於此乃口頭上見解非實學也年三十六而卒南雷哭之慟曰天祝予詩文踔厲風發陳怡庭作序以爲陳龍川之流同時有張九英者字梅仙諸生負才自喜一日過萬季野齋南雷子王一在坐九英視之蔑如語季野曰胡傳改月不改時之說胡爲不台主一曰此有曆法可推非經生空言之比卽席間指陳大概九英悚然遂從南雷受業篤志於學每夜讀書果蠶蠶餌雜陳飢則隨手進之不辨爲何物也乙卯舟覆姚江而沒年亦三十餘同人惜之

采南雷吳仲墓志  
黃主一梅仙哀詞

邱胤玉字蘊生一字惺齋李杲堂村居在萬齡鄉去諸邱僅十里多唱和尤推重胤玉其詩婉秀與杲堂爲近家本華腴少時善飲酒能吹長笛晚景困甚然風致不

滅其同族曰承嗣字玉册于胤玉爲尊行名相亞所著  
有三樹堂集及四明畫史

續者  
舊集

萬斯備字允誠一字又菴孝廉泰之第七子也亂後隱  
居不試獨刻意爲詩增于李氏婦翁杲堂先生愛之相  
依二十餘年如左右手是時邑中風雅之士以杲堂爲  
宗同人唱和待其甲乙所首取必允誠詩也尤稱其五  
律謂搜索意匠蘇理血脈且自以爲不如及輒甬上耆  
舊詩允誠搜訪之力爲多徧走村落殘編斷帙求之織  
筐鬻甌間每得一卷杲堂爲之驚喜下拜工書法兼精

鄞志稿  
文苑傳下

十四四明叢書

約園刊本

篆刻爲人和平長厚篤于骨肉故第爲帥府所據晚年  
以束脩之入粗治數椽均之長兄之子管村公擇沒於  
杭方客新安徒步千里奔赴所著曰深省堂集

萬氏家  
傳及李

杲堂鄭寒村  
所作詩稿序

包變字惕三一字夕齋諸生少工詩尤妙于琴能度曲  
嘗賦明月詞極爲時所賞因以包明月呼之家貧客遊  
京師登高弔古時或作變徵聲倦遊歸往往絕囊彈琴

賦詩泊如也所著有夕齋稿

采胡鹿亭詩集  
序及續者舊集

按夕齋自丙戌後亦不復應試然以索遊故或尙與

時員往還擬之錢文蔚沈心石似屬不倫故未敢列  
之咸淳人物中也

汪應詔字伯徵少與毛象來同學善行草篆隸能琴能  
奕能畫尤工詩嘗出遊所至與畸人韻士交名益起歸  
而卜室江澗室修廣僅數丈負壁設木榻一窺牆爲窗  
置坐具讀書其下案上古書數部外茄瓢一具博山爐  
一事古印章一匣而已值風月晴佳散步江邊且步且  
吟且笑籬犬驚吠牧童盪婦皆出視咸怪詫之自選其  
詩數百首曰猶存草

采毛象來  
詩稿序

鄭志稿 文苑傳下

十五四明叢書

約園刊本

張鷟字章友號補堂初名行格與周鄒山同學遭國變  
更名潛字又陶將終隱矣其師邵輔楨宿儒也曰周生  
當以山林老張生恐不免涉仕途已而果出補諸生舉  
順治丁酉鄉試再中南宮乙榜知神木縣神木係極邊  
又軍旅方興簿書冗劇無晷刻暇竟以勞瘁卒官國初  
詩人以鷟與周斯盛證山並稱而鷟之才氣橫溢出證  
山上正集八卷證山爲之序別集四卷則其未應試以

前作鄒山爲之序

續耆舊集兼  
采鄒山序

趙嗣賢字人選一字鶴樵弟嗣賢字人憲一字懋菴兄

弟並能詩嗣賢得名最早高都御史玄若極稱之與張  
瑤芝爲秋水社遺老高隱學錢螿菴亦與焉或問嗣賢  
伯仲高下螿菴曰伯子自是兄行隱學曰阿憲筆力倔  
強亦幾堪奪席後二人並以明經貢太學季弟嗣萬稍  
後出中康熙丙午鄉試時稱三趙

續者  
舊集

張瑤芝字次英一字蓉嶼文定公邦奇之後由明經爲  
靈寶令以不能急於催科忤上官意嘆曰吾豈坐待彈  
事投劾竟歸所居槎湖有平遠之趣其野眺樓尤清勝  
日酣咏其中所爲詩秀色天成李杲堂極咨賞之以爲

鄭志補 文苑轉下

十六四明續書

約園刊本

有謝康樂之風

續者  
舊集

方伊蒿名劬以字行一字霞嶼初蛟川周方人有高節  
棄舉業弗事授徒鄞之寶林其學于易詩書春秋皆有  
解于史漢皆有疏証伊蒿爲其高坐弟子盡傳其著述  
病亟欲以詩文稿付之書至方人已卒其子靳弗與後  
嚮之他人伊蒿終身以爲恨方人又嘗謂之曰吾于詩  
文非再四竄削不能定願汝曹不矜斗酒百篇且爲三  
都十稔故伊蒿詩鍾鍊深穩如其師傳東臯詩人自補  
堂惺齋後推伊蒿特以終于布衣近人幾莫有舉其姓

氏者其亦悌矣

續者  
舊集

洪圖光字暉吉一字海樵少與史侍郎立菴齊名立菴  
謹厚圖光則負才任誕頗喜爲狹邪之遊時人方之居  
長卿嘗擬省元又擬會元擬大魁皆僥得僥失之成順  
治戊戌進士知程鄉縣時粵中尙未靖折節撫循疲氓  
有惠政乃知其非徒縱軼者流也以誑誤去官所爲詩  
雕本僅五卷多近體其藏本尙倍之惜不盡傳

續者  
舊集

朱旦字寶日故王評事家勤子評事殉節旦亦捕入獄  
其門人聞玠救之得免故改姓名曰朱旦後以貧故出

鄧志稿  
文苑傳下

十七四明叢書

約園刊本

遊值三藩亂陝賊應之破府州撫臣用便宜授以團練  
之職率奇兵復州城賊不敢窺保德以府州扼其衝也  
敘功授解州牧以爭鹽丁忤大吏去官解州之民冤之  
已而起知廣東之瓊州赴官道卒旦之出仕諸父友頗  
相責謂然以書生橫梁建功不可謂非奇才其詩風發  
泉湧尤工樂府古風多驚人語所著采菴堂集二十四

卷

續者  
舊集

胡文學字道南一字卜言少貧力學成順治壬辰進士  
授眞定推官直隸不設臬司大小獄悉成其手文學嘗

鞠廣平一案冤繫者眾悉平反縱遣之後以事過曲陽  
荒野中忽數百輩趨車前謝卽前所縱遣者也并陘賊  
以左道伏誅獲僞牒廣有牽引聞者惶懼文學急訊治  
得寶毀其牒不行恆山巨盜高鼎出沒并代間幾二十  
年文學力勸井陘道陳某招撫之事未集而陳以他事  
落職議增戍兵文學復請于制府乞復陳職以終撫局  
制府三上疏報可鼎卒受撫畿輔遂安以最擢監察御  
史巡視兩淮鹽政疏請革行兌緩征倒追商困蘇而課  
反裕出餘俸建安定書院置山長焉丁外艱歸辛亥以

鄧志稿 文苑傳下

十六 四明叢書  
約圖刊本

四品俸掌河南道尋推陞太僕少卿行至濟上得疾復  
乞假旋里文學篤於友誼初李杲堂父子被難莫敢過  
其門者獨請往省城探獄事方盛寒所衣止一褐冒凍  
渡江而前人皆義之既貴杲堂輯耆舊詩爲之開雕餘  
姚邵孝子古倫其母被掠後訪得其處欲贖之而無貲  
文學素不相識聞之卽與以金張起宗少時有才而貧  
噓拂不遺餘力其詩得法於杲堂復與其羣從戒菴巒  
樵遊有所作皆待三人論定而後出鄧孝威稱其空微  
情永令人神遠今集中詩不多要皆非漫然者子德邁

字卓人號鹿亭中康熙丁巳鄉試由中書歷官河南道御史少承華腴之業又早貴跌宕自喜所居野意園蕭疏明瑟極花竹之勝丁外艱歸臬堂蓄舊集劄劇猶未畢工成先志爲之伙助服闋補原官巡視南城一土豪艷某妻色姣假宿負逼奪之治土豪罪還其妻而代償所負有殺人獄同官歷讞未能決命德邁覆閱囚家夜昇重賄至卻之論如律陞順天府丞卒官其詩曰寶墨齋集雋爽有父風

節錄  
曹志

錢廉字穉廉一字東廬提學副使啟忠第三子副使卒

鄭志稿 文苑傳下

十九四明叢書

約園刊本

甫四歲丁國變母高恭人挈之避地武林依外家遂改姓高事定歸鄞乃復姓稍長勵志讀書以經世之學自任黃南雷至甬上錢氏多從之遊南雷嘗語廉曰切莫理會饒頭夾子而廉則于數學兵法無不究心李臬堂有詩云天下史才推萬八

謂李野  
先生

目中奇士有錢三聊

城傳閣學以漸副使門下士也欲薦爲中書舍人不就耿精忠之變武定李之芳爲制府招人幕廉按王遁支干之術用火攻師遂大捷敘從征功當授官以母老辭平生周卹三黨傾束脩所入以給緝先世文獻爲在茲

集遺篇軼事藉以不墜詩豪岸如其人子二中盛際盛  
中盛字又起號芍庭國子生爲人無他嗜好獨喜考索  
掌故全謝山續耆舊之選託至青山葉氏借閱家乘得  
數家時年踰七旬徒步四十里負以歸爲摩挲手抄之  
所著詩曰雪卷際盛字在德號近村諸生早受詩法於  
鄭高州晚與陳南阜等爲社集病革南阜問之無他語  
張目曰紫清觀詩已畢錄否其兄弟風致如此

周斯盛字屺公一字鐵珊號證山知江都縣志畏從子  
長八尺負才而傲好面折人過成順治辛丑進士年甫

鄭志稿 文苑傳下

二十四明書  
約園刊本

二十有六康熙己酉知卽墨縣爲鎮將所構下獄論死  
事急嘆曰前卽墨王先生殉國事甚奇擬爲文以紀之  
今不及矣當乞吾友董曉山表章以成吾志最愛膠西  
王无竟之詩於獄中猶手抄細論其閒暇若此已而以  
赦得免每見諸家所選明詩無可意者因徧定十五朝  
之詩自言將以前人之性情引而證我之性情因以我  
所陶鑄于前人之性情留以證天下後世之性情遂名  
之曰詩證其後潦倒客遊而卒所爲詩甚多開雕者不  
及十之五云

采曉山所  
作墓誌

張士填字心友一字雪汀康熙甲辰進士將任司理值  
汰冗員改行人需次于家黃南雷舉證人講社心友預  
焉帖帖坐諸生下銳志實學手抄四部書幾等身發爲  
歌詩超然簡遠後赴京補官卒於京邸南雷銘其墓謂  
其志量所該不以釋褐爲究竟也子二長錫璜字志呂  
一字漁溪母陳孺人爲夔獻女弟素方嚴事之能得其  
歡心與弟錫璵最友愛講學論文出入必偕垂老同爨  
詩古文詞研摩工細慈谿姜湛園最器之康熙己卯試  
北闈湛園主試不一過其門甲午登賢書再上春官不

郵志稿 文苑傳下

三十四明嚴書

約園刊本

第卽止不赴平生自詩文外兼工畫然不肯輕作詩稿  
前後獵易雖己刻者亦刪改期于愜意而止錫璵字豈  
羅一字蘊山爲人醇厚和平不言而躬行兄錫璜于家  
政一切不問賦租貨布皆錫璵掌之門戶旣大婚嫁日  
多勢不支家中落處之怡然萬九沙嘗曰蘊山少年可  
謂富而不驕及其老也可謂貧而樂雅擅觴政風流蘊  
藉竟日不倦詩文馴雅如其人所著圯上居集二十卷

續音  
舊集

范光陽字國爨號筆山其大父玉壘公見隱逸傳玉壘

三子長茂松生光陽次汝樞早天玉壘命光陽爲之後  
年甫六歲執喪禮如成人十歲操筆爲文有奇語里中  
前輩皆器之南雷講學甬上光陽從之遊與陳怡庭萬  
充宗諸人爲講經之會南雷稱其文能力去陳言康熙  
乙卯舉賢書房考許公西山久熟其名得之驚喜屢上  
公車不第壬戌禮闈報罷崑山徐司寇延之家塾崑山  
之門舉世以爲青雲之藉名下士爭附之光陽以生母  
李孺人年高鬱鬱思歸或勸勉留爲進身計對曰盡一  
日子職雖九錫不與易也遂旋里戊辰舉 曾試第一授

鄞志稿 文苑傳下

三四明嚴書  
約周刊本

庶吉士時館職例習清書光陽已年五十餘不能精散  
館改戶部主事遷員外郎晉兵部職方司郎中有巨商  
囑權貴人請補行前湖南兵亂時未消鹽引權貴人下  
其議尙書不敢拒光陽力爭之以爲兩淮鹽引久滯若  
更補行舊引商必重困事得止參將艾某應陞或以私  
憾抑之光陽持不可參將來謝拒不見曰吾所執國法  
耳苟市德與挾嫌者何異踰年出知延平時聞民以游  
饑故有揭竿劫食者捕繫百餘人縣令復自詡獲盜功  
張皇其事制府郭公檄令治其獄光陽擬杖斃爲首一

人餘縱遣之郭公改命巡道覆讞將盡置之死光陽詣  
省面陳郭公曰吾知太守科第中人只不忍之心四字  
橫于胸中耳光陽曰民迫於飢寒有司不能存卹以致  
此下吏非泥古凡斷斯獄者皆當存此心郭心恍然光  
陽復力言其無死法卒得從末減時同列見者皆爲之  
縮頸郭故有延平四賢祠捐俸葺之暇則召諸生講明  
先儒宗派閩士始知學在任七年禁革火耗罷一切無  
名之征嘗大書廳事曰淡泊明志平易近民郡人以爲  
實錄偶感疾乞休大吏強留之而部議以督征屬邑糧  
課未完例應降調遂歸士民送者踰境不止其族祖大  
濩于明季涖延有惠政因立祠合祀焉所著雙雲堂集  
自言文體凡三變少之時驅策六朝爲應世之文壯之  
時考辨典故爲用世之文及從梨洲先生游始知撥華  
存實然學人自期有在不徒語言文字間則所造可知  
矣子廷諤字質夫號訥齋偶儻不羈少從其父于講經  
之會顧獨好讀史凡兵刑食貨古今沿革之故皆悉心  
討究南雷稱之曰此通今之學也文章風發泉湧不肯  
帖帖就繩墨以故數不利于有司納粟得福建泰寧令

初光陽作守時案牘皆出其手益精習吏事民有投牒  
者立與決庭無留訟獄無滯囚泰寧有畫網巾先生墓  
故義士謝韓所葬也地窪濕爲改葬城東且立碣焉撫  
軍陳文端公將首薦之會病卒所著充安堂集楸溪集  
豪爽如其人

鄭寒村筆山墓誌及  
續耆舊集范泰寧傳

王之坪字文三一字近思父千秋以孝友稱家酷貧授  
徒以養能守其家法與兄之坊並受業南雷黃子之門  
爲人孤峭動止皆有度規友朋過必摘發其心術間隱  
慝無所諱忌脩脯所入卹及三黨而家常屢空同門萬

鄧志稱文苑傳下

三四四明叢書

約圖刊本

公擇嘗曰文三性命精微之學少躬行實踐之力多范  
筆山亦曰見張旦復如坐春風中文三則秋霜烈日不  
可犯後以明經貢太學年六十三卒旦復名汝翼號學  
齋雍睦堂之後母葉氏少寡無子其姒生汝翼卽抱而  
撫之課讀甚嚴見窗隙微有光卽蹴起就書案汝翼幼  
卽善承親志無幾微失歡嘗自塾歸母問讀何書曰大  
學出一巨帙授之曰此吾初嫁時外大父以贈爾父者  
啟視則眞西山大學衍義也由是有志于聖賢之學南  
雷至甬上遂請業焉在同人中最闊淡講經之會諸人

談辨鋒起徐以一言析之聞者皆意愜胡齡使道南延  
使課其子杲堂方與道南錄耆舊詩有論撰必待汝翼  
點定憫其母之苦節求南雷爲誌六七請不已南雷每  
稱之曰張巨復王文三皆篤行君子也二人詩文不尙

志胡道南張

巨復文稿序

華藻循古人矩矱而出之皆粹然儒者之言  
萬言字貞一號管村大父悔菴與黃南雷爲莫逆交遺  
子及孫受業言尤以古文明南雷極賞之贈詩有云規  
以震川之古淡加以剡源之色澤諸父季野亦曰使我

鄧志稿 文苑傳下

一五 四明叢書 約園刊本

有汝筆班馬不難企也中康熙乙卯副榜召修明史獨  
成崇禎長編一書揚武陵孫行賄于閣臣明珠乞于督  
師傳少寬假又有運餉官以棄餉走死命附入死事之  
列並力拒之以此得罪當軸後以教習期滿知五河縣  
大吏承閣臣旨文致之論死其子承勳徧貸諸有力者  
得以贖免所著管村文鈔管村詩鈔刊行於世從弟經  
字授一號九沙父充宗以先墓在武林之西溪徙居焉  
故少長於杭時諸父著書滿屋耳濡目染迥殊俗學又  
嘗叩質于應嗣寅閣百詩諸公聞見益富兼工隸書成

康熙癸未進士入翰林改編修主山西鄉試預修康熙字典督學貴州事竣爲忌者所中俾築通州城賣產以應家靡剩遺晚年脩寧波郡乘又續輯父允宗禮記集解春秋明義二書庚申杭城大火燼焉遂抱恨而卒

采  
傳及續  
者舊集

左臣黃字紀雲一字江樵舉康熙甲子鄉試雄于古文以餘力爲詩亦蒼秀拔俗論人最嚴嘗謂周鄴山爲前朝遺民不當復與楊猶龍輩唱酬因有商容受武王式閻改姓爲周容之謔聞者爲之絕倒少與仇侍郎滄柱

鄭志稿 文苑傳下

三六四明叢書  
約圖刊本

同學戊辰赴南宮滄柱爲同考官不一過其門試卷適在滄柱房中誤見抹撤聞滄柱詢其射策臣黃朗吟之滄柱驚曰似此胡不薦誰閔子文者笑曰固易一房也滄柱踟躕無以容因誦坡公平生浪說古戰場過眼終迷目五色之句以自解後司教錢塘而卒所著有粵風四卷則遊粵時所作也別有惕崖近咏八卷峴岷字襄南號我菴康熙庚戌進士知福建龍巖縣擢四川威州累官工部都水司郎中出爲廣東學使初任龍巖閩方用兵承辦軍需不擾民而事集在威州承大亂之後民

人稀少請招遠方商人得辟田許爲世業撫軍下其法于他州蜀以富饒及爲學使聲名減於司牧時峴才氣不如其兄而性嗜學宋元經說手抄本至百數十種今崑山通志堂所雕皆其書架中物也嘗作玉壘山記謂威州與灌縣皆有是山蜀都賦及太平寰宇記以爲在茂汶間者乃威州之玉壘若唐書地理志及杜詩所謂題書心亂首乃灌縣之玉壘其考索精核類如此平生不以詩名然渾厚有氣力正昔人所謂學人之詩非雕蟲家可比惜遺集殘斷不完

采曹志及先君子所作江樵墓誌

鄭志稿 文苑傳下

千七百四明叢書 新園刊本

張起宗字亢友一字募山康熙辛未進士知河內縣令民闢荒田數百頃濬濟河以資灌漑邑賴其利以剛簡與大吏忤請告歸起宗少爲胡道南所賞識又受詩法于臬堂歸田後日與名流觴咏工書善畫尤多方外交羽人納子得其詩畫輒爲長價著有高梧閣集二十卷續耆舊集兼節錄曹志

謝爲霖字孝輔一字念蓼行人于宣子也行人五子其三子並有聲長卽爲霖次爲憲次爲衡大父太僕三賓于丁亥戊子間以告密殺諸義士其子弟爲清流所擯

爲霖刻意求雪之于故國遺民虛己相師友錢退山李  
杲堂皆稍稍進之且語人曰此卽山公所謂天地四時  
尙有消息者也爲霖少從應仲鶴學故詩文皆有法度  
可觀爲憲字恕齋康熙壬寅舉浙闈賢書爲人蕭灑自  
喜尤工畫吾鄉前輩畫者多師文衡山董文敏二家爲  
憲隨意潑墨或散漫數筆生氣迥出詩亦不甚雕琢有  
自然之韻論者謂詩如其畫畫如其人喜延接後進先  
君子及柴丈漁山輩行稍後爲憲尊禮之如執友晚年  
諸耆老凋喪略盡總持羣雅者幾二十年爲衡字孝德

鄭志稿 文苑傳下

五十四明叢書  
約園刊本

一字莘野諸生敦篤尙義楊推官楚石之死太僕所下  
石者也及曹侍御遠思葬之爲賦詩記其事性善病終  
歲支離牀席間年三十餘卒里人于其兄弟有二株樹  
之巨續者  
舊集

董正國字次歐大曉山人劍鏢之從子少從之學詩前  
輩如錢退山宗正菴周杞公舒后村皆器之尤工古文  
詩學杜文學韓顧諤諤自喜不可一世生平著述最祕  
惜同時如張漁溪蘊山兄弟李東門萬西郭日以詩相  
唱和正國不一預焉與論詩亦張目不答全謝山執業

門下乘其他出竊啟篋鈔得詩數百篇而不暇及其文  
後選續香齋詩盡錄入之諸從遊者聞其能詩皆大詫  
不信爲人大略似吳鼓和然鼓和詩人耳正國深於經  
于詩自毛鄭以下一切宋元諸儒之說皆薈萃貫穿歷  
辨其得失尤精六書嘗補葺張氏復古編且爲之註晚  
以明經貢太學年七十一卒其契友曰袁德峻字眉少  
舉康熙庚子鄉試亦能詩有樵雲軒詩草

先君子諱拭之字季眉號蓼厓四歲而孤家窶甚母陳  
孺人苦節自誓以女紅給晨夕幼時自學舍歸見釜中

鄧志稿 文苑傳下

三九四明叢書  
初圖刊本

餘一人食母語之曰吾與汝妹食已竟此留待汝者心  
計母必未食卽空腹赴爨晚沃以湯分啜之年二十爲  
童子師始能具二脯里中兄事之友爲陳宗獻董次歐  
日研摩經史學益進所作舉業文傳播徧海內江南北  
大家爭延之西席以母老俱謝不往康熙丁酉舉賢書  
越二十年丙辰始成進士選入庶常散館歸班補外遂  
歸不復仕爲人耿介少美丰姿隣婦挑以微言遽返走  
不復經其門壬辰秋闈薄公聿修主試素聞其名託張  
匠門太史以關節至卻弗受及赴南宮尤自避匿當軸

邀一見不可得丙辰入都首揆朱公可亭枉車騎過邸舍以癡辭後朱公于闈中得一卷曰此必蔣某文也拆名果然謁謝日朱公語之曰吾以至公得子今相見兩無愧矣同榜有張若靄者桐城大學士子也極意傾倒後微述其父意欲招致門下遂絕不往還坐是左遷所親或咎之嘆曰吾猶老寡婦也使肯破戒豈待垂暮始博一第哉初名雖藉甚世但以時文相推重查編修初白見其詩稱之曰此白傳後身也因爲序其行卷戊戌北上以所業謁何義門義門尤咨賞其古文且盡出邸

鄧志補 以死傳下

三十四明叢書

約園刊本

中書與極論由是益務博覽在都中所與爲寂寞交者惟此兩人諸名下士聞兩人言或來索閱終闕不以示所著曰荻貽堂集藏于家子四人第三子學鏡字用照乾隆甲戌進士授江西龍南令多惠政以抗直忤上官罷歸爲詩文筆不停綴皆粲然可觀嘗與客弈或持卷請賦長歌立以俟弈者求罷不許但時時見其額微蹙及局竟命展卷則詩四十韻已就矣見人無款曲過要人有矜體貌者必以氣陵之歸田後屢絕巽恬如也晚年錄其詩釐爲十二卷首樂府次七言古次五言古次

七言絕次五七言律其甲乙已默定云

柴梓廷字上林號漁山諸生少負才跌宕不甚從事于學陳宗獻痛責之曰以君之才乃自棄爲梓廷猛烈汗下始從之講求六經旁及史漢及唐宋諸家源流正變下筆滔滔萬言一日鄭寒村見其所作曰天下奇才也由是其名大起古文犀利似秦淮海後改學陳止齋同時詞家如胡鹿亭張漁溪輩皆推服之然梓庭畏友惟宗獻所北面惟寒村二人死無復族礪之者漸頽唐於詩酒以終殊未見其止也所著曰鄭存草皆寒村爲之

鄭志稿 文苑傳下

三十四明藏書  
約圖刊本

點定

周定昌字淳伯康熙庚子舉人爲人嚴毅重然諾儕輩皆憚之嘗與友人徐鹿萃偕訪先君子伯兄學編尙幼出應門鹿萃撫之曰是當爲吾壻及三人同舟北上復語及之然未嘗納徵也禮闈報罷鹿萃留山左貽書告其家人書未達女已他字矣逾年歸定昌過訪款之食盤殮有蒸豚問故曰此壻家見饋者耳復問卽蓼厓家物乎曰非也定昌愕然詰之曰君女有幾曰一女立投箸于地拂衣出門次日鹿萃往謝拒不納鹿萃計無所

出以兒女補償前諾復邀先君子同往定昌命其僕止  
延先君子入鹿茸候門外良久時潘百緯在坐語之曰  
其食言也可責其補過也可恕唯何甚乃出見之平生  
行事多類此少問業于范筆山之門筆山出守延平邀  
至署授其孫從律經將告歸作十別詩中有別鼠一章  
筆山讀之曰君豈有所諷乎謝無有再三叩曰齋中多  
鼠偶賦此然先生清操凜然猶慮見疑於門下士願終  
保此意勿使見疑於屬邑之民筆山謝曰良規也所著  
閩遊草卽筆山評閱者餘皆潘百緯所選百緯名人瑞

鄧志稿 文苑傳下

三四 湖樓書

約園刊本

舉康熙壬辰鄉試研窮經術尤精于三禮萬充宗著禮  
記集解凡百卷隨得隨錄先後錯綜其子九沙邀人瑞  
爲編定且補其未完善全謝山少時讀衛正叔集說嫌  
其繁欲刪取之人瑞語之曰吳草廬纂言卽據此刪取  
者謝山以二書體例不同未之信後貽九沙書曰近讀  
吳氏纂言見所錄註疏皆衛氏節本乃知潘先生之言  
不虛晚歲目盲猶時時誦前輩詩文謝山續選甬上者  
舊詩多就之問掌故焉

右董文次歐柴文漁山潘文百緯周文淳伯皆先君

子執友也生晚不及遊其門然庭訓屢敘及之謝山亦極相推重因就所記憶者各爲之傳

史榮字漢桓一字雪汀少卽喜讀註疏不肯唯阿先儒之說熟於十七史尤精小學所著有風雅遺音刊行于世又嘗註李長吉集五十卷爲人所匿失傳其詩初宗竟陵後變而爲山谷又變而爲昌黎晚年則略似誠齋里中後進以其率易爲可學步也爭自謂得雪汀之傳不知特其頽唐漫筆耳性狷狹與人少可多怪一語稍忤卽老友立割席亦忽有相傾倒不厭者并其人不自

鄭志稿 文苑傳下

三四明藏書  
約園刊本

解何以得之素工學竄書及篆刻黃戶部肖堂張河內萼山踵門以求拒不答意所愜雖茶寮酒肆索筆揮灑或童子亦爲之雕印全謝山誌其墓謂其老而風格稍衰蓋卽指後輩宗其詩派者言然嘗見其手定稿刪存止數百首皆精絕則晚歲所與倡和猶茶寮酒肆之書童子之印聊以玩世其本色嶽嶽固不失爲畸士也平生同學爲范緘翁兄弟及費丹壑緘翁名核字次有別字希琴一生但知爲詩布衣破帽搓手而吟情狀癡絕兄梧字素園號寄翁其詩略相似短章促節得古人樂

府之遺丹壑名金珪一字莪堂雪汀妹壻也諸生初亦從竟陵入手後稍擴之于先輩頗似周證山沒後雪汀爲錄存其遺稿

葛繩先字詵宗一字異亭中雍正乙卯副榜父懋哉精易說繩先少承其家傳復從董次歐遊經史之學皆夙有根柢諸耆舊凋謝略盡後輩爭宗師之全謝山自京師歸繩先見之語學者曰此真斯文宗主吾不足師也學者莫之信繩先獨時時過從與爲忘年交謝山續甬上耆舊詩五十卷爲手抄全帙無間寒暑所爲詩初學

鄞志稿 文苑傳下

年四十四明叢書

約園刊本

劍南後改學梅都官謝山嘗稱其有天然之韻家素腴後中落索逋者盈其門或加訶詆猶苦吟不輟竟憔悴卒所著康裕堂稿藏于家

李昌泉字復琦號海若戒菴先生曾孫也父涵字澹久以平海寇功官至副總兵亦能詩昌泉少便弓馬中雍正癸卯右科制府李敏達公與其父有夙契招令効力戎伍間謝弗應惟日與里中故家子弟觴咏爲事兼喜填詞才敏甚援筆可立就嘗入京飯逆旅有二孝廉方分韻賦詩見昌泉佩決拾衣短後衣意輕之不爲起昌

泉問所限韻立爲二詩以呈孝廉大驚揖謝過請署姓名不答卽上馬馳去又嘗作傳奇未就伶人先演于賀祕監祠昌泉亦艤舟觀之及半而止場下人大詬或擲以瓦礫伶人奔告卽取紙筆續之令諸伶略上口遂終劇時兩岸觀者如堵見昌泉于舟中右揮翰左按板拍皆目爲異人少時極爲萬九沙所知晚年以詩就正于全謝山謝山謂其才多學少每對人誦之以爲知言所著曰雙桐齋集

施江濤字來青施氏家世以詩學傳曾大父天石大父

鄭志稿 文苑傳下

三五四明叢書  
一約閱刊本

屏山並有集江濤少奇慧四歲就外傅所習書如夙覽弱冠補諸生一病幾絕父慕雲憂之江濤愈而父卒遂抱痛終其身不一赴場屋時咄咄私語或繼之以泣性介不妄取予妻子冬月猶衣紵衣獨喜爲詩婦翁爲董次歐兼得其指授方病時其神從項間出後每苦吟輒然覺飛坐簷際自見其身憑几瞑目如死人久之始寤所著小樂府最工古近體略似襄陽一派有蓬廬集二卷兄滄濤字東嶽乾隆壬戌進士亦能詩嘗合刻先世遺稿及其兄弟之作曰句江詩緒

盧鎬字配京號月船少從諸生楊爾音遊以漁獵度詞  
癖事爲奇久之棄去請益于史雪汀雪汀導以經史之  
學閱數年卒業以爲未足適全謝山從京師歸乃就正  
焉謝山家多古籍又每歲客遊輒假大江南北藏書家  
抄本捆載至數簏而返鎬與諸同學遞閱之又互證其  
所得由是貫穿百氏乾隆癸酉舉于鄉館閣諸人一見  
輒引重入闈爭欲得之而卒不售謁選授溫州平陽學  
教諭丁外艱歸未幾得噎症時方修邑誌猶日就局中  
主張條例檢閱諸文獻書病革始歸予過視之氣愾愾

鄞志稿 文苑傳下

三六四明叢書

約園刊本

猶蹇惟相對商酌舊誌異同得失之處次日卒爲人靜  
穆寡言笑詩文蘊藉如其人初謝山嶽嶽少許可門下  
士不過五六先鎬而沒者三人一爲范鵬字沖一號冬  
齋少負才不羈謝山力挫折之始翻然從事於根柢之  
學質敏甚讀書五行下一切經術之醇醜史傳之異同  
文章之盛衰正變過目輒了尤留心學案窮年兀兀究  
其分合年甫二十餘遽得疾卒謝山誌其墓以爲王逢  
原之流一爲張炳字效晦號望槎進士心友曾孫家傳  
南雷遺書謝山一見器重最精毛氏詩自漢唐宋元明

諸家箋疏並薈萃而折衷之詩文皆排異邊幅之外性  
孤介絕俗遇不當意卽矢口大罵戚友遙望見各引避  
雖同硯席者心許僅一二後忽得心疾曉起襆被出門  
家人追之急掉首疾趨竟失足墮水卒一爲李立櫃字  
又泉號雪坪明尙書康先之後初學于史雪汀雪汀以  
爲畏友娶吾妹與謝山爲中表因問業焉最強記嘗借  
謝山讀史通表閱之經月卽還謝山訝其速也叩以書  
中與歷代史表異同處卽枚舉某事某年某月無一誤  
者謝山曰安世三篋于君何有經學尤淵深學使者翠

鄧志稿 文苑傳下

三七 四明叢書

約開刊本

庭雷公按試見所答策極咨賞數召見輒以疾辭雷公  
愈重之以優行生貢太學體素孱讀書過勞得怔忡疾  
吾妹再刲股以療卒不起所著詩文多爲友人持去喪  
其叢殘稿得數卷名病枕草

鄞志稿卷十六

清甬上蔣學鏞聲始撰

忠義傳

上而以忠義見皆其有關於國事者也然宋史如文山諸公仍列於特傳其中多名微位卑而能致命遂志者恐其失傳則類載之吾邑自唐以前寥寥不數人迨宋建炎初豐監倉殉難廣陵而諸家莫爲表章德祐以後清谷作志不立袁進士傳皇甫東生明見于杜清碧谷音而舊乘皆遺之則唐以前之寥寥或亦記載漏略之

鄞志稿忠義傳

一四明叢書  
約園刊本

故也前明改步之際一時士大夫從事焦原殞身湛族者不一而足近更諱其事而一切削去不知欽定明史固已特書之矣況我皇上復特命廷臣集議定諡是諸人之得傳已有正史在而易名盛典遠及前代遺忠爲亘古所未有不可以不記也謹合漢以下至明季凡爲國死事者皆次第而敘述之作忠義傳

任光宇景昇爲縣主簿時海賊作孽令朱嘉將吏人出戰爲賊射傷賊前突嘉光以身蔽障力戰死嘉獲免還

邑出俸厚葬之

會稽典錄

鄭雲字仲興學韓詩公羊春秋吳郡太守尹興辟主簿與以楚王英謀反事覺被收并雲下獄雲明興非辜不以拷掠誣服竟獄死後事白赦興等放還田里雲已死乃旌表門閭

梁宏少隱海隅有盛名與鄭雲皆爲尹興所辟楚王英謀反陰疏天下善士及事覺顯宗得其錄有尹興名乃徵詣廷尉宏與門下掾陸續功曹史駟勳及掾吏五百餘人詣洛陽獄就考諸吏不堪痛楚死者大半惟宏與續勳拷掠至肌肉消爛終無異詞後以陸續母具食事

鄭志稿 忠義傳

一一四明叢書  
約圖刊本

上聞并興等皆得釋歸

按會稽典錄但云鄭雲梁宏俱爲主簿篤始終之義至嘉靖志始云以尹興事被拷今據後漢書陸續傳并詳其始末典錄又云或言鄭雲以劉雋事獄死豈雋卽英之譌耶抑別一事耶姑附著之

豐治失其字清敏公稷之孫建炎時監揚州轉般倉金人陷揚州死於難其子誼甫三歲棄道旁見者憐而養之紹興中詔褒其忠官誼爲將仕郎

按此事舊志俱不載全謝山祖望于上虞縣志考得

之以誼嘗遷居上虞也今補入

鄭覃字季厚靖康中舉于鄉未及上禮闈建炎四年正月金人陷明州覃與兄章避山谷間時亂兵四出覃慮不能並存以六歲兒若冲屬章泣與訣曰兒勉主祀事善視此子矣與妻董氏載小舟去中途果遇兵金將斥令降大罵不屈躍入水中董氏曰夫死吾不可受賊侮卽赴水從死兵退守臣以聞下詔褒之後以孫清之貴贈覃太師秦國公董氏秦國夫人

宋史忠義傳

袁鏞字天與治春秋用省元登咸淳進士第除簽書平

忠義傳

二三四明叢書  
一約園刊本

江軍節度推官未上以母憂居廬時國事日蹙宗室趙孟傳以華文閣直學士兼沿海制置使守鄉郡將作監奉御謝昌元爲制置使參議鏞與二人友善激令集兵勤王二人佯許諾德祐二年三月九日元兵至車廐先遣游騎十八人駐城西資教寺鏞約趙謝共出禦敵二人給鏞先刻期以兵繼鏞往與敵遇厲聲曰汝主無故殘我土宇四方忠義無不日夜憤惋勤王之師四面而至恐汝北歸無日也敵競前鏞挺身戰而孟傳昌元已密往車廐獻版圖迎降矣戰自辰至午力屈被執元將

奇之脅使降鏞嬭罵曰豎子我進士也死則死耳元將命取箕穴其中加鏞頸燃箕燎鬚髮且盡罵愈厲遂遇害是時其家人方掃墓西山歸舟次鱉山聞之皆赴水死者十七人少子澤民方七歲以僕護持之得免化

志

林澤字堅叔一字梅逸幼穎異多聞識至孝居親喪毀甚遂絕意進取會世亂或勸澤避地澤以祖父墓在青山往守之德祐二年三月十六日敵騎至青山執之脅令首路大罵不屈死年五十六有手抄六帖三十卷瓦

鄞志稿 忠義傳

四四明叢書

約園刊本

登雷鳴集十卷子公輔字國器語及父死難事卽飲泣年四十後委家于弟公弼築青隱山房爲道士守父墓終其身

陳本堂集

楊恕字仲孺一字近齋德興令珏之曾孫篤學力行歷歙縣教諭溫州教授終憲司知事宋亡不食數日赴菱塘投水而死

聞志

皇甫明子字東生性豪宕每乘小舟載琴尊書籍釣具往來江湖間德祐二年元師入臨安以瀛國公北去明子乃載其家百口浮海洋狂賦詩水國詩曰水國淒涼

在秋宵爛漫眠歸雲猶帶雨墮月忽明船社稷資長算  
髭鬚近暮年亂離栖不定百口託浮田海口詩曰窮島  
迷孤青颺風盪頑寒不知是海口萬里空波瀾蛟龍時  
幽沈怒氣雄屈蟠崢嶸抉秋陰掛席潮如山熒惑表南  
紀大去何時還雲旂光慘澹腰下青琅玕誰能居甬東  
一死諒非難嗚呼朝宗志會見滄海乾遂發憤痛哭蹈

海死

杜清碧  
谷音

豐存芳字公茂清敏公稷之五世孫官太平州倅景炎  
元年二月元兵至太平知州孟知縉將以城降存芳力

鄞志稿

忠義傳

五四

明叢書  
約圖刊本

爭不得譬之知縉遂引元兵入倅署存芳遇害家人同  
死者十八人卒方義匿存芳八歲兒禮育于民間明洪  
武中有以賢良徵官監察御史名淳甫者禮孫也

聞志

趙觀光失其字好讀書通達時務以郡博士弟子得推  
擇試吏奉化州尋遷昌國至正十年冬黃巖寇起昌國  
孤懸海中勢甚棘州守帖木兒不花問計觀光對以惟  
蘭秀二山居民悍勇善鬪習海事若募以厚貲示以重  
賞用之擒賊無難帖木兒不花然其言卽以事委之觀  
光招諭有方不擾而事集明年正月引兵出海闔帥總

軍民兵同會俄而賊至眾皆懦弱莫敢前獨觀光部兵與麀戰至晚無大勝負明日陳兵隄上方傳餐賊艘數百復至眾寡不敵觀光持短兵接戰軍與賊不可辨且無援者遂死之

嘉靖志

陳剛字子浩與友人傅恕讀書僧寺用程氏分年課程窮日夜講肄復受春秋于林淵露抄雪纂所學日進終不一踐場屋後應聘爲定海訓導洪武五年奉旨徵詣京師試吏部中選授神木知縣神木延安府葭州屬邑控西北邊與青海爲隣邊寇時出沒剛徒步上任值兵

鄜志稿 忠義傳

六十四明徵書

總圖刊本

彘之餘戶籍稀少剛撫牧凋殘民稍復業有小吏白敬臣素險黠剛譴責之遂亡去引賊入剛倉猝備禦遇于石山敬臣使其徒劉繼宣拔刃前脅令降剛罵曰汝奴果致賊爲逆耶吾恨不寸斬汝繼宣卽奪所佩印殺之時有縣丞吳輔者前在京師與剛同受命及剛出師更卒來援宿蕭寺賊至力戰手刃數人得脫因如葭州謁守守與輔同夕夢剛如生并言滅賊方略後遣將出師

僅踰日殲賊無遺云

鄭真榮陽外史

萬斌字文質其先定遠人元季海內擾亂仗劍從高皇

帝克滌和真三州投龍驤衛右所千戶鎮滌十餘年淮  
西地屢失滌獨無虞洪武初元從征陳有定取建寧諸  
道調守永平進武略將軍賜誥世襲五年從李曹公征  
沙漠大戰阿魯渾河與宣寧侯曹良臣同沒于陣贈寧  
波衛指揮簽事長子鍾字榮祿工騎射習韜略襲職副  
千戶十七年守禦定海屢勦寇有功賜第寧波因家焉  
建文元年從李建隆北征九門之潰戰死于花園子武  
字世忠讀書尚氣節襲職後奉帥府檄討平黃岩賊既  
而忤監司遣戍交趾永樂六年張英公征交趾命從軍

彭志稿 忠義傳

七四明叢書

約園刊本

戰檀舍江兵稍北武大呼曰得死所矣遂力戰而殞無  
嗣弟文襲文字世學事母至孝十六年日本入寇文帥  
舟師禦之蓮花洋斬首數百級明年守禦桃渚夜有龍  
見于海口兩目如炬文疑寇至引弓落其一目忽風濤  
大作舟覆溺焉後立祠海濱稱爲射龍將軍

舊志紀事頗誤今從

家傳  
考正

陳忠字希中一日思中洪武甲戌科進士由翰林編修  
歷官太子賓客預修太祖實錄建文壬午靖難師入坐  
黃子澄黨族誅今郡治前清軍館卽其故居

閩志

按陳忠舊志皆不載獨見于聞志蓋據革除錄表忠  
記諸書之言又謂是科第一甲第一名張信第二名  
卽忠第三名戴德彝上甲三人皆出四明而忠與德  
彝皆死于靖難之變因革除後削籍仆碑故忠之名  
第不傳然成化志併德彝不書其時蓋尙有所諱至  
嘉靖志則德彝已見于忠義傳張司馬鄞人何反遺  
忠耶或以張信榜第二人乃景清考明史景清傳第  
云洪武時中進士及第不記何科似亦無確據明末  
周儀部錄陳太史仁錫所著忠節志世法錄皆與表  
忠記合竊意建文朝死節諸臣多以忌諱失傳而忠  
旣族誅非有後人爲之緣飾諸家表彰何以如出一  
手則聞志固有徵也一甲第二不足爲忠重今亦無  
由考信要之其人則不可略云

潘禪字誠夫永樂中徵修大典授後軍都督府都事宣  
德元年從安遠侯柳升成山侯王通征交趾升恃勝有  
驕色禪諫不聽會賊再至升出戰忽橋斷軍分爲兩蠻  
兵前後夾擊升欲降禪曰惟死而已帥所部力戰皆沒  
通脫歸以聞詔徵其子爲進賢學訓導世編徭役

李志

崔源字有本其初雲中人先世以軍功授寧波衛指揮同知世襲因家焉源深沈有節概正統十三年大盜葉宗留鄧茂七等起從總兵寧陽侯陳懋勦捕累立戰功檄禦金華賊手馘一十七級生擒五十人陞浙江都指揮僉事會賊餘黨復猖獗偕按察副使陶成守武義武義無城惟環植木柵賊至麾軍力戰自卯至申未決而賊潛入柵中爲內應火起兵士望見皆潰時從弟澄季弟清在軍中源曰事急矣我當死之弟可自爲計卽應聲曰兄旣死忠吾二人不能死義乎皆力戰而死朝廷

鄭志稿 忠義傳

九四明叢書

約園刊本

懋之遣官賜祭

李志兼采邱文莊所作陶成墓碑

王相字懋賢生而穎慧絕倫讀書昕夕不懈嘗投徒高錢山中每夜一燈誦聲琅琅不休饑則煨芋啗之至竟夕隣傭厭苦之竊議曰是何怪物欲以是博官耶相聞之迄不爲止正德丙子薦于鄉會試不第卒業南雍大司成王俊器重之己未成進士選庶吉士讀中祕書愈自刻苦如寒士爲文雅近莊列每意至卽伸紙濡毫頃刻千餘言而根柢務主六經壬午授編修會大禮議起相及同官伏闕諍上震怒下詔獄已而廷杖遂死于杖

下時年三十七隆慶初追錄先朝忠諫之士詔贈官蔭  
其子熈爲國學生弟傑舉丙戌進士任大名推官署府  
事濬沐兒河盡除貴戚之壅水爲利者民不病潦又嘗  
署開州有豪民號馬千頃輿厚貨爲饋卻之旋發其奸  
罪以治行稱有旨徵召未赴卒著有經濟總論

嘉靖志

宋應瀾字汝觀寧波衛千戶中嘉靖二十九年武舉授  
正千戶遇事執理不撓因每得下考巡視中丞王忬獨  
奇之命取舟船于閩應期至忬益委以兵奇時苦倭寇  
調集多客兵獷悍難制應瀾每約已厚下而厲以兵法

鄞志稿 忠義傳

十四明叢書

約園刊本

無不聽命癸丑隸參將盧鏜爲先鋒戰上海史家浜追  
賊至海寧二十里亭復從戰平湖戰白沙戰金山皆有  
功其遇賊史家浜也兵稍北賊追幾及應瀾急反馬發  
二矢皆中項洞額從者飛鎗復殺四人賊驚退回兵  
破賊應瀾用是每戰必身先士卒竟以孤旅猝當海鹽  
孟家堰賊不支而死死時猶飛刃殺一賊乃絕事聞蔭  
其子襲職仍建祠城北隅祀之

李志

葉紳字朝佩寧波衛百戶少不羈習手搏善雙刀嘉靖  
乙卯五月間倭賊五十餘人流入橫石橋紳偕千戶劉

英領兵策應至七里店紳奮雙刀奪橋獨進羣卒不繼遂爲所殺後二日賊西流至樟村千戶韓綱帥兵防遏猝與賊交從兵皆散走綱挺身獨戰復死之紳綱旣死後之禦寇者率偵候百里之外以爲進退寇行則行寇止則止旣乃妄上戰功大吏非不悉其情也亦幸其隱蔽已得預蒙賞而免加責若紳綱者身殞國事而諱敗不一報聞以是褒卹均未之及云

李志

劉烱字大光世爲寧波衛指揮使年二十襲爵用御史林應箕薦授贛州軍門把總未幾又用薦陞福建備倭

鄞志補

忠孝傳

十二四明叢書

初開刊本

千總嘉靖二十五年三月福清縣倭賊登陸踞海口鎮官兵屢挫烱領兵夜襲其巢賊遂奔潰由古田寧德望海而遯烱卽提兵循捷徑宵行趨寧德縣石壁嶺要賊逸路比至嶺隘倉卒布列未備而賊已至部伍散亂止家兵數人在側顧懷印者曰亟去爲我保此印歸朝廷吾世受國恩死矣卽挺身執鐵耙格殺賊三人力盡無援賊前後至爲所殺所揮鐵耙尙堅執不墮御史吉澄

上于朝詔立廟祀之

李

黃嘉謨字仲顓又字紫庵天啟辛酉恩貢廷試第一名

授彭水令彭爲蜀巖邑地瘠民貧催科甚苦率多流亡  
嘉禱悉除火耗用意招徠由是復業者眾民爲立祠在  
任四載以卓異薦陞貴州開州知州時土苗橫甚嘉禱  
馭以法苗皆斂迹癸未民有父死憲獄而子爲之復仇  
者值流寇四起遂聚土苗千餘欲突省城道出於開嘉  
寯閉城拒之急申文請援而援兵無一至者城遂陷賊  
欲脅之去嘉禱大罵被刺傷股不屈乃舍之卽奔入城  
抱城隍廟像大慟觸階死子近袞近辰聞父殞亦奔至  
死所自殺長子近古在家聞訃往迎櫬大吏咸助貲以

鄧志稿

忠義傳

十二四明叢書

約園刊本

歸隨以事上聞命部議卹值甲申之變而止

按李志載嘉禱之死在甲申黔省去燕都幾八千里  
迨其事報聞已在三月十九之後矣豈復有命部議  
卹之事今據浙江通志作癸未

李振挺字詔枋萬曆戊午舉於鄉崇禎十年丁丑知保  
安州十五年壬午陞知寶慶府次年流賊張獻忠陷寶  
慶與通判何三俊俱被執三俊謀於振挺振挺曰死耳  
不可遺臭名後世賊并兩人繫至衡州乘間自投湘水  
死僕李六鳳周科徐彩皆殉焉賊退家人覓其尸不得

乃以空棺招魂歸葬

袁斌失其字仕至江西參將值奉新土寇起奉檄往勦兵敗斌猶力戰遂死之

按右三人皆值明季寇亂當官死難嘉竊振珽已載於李廷機郡乘袁斌則僅見於江西通志恭遇我皇上褒揚義烈一視古今特賜謚節愍惟是鄞邑士大夫值國朝初年罔識天命有歸或拒守危疆或推戴故邸抗顏逆命甘就夷戮似與甲申以前殉節諸人有別近時如李志聞志曹志俱有所避而不爲立傳

鄞志稿 忠義傳

十三四明叢書  
一約園刊本

伏讀乾隆四十年十一月初十日聖諭云崇獎忠貞所以風厲臣節自昔累朝嬪代凡在勝國遺臣未有錄予易名者惟我世祖章皇帝定鼎之初于崇禎末死難之大學士范景文等二十人特恩賜謚仰見聖度如天軫卹遺忠實爲亘古曠典第當時僅徵據傳聞未暇遍爲採訪故得邀表章者止有此數而遺事漸彰復經論定今明史所載可按而知也若史可法之支撐殘局力矢孤忠終蹈一死以殉又如劉宗周黃道周之立朝嘗諤抵觸僉壬及遭際時艱臨危授

命均稱一代完人爲褒揚所當及其他死守城池殞身行陣與夫俘獲駢戮視死如歸者爾時王旅徂征自不得不申法令以明順逆而事後平情而論若而人者皆無愧于疾風勁草卽自盡以全節其心亦並可矜憐雖福王不過倉猝偏安唐桂二王并且流離竄跡已不復成其爲國而諸人茹苦相從舍生取義亦豈可令其湮沒不彰自宜稽考史書一體旌諡其或諸生韋布及不知姓名之流並能慷慨輕生者議諡固難概及亦當分俎豆其鄉以昭軫慰四十一年

鄭志稿 忠義傳

十四 四明叢書

續編刊本

正月初七日大學士舒赫德于敏中等遵旨集議具奏各分別予諡鄞邑自黃嘉賓李振珽袁斌外又十有二人考之明史惟錢肅樂一人特立專傳其餘止從附錄謹按欽定諡典故閣部張煌言獲易名忠烈亦應準肅樂之例入于列傳此外自王纘爵至趙景麟殉國不同然與嘉賓振珽等均邀通諡當並錄之忠義傳中又有姓名未甚昭揭而後先致命志節皎然里中文獻脫落漸就湮沒亦謹遵奉廷議于諡之所不及者許入祠祀因更差次事跡以類相從用仰

體我皇上褒忠之意兼使邑之人有考焉

王纘爵字佑伸工部尚書莊簡公佐之孫以祖蔭補官  
甲申試知溧水縣陞應天府通判時福王已稱尊號馬  
阮騶張纘爵不欲與其事因自請赴史閣部軍前效力  
乃令同知揚州兼監閣部軍尋奏爲按察僉事時疆事  
孔棘四鎮驕不用命一日閣部語之曰吾奉命督師必  
死于此當送君還留都以爲後圖對曰某世受國恩寧  
從明公死不從馬阮生也閣部改容謝之大兵至登陴  
固守城破殞于兵子兆彥字麟友工詩父殉節後道路

鄭志稿  
忠義傳

十五  
四明叢書  
約園刊本

艱阻傳聞不一參軍應廷吉自揚歸寄其垂沒遺言乃  
崎嶇兵間往覓父尸而積骨如莽不可辨具衣冠招魂  
歸葬遂棄其家日躑躅蜀岡邗江之間竟以野死

周志畏字抑威舉崇禎癸未鄉試授揚州江都縣知縣  
時史閣部督師揚州高傑將士桀傲甚稍不如意卽凌  
辱州縣志畏不勝其侮請于督師求解職從幕府自效  
督師命羅伏龍代之仍留贊軍務私語同里王纘爵曰  
揚城破在旦夕吾輩當與城存亡四月十八日大兵逼  
城下偕纘爵伏龍等分門拒守二十五日城破闔室死

之

華夏字吉甫一字嘿農晚號過宜以高才生充貢爲人  
亢爽尙義工詩文從漳浦黃石齋游傳其易學又受業  
鼓山劉念臺之門乙酉南都破浙東西亦隨下同知寧  
波府朱之葵通判孔聞語並納土夏與同志董志寧王  
家勤張夢錫陸宇燦毛聚奎謀舉事遍謁諸鄉老莫敢  
應適錢忠節公肅樂至奉之主兵同里降臣太僕某貽  
書定海總兵王之仁令以兵誅夏等呼爲六狂生之仁  
卒應忠節之招請協力縛降臣于蘇下欲誅之以贖免

鄭聖編忠義傳

十六四明叢書

約園刊本

事具忠節傳夏從忠節至越城魯邸監國授兵部司務  
晉職方主事是時書檄旁午忠節悉以見委上疏陳進  
取大計報聞後忠節以請餉不得兼爲諸將所構散兵  
入舟山夏亦棄官歸丙戌六月江上之師潰已而山寨  
大起王翊李長祥兩軍尤盛丁亥復與志寧家勤楊文  
琦文瓚屠獻宸密謀將用翊軍下郡城約舟山黃斌卿  
以海舟會兵赴越定期于戊子元旦翻城內應復爲降  
臣所偵知僞遣人共事得其海上蠟書先一日詣郡守  
上變卽閉城搜捕家勤適往甞江志寧跳身入翁洲而

夏與楊屠諸人俱見執時郡守王某亦明故臣以迎降授官詰夏等有搢紳預謀者乎夏笑曰吾本諸生以明倫堂三字耿耿于心故知必死爲此無益之舉一冠進賢且蒙面屈膝不暇何預謀之有守怒命拷掠終不易辭申解會城有巡海道孫枝秀者方駐札寧郡欲以獲叛自爲功而惡降臣之不上變于己也入獄語夏等但供稱降臣爲首餘人皆得生復言于撫軍曰告密者恐持兩端不然蠟書何從得卽逮降臣對簿及多官集訊問降臣果共事否夏指降臣而言曰夫夫素行不齒於

鄧志稿 忠義傳

十七四明叢書

約園刊本

鄉今日非不知其誣執之使其以前朝列卿膺首戮則下此或邀末減然適成就之爲君子事皆夏所爲夫夫安得預撫軍嘉其義立命降臣向夏等叩頭謝釋之歸夏在獄日註易或填樂府詞夜則與同難諸友高歌傳奇中木公不屈魔鬼一齣聲撼牆壁竟于是年五月初二日棄市魯王追贈翰林院檢討妻陸氏聞訃從容沐浴索冠帔自經一子尙幼友人林荔堂時對置于家得免

楊文琦字瑤仲別號楚石太僕卿美益之女孫贈監紀

推官秉鼎之子秉鼎守文懿之教能以名節勗其子里人稱曰楊太公太公七子長卽文琦次文琮字天璧次文瑛早卒次文瓚字贊玉號圓石崇禎己卯舉人次文球字天琅與兄琮皆諸生所謂楊氏四忠也又其二文珽文玠錢忠節起事文瓚首帥子弟從軍魯王授山東道監察御史時唐王亦監國于閩頒詔至越越中諸臣或以爲宜受或以爲不宜受瓚自請使閩告以同仇之義唐王留使賑饑溫陵問知其有兄并遣使召文琦賜對時王頗好文詞琦奏今當作馬上天子未可狃承平

鄧志稿 忠義傳

十八 四明叢書

約園刊本

故態王奇之以明經授瑞安訓導尋加監紀推官視惠安諸軍俄浙東失守仙霞繼破唐王走琦乃就瓚于建延三關共商所向而太公亦挈家至同避地于泰順之茂竹園欲求唐王消息爲扈從計卒不得乃歸鄞文琦素善餘姚王翊翊時屯聚大蘭山因預于華董諸人之謀相約分道招兵而琦兄弟主大蘭之師已而帛書告變或勸其逃琦曰吾以義舉事臨難而去且將陷父于辟然借死亦無益吾自承之遺瓚與球入閩瓚不可球變服走琦就訊慷慨無撓詞但言瓚實不預初華夏已

獨承翻城事盡脫諸同謀里中友人共贖金思所以保全之寄言被逮者弗爲過激語琦獨不肯屈故與夏首先論死將赴市撫軍遣人執榼承飲語之曰爾等皆志士然法不得不誅勉盡此觴夏笑而飲之琦則嘔酒大罵當事旣戮琦將釋瓚而降臣密行賄于直指謂二人帛書中並列名法無赦因復逮瓚于五月二十六日與家勤同死琦妻沈氏卽家自罄瓚妻張氏意色如平時至杭購得其夫尸以舌舐頸血縫合其首棺斂畢哭盡哀旣而曰楊耶死忠分也何哭爲以頭觸棺而絕文球則從閩部劉中藻于福寧城陷死之文琮當浙東立國時授職方郎中閩中詔使至琮與弟瓚謂二藩方圖合力當開讀如禮以免內讐張忠烈煌言疏爭之且詆琮及琦瓚球先後死國忠烈乃以詩弔之琮因間行詣其軍忠烈握手歡甚託其聯絡內地由是每歲往來海上太公亦不以前事爲戒未幾太公沒有海上降卒言琮潛通忠烈事逮赴省歎曰吾父已天年終吾可死矣且吾固雁行中漏網也扼吭而卒石門曹太僕廣葬其父子兄弟于故居城南之鏡川文珽文玠先以瓚琦故遣

成死于道楊氏一門殲焉

屠獻宸字天生兵部侍郎大山之後南都初破獻宸西  
行探消息聞潞王既降而歸道出姚江則孫僉事嘉績  
方起兵獻宸謁軍門孫公奇之留參其軍事及錢忠節  
至江上謂獻宸曰君乃先吾著鞭獻宸自募義旅爲小  
營軍瓜瀝之龍王堂前授車駕主事江上濱歸里里中  
故第爲巡道中營陳天寵仲謨二人奪居其半二人素  
與慈溪馮元颺有故馮使客微說之二人歎曰吾史閣  
部麾下也閣部且死屬我輩勿負國今不得已納降受

鄧志稿 忠義傳

二十四明叢書  
約圖刊本

官吾觀屠生非常人且一切往來踪跡亦稍覘知之遂  
與馮氏客共入獻宸密室曰公勿疑有事以告我願效  
力卽從衣領中出閣部舊所授牒相示曰吾不敢忘史  
公也獻宸大喜遂以語華董等各招外兵來會而獻宸  
以二將兵應之及爲降臣所首當事密遣慈谿兵扼大  
蘭蛟關兵搗箝江姚江兵拒東山所招兵無一至者獨  
舟山海師至城下巡道登城察之曰賊仰望城上而不  
發矢此必待內變卽別調城守營兵守諸門餘人有出  
衢巷者斬二將不敢動獻宸變服與其友董德欽走天

台追及被執解省城受誅妻朱氏自裁德欽字若思世家子錢忠節赴越傾家輸其軍薦授推官不拜及聞翻城之謀請自任犒師盡斥其餘產以待事洩與獻宸同死里人以華夏楊文琦文瓚及獻宸家勤合稱五君子董志寧字幼安遠祖邵居奉化宋建炎中金人下明州邵與李侑任戢帥鄉兵三敗之子泉口故闔郡殘破而奉化獨完後遷鄞志寧深沈有謀略大兵下江南長驅入浙潞王降未幾會稽熊公汝霖餘姚孫公嘉績兵起乃與華夏等奉錢忠節倡義與聯師迎魯王至越畫江

鄞志稿 忠義傳

二十四明徵書

約園刊本

而守先是降臣太僕某隨阮大鍼密納欵江上獨不得錄用復發六狂生事欲以爲功不果及見魯王監國又資緣張如父國俊得入內閣怨忠節每阻壞其軍事且假勸輸義餉之名乾沒里中軍需納之如宮以固寵志寧惡之乞假歸里踰年浙東西皆內附夏等日咄咄無所爲計志寧曰山寨兵可用也時舟山亦尙爲魯王守并遣使訂期共舉復爲降臣所首志寧方部署諸事聞郡守命闔城知謀洩棄家踰城而出赴海從監國擢兵科給事中時時奉使聯絡諸山寨辛卯舟山破監國航

海而遁志寧自刎死妻羅氏聞變仰藥卒子士駿士驥  
方謀洩時有司搜捕甚急僕文周匿置他所赴官受拷  
瀕死不言華夏在獄中間之作泗水鼎樂府記其事後  
育于高武部宇泰家既長痛其父之死蹈海不返志寧  
遂無後陸高士字燦捐金募人載志寧骨葬之城北馬  
公橋下同時在舟山殉難者復有邑人吏部主事楊思  
任工部營繕所正戴仲謀思任亦文懿公守陳之後仲  
謀則知鞏昌府浩之後也並以諸生預于畫江之役授  
官後從亡至舟山當日諸從亡者久而知事不可爲稍

鄭志稿 忠義傳

二三四明叢書

約園刊本

拔身歸當事方事招徠既歸卽置不問二人獨絕不返  
顧日從吳尙書鍾繼張相國肯堂講學賦詩城破思任  
以兵死仲謀以投纒死仲謀之族子爾惠者布衣方錢  
忠節起事會諸紳士于城隍廟觀者數千人同知府事  
朱之葵不知其故亦至眾相顧未發爾惠攘臂呼曰聞  
餘姚孫僉事會稽熊給事昨已舉義旂吾輩受國家三  
百年恩不可以後之今日之事曷不竟奉錢公爲帥觀  
者齊聲應之舉手互相招捽之葵下階擁忠節入巡按  
行署中忠節遂以墨纒視師爾惠自請從戎監國授錦

衣衛經歷後列營既潰監國從台州間道至舟山爾惠  
翊衛之力居多兵破螺頭門入拒戰見殺

趙景麟字天生邑諸生丙戌六月江上失守痛哭題詩  
案上曰書生不律難驅敵何處秦廷可借兵只有東津  
橋下水澄潮直接汨羅清將赴江死念嘗貸友人金未  
償委曲措置得之次日晨起袖所作歷試文納衣冠于  
文廟詣友人還金友人素知其貧訝其返之速問之笑  
不答卽往城東躍入江漁舟驚集救之江流湍急浮尸  
竟去力追僅得及其家固知其以祈死出遣人四輩跡

鄭志稿 忠義傳

三三四明叢書

約園刊本

之及諸江上友人亦至相與盪其喉扼其腹使出水良  
久乃甦探袖中紙猶累累也張目不語亦不食其家計  
無所出先是嘗授經太白山中與其徒徐生相得徐生  
聞其事亦來視強輿之入山欲令之食不可則爲謬語  
慰之曰李長祥復紹興矣或曰黃斌卿奉監國至蛟門  
矣或曰張名振告捷矣景麟聞之爲加一殮久而謬語  
漸窮景麟亦疑之出至山中逢樵子問以時事樵子指  
衣領示曰天下已一統矣尙何問遂大慟踣地復不食  
旬餘氣息奄奄而逝高隱學與景麟素厚爲立傳入之

甬上正氣錄中邑志則謂其投江卽死全謝山祖望作  
辨謂隱學乃親見其事者當不誤且均一死耳赴水以  
救免卒于絕粒益可見其立志之堅也今從正氣錄

任斗樞失其字流寓粵東值桂王監國以薦授中書舍  
人時張獻忠旣死其養子孫可望李定國等自蜀入滇  
黔納款于桂王可望求封秦王不許及大兵南征日迫  
兩粵盡失王倉卒入黔始從可望所請給封號而可望  
驕甚置王安隆府遣兵監守困苦之王不勝其侮與中  
官張福祿謀遣告李定國使人衛命閣臣吳貞毓撰勅

鄭志稿 忠義傳

三四四明叢書  
約園刊本

員外郎林青陽翰林孔目周官前後奉使時內侍馬吉  
翔諂附可望聞其事遽馳告可望乃使其將鄭國捕朝  
臣十有八人斗樞以中書掌勅寶與貞毓首及焉拷掠  
甚楚但自承終不引王乃以矯詔盜寶罪皆論斬士民  
合理諸人于安隆北關之馬場後李定國果奉詔統師  
迎王各贈卹有差勒碑大書十八先生成仁處

右十四人其九人皆在賜諡之列董志寧諡忠節周  
志畏楊文琦文瓚屠獻宸任斗樞諡烈愍王纘喬戴  
仲謀趙景麟諡節愍華夏許入忠節祠至楊思任之

見殺明史與仲謀同記之舟山死事傳中爾惠係仲  
謀之族文琮文球則二楊之兄弟先後殉國者也因  
牽連附著之

王家勤字貞一號石雁諸生與華夏同師事黃漳浦乙  
酉預于六狂生役魯王授大理評事江上既潰與夏等  
謀翻城分招外兵夏遣約舟山之兵楊氏兄弟王大蘭  
之兵屠獻宸主城中陳仲二將之兵家勤則密約管江  
杜懋俊施文烝土團之兵期以海師至城下則諸道兵  
由陸路皆集家勤自往管江犒軍申誓甫出城而夏等

鄧志稿 忠義傳

二五 四明叢書

約圖刊本

已被執急奔告杜施二人使勒兵謂城中雖有備前所  
訂舟山海船必至至則官兵必不暇勦管江可徐由大  
嵩入海爲扈從計杜施因遣健卒護之令先赴石浦啟  
魯王而蛟關鎮將常得功聞郡中有變已預以舟師扼  
海口分軍直搗管江家勤行至中途被執逮至省累訊  
瞠目不發一語以五月二十六日與楊文瓚死焉懋俊  
字英侯世居錢湖東其地負大海而韓嶺尖埼諸道直  
連管江稱巖險懋俊喜談兵初海隅不靖與其叔兆菴  
請于有司用土圍法以保村落南都變聞忽若病痾者

獨坐一樓笑哭無節家人從壁間竊窺案上惟黃陶菴  
臣事君以忠闡墨一硃之墨之不絕後聞文烣散家財  
募兵大喜帥前所部從之文烣字仲茂都督二華之子  
自以世臣預于五君子之謀及家勤以事洩告城中謀  
者亦至文烣卽梟謀者首鳴鼓集眾結寨懋俊聞金峩  
山中有賣炭趙翁精術數延之至奉爲軍師而蛟關所  
遣兵浮海踰山而入直抵寨下格鬪三日矢石互發殺  
傷相當城中兵繼至別用火攻寨焚眾始潰懋俊獨率  
家丁力戰頭目集矢如蝟倚牆而斃猶屹立不仆兆祐  
被縛首斫十二刃始落文烣取二華前平漢賊時所佩  
刀引以自裁曰吾不辱此刃也闔家皆赴火死而所謂  
趙翁者人見其從烟燄中飛去懋俊有二子留村中陸  
宇燦聞管江被圍卽遣人攜至匿于家范洪震爲之授  
室未幾並天沒一時死事諸忠之裔雖幸免多不永年  
甚子違天之說其信然乎是終可憫也

張夢錫字雲生六狂生之一精技擊弓矢矛戟皆絕人  
初以從軍官兵部司務晉侍御史參忠節軍事忠節薨  
下皆文士惟張忠烈煌言善謀畫夢錫善鬪軍中呼爲

其義君小張君江上失守挈殘卒五百守四明山之大  
陸宇餘姚王翊慈谿馮京第列營相望煌言亦屯聚平  
崗諸營又呼爲大張軍小張軍庚寅官兵四出搜山王  
馮相繼敗死煌言入海從魯王遂聚攻大蛟夢錫挾長  
矛出鬪相持屢日夜官兵日增力不敵見殺麾下卒皆  
從死無一降者其中惟三人突圍出兵退有負夢錫尸  
葬之大蛟南麓者卽突圍而去之三人也里中故人哀  
其義立石識之後爲山中所仆

陸宇燝字周明弟宇燦字春明晚號披雲大理卿世科

御志稿 忠義傳

三五四明叢書

約園刊本

之子世家華靡其兄弟獨屏統綺之習任俠好義宇燦  
少與錢忠節同學忠節起事宇燦左右之列于六狂生  
之目授戶部主事不受時降臣謝某方乾沒里中軍需  
而方王諸帥又爭餉宇燦乃以家財獨輸忠節軍浙東  
既潰魯王在海上資糧屢屨上供不絕又與張忠烈等  
通音問四方奇士至者必依以爲主柳車複壁不以利  
害辭餘姚王司馬翊殉節大帥以其屢挫官軍恨甚梟  
其首于西城宇燦欲收之徘徊其下一夕見暗中有叩  
首而去者跡之走入破屋問爲誰曰漁人也宇燦曰子

必有異無爲吾隱則泣曰予毛明山也嘗以卒伍事司馬今不勝故主之感耳字燭相與流涕商所以收其頭者明山曰非江子雲不可子雲錢忠節舊將也方杜門家居遂同詣之定謀會中秋競渡遊人雜沓子雲紅笠佩刀乘健馬登城城卒訝焉尾之上至梟懸所問卒曰是何人頭卒以司馬對佯怒曰吾仇也亦有今日乎拔刀擊之繩斷墮地明山已預爲道士裝立城下亟納之袖中字燭復以身蔽明山時龍舟噪甚人無回視者遂雜稠人中以去子雲亦遽馳而下卒從之不及既得首

鄧志稿 忠義傳

三六四明叢書

約園刊本

則藏之書篋中歲時出而祀之卽家人亦莫之知庚寅海上有降卒備述字燭與魯監國張司馬往來狀有司發卒圍其第搜故籍獨餘一篋未發卽縛字燭去家人整頓叢殘啟篋視之則得一錦囊于故書下傾囊乃人頭也大駭弟字燭識其狀貌捧之而泣蓋十二年矣面猶如生密葬之城北董給事墓間字燭旣下獄曩時客有遊幕府者爲之地以無驗得破械出至寓一夕卒字燭好義如其兄張閣部肯堂死難遺一孫茂滋收禁于官與董守論謀以百口保之館于家者三年收董給事

骨寒之先墓側匿杜秀才二孤然痛其兄以患難致客死遂終身茹素垂絕猶張目命其婿萬斯大求黃梨洲宗義誌兄墓乃暇計六狂生之得考終牖下者惟毛聚奎一人聚奎字彙來一字文垣給事中宏之後從忠節至瓜里軍授戶部郎司餉事去遭名捕行避十餘年家人亦莫知所之及老病有首邱之思乃歸未幾卒

倪懋燾字仲晦諸生方錢忠節倡義邑人多從之忠節以此烏合不足恃欲招定海總兵王之仁而難其使蓋之仁先已迎降于貝勒矣眾懼不測獨董志寧任行懋

鄭志痛 忠義傳

三九四明叢書

約龍刊本

燾請爲之副至定海聞先一日有陳秀才上箋之仁責其負國爲之仁所殺或勸無遊投書懋燾謂志寧曰吾輩從錢公方將冒鋒鏑而猶懼死乎遂以書進有頃之仁召見語之曰二君此來大有瞻懋燾對曰大將軍世受國恩賢兄常侍攀髯殉先帝天下所共仰今東海鎖鑰之寄在大將軍宗藩成旅之望列營敦槃之長亦在大將軍幸留意之仁遽搖手曰毋輕洩以是時謝三賓告密之使亦在別室也既出喜曰事諧矣之仁果與忠節會師赴越忠節勞懋燾曰此雖李抱眞之招王武俊

無以過君及畫江守定授兵部職方主事會唐魯爭頌  
詔之禮楊文琦兄弟往二藩猶不相協越使陳謙繼往  
閩則死閩使陸清源入越亦死募有能者忠節曰是無  
以易倪君乃以命懋熹懋熹至則告王曰方今閩強越  
弱然無越則閩失所蔽當令越捍其外而閩以兵糧資  
之且均爲太祖子孫方共定大業而爭虛號耶唐王喜  
留之懋熹欲辭歸王曰彼此一家越臣卽閩臣何辭爲  
命分守建寧道道標故有兵千人爲鄭芝龍所奪乃別  
募兵不滿五百浙東破仙霞亦失險建寧被圍計戰士

鄭志稿 忠義傳

三十四明徽書

約園刊本

不足周布堞上乃決鬪全軍盡覆懋熹亦沒于陣

徐啟睿字聖思邑諸生負才使氣好擊劍臥起常佩之  
醉則拔之起舞或擬其坐人坐者皆膝席莫敢忤視友  
朋有過呵責如子弟人諒其直弗怨也見國事日壞每  
斥時相名大罵忽一日埋其故劍削髮事浮屠雪嶠釋  
名云節字近公雪嶠開堂徑山座下三千眾未有付法  
者最後見江西黃端伯曰三世佛是血性男子是人其  
庶乎啟睿至請曰某亦端伯之亞也雪嶠相視而笑自  
是閉關坐終日無聲及聞錢忠節起兵乃大呼掘所埋

故劔趨忠節營道出周太守元懋家元懋見其冠鵝冠  
衣綠錦衣曰君返初服乎今江上正需人則笑曰君當  
飲我酒連酌三斗又拔劔起舞顧曰何如卽長揖別去  
忠節故與同社爲引見于魯監國監國奇其狀授錦衣  
衛指揮不拜自稱白衣參軍時江上方王諸帥各擁兵  
相觀望復大罵曰今當焚舟前進或可一逞奴輩乃欲  
守葦爾自困每耀兵卽出立矢石問諸營皆目笑之一  
日晨起仗劔集其麾下百夫屠牛饗之諭以大義皆唯  
唯將出忠節力止之曰軍行無後繼何益對曰吾將赴

鄧志稿 忠義傳

三四明叢書

初圖刊本

敵而死以愧諸營之賦清人者遂渡江直薄西岸城上  
望見以爲遊騎姑遣裨將應之則奮前刺其將墜馬從  
兵掩殺過半乃盡出銳師相敵大帥戒之曰觀其首領  
甚奇必生致之啟睿初戰捷馳馬至江濱呼東岸諸營  
並濟諸營無應者亟反馬鬪馬忽陷泥淖中猶揮劍四  
擊官兵莫敢近競以長矛刺其馬馬踣遂被執見大帥  
諭之降益縱口大罵帥怒剖其腹實以草懸之望江門  
忠節哭之慟曰果見君之出而不見其入也監國亦震  
悼命卽軍中賜祭一壇招魂葬焉

李桐字封若光祿監德維之子三歲而孤既長事嫡母董與生母王禮節有差嫡母卒則以事嫡母者事生母人以爲知禮北都變聞日號咷當事馬前責以勤王或欲除之監司盧牧州曰吾輩實不能奈何殺義士護之得免南都立馬阮擅國悒悒不自得賦悲憤詩十章遂感沈疾及聞福王見俘日夜使其祝宗祈死疾益篤浙東起事錢忠節方登壇誓眾曰是不可不令封若知遣使以告桐於病中霍然起稍稍進食乃命長子文景從軍忠節薦授兵部主事自江干立國桐疾漸平復調理

鄧志稿 忠義傳

三三四明 虞書

第園刊本

藥餌俄而有六月初一之潰歎曰吾今定死矣家人以湯劑進碎其器旬餘復困劇竟以是月十九日卒文景哭謂其仲弟文昱曰若知父所以死乎葬畢命其季文暹主宗祀偕仲墨縵赴海上文昱亦授戶部主事辛亥翁洲失守扈王而出九月二十六日兄弟同日覆舟海中

張縵字子隆號四岑知靖安縣伯庠之後里中所毋雍睦堂張氏也七歲能作大字稍長補弟子員爲人恂恂與物無忤而守古義甚篤兄縵旣析居有無時相通已

而復合人以爲有祖風會國變日咄咄尋聞浙東西皆  
內附閉戶坐一室中取牀頭陳醞獨酌既醺繞床而走  
百餘匝乃往竈下取炭滿甕和以木屑蒸之置所臥坑  
下別沽火酒飲數巨觥復閉戶投身坑上覆以重衾俄  
頃酒力墳盈而絕家人抉戶入啟衾視之遺骸已紺色  
矣時乙酉六月二十日也

右明季諸人傳或按明史或據李杲堂香齋傳未刻  
內集或採高隱學甫上敬止錄雪交亭正氣錄林荔  
堂同人化碧錄證以全謝山先生諸誌狀審定而敘

鄭志稿 忠義錄

三 西明叢書

約園刊本

次之但耆舊內集及正氣錄化碧錄因感友人家不  
戒于火已失傳故亦有忘其顛末者如諸生黃宏殉  
節江西行人司陳琦死事海上欲爲立傳而不能述  
其詳姑誌其名於諸人之後俟有熟知文獻者補予

闕焉

陳貞字吉人由監生授上饒縣丞康熙十三年耿逆兵  
破廣信貞奔省城平寇大將軍委貞署廣昌暫駐南豐  
賊兵至城陷貞被執不屈囚于福州獄十五年賊閩王  
師南下遂絞貞于市事聞贈江西按察司僉事賜祭葬

官其二子

鄧海稿

忠義傳

三國西明後詩

約園瑣本

鄧志稿卷十六

鄞志稿卷十七

清甬上蔣學鏞聲始撰

孝友傳

自唐書始立孝友傳蓋以其事迹他無表見而門內之行卓然可傳乃特著之然讀宋文憲浦陽人物記所稱孝友僅四人卽舊志目成化以上亦落落可數迨張司馬聞蕊泉二書所收乃幾倍之果昔之孝友少而今之孝友多乎第以其爲風教所係不敢輒有去取據傳中之關係至性者備錄其概其餘猥瑣餘事牽連附益則削之記云愛親者不敢惡於人敬親者不敢慢于人則孝友已自足以該之又何取屑屑爲作孝友傳

鄞志稿 孝友傳

一 四明叢書  
約園刊本

董黯字叔達家貧早失怙事母盡孝母疾嗜句章大隱溪水遠不能常致黯卽築室溪濱就養疾遂瘳東鄰王寄家富其母憂寄縱酒無行二母相見各言其子王母以黯之孝歸諭其子冀有所感悟寄憤伺黯出毆其母黯歸而母在床卽跪請曰兒不孝致母之憂乎曰非也我自失言致王寄辱耳後竟不起黯哀毀反葬母於鄞城之南枕戈廬墓俟王母卒且葬輒斬寄首歸祭母墓

自囚以告有司事聞和帝詔釋專殺之罪且旌其異行  
召拜郎中不就及卒穆帝詔立祠故居宋祥符間賜號  
純德徵君洪武四年命有司歲時致祀

楊慶性至孝父病貧不能召醫乃剖股肉和糜進之而  
愈後每有病如是者五最後母病不能食取右乳燒灰  
和藥以進入口遂瘥久之乳復生每勝日卽以藍輿載  
母禱于阿育王寺宣和三年樓異守鄉郡聞于朝不報  
異自爲立崇孝坊紹興七年仇忿爲守申前請其疏曰  
韓愈作鄂人對以毀傷肢體爲害義然匹夫單人身居  
草莽軌訓之理未宏汲引之徒多闕而行成于內情發  
自天使稍知詩書禮樂之訓推其所存出身事主臨難  
仗節豈減介之推安金藏哉十二年詔旌其門

鄧志稿 孝友傳

一四明叢書  
約園刊本

按楊慶事載于宋史孝友傳延祐成化諸志亦俱採  
入方昌事載於嘉靖志及聞志獨李廷機作郡乘不  
列二人蓋猶以鄂人對爲疑也禮謂不敢毀傷特指  
虧體辱親者言父母病不可治而又不忍不治遂剖  
股以療之自是至性所激豈得與毀傷例責且世之  
能剖股者幾人而昌黎乃鯁鯁過慮乎匹夫一念之

誠尙足以感天地而獨不免于儒者之苛論可怪也  
方昌鄞令軫之孫事親篤孝母疾劇或告以人肉可療  
輒禱天割股和羹以進疾果瘳里人白于官昌沒爲之  
立祠後有以毀傷訾昌欲去其祠者黃文潔震爲力辨  
乃止

嘉靖志

童判子失其名家貧爲人典庫稱曰判子有姊早寡迎  
養于家承順不少違後其甥弗事產業累負債輒代爲  
償不以告姊王安石爲鄞令訪而得之接以資禮

江隣幾雜

記及王深寧十八賢贊

鄞志稿 孝文傳

三四明嚴書

約園刊本

李宗質字文叔其先濮州人文定公迪之裔孫母展氏  
罹靖康之亂相失者十餘年宗質求之不已行次江州  
水南市中得之遂奉以還居鄞之石塘色養復二十餘  
年樓攻媿銘其墓誠齋楊萬里爲之傳

成化志

石孝子四明山農家世貧賤古屋數楹居叢薄中孝子  
早喪父獨與母居一日以事出告其母曰兒出母無侍  
養者幸往依女氏待兒之歸其女氏去母家甚邇孝子  
謂母可卽至竟行後二日歸先過女氏迎母而母未嘗  
至卽心驚倉皇抵家見壁間一巨寶硯之則虎子三據

其榻孝子知母已葬虎腹卽大慟盡殺虎子復磨一斧  
堅執立斃內頃之虎母循竇入斫其首碎之取肝腦磔  
諸庭復大慟曰吾雖殺四虎母讐未足報也乃更迹牡  
虎所行路持斧阻崖石待之牡虎果咆哮過崖下孝子  
奮而前當虎首連斫數斧虎卽斃孝子亦隨死僵立不  
仆張兩目如生而手所持斧堅不可奪鄉鄰走視咸凜  
凜欲亡去獨嘗捕虎者相率拜祭而神之戴九靈良爲  
之傳其論曰父母之仇不與其戴天是故齊襄讐紀而  
有紀侯之去國魯莊讐齊而有乾時之戰敗蓋寢戈枕  
甲在必復而已其可逆計強弱蓄情抑志以偷其生哉  
竊痛宋室南遷二帝客死稱兵以復讐誠不可朝夕緩  
也而顧阻于姦謀卒使終天之恨竟未一伸是果何爲  
哉當時議者孰不以宋弱金強爲說以孝子觀之宋雖  
弱豈下于一夫金雖強詎勝于五虎孝子能行之而宋  
之君臣反有所不能設使孝子之事見之于彼日主國  
議者亦可少愧哉

成化志

按石孝子亦見餘姚志以四明山兼統餘姚故各引  
孝子事以爲重也九靈先生論殊雄爽并附錄

華昭生未晬而父亡母沈氏家貧不能自存父母欲奪其志誓死不可日紡績以字孤後疾亟傍無給侍昭尙幼能刻意茹素禱之弗瘥乃曰嘗聞昔人有割股以救親者于是復露禱于天剖左股作糜和藥以進母食之果愈郡守許廣大聞其事乃爲大書節孝字于門

成化志

唐轅字伯度弟鞞字叔直其父復禮以官嗾事被陷逮赴京轅詣吏請代不省至叩頭流血吏憫其誠遂脫父桎而桎之行至越鞞適自杭歸遇諸途挽轅衣袂哭曰兄冢嗣不可以死弟請代轅不從竟奪轅桎加己手吏亦憫而從之抵京繫獄近臣有奏其非罪者例免以歸復禮有四子長卽轅次輪字仲規叔卽鞞季輻字季齊先是九靈戴良嘗爲作四子字說至是復著轅鞞二子

傳成化志

陳思禮字用和七歲父德祥沒母石氏守節自誓嚴督其子以學或稍懈卽對之泣曰汝父爲名儒吾所以忍死鞠育汝者冀有取法也奈何背之思禮卽惶懼若無所容由是肆力誦讀母年五十五疾卒被髮狂號曰吾母何在吾母何在母所以辛勤萬狀而弗釋者爲思禮

故也及冠而母不待養何以生爲引刀欲自刺家人奪之解喻百方久而稍釋服闋入郡庠先是母爲擇婚石氏及二十四不娶曰娶婦爲養姑也失母焉用婦親友交責其師鍾士懋繩之急始成禮合昏後號泣七日夜婦亦化而從之洪武六年貢入太學夙夜不忘其親扁其室曰如在衍聖公孔希學爲作獄古書之劉誠意基陶參政凱各贈以詩若文宋學士濂書其事開志許敬薇明州衛兵也事母至孝一日與同伍十人駕舟販鹽至江北渡忽暴風迅雷挈舟中人上泥塗皆斃死

聖朝 孝友傳

六十四朝 敬書

約圖 刊本

敬觀昏絕默念我死母將誰依忽若有人援之夫眾死所三丈許而甦雷火燎髮如禿人以爲孝行之報草馬志

盧顯其父祥卿洪武初以家世職漕運承督造海運船已而船破運折坐侵漁逮獄將就戮顯詣闕泣訴曰督造雖係父名而侵漁實在顯顯當死其弟敬亦同詣闕訴曰兄顯佐父周旋運事造船之工敬獨掌之罪當坐敬上矜之遂兩釋焉祥卿後以賢良舉知四川彭水縣以誥誤當謫戍雲南顯復哀祈請代上曰眞孝子也祥卿有子如此可冠帶寧家嘉靖志

黃夢麟字用澤弟夢熊字用強平居友愛家酷貧養母至孝雖甘旨不給于供而其母歡然常若有餘洪武十五年夢麟舉明經爲郡庠訓導夢熊中洪武五年鄉試授昌國縣訓導改慈谿每語學者必以敦倫爲先諸生

服其身教

嘉靖志

葉宗可博通經史工文詞登張信榜進士尋署刑部侍郎未幾以父老乞侍養歸辟爲郡庠訓導適父就戍白于當道求以身代父得考終于家後以薦授國子學錄

陞助教

張信榜係洪武二十七年甲戌會試

嘉靖志 孝友傳

七四明藏書  
幼園刊本

考明史選舉志洪武初以國子生分教各郡其後以會試副榜署學官又其後以舉人就教者與國子生並用且辟署惟元時有之未聞以刑部侍郎告歸而辟爲郡訓導者葉宗可事載于嘉靖志及聞志其歷官不可解然疑以傳疑不敢并其人削之也今姑從

嘉靖志錄入

李士開操履方正鄉曲有爭必就質之三子長孝謙次悌謙次忠謙性孝友常依親側弗去有事兄必先弟而弟恆代兄行父病分走東西求醫藥且夕迭侍床下親

或不食亦不食母得末疾疾作必仆地卽禱以身代良  
久乃蘇洪武初郡國例造戰艦士開以富室任工作旣  
成使者驗艦苦瘡坐法送讞孝謙請代父囚曰父老我  
壯宜往悌謙已出爲從父後請曰兄素多疾弗能任勞  
且親所愛也我當往使者恐其非情兩械之而偵其所  
爲兄弟終不易詞遂囚孝謙至秋官論輸作踰二年赦  
歸又一歲父以富室主料量而米耗折法當大辟忠謙  
卽荷械詣官請代官偉其氣貌許之送御史臺有旨免  
死黥戍忠謙竟沒遼東及父卒二子哀號屢絕前後郡

縣志稿 孝友傳

八四明叢書

約圖刊本

守舉孝謙明經者再以母老辭母喪二子毀瘠如喪父  
永樂十七年詔天下纂修圖志郡守汪旭屬孝謙總裁  
書成而卒後七年悌謙亦卒孝謙性寬厚隣有貧而臥  
疾者晨往問之以錢密置枕旁而去環宅種竹夜與盜  
笋者遇縱之去以採笋置籬外悌謙峭勁不阿好而折  
人過人亦服其直

嘉靖  
志

謝矩字原規與兄員皆好學能文矩出爲人後員以諸  
生辟郡從事轉臬掾坐事謫戍播徙屢年矩常裹糧遠  
道資送終其身後以例遣員家屬赴戍所矩因爲人後

別籍得免矩曰奈何使父與嫂姪獨困苦力請偕行抵吳門父卒或勸之火化號泣不從停柩旅舍相嫂姪抵京師適遇恩例放家屬還復至吳門迎父柩歸葬明年兄沒成所矩輒聞關數千里面骨歸撫其遺孤先人田

廬悉異之

嘉靖志

夏道昌月湖漁人也幼孤奉母至謹所得魚擇巨者供母饌餘以資薪米母得膚癢疾申時輒發發則須沃以沸湯道昌每出刻期于申時歸供湯沐無失候者遇令節及報養之期必奉母出遊母倦行則負以往偶不愜

鄭志稿

李友傳

九

四明叢書

約園刊本

意母養其背卽長跪祈請怒解復負之行一日漁于西村新莊之河得巨鯉土人厚與之值堅弗與怒而相毆一老者怪問其故曰歸以進母老者禮遣焉袁尙寶忠徹聞而敬禮之歲時設酒饌躬執爵相勸酬有詔錫民孝弟力田者粟帛以母沒力辭弗受

嘉靖志

章和字致和永樂初徙江南閩右實京師和年十九爲庠生父已沒念長兄督家政弟尙穉固請自行籍于大興縣受廬安定關內墾荒作圃藝蔬自給暇則教授生徒貴漸裕招從子繪紹從孫鎰至京師躬自訓讀皆爲

授室繪舉正統戊午鄉試登己未進士累官河南布政使紹舉正統丁卯鄉試鎡舉天順壬午鄉試登成化丙

戌進士官兵科給事中人以為篤行所致

李廷機志

嚴端字克正景泰甲戌進士累遷南京車駕司員外郎

職監黃馬快船忤巨璫罷歸性至孝母年百四歲而沒

歸養凡四十年昕夕不離左右母有所欲無弗力致疾

則終夜不寐百歲之辰端率孫曾長跪上壽綵衣白髮

周旋堂上見者以為有老萊子之風

李廷機志

虞謹字靜之少有至性就外傳讀詩至明發不寐有懷

李廷機

十四朝校書

刊本

二人淚津津下楊文懿公守陳見而拍其首曰篤孝兒

既長迎顏承志惟謹成化甲午兄謙之以富民籍徙安

定亡歸有司逮捕甚亟父憐兄老命權代之即慨然赴

安定就役文懿公為之請得免歸既而父病瘵醫禱備

至夜則稽顙北斗求代頽為墳赤及卒水漿不入口三

日母勸之為一舉母入復撤去面黑如囚嘗念父好老

氏日誦道德經誦已即哭久之淚所漬處磚為之泐喪

竟懸像進食如生母病逝哀哭如其父遠內室非祭不

相聚非疾不入問如此者十五年體素肥及後毀瘠骨

立自號曰瘦齋有白鸚鵡來巢寢室馴若依人聞哭聲亦嗚鳴里黨咸異之

嘉靖志兼采吳人願愷虞孝子傳

孫鏗字允廉母徐氏方娠六月父珂往商于陝既而鏗生父久客不返徐鞠且教之稍長日記千言年十六補弟子員領弘治己酉鄉薦時年二十一其姑氏令俳優侑燕至孝子尋親事乃大慟曰吾父何在卽治裝至陝西道里阻修備歷艱險竟尋其父以歸

嘉靖志

倪割豨居甬江東業豨豬母受佛氏戒不食葷腥久之胃弱身羸臥疾十八年晨夕煮粥哺之垢癢則采藥草

鄞志稿 孝友傳

十二四明叢書

約園刊本

煎湯扶之浴如廁則藉溫軟物而抱坐之每勸母食肉母不從因求代爲茹素矢言而後許乃具肥甘供養每夜顙天叩首額成隱疹若巨珠然遠近召其豨豬者見其額輒咨嗟不已必多以錢粟酬之

嘉靖志

林桂字士英弘治丙辰貢于鄉訓導舒城金谿二學陞遼府右長史天性孝友嘗構亭以娛父植槐爲蔭稿而復生人以爲異兄華得危疾涕泣求醫果得異方而愈

嘉靖志

許瓏字廷璧性至孝少孤依戀其母不暫離或出外或

就塾歸必歷舉所聞見告母一日母擲竹誤中瓏量地  
母急抱持泣瓏稍蘇卽張目笑語曰兒故嚇母非眞量  
也及長奉養無弗至母所欲必竭力以供家居茅山或  
入城向夜必攜一燈走三十里歸省得佳味親烹以  
進復歷舉城中事告母嘗夜歸燈滅遇神火于道遂之  
抵家平居恆言孔門以色養爲難此不假力不費貲直  
易易耳其母亦言兒愛我雖長與就乳時無二態平居  
言動不苟室中有婢二十六而嫁仍處子也里有大姓  
相構積不能解瓏一言卽各愧謝而釋

嘉靖志

鄭志稿 孝友傳

十三四明叢書

約園刊本

馬扁西城外傭也賃傭養母值時物初出不計值必市  
以進力不能常得鮮日爲人執役夜則漁以供饌母遘  
疾無以具醫藥則中夜顛天斷一小指煮湯飲母母遂  
愈人稱爲馬孝子

李志

薛淋字文時生而明慧從師受易卽領悟已學文于余  
太史本聞性命之旨造詣益深事父魁能順之于道父  
多昆季而性強執或至紛競淋彌縫調護久皆誠睦母  
董被疾累年淋昕夕侍側值省試輒謝不往母卒三年  
不御酒肉不處內與弟治自相師友怡愉無間一女弟

適李惟勤早寡無子淋憐卹倍至所居相去數里日必  
一往視更數年不衰字其孤女如己女云聞志

鮑倫字孟彝甫七歲父璿遊學吳楚莫知所向母孫氏  
獨居撫倫稍長卽治買養母得其歡心每朔望焚香哀  
籲願父子終相見如是二十年忽有老父自言慈谿人  
述其里居甚悉謂倫曰汝父曩與我客湖廣至漢陽東  
塢授徒贅婦生二女不幸死矣盍往歸其尸已而至慈  
谿遍訪老人不得乃如其言詣漢陽跡之皆符婦家不  
肯歸尸且疑其冒訟于縣不能決繫倫獄縣上府府上

鄭志 孝友傳

十三四明叢書

一約園刊本

監司監司謂疑獄錄有刺血驗骸事親至墓所發棺命  
倫齧指血瀝之果直入枯骨倫情得伸卽棺斂請歸葬  
許之監司乃弘治壬戌進士慈谿顧瑛也老父殆神人  
其自言慈谿或有所寓云李志

董淑字宗順父鋒弘治甲子舉于鄉蚤卒淑以遺腹生  
稍有知見母泣亦泣既長就外傳歸則依母膝作嬰兒  
戲以娛母讀書至夜中必伺母寢撫衾褥安煖始就枕  
疾則通夕侍床側久弗懈湯藥饘粥必手煎事兄如父  
未食不敢食勞必先承出納必請命二姊俱有疾視之

如母次姊嬴須人乳則取妻乳并丐之鄰婦袖小器飲姊日數往返以爲常嘗就省試聞兄于病輒委行李而奔居常以不得繼父業及無以表揚母節爲恨竟先母

卒

李廷機志

張伯庠少有志操清苦自勵投徒得脩脯必公之諸弟領成化癸卯鄉薦知蕪湖縣已改請安致仕歸居官凡十二載無私積僅築一堂顏曰雍睦與諸弟同居張氏于元時嘗徙高麗後歸鄞人呼爲高麗張氏及是改稱雍睦張氏嘉靖己未隣並火室廬無遺惟伯庠子孫之

居獨免

聞志

鄭春禧 孝友傳

十四 四明叢書

約園刊本

聞宗時教授理之子幼喪母奉父及繼母盡孝嘉靖丙辰倭賊突至舉家竄避宗時扶父出遇賊脅取金錢不得拔刀欲殺其父宗時以身翼蔽泣求自代父得免宗時竟飲刃死尸諸田間時家奴李三抱宗時幼子不忍去亦被賊割左耳併封其面屢死屢甦見者皆傷悼聞志邱緒字繼充諸生父鑑娶余氏生二子長經次綸側室黃氏生緒緒生而黃爲余所逐改適江東包氏稍長或語以母故輒歛歔年十五父卒事余甚篤余病經與綸

俱客京師緒承湯藥惟謹衣不解帶數月余感其孝垂  
沒命之曰我死汝無忘若母緒泣承之而是時去黃改  
適已二十年杳不可跡夢有人告之曰汝母在台州金  
鰲寺前次日入城憩于途一人問何氏曰邱氏其人曰  
邱有出母者聞其子甚賢識之乎緒駭反詰其人則故  
包氏廝也問以母所在廝亦不知請歸質之主母母曰  
他適已久忘其處昔居浮橋有周平者知之今平已配  
成京衛矣緒有姊婿進士王某在京需次因貽書囑訪  
平久未得偶一日有避雨王之邸門者叩之卽周平也

鄭志稿 孝文卷

十五 四明 卷之五

訪其事知別適台州李憲副之子以書報緒緒卽往之  
台則李已沒無後仍不識黃死生掩泣道旁人詢其故  
憐之曰此間有王四老者年已耄嘗以作媒氏爲生尙  
知之乎導之訪王老則知黃氏居李無依復適仙居縣  
吳義官緒復之仙居吳氏聚族甚多茫無從叩見一第  
舍甚整始入焉其二子出問知以尋母至款之宿有婢  
室于內聞留止外郡人恚而咻之二子以告則媼卽吳  
義官之嫡亦不詳所往呼老僕問之漫應曰死矣金鰲  
寺前其棺在焉緒以與夢合但求一見棺二子與偕行

道有牛觸緒墮溝其家駭而出問則傘工馬長之門二子爲緒述其故馬長曰吾向爲人傭肩輿爲業記嘗輿一婦至縉雲蒼嶺下殆其人乎今存亡未審寺旁棺則譌耳卽縛一肩輿出請緒乘輿行緒謝別二子輿至嶺下馬長曰當于此求之矣酬以金不受而去緒在嶺下值往來者但以寧人物色之有織屨者告曰去此三舍有地名王碧川一陳姓老婦乃寧人緒如其言偃偃行見一嫗立門首探之寧人也問所從來果合嫗亦問邱氏消息乃相抱哭時陳翁老無子并翁迎歸養之外舍翁卒迎母入己室率婦子奉事甚至縣令趙民順疏其事于朝詔旌其門

鄭志補序交傳

十六四朝叢書

約園刊本

按邱孝子事張司馬嘗別爲作傳而嘉靖志未之載聞志則略甚今考集中原傳錄存之

陳良言字志行副使槐之子父患目瘡歷醫三月不效因以舌舐之旬日而愈母得瘋疾七年不能起便溺皆身自抱扶浣濯必躬任夜則臥于床側旣卒伏苫哀泣三年葬後復廬墓三年先是父柩在堂隣家火將延及望北呼號風遽返火滅

開志

蔣九華字丹逸號虞舉一號漁澳博通經史有聲諸生間性至孝尙義父遭危疾醫皆謂不起對天泣籲割股肉和糜以進疾立痊母早沒畫像弗肖九華素不解繪事夜焚香默禱布席中庭以意爲之圖既成以示曾見其母者則酷似皆詫爲奇嘗授徒外郡歲暮歸途宿賣漿家撫床頭得白金一篋私念逆旅主人安得有此必前客所遺留待之迫除夕家人方俟館穀卒歲九華遷延未返乃烹伏雌草草供臘祭逾旬一人踉蹌號慟而前言賣產鬻子所得金以償負官者因行急遺忘于此

御志稿 孝文傳

十七四明叢書

約園刊本

九華詢其銖兩封識皆合卽舉以還之其人拜且泣請分其半笑曰吾因拾金而留待冀還金也設利其半曷不挈之歸其人問姓名亦不告時其子良弼尙幼夢白髮翁摩其頂曰汝父陰行善加汝一塊貴骨覺而頂骨墳起後果登賢書爲循良吏別有傳嘗應制府之招授其子經值鄉試制府謂之曰先生文品冠浙士當必爲解首九華疑其陰爲之道地也遽辭歸是科不預試後其子以割股事請旌詔表其閭曰孝子之門

聞志兼采張文定公

邪奇所作傳

聞龍字隱鱗號飛遞豕宰莊簡公之孫五歲喪母哀號如成人稍長當出爲從父後以父老病戀不能舍因習岐黃書晨起察色切脈夜寢揣喘息以爲常奉養三十年父歿哀毀踰禮值祀日必服經麻味爽櫛沐誦梵書臨奠哭盡哀終身如一日從母金氏病乃泣爲其後喪畢析產給其女弟及金氏外家爲本生考置祀田同產兄弟皆助之田每祭其所繼稱爲後男祭所生稱爲人後男爲人高介當事聞其名每臨訪輒辭不見但遣子報謝而已年八十一乃卒所著有行樂吟三子世延世

郵志稿 孝友傳

十八 四明叢書

約園刊本

選世銓皆敦行誼有父風世銓于崇禎時舉賢良方正辭不就從弟繼泰字治甫號思山父賢臣爲襄藩典儀舍人娶陳氏生繼泰甫五歲而賢臣沒家又遭火陳氏茹苦字孤暨繼泰授室越日仍侍母寢廁愉皆躬親不以委婦母欲修趾甲必跪而自剪之病則籲天願移齡益母算後陳氏八十六而終哀泣如嬰兒葬後止宿墓廬宗戚以年老力挽之歸乃供母像榻前奉之如生每有出入必連聲大呼曰娘卒年七十一卒之前一口盡焚積券招所知從容飲別是日子時立秋問子曰今何

時對曰將交子刻卽摩頂理髯拱手正視而沒子世麟亦至孝其父日與知交觴咏世麟治具惟謹家事有無不以聞從弟失業屢資之輒殫盡招主管鑰侵漁不貴家日落勿問也遭國變杜門不出深衣幅巾如故人共危之則曰北麓處士何人哉我亦故家之子故國之遺也義當爾命其二子兼諸生業弗業黃戶部守諭銘其墓以逸民目之

聞志

陳洪憲字紹昌號天衢提學副使束之從孫年十六而孤設屢養母承順万方母范氏性方嚴洪憲與妻朝夕

鄭志稿 李文傳

十九四明叢書

約園刊本

左右侍食食已撫摩抑搔命之去然後退有不當意夫婦卽長跪床下俟色解乃起平生重然諾敦信義以禮法自持進止皆有常度未嘗爲隔宿之游卒年六十終不識西津壩道人推爲隱德君子子伯美字植野生而穎異甫受經卽通大義爲文敏捷弱冠喪父復遭火母老家貧遂棄舉子業綜理百務獨厚資其弟令讀書母多病夜必貼床寢及逝哀毀孺慕後以其子錫珉成進士入詞館贈如其官

聞志

錢靖忠字獻孟號心訥弟益忠字謙仲號又檉敬忠字

孝直號玉麈父若廡隆慶辛未進士歷官臨江太守初任儀曹以選妃事件神宗意後守臨江會勘故御史劉臺爲江陵所陷狀據實無所阿徇江西故撫臣坐是遣戍諸貴人之欲庇江撫者皆怒臨江多盜若廡治之嚴遂以酷吏上聞神宗以前憾必欲殺之三法司及臺省屢爭不能得士民數萬伏闕訟冤不許開臣申文定知其非辜乃議緩決繫獄三十七年靖忠兄弟皆受經獄中抱痛力學冀成名或得爲父陳辨靖忠舉萬曆戊午順天鄉試益忠舉明經每值恩赦卽匍匐乞哀當事以

鄭忠肅 孝友傳

二十四明叢書

初編刊本

獄詞重迄不獲援例後敬忠於萬曆己未成進士將拜疏大臣謂上怒未解疏上懼速之死乃不赴廷對歸省父獄中作誓墓文以必死自期熹宗嗣位兄弟聚謀靖忠益忠走江右請于鄉大僚劉公焜鄒公元標求援敬忠詣闕具奏瀝陳其父得罪本末得旨令部臣集議遷延未上復奏臣父年已八十倘不獲宥願賜臣一死釋父出獄通政使以前疏已發議格之不得上敬忠更節錄前二奏囚服跪午門祈閣部諸公爲之轉請時江右人官京師者徐公良彥姜公曰廣輩亦出公搨而鄒公

方起掌刑部乃促合法司議之議上得旨若廢放還鄉里靖忠以父年老須養不赴公車授經于鄉痛父罹禍在獄數十年備嘗人間之苦遂布衣蔬食終其身益忠後爲瑞安學訓導造士有方民間疾苦時爲有司言之卒後邑人立祠以祀敬忠于壬戌補廷試授刑部主事璫欲方熾林居不出其成進士出涿州馮銓門銓方以媚璫柄用不一與通崇禎時御史沈希詔奏敬忠泣血長安道上三年而出父于死馮銓炙手可熱敬忠視之若浼宜加殊擢詔以原官起用而敬忠以生母田氏病

鄭志補 李友傳

二十四朝叢書  
約園刊本

甚乞林奉母後再補原官出守寧國罷歸甲申後三上疏南京論時事格不報乃歸峽石之寓亭自稱崇禎遺臣從子士驢字房仲其曾祖東昌府判鳳來亦孝子也士驢中天啟丁卯舉人空雲南陽宗縣改嵩明卒于官時滇南道梗音耗不通士驢仲子隨父之官季子美恭方八歲侍母家居及滇南內訌請于母將往求父家赤貧不能具裝同里范汝植憐之挈之至粵西贈以資俾入滇道病一步一躓得至家自縣宿旅店有土人楊姓者聞呻吟聲入問知所以至告以卒于嵩明葬通海縣

南山復力疾至通海茫然不知殞所途遇關某爲士驢  
鄉閩所取士告以有舊僕居某地仲子亦流落縣中如  
其言訪之僕馳告仲子及至已不相識相抱痛哭同省  
墓南山謀歸葬而資已竭留滇爲人幕客積數載乃得  
奉父櫬以歸人稱錢氏子弟能守其家法云

全謝山玉  
塵墓表錢

氏在茲集  
及曹志

裴望亭失其諱其兄憶亭邑諸生娶陳氏生四子而沒  
長者僅十二齡餘皆稚弱陳氏之兄利其聘財日勸妹  
改適望亭持不可則以嫠婦孤子無以自活爲言時望

邱志稿 李友傳

三四明叢書  
約園刊本

亭方赤手陳氏兄知其力不能贍益相恐迫且集親隣  
共議望亭泣曰兄雖沒嫂姪衣食皆我責倘撫養有缺  
則聽別裁親隣成義之稍助以資張米肆西關外與傭  
保共春作日以其羸奉孤寡業後稍裕人或勸其議婚  
則曰吾一有妻子必不能分顧兄子卽吾子也遂終身  
不娶然避嫌薪米皆令姪就肆取給未嘗一返故居諸  
姪旣成立望亭尙居肆中及臥疾姪欲迎還正寢堅不  
許環跪泣請乃歸歸未浹旬而沒

按望亭明萬曆間人裴氏于予爲外家傳聞其事甚

孰嘗述之謝山先生謝山之母吾姑也故先生亦素知之曰舊嘗爲立傳因請錄以貽裘氏適檢原稿弗獲謝山沒每欲別作而苦不知其名質之諸中表其家向無譜牒僅載于祀簿中曰望亭處士而已然其人行事雖大儒處此無以過也豈得以其市籍中人而遺之因節錄舊聞以補謝山之闕

李訥字宗厚性孝友伯兄無子依訥以居事之惟謹及卜父塋將耐兄子右堪輿家以爲孤寡同曠不利子嗣訥曰吾知有手足何忍使兄千秋後無血食也卒耐之

鄭志稿 李文傳

三十四明叢書  
約園刊本

仍戒子孫勿替厥祀子綺能世其家孫坤元尤善詩文學者稱九隴先生

聞志

李恩先以割股療父里人上其事于有司巡撫李炳聞于朝崇禎庚午詔旌爲孝子月給廩米終其身

聞志

董德偈字天鑑父應圭舉萬曆己酉鄉試知易州值流寇侵逼德偈從一蒼頭奔候歷荒原叢骨中又值雨雹傾仆頭目皆損行弗顧抵署未幾復遣歸省墓而應圭改調鄧州甫至官卽爲寇所圍德偈又兼程而往間道踰賊營縋城得入時父以憂勞成疾驚曰吾有城守責

死乃分也汝奈何身試不測之險相持而泣父隨卒崎  
嶇兵間扶櫬歸葬崇禎丙子應秋試聞母病旱涸無舟  
徒步亟返已而母愈復徒步以往至則適當試期是科  
領鄉薦癸未試禮闈前一日從兄庚午舉人德幾病疫  
死邸舍相距十餘里德偈奔赴視含殮及抵試闈唱名  
已過告主者以情乃得入既而中副榜又捐金買舟載  
其柩回素工詩文與復社諸人往還名動一時魯王監  
國以薦授戶部主事知事不可爲辭不赴明亡憔悴行  
吟當事欲見之拒不納獨與故人相唱酬旣而相泣遂  
卒子允瑄允璘允珂允瑄字在中尤善承志兵火之餘  
家徒壁立而四方遺老過甬上者必造德偈流連累日  
夜允瑄欲借此寬其父竭蹶供具如承平時婦徐氏故  
侍御殿臣女妝資甚豐腆悉斥以備滫瀡叔父筆公跌  
蕩好客遭亂喪其所有杜門滅竈德偈每食不能下咽  
允瑄料理供饋同其有無徐氏亦能承舅姑歡嘗一日  
同里張旦復過之坐次偶語允瑄頃見江上石首魚船  
已至矣徐氏聞之卽拔釵買魚須臾具饌以半尾供客  
旦復亦素以孝稱徘徊不敢下箸允瑄問之曰吾母未

嘗新耳徐氏使人傳語曰適市二尾以一尾奉堂上半尾遺餽太夫人此其餘也且復歎息曰閩閩中乃能錫類如此允瑄從黃梨洲宗義游列講經之會尤究心陽明傳習錄梨洲稱爲講社中眉目詩文皆絕人後登國朝己酉鄉試入京名公卿皆降下之時巡平王輔臣因作平涼頌一篇蔚州魏環極擊賞不已謂宜編入國史葉訥庵方靄贈詩有都雅周容刀貴重魯瑛璠之語卒時年未四十梨洲銘其墓

聞志兼採南雷文集全謝山香齋續集

范光越字元之父患瘧經數年弗痊彈力醫禱弗效以

鄭志李友傳

三五四明叢書  
一約園刊本

董徵君固孝子也叩顙祠下籲詞哀苦且願以身代夢

徵君授以奇方服之果愈世傳董孝子神效方

聞志

董師儒字若舒爲諸生家素貧母得痼疾兄又病言師

儒竭力資生會並舍失火先負母出再扶兄以避不攜

一物貧益甚生事死喪殫誠盡營當事以孝子旌

李志

范洪震字驚百年十二失恃哀毀骨立事繼母如所生

父億得危疾求所以生父者靡不至醫言胃氣已絕無

活理不與方洪震泣且跪哀祈不已醫言惟糞辛猶可

治洪震遠嘗之果辛醫與藥旋愈由是讀古方書日候

父脈理氣色遂精其術性好義友人杜懋俊殉義陸高士字燦匿其孤于家適有疾向洪震市藥問知爲杜郎躬往療治且傾貲爲投室葬其家未葬者三喪後洪震病眾爲設醮事祈禱請代者皆其平日所拯濟之人也

順治丁酉制府以孝行奏聞建坊旌表

全謝山苑孝子傳

朱篋字又吹邑諸生九歲父病哀詞籲天稍長事母尤謹雖嚴寒夜必數起痛父柩未舉常戴一骨簪自警家事大小不措意惟日以塋域爲事經營數載乃得以禮

葬焉

聞志

鄭志稱 孝友傳

五十四明叢書

卷四十四

陸崑字華星三歲其祖授以孝經跪而承之讀書遇忠孝事輒感慨不置手錄之成帙在親側未嘗有妄言違色家素貧祖年八十餘惟崑侍食能當其意爲加一殮喪母晝夜哭無時哀動隣右館穀于外值母忌日雖霖風雨必攜母所嗜而歸未至家已嗚咽事父左右承順無少忤己亥五月海寇從穿山入郡東殺掠不可勝計崑奉父匿其親殷氏寇驟至不及避先執其父欲刃之崑前哀詞祈請願以身代父得釋崑竟遇害

李志

楊之奎字聚星幼喪父哀毀如成人母以紡績爲活念

惟力學可以娛親意每午夜一燈熒然讀書聲與機杼  
相聞聞者歎羨之母以是得安其室後以治生起家會  
仲父亦早逝遺孤又天之奪事之如母叔母安之一門  
姊妹遂俱以全節稱

志

層惟徵字隸源父本章病刲股和藥獲愈弟惟淙補諸  
生後尪瘠幾死泣曰吾祖父學統繫弟是賴如不起是  
絕吾祖父也復刲股願以身代子恆忠遇父病亦刲股  
以救于祖母亦然人以爲不墮之教

志

朱金誥字良宜母病醫禱無效老僧告以刺指血書梵

郵亭稿 孝女傳

三五 四明叢書

一約園刊本

典病異瘵父疾篤復刺臂血繪大士像父亦尋愈兵亂  
負母避葛氏破屋更深虎排闥入金誥以身蔽母虎目  
光燦然環視臥榻而出又遇盜哀告求免示以臂所刺  
痕盜亦感歎而去會恩例孝子被旌者授官金誥以母  
老力辭督學谷應泰爲給餼終其身

志

陳玉綸字爾昌出爲叔父賁虞後貧無卓錫侍養以孝  
稱兄國綸欲割昇本生產之半辭弗受授徒雍邱侯氏  
其家延二師張宴有女樂二艷甚侑觴席上旣罷各就  
寢聞戶外剝啄聲啟視卽侑觴之一也峻拒不納次日

主人入拜曰君真吾子師同座者聞之遂東裝避去後以子紫芝貴贈奉天府丞

曹志

王鴻業字千秋諸生高祖瑄以名御史出守長沙曾祖金知劍川州皆有惠政鴻業父卒未及葬停于東園隔岸火發延及殯所急從烟燄中奮臂撲滅鬚髮盡焦無復人色長兄沒兄子鬻田供喪具售者嫌其瘠即以已

田易之家無僭石處之裕如子之坪之坊別有傳

曹志

李景濂字亦周四歲喪母父繼娶于何而父又死方六歲哭踊如成人稍長家貧甚無所得食有謀奪母志者

李交傳

氏四明叢書

約園刊本

竊袖鐵錐伺其人于道擊之傷馳歸泣以告母母亦抱之哭遂誓于其父木主前相依爲活母日織紵景濂則負販于市後稍裕設小肆門前以其贏具甘旨夜則就織火讀書後補諸生母性嚴小不怡卽長跪受杖母得痼疾景濂視眠食滌廁膾凡七年如一日而母愈至八十二始卒景濂亦年六十餘獨居丙舍每風雨卽望墓哀號墓旁人聞之以爲不異孺子泣云

全謝山墓誌

董道權字巽子號缶堂諸生父司農公守諭以汐社遺老持高節喪亂之後家盡落而四方士至者咸造其門

笑談譙集必盡歡凡盃斝勺醴饈鮮粒殮皆道權心營  
手治不令父知也母陳安人生長華族不耐寒苦悉力  
供饋無異承平時後司農公得痼疾伏枕三年茶鑑藥  
裹無失節尤善承親志時故第爲營弁所奪世家子弟  
尤苦當事陵藉不得已以諸生持門戶然司農抱故國  
之痛雅不願子弟仕進故名公鉅卿無不知有董匡堂  
者多欲爲之道地而終身未嘗一踏省門曰吾父以道  
權命名意寓于此矣工詩長于言情筆墨外隱然多涕  
淚痕而秀韻天成律細詞贍無枯槁樵萃之態同時李

鄭志稱李次傳

五十四明叢書

約圖刊本

采堂稱宿老於人少可意獨推重道權不置口又預于  
南雷黃子證人之會其卒也南雷爲銘其墓

兼採全謝山音舊續

集

已蜚鴻字賓來天性純篤母陳氏疾刲股以進夜深則  
禮北斗願以身代情詞哀惻或問君本諸生亦篤信道  
家說乎答以但求能愈親疾有一可叩不敢不盡吾誠  
否則周公聖人胡亦云以旦代某之身也後母疾果瘥

公府累旌其門

曹志

萬承勳字開遠號西郭管村先生之子初管村在明史

館楊武陵之孫挾重賄至京賂一當軸求于督師傅少  
寬假當軸以屬管村管村方分任崇禎長編正色拒之  
及出宰五河縣當軸恨之未已命大吏文致其罪論死  
是時陝西方鬪贖例承勳欲救父而家素貧乃告急于  
諸父友狂走數千里號泣請貸諸父友憐之各指貲以  
贈得赴陝以贖論陝中胥吏欺之匿其三千金未上承  
勳方奉父還里門而陝撫移咨浙省捕承勳追所未上  
金承勳無以爲計將自承匿金罪幸代父死其友陳坊  
奮然挾之行望門求援崑山徐尙書素重管村爲代輸

鄭志稿 李友傳

三十四明續書

續圖刊本

其半諸父友聞承勳急復醵金輸其半乃得釋歸既歸  
而故業蕩然則授徒以養念父母老且病己又以素食  
出每遙望親舍輒涕泣一日行村中見有翁嫗坐樹下  
婦子環繞哺兒感之忽長號村中人駭焉素工詩母憂  
其致病微有戚容卽痛自刻責爲廢吟者數載父母繼  
逝見父遺書必哭母所種樹植花時必哭雍正元年有  
賢良方正之舉時里中士友皆推承勳有司亦素聞其  
名應舉入京授直隸磁州牧以慈惠稱或不得已而用  
刑每對之流涕泣事三年大吏奏爲卓異廷見將用之

方面固辭乃回任值河隄潰水浸淫及城下日登城督民操畚鍤從事竟以勞瘁感疾暴卒所著曰冰雪集曰苦吟最後曰勉力集

按西郭與慈谿鄧南溪最厚及應賢良北上南溪以名不易副勸弗就西郭曰固知冒濫特吾父詩文未行世或假官俸爲開雕南溪以止之不從憾焉西郭卒南溪爲哀詞頗相詆誚全謝山誌墓間採南溪之言然里中至今猶稱萬孝子讀其詩抱鮮民之痛者十之三四查初白編修嘗題其集後云翻瀾血淚隨

鄧志稿 孝友傳

三四明叢書

續園刊本

聲出徹骨冰霜鍊句來則未可以一人之私掩之也  
今據所知者別爲傳

厲顯祖字肇禎號果堂國學生少就傳授小學卽爲同塾兒講說小學中附記諸孝養事及長館鹽場俞氏一日大風雨平地水數尺薄暮或以其父病告亟歸時墨雲四垂白波千頃屢蹴屢起五鼓竟抵家父沒哀毀盡禮甲子赴北關歸至越城夢人貽以二棗忽心動曰棗得非棘人之謂乎二棗謂我兄弟二人也立棄舟徒步馳數百里比歸而母沒已三日一慟頓絕顧猶得親舍

殮自後凡見服物器用爲親所遺者必流涕或廣眾中  
方歡笑偶感觸卽向隅掩泣與弟最友愛一日論隣里  
公事不合微反唇中夜自責曰吾同氣僅二人乃以小  
忿失歡忘天顯之誼尙可以爲人子乎坐達旦趨叩弟  
門揖謝過弟跪止之遂相持大慟家人無不哽涕外父  
母病疫隣族皆避匿獨往爲料理醫藥夜侍床下四壁  
無人聲一燈黯然病者喃喃作鬼語兀坐不爲動外父  
母竟愈而已亦無恙平生好周人急不責報嘗失盜家  
人請告捕曰彼迫于飢寒耳一被獲卽終身不得齒于

鄧志稿 李友傳

三四明徵書  
約圖刊本

鄉姑置之次日侵晨起見牆陰物累累皆所失者蓋盜  
感其言而擲還之也因語家人曰無良如盜賊尙可以  
善言化則凡以橫逆相加者皆我自以召侮也故終  
身未嘗涉訟觀察孫公詔特書醇德二字旌其門年八  
十三卒子世儀登癸卯鄉書次世仁舉右科因贈武德

將軍

王檢討喬林  
所作行狀

羅岳字友山一字品山其父綱文以寫真擅名岳亦工  
其技尤善墨竹康熙三十八年己卯浙東大饑而紹郡  
尤甚販舟相屬米日昂里民因私約禁出境巡道某謂

有無宜相濟檄別駕運米饋之夜泊西城橋民以爲商舟也聚眾截留沈其舟于河別駕跳而免愬之上官上官欲罪之而未得其主名謬爲溫言慰藉里人以綱文老投牒列其名于首遂按名捕繫凡數十人綱文將就逮岳白于官請代父庭訊得實爲首者置重辟而戍數十人于邊岳得鐵嶺衛時尹盛京者爲廖公蓮山知其以代父至優禮之由是得周覽山川嘗騎白驃衝雪至蓋州遇獵者招飲卽相與踞地炙鮮拔佩刀割啖眾驚顧以爲何處得此南蠻子耶詢知始末因其傳客焉後

鄭志禧傳

三十四明叢書

約圖刊本

遇赦歸年已五十餘而綱文尙在盡色養復數年每爲人畫竹必題詩其上率意直書其佳者亦時近宋人年

七十六卒

節錄汪孝廉國羅孝子傳

包幹鄭字惠人八歲喪父見母哭輒牽衣慰之慰之不得遂偕之長號母爲之節哀及長奉事性謹母嗜魚日侵晨起候于江滸見漁舟擇其大者攜歸佐餐後漁人習之得巨鱗曰此包母饌也母患頭暈臥床久肌潰生蛆千方治療不痊乃刺指血寫疏籲天求以身代母恍惚中若有授以藥者頓愈長兄早沒嫂姪苦食貧母憐

之幹鄭有市屋一區歲得賃租若干緡推以奉嫂後其  
姪遠出嫂獨居更迎養于家姪返而嫂始歸其故居所  
推賃租竟終嫂之世母沒營葬畢卽築廬墓旁不入內  
室屬有疾其子將迎歸叱之曰吾不得終依母此間去  
墓不遠朝夕望見猶彷彿寢門且爾獨不可侍疾于此而  
欲我歸乎其子卽墓廬中爲延醫稍愈扶杖至墓所告  
無恙三年畢痛哭拜辭而返值忌日涕泣如初喪乾隆  
三十七年有司以孝行上聞詔旌其門

采邵邑  
申文

鄧志稿

孝友傳

三四明倫叢書

約園刊本

鄞志稿卷十八

清甬上蔣學鏞聲始撰

特行傳

後漢書始立獨行傳大抵皆一節之士而其風概已足千古後代之史或散見他傳不復專立門例諸地志亦然四明舊乘惟李守廷機創立特行而曹志因之觀其所記止李歆陳應麟事彷彿東京人物其餘則好行其德爲多然世界齷齪所見盡傾身障籠之徒而能以任卹著是亦不獨之獨也因據其所述兼取近人義烈事以續之用見吾鄉士習未嘗不足追配古人廉頑立懦于是乎在作特行傳

鄞志稿 特行傳

一四明叢書

約圖刊本

王修句章人仕順帝爲揚州從事軍變殺歷陽太守伊耀修誓眾奔入城取耀尸葬之人服其義

會稽典錄

按漢地里志以鄞鄭句章分列爲三句章故城在城山渡其建于小溪鎮者乃晉末所改築故舊志專以句章隸慈谿而以修爲慈谿人然漢之鄞係今奉化縣地鄞則在賀山之東凡今鄞之西境與慈谿接壤者皆古句章所統屬安見修之必非鄞人也因據典

錄採入之

林暉字公著以孝謹稱性好施大觀間陳忠肅公瓌謫居於鄞暉獨厚之後徙他所仍遣使問遺不絕建炎中州燬於兵暉未暇葺居舍首捐數十萬繕葺學宮且較田半頃爲養士費太守吳懋嘗舉其事以諷示郡人仕至韶州司戶

延祐志

李猷字嘉仲一字獻夫建炎初以婦翁沒王事當得蔭詣南都行在遇友人陳東從容謂猷曰東被召未有館舍子爲我圖之猷曰太僕寺丞陳正彙嘗相邀

正彙了翁子

鄞志編 特行傳

二四明叢書 約圖刊本

試同謁之既見東遂館焉東再上書論黃潛善不報詔揭榜通衢斥附會李綱者猷知爲東發也錄示東且勉其歸東曰以召來不敢私還未幾正彙之子大方倉皇過猷曰少陽已赴應天府矣猷曰是其不免乎及暮乃知東已棄市猷哭于館所爲位祭且祈曰少陽以忠諫死勁節英氣當不與草木同腐吾欲收少陽歸葬先塋恨無由知之少陽有靈其啟我心次日得其尸又次日得其元面如生合而斂之欲買舟東下會其鄉人胡中行從太學來欲求護柩猷服其義併付以行李猷亦不

暇詢婦翁事遂歸後仕至肇慶府節推

王深寧文集

陳之翰字憲之父翊仕至殿中丞之翰少有志操治經求其大旨爲文不蹈襲陳語三上禮部不第絕意進取居家以孝友稱有鄉人貸金未償適遇之于汴其人給曰本攜金來誤墜水之翰不之疑後數年其人內愧病且死遣其子謝過且償所貸受而不拒徐以助其喪崇寧三年詔舉遺逸部使者薦于朝命官之未任卒

陳了翁墓誌

袁昇初爲縣小吏有大獄命昇卽其家搜檢得僞署姓

鄧志稱 特行傳

二四明叢書 約園刊本

名一千餘人不以送官立焚焉夫婦年近五十無子其妻資遣之臨安買妾旣得妾察之有憂色且以麻束髮外飾彩縷問之泣曰妾故趙知府女也家四川父沒家貧故鬻妾爲歸葬計耳昇卽時送還其母曰計君聘財猶未足給歸費且用破矣將何以償昇曰小吏不足辱娘子聘財盡以相奉又罄橐中貨贈之遂獨歸妻問妾何在告以故且曰無子命也如有子若豈不能育妻亦喜曰君設心如此行有子矣明年果生韶至參知政事

封越公

延祐志

趙樽字立之吏部侍郎粹中之子六歲而孤事所生母盡孝以父恩補永豐簿改南康戶曹每恨祿不及親期至皆不赴遇恩典不願循轉篤志好學文章自成一家嘗隱茅山郡守胡架雅敬之合郡人之詞乞旌擢以勵風俗有旨循轉一資竟不受

寶慶志

陳應麟字天騏淹貫經史至曆數之學無不究其指歸時號通儒一日乘馬出有失馬者亟走前認馬應麟問曰子亡馬幾時對曰逾月矣應麟有馬已數年遂與之其人挽轡而去明日馬從他得乃詣應麟叩頭歷下講過

鄧志稿 特行傳

四 四明叢書

約園刊本

笑遣之至元初以賢良召謂使者曰吾祖宗世爲宋臣子孫不忍食他姓祿固辭不起賜號純德先生

延祐志

陸天祐失其字偶儻好義慕濂洛之學欲建義塾以教鄉里之子弟未就遺命其子居敬思誠俾卒爲之二子乃構學舍一區於東湖之里王本齋名之曰東湖書院割田一十六畝有奇以爲祠祀廩餼之費擇鄉先正自陳文介而下凡十六人設木主歲時釋奠焉

成化志

倪天淵字震亨性尙儉一冠十年不易人有丐貸則施予無吝色值大疫手治善藥以施貧乏江南歲漕白粲

由海道達京畿天淵占籍漕役躬自督運有舟十艘操舟之卒千人咸束以紀律他舟或滲漏米腐不可餉卽以餘貲代償積四十餘年中臺御史饗因不花按行海道嘉其殫力且高年篤行以狀聞于朝詔旌其門

延祐志

應本仁字本立曾祖伯謙爲宋觀察使由伯謙而上逮衛國公繇歷世顯于宋本仁以家世爲宋臣隱居城南不仕博學工文慕范文正義田之制割其產之半凡五百餘畝收其歲入建義莊五十餘間貯之酌定條約用以濟貧乏與婚嫁喪葬之不能舉者又卽其中設義塾

鄧志稿 特行傳

五四四明叢書

約園刊本

延名師訓族黨子弟翰林學士黃潛爲記其事于石

嘉靖志

李元亨初父浩取易卦彖詞命名旣冠人欲以字配之元亨曰吾父取義常懼弗克尙奚字爲終身卽名爲字邑濱海夏秋之交暑溽濕蒸人病疴及痢相繼元亨按祕方購善藥製爲丸施人服者輒效有饋遺力卻之置田慈谿之羅江佃者于常租外倍輸若干石元亨曰汝

誤矣按籍取所當得餘悉還之佃者驚感泣謝

榮陽外史

陳與延名延以字行記覽該博尤熟于春秋家素饒悉

散於親舊之貧者僅存周廬田數十畝朝耕暮讀後至  
匱乏弗悔洪武二十七年薦授本邑訓導士子服其行  
誼咸傾向之

成化志

楊芮字大章操履醇正衣食僅自給有餘則分賑貧乏  
途行見遺鏹兼有質券候立良久其人徬徨而前覈實  
歸之

聞志

衛清字順安少有至性五歲而孤號慟不食者五日鞠  
于季父及長事之如所生有偷兒入室被執乃其比隣  
與以金縱使去有積負者欲鬻兒以償爲焚前券更貸

鄞志稿 特行傳

六一四明叢書

繪圖刊本

之使其治生素工詩好遊名勝自號山水間人

聞志

何瞻失其字正統間與邑胡純遊國學純病疫鄉里姻  
舊避之無一人問者瞻爲視藥餌饘粥越七日病如故  
瞻憂之解衣與並枕抱臥得汗而愈瞻亦無恙後瞻仕  
至刑部主事純亦至工部主事

李志

陸儻字文亨號簡菴其叔垓病革子儻尙幼呼儻謂之  
曰使弱子不廢學者汝也儻任家政銖金尺帛不入私  
室而延師課儻惟謹卒成進士家有貓共乳之異李西  
涯爲作歌記其事好施予貧者稱貸如所欲與之券亦

不卻旋卽亡之豪猾見知其善亡亦持空券來請卽貸之而不記其券餘姚孫忠烈公燧死宸濠之難歸葬其鄉旣卜地而地主索值昂甚其子謀之僮僮嘆曰孫公以不貲之軀爲國死節區區何足計立與數百緡後以助賑功授宣教郎

聞志

張懋字汝誠行義篤至有佃田者閱其窮匱歲貸所輸租後并其田畀之隣人盜其困粟事露有告者懋指他困示之曰吾粟未嘗失也子時敏亦長厚視臧獲童穉常若有傷有貿易察人顏色必饜足乃已卽見給於人

鄞志稿 特行傳

七

西明叢書 約園刊本

弗較後以子邦奇貴與懋俱贈吏部侍郎

曹志

戴櫨字育之鞏昌太守浩之子以貢授興化訓導陸連城教諭卽自免歸出入閭巷必徒步對客必自稱名家被竊其僕邏得之遽令縱遣且以所竊物令攜去盜惶恐謝不敢曰吾知汝貧何辭爲且不汝洩也其寬恕類如此

嘉靖志

張忭字汝懷平生與族黨處無少長貴賤一接以禮僕從有過不加譴責或晏起但往來沓沓行戶外僕輩識之曰此主人履聲也亟啟戶終無一言嘗舟行過市有

童子市絹誤溢其一命止舟以待薄暮其人果來舉所  
溢還之頓首而去後其子時徹爲南大司馬贈如其官

嘉靖志

蔣洲字宗信諸生涉獵經史常慨然有萬里之志嘉靖  
中欽人王直糾眾盤踞薩摩洲之松浦稱徵王引日本  
倭入寇東南數千里皆受其害詔能擒直者予萬金封  
伯爵都督萬表知洲薦之總制胡宗憲題授提舉俾往  
招直以陳可願爲副發帑金三百齎藩司咨文往乙卯  
九月開洋七日抵五島島人疑之會一僧能通譯達中

鄞志稿 特行傳

八四明樓書

約圖刊本

國宣諭意島酋始受命乃使人招王直直至殊倨傲洲  
諭之曰君卽不念祖宗墳墓獨不爲老母妻子計乎朝  
廷方急東顧誠能以此時歸款可保富貴不然倭情貪  
狡國家縑帛無限懸重賞購汝首悔復何及直感動與  
偕返松浦日本國以天文王爲主然號令不出國門各  
島自相雄長豐口山後二島又諸島之最雄者直與洲  
同宣諭次年四月至豐口詰以從前作過島主稽首稱  
臣因令其檢飭島人毋剽掠五閱月始至山後島主虔  
奉如豐口送還被掠指揮袁進及葉二等二十四人馳

啟天文王十二月天文王下教所部徧行禁約方洲未  
至日本時直之黨徐海勾眾入寇以數萬人圍桐鄉甚  
急洲聞之遣陳可願與王直義子毛烈先歸諭海降  
而其下自相疑貳爲官兵所殲丁巳四月洲與直發松  
浦直舟爲颶風飄墮朝鮮七月洲與貢使德陽先入當  
事疑其在海外三年橐中裝必厚從之索賂不應巡道  
王恂籍其舟止兵餉四百書數卷巡按周斯順以王直  
不至劾洲下獄九月直叩定海關願見蔣洲洲方在獄  
中乃以千戶夏正質其舟直乃詣軍門請罪且言與洲  
出百死宣諭朝旨自此海患可弭宗憲以好言慰之將  
爲之具奏而朝議大譁給事中徐浦復劾宗憲陰縱蔣  
洲勾引東倭宗憲懼乃盡易其爲直請貸之疏謂以誘  
直爲祕計直罪在不赦又疏云蔣洲宣諭日本已歷三  
年止及豐口山後豐口雖進方物而無印信勘合山後  
有金印回文而無國王名是洲不諳國體計其擒直合  
應功罪相準詔誅王直而直子王澈毛烈遂殺夏正據  
舟山征之踰年始去洲出獄茫然自傷唐順之趙貞吉  
各爲訟冤皆報罷是時司馬譚綸在薊招令參其軍事

謝曰洲本書生萬里航海惟欲爲國家樹尺寸之效乃  
功成謗興屈捐命之功比贖罪之例洲復何望哉公休  
矣綸爲嘆息久之洲子有德爲諸生有聲以貢授大田  
訓導邑令段某爲田副使毒死段子訟於朝引有德爲  
證副使重賂求解有德卻不受卒直其事遂投牒歸士  
大夫咸重其行誼曾孫宏憲字萬彙從南雷講學亦能

詩

曹志參用黃  
南雷所作傳

楊允恭名欽鄞之布衣也先是西鄉廣德湖旣廢募民  
墾官田輸賦如佃戶例後許墾田者斥賣田爲民業而

鄞志稿 特行傳

十四明叢書

約園刊本

賦重如故然猶止納租不令值他役正德初差發日繁  
租調交困湖田之民逃亡者相繼允恭走京師叩闕具  
陳民困請援慈谿花嶼湖例用全折不賦米而輸銀朝  
議允其奏參政馬某糧儲董某復牽制不行允恭三上  
書爭之瀕死者數終不爲止命下所司勘覆郡守林富  
力爲之主竟得改折其後鄉人爲立崇德祠祀之闕志  
杜常字守經初爲奉化功曹同曹椽有病疫者爲視湯  
藥或竟夕不還其人有妾在每往必與其僕偕明燭達  
旦移役蘭溪道拾遺金跡其人還之蘭溪章懋以是相

器重與定交後授廣西龍江驛丞有以毒藤自殺者誣其怨家郡守實其事獄具當死憲司檄常使覆訊竟出之郡守惡其反已成案笞焉常曰辨冤而死可矣笞何憾耶征蠻事起檄之督兵以疾卒于邸舍李滄溟攀龍爲作杜長公傳云以驛吏而不難違郡太守之判牘以憲司而不難以殺人大獄屬之驛吏今亡矣夫今亡矣

夫

聞志

董銳給事鑿弟也家素封好行其德嘗遇歲飢出粟煮糜活數千人國賦不給郡守詣銳貸卽捐二千金代貧

鄧志稿 特行傳

十一四明叢書

約園刊本

民之逋守上之朝賜七品散官一夕有五十人叩門將行劫銳飲之酒人子五十金語之曰人生宜自愛吾豈不能致若等於法乎皆俯首謝去越五載諸人各攜金如前數踵銳門曰日賴君惠經營孳息皆成家計今以奉還所不至者數人耳一時傳爲異事歲暮至西陵得遺金於旅舍留待之踰年有號慟而來者曰吾父奉主人令以百金餉某偶以夜渡忘之今拷掠備至吾豈望金之存將碎首于此以白父冤銳曰吾爲若留久矣速歸拯爾父舉所拾授之見者皆駭嘆城西艱徒涉捐貲

造望京橋至今賴之焉

曹志

周萃號水心常晨入郡城於城闔拾金一囊中有賦牒知爲里正所遺遍跡之至酒樓里正猶不知也示以囊乃泣謝兄弟三人友愛無間約同墳而葬後卒如之

曹志

陸大漳號湛泉少時館于平湖一夕忽聞叩門聲啟視則一豔婦亟閉門卻之挑燈危坐達曙出館門少頃皇遽束裝向主人言適得家中急耗須速歸遂辭之而去次年復館穀他郡至西興舟中有白金二鎰視封識知爲同里范某物遽返棹訪其人月餘始值之某自言積

鄞志稿 特行錄

十二四明叢書

約園刊本

兩載授徒所入將以葬其親者請分其半不受再抵館已二月秒主人別延一師矣徒手歸人莫不笑之大漳不以爲悔後子世科貴贈太僕寺少卿

閩志

邵仲陟字子猷赴秋試逆旅有治裝而挑之者仲陟拒不納詰且託以他故還寓是科預薦順治十二年成進士授溫州教授兵燹之後士多貧不能輸賦有司欲治如律士陟力爭之且傾俸爲代輸乃止秩滿陞國子監

學正量移督漕司務

曹志

紀五昌字衷文號九峯諸生好交遊國變後四方失職

者多以爲誦同邑之士遭時多故往往以睚眦被難五  
昌極力拯之不得則卹其家一日家人忽不見五昌遣  
人遍跡之不知所往逾月歸問安適曰錢閣部葬黃檗  
山吾昔在其幕府偶念及逕往閩中效西臺一哭耳張  
忠烈被執至省其甥朱相玉貧不能從爲資其襦被且  
以買首之資付之相玉卒與萬斯年輩葬之南屏年六  
十二卒黃南雷銘其墓

宋梁洲墓志  
及續香齋集

全美章字未千明侍郎元立之後張忠烈少時頗縱誕  
呼盧窮日夜斥其產以償博負父刑部主事圭章怒而

節志稿 特行傳

十三 四明叢書  
約園刊本

逐之忠烈日徙倚門外不得近美章家亦貧盡賣所有  
得三百金爲復其田刑部乃已及忠烈殉節無後垂沒  
索筆書曰吾嘗欲爲蒼水延一綫而其子先期已被錄

吾後人當世世爲修祀再四呼家人囑之乃瞑

全氏  
世譜

范汝植字木公少參鈐之孫丙戌後隱居不仕工詩錢  
士驥爲陽宗令卒於滇南時道路艱阻家人不知的耗  
及滇南內附其子美恭欲訪之貧甚不能具萬里裝汝  
植已七十餘謂之曰老子不能入滇尙可至粵當挈子  
以行遂與偕至廣西復資給之遣訪父所在後美恭得

歸其父骨收植力也其好義如此

錢氏家乘

周志嘉字殷靖一字蒿菴明江都令志畏從弟年十六華檢討夏見其文奇之後節愍下省獄志嘉往探每隔三日必入獄具橐餽家人挽之歸且曰華公子君非有不可解之誼今捕其同事者甚急獨不畏連染乎志嘉曰公子我爲知己方在難願終事之節愍旣正命取其獄中所贈詩張于壁人有勸其藏奔者拒不聽晚年困甚有別業在光溪將定居焉溪上有楊氏知志嘉工詩其二子亦粗解音律設醴甚恭志嘉謂人曰此中勝地

劉志稿 特行傳

十四 四明叢書

約園刊本

老我于此不厭所不可者多一楊氏耳因徙去卒以窮死

續者舊集兼采周證山贈序及方伊菴過溪上懷殷靖詩注

陳坊字卜年爲人慷慨好古俠烈事萬管村在明史館以直筆忤諸要人後知五河縣史館恨之未已屬大吏文致其罪論死時陝西方開贖例管村子承勦貸之父友有力者以贖論承勦年少陝中胥吏欺之匿其金三千未上陝撫移咨浙省并捕承勦里中姻舊俱無所爲計坊奮然曰達道有五而君臣父子居其二今管村有君臣之厄承勦有父子之厄徒以無朋友使大倫且俱

滅吾當偕之行然坊時貧甚麻鞋布襪卽日束裝挾承勳去又遇盜盡喪其裝沿途告貸於所知者得至陝承勳被羈留坊獨入京告急于管村之季父石園爲作書達故人諸故人多坊之義復助之得金三千卒事而歸坊在途中承勳少不謹卽流涕而扑之曰汝父方在難汝忘之耶然所以護其寒暑饑渴者不啻如嬰兒大理卿陳莘學素不識坊時方宰漳浦其從弟南臯爲述其事嘆曰今世乃有此人乎邀至署與定交厚禮焉南臯名汝登字山學與承勳素善坊旣偕承勳行兩家婦

鄞志稿 特行傳

十五 四明叢書

約園刊本

子無所得食繼金繼庾竭家所有以濟之亦篤於友誼

者

采萬西郭集及全謝山所作陳卜年哀詞

鄞志稿卷十九

清甬上蔣學鏞聲始撰

隱逸傳

隱逸之來尚矣然有志於隱而隱者有迫於不得不隱而隱者前人皆班史謂梅福蔣詡向長禽慶之流遭逢變故有託而逃不當但以隱逸相目然使竟置之龔勝逢萌之列又似屬不倫獨怪宋史於臯羽所南輩一切不錄元史隱逸傳僅僅杜瑛張特立等五六人而楊鐵崖戴九靈丁海巢未有預焉大抵謂其卒於改步以後

鄞志稿 隱逸傳

一四明叢書

約園刊本

遂兩無所屬其傳者或入於異代文苑傳中非其志也今於山林高尚諸人外凡託於蜚遜以全其節者並仍班史之目目之昔賢有知或尙謂不失本色也夫作隱逸傳

黃公四皓之一與東園公綺里季夏角里先生避秦亂隱於商山漢高祖末年欲廢太子立趙王如意太子用張良策卑詞安車迎此四人客建成侯家一日從太子入侍帝燕四人鬚眉皓白衣冠甚偉帝怪問之四人前言姓名帝大驚曰吾求公數載公等避逃我今何自從

吾兒遊乎對曰陛下輕賢善罵臣等義不辱今聞太子仁孝恭敬愛士天下莫不延頸願爲太子死故臣等來帝曰煩公卒調護太子四人前爲壽卽起趨出帝顧謂戚夫人曰我欲廢之四人者爲之輔羽翼成矣太子得不廢

節錄漢書

王深寧謂王賁傳序四皓名字當讀爲綺里季夏不當讀爲夏黃公虞翻會稽典錄云鄆大里黃公潔己暴秦之世漢高卽祚不能一致惠帝恭讓出則濟難晉書夏統傳言會稽風俗其人循循猶有黃公之高

鄆志稿 隱說傳

一一四期 叢書 約園刊本

節王元之詩未必頸如樗里子也應頭似夏黃公畢文簡公議之引逸少有尙想黃綺帖陶靖節詩黃綺之商山杜詩黃綺終辭漢是黃公不當稱夏黃公之證袁正獻之父逸叟作喪牖閒評言鄆之黃姑林乃黃公林之訛李墓山文獻志謂東園公史稱園公則無怪黃公之爲夏黃公但舊志俱載黃公卒葬鄆之大隱山世稱黃墓并不待徵諸陶杜詩句獨宋潛谿據陳留志以夏黃爲地名其人姓崔名廣字季通此又本于皇甫謐高士傳然顏師古已有僞撰姓名不

經之譏矣張司馬作嘉靖志又別以爲東海赤刀厭  
虎之黃公聞志辨之謂屬吳萊之臆說無論赤刀厭  
虎事西京雜記所言不足信且漢之東海乃登萊非  
四明也按諸家辨證已極詳晰惟溫公通鑑載四皓  
事專取說建成侯止太子將兵數語而以其餘見于  
史記者爲誣竊謂太史公去漢初未遠雖惠帝之立  
未必盡四皓力不可竟謂之子虛烏有也隱逸傳又  
謂太子將寵四人以三公之任皆不受而去似可據  
以其史漢所不載故亦略之

史詔字升之父簡爲郡從事奉母至孝公事之暇卽具  
甘旨遊十洲問郡守怒其不告排辱之抑悞而死母葉  
氏以遺腹生詔嘗與豐清敏俱受業城南樓先生郁遇  
大比輒引避每曰無母氏之節已無史氏矣誓終身母  
子不相離日與其妻奉養靡弗至或曰取薦所以榮母  
也答曰朝廷設科思得其用敢竊爲己榮耶況自爽初  
志忘親欺君君子所不爲居鄉里民有爭訟就詔求直  
不復詣有司大觀二年有孝友睦姻任卹中和八行兼  
修之舉郡縣以詔應命遂奉母避居邑東大田山守令

迹所在迫使就道堅辭不起人稱爲八行先生後以孫  
浩貴贈太師越國公父簡亦追贈翼國公

寶慶志

按八行五子其一曰才仕至參知政事係忠定之從  
父宋史及新舊志皆不之載秦檜傳則言檜當國時  
執政二十八人皆拱默充位者又言多自言官聽檜  
旨彈擊卽以政府報之洪文敏亦曰檜見人能助我  
自小官不二三年至執政如史才施鉅鄭仲熊宋樸  
尤捷而史氏家傳言參政初爲御史檢法官劾吏部  
尙書林大鼎進諫議大夫再劾簽書樞密院事宋樸

鄧志稽隱傳

四四明叢書

約園刊本

遂代其位兼權參知政事明年爲御史中丞魏師遜  
所糾罷官據朱子語錄林大鼎當秦檜被黜時對策  
盛稱其乞立趙後之功及檜再相遂不次擢用尋以  
講筵獨邀玉帶之賜爲檜所忌則彈擊必出自檜意  
與史傳合獨宋會要稱其爲諫議時疏言太湖關浙  
西水利多爲軍士侵踞長隄彌望旱則民田不得分  
灌溉之澤潦則水無從入湖而民田盡沒請盡復舊  
迹從之今載入宋史河渠志中參政之可錄者獨此  
一節而已其人旣不應立傳姑附於八行之後

王茂剛居林村在巖壑深處刻意讀書足跡不妄出遂於周易沈深通判州事嘗訪之稱其見趣絕出於傳註之外氣象嚴重窺其所得蓋進而未已也

洪容齋  
隨筆

鄭若冲字季真父覃母董氏並死金人之難若冲幼育于伯父章勤學勵行與汪大猷陳居仁樓鑰相善後三人貴顯未嘗一造其門自置書塾聚書千卷雖卧病披覽不輟平居謹飭盛暑未嘗去衣嘗夢入一深隄金碧排空景趣勝絕見其金字額曰常充達菴旁署某真人書後營壽藏東錢湖山中其地宛如夢境因名其溪曰

鄭志稿

五

四朝續書  
約圖刊本

夢溪且以自號賦詩紀事後子清之柄國理宗詢其家世對及夢事命以紀夢詩進覽遂御書常充達菴以賜乃飾金額懸於墅累贈太師魯國公

延祐  
志

高文友字仲章號寓齋其先汴人武烈王瓊之後建炎間子孫隨駕南渡卜居于鄞文友性端謹學問該博初爲泰州如臯尉親沒築室于湖山墓左遂絕意仕進客或謂之嘆曰祿以養親親亡矣何以仕爲屢薦不起

成化

志

錢頊字深雲奉國節度使億之後子孫遂家於鄞世居

東錢湖中讀書尙節概晚年別構一室植松竹以自娛  
日與高文友抗論經史後人因名其地曰高錢

成化志

安昭祖字光遠性端靜衣或數歲一澣緝書已熟若手  
未觸者初欲以文發身久之嘆曰科舉之不效命也遂  
一意於理義性命之學築圃舍後中通一徑自號通村  
老子好爲古文尤工於詩平淡敷腴不爲艱深之詞每  
曰工夫到處卻無奇魏文節公退處碧溪山中坐客惟  
張武子及昭祖同時詞家鄭黃中龔養正薛清卿輩相  
與爲唱酬之侶應良弼里中宿儒尤與之厚旣沒樓攻

鄭志稱樓隱傳

六四明叢書

約園刊本

魏銘其墓

樓宣  
猷集

袁質字文甫少聰敏讀書數過卽成誦甫踰壯歲卽厭  
棄舉子業而學益勤一書精熟始更他書几案間未嘗  
有二書家有圖數畝稍植花竹喜古圖畫器玩環列左  
右後以爲累心悉屏之圃亦第不治獨好書彌篤自經  
史子集下至稗官小說無弗記覽雜著一編曰甕牖閒  
評凡制度沿革事物原本傳記訛舛風俗變遷先世模  
範與古今之善可法惡可戒者咸在又好觀歷朝故實  
掇拾其小者爲名賢碎事凡三十卷榜所居小齋曰卧

雪自號逸叟年七十二卒長子覺鄉貢進士亦篤學方  
病間父沒悲痛不勝遽殂次子燮別有傳

集

劉準號南窗先世由餘姚遷鄆之甬東準幼好學及長  
值宋事日非隱居教授絕意仕進以所居負郭非栖隱  
地乃卜築青山之原依先壟家焉日以讀書爲事學者  
稱南窗先生子汝舟確守父訓平居無戲言恂容士大  
夫多以避地來依一時林下衣冠稱盛

閩志

樓修宣獻公族孫精曆法言宋司天曆氣朔盈虛多誤  
章法不可用人未之信後授時曆頒其言始驗屏居四

海志

七  
四明叢書

約園刊本

十年日布算不輟疑多財者竟以窮死

袁清容師友淵源錄

史芳卿果齋先生之弟博學工文以蔭授司戶參軍宋  
亡元人改授官不赴閉門著書不見一客從弟世卿損  
之之子亦抗節不仕是時故家多被陵籍夷然安之竟  
樵悴以卒

鄭干之文獻集

王昌世字昭甫深寧尙書之子幼端粹以恩補承務郎  
遭國變其父杜門不出日取經史諸書辨論凡名理異  
同典禮因革殊聞異見口授筆錄因得悉究其學尤精  
易菴性孝友醇厚母舒碩人卧病十載粥藥皆親治姊

貧挾幼稚相依者二十年歲飢斗米千錢日給疏屬猶  
數口後避地白鶴山之陰取漢魏至唐宋名人詩遍糊  
屋壁名曰詩巢當路以尙書名重宜錄其嗣薦章屢上  
皆力辭晚號靜學居士有靜學集十卷

采黃文憲公所  
作墓志及鄭千

之四明  
文獻集

樓德源字伯淵宣獻公之後自以爲宋世臣入元遂隱  
居不仕卽家開義塾躬迪後進平生言行端謹學問深  
邃屢空不給宴如也人以爲有城南先生之風

史蓮  
感集

鄭昌世字以文父芳叔以學行著昌世克紹其傳長身

鄭志稿  
隱逸傳

八四明叢書  
約園刊本

廣頴美風度尙氣節不慕榮進隱居教授終其身

間志

謝暉字彥寶武康胡長孺以德學淑後進往受業其門  
或勸習舉子業笑曰學以博通古今資文行耳仕豈所  
急哉比家居藩帥郡守詣門請交一無所接足跡未嘗  
入城府爲詩文簡淡雋永作字亦有法人得其尺牘片  
楮以爲珍卒年六十有六

間志

高夢說字景傅號於山文友之曾孫也風儀閒雅嗜讀  
書於世味一切無所營心獨好行鬪卹至解衣推食不  
吝浙帥王本齋招致鄉校以式後進不赴年七十二卒

閩志

方全翁字希元軫之後方國珍據有明州致書以宗人稱欲強起之全翁歷敘世次從莆來不敢附籍且勸之歸明國珍不從遂與之絕號逸菴以明志居鄉以齒德

稱成化志

胡敦字仲厚幼不好弄及長潛心經史與後進講說懇懇不倦晨夕衣冠如對大賓雖童稚必束帶見之旁精醫卜之書尤好寫山水人物頗自祕惜非其人雖投以重幣弗屑也人以是高之聞志

鄭志稿 隱逸傳

九四明叢書

約園刊本

陳觀字孟頤號我生丰儀俊爽襟次灑落望之如神仙中人嘗歷遊江湖後歸隱於家郡大夫屢辟不起永樂間以能書徵寫五經四書性理大全書成敕銓用以老疾辭徜徉里社間以終聞志

王毓字用賢貌清癯嘗慕林和靖爲人植梅庭下雖凝陰沍寒焚香默坐相對不去時復摹寫筆墨瘦勁饒有生趣善賦詩尤精隸書時稱三絕自號香雪坡老人先遊錢塘無識之者偶題吳山廟壁云行盡錢唐數十家無人爲我煮新茶一襟清思難消遣嘔出胸中萬斛花

由是人競邀之拂衣而去

問志

毛倫字有倫世居烏巖明初徙郡西置田築室自號半村洪武二十七年應詔入京授工部都水員外郎因母老乞歸絕意仕進日與鄉里耆舊觴咏爲樂人有乞其詩文者不署銜惟稱半村居士而已子宏別有傳

問志

紀宗德以博洽稱教授鄉里嘗徵至京師陞對稱旨欲授以職固辭所居東偏闢一小齋雜植花木養親之暇卽焚香燕坐謝絕塵事永樂中嘗聘修郡志惜其書未

刊今失傳

曹志

鄧志稿 隱隱傳

十四明轍者

約園刊本

周禮字吾學別號曠菴天性剛介感時憤事每寓於詩文下筆輒成如不經思而詞旨粲然可誦晚年講授日

湖之上學者多宗之

問志

楊範字九疇偉儀豐髯踐履誠恪雖燕居恒盛服端坐讀書每至夜分不倦視世之榮辱毀譽漠如也著正學書與里中黃僉事澗玉李高士孝謙以道誼相契里中有妖巫稱龍神言人禍福如響競相趨奉範爲文諭之不止往捽其首踏于地請不敢復犯正人一時擁巫羅拜者皆驚悟散去郡守鄭珞邑令張鐸咸賓禮之或訪

以政事初號栖芸晚更號思誠叟以孫守陳貴贈吏部

右侍郎李

志

李正華字本素號棟塘工詩不樂仕進性尤好義從弟與貢使互市負其錢十萬罪死正華爲破產償得免夜聞別室有聲起伺之乃其隣人子方盜裂布蒲伏曰適舉一子天寒恐兒僵因盜先生布正華慮其媿曰夜生子此眞急時奚暇問但何不疾舉去尙裂爲其人曰裏兒布數尺已足正華遂全與之少時家人燭火至正華曰無有鼠闕耳後隣人子垂死乃與人述其事曰李先生眞長者不言然吾豈敢自蔽其醜以蔽先生家有別業在東臯因盡以城中大宅讓諸弟而身居東臯草堂課耕收後數年次子循義以進士起家爲御史太守造謁正華留之宿俄見二人荷鋤入問之卽其第三第四子太守大驚正華起篋取所咏詩示客中二語曰人薄利名何患老子分耕讀不嫌多太守嘆息而去

鄧志稿 隱逸傳

十二四明叢書

約園刊本

蔡學用字用拙幼穎異長好學工詩歌內行醇備志節介然其兄客死京師不知死所撫遺孤如己出後入都徧求兄柩卒得之寺廡中題識宛然載以歸與李賓父

相善賓父垂沒命其子曰我死歲必奉蔡先生粟十石其子以遺命致餽卻不受曰有無不可常力或不能繼是廢先人之命也不若自今日辭之以全故交始終聞者皆嘆服平生絕意仕進惟日與汪長文楊伯翼聞隱鱗輩相唱和年七十以山人終

舊集

李生寅字賓父號暘谷山人去甬東十里爲蕭臯在山水佳處生寅有別業一區有田一頃因更起小樓曰高臥嘯咏其中歲收秫釀酒鬪自鋤園半畝種蔬韭供賓客沈嘉則爲賦蕭臯竹枝詞屠長卿嘗曰近世山人甚

邱志禧 隱居

士三四明叢書

約園刊本

多然負遊囊挾行卷候王公大人顏色其賤已甚若賓父可謂眞山人矣年五十製遠遊冠將遍遊五岳以親老不果未幾終于家子德豐字子年亦工詩

舊集

盧溪字宗澗號月漁喜爲詩尤好和人詩每過倡者性癡絕嘗客遊烏傷以所資金置一土室中日取給爲人睨得盜其金去遂大困而歸歸三十餘年不復出門偶行里許輒迷東西精于醫治療多奇中有石橋黃生者病甚載以往治畢止宿見人壁上詩卽和之繞榻行吟唔達且主人以爲怪不服其藥一日舟行袖金二十四

銖裏以片楮偶取金失手墜水中卽沒意不信試取餘  
金累墜之金盡乃止有故人爲夥令招濟將因是爲黃  
山之遊挾一門生與俱未至百里而病謂門生曰古人  
裸葬旅葬無不可何必故鄉竟卒故人聞其遺言爲買  
山葬于休寧東門外過客無不拜詩人盧九墓者看舊

豐越人字正元考功坊之孫性蕭散每杜門散髮與至  
卽有詩索筆直書窗牖牆壁皆滿每見同時遊客詩卷  
有祝某公壽贈某赴官之作輒唾之曰詩以道性情豈  
爲汝輩行乞資耶又見後輩詩中語涉諧謔卽正色相

鄭志稿 隱逸傳

士三四明藏書  
約圖刊本

戒無爲風雅罪人故時謂越人詩有林泉無朝市有陶  
寫無應酬有流連無褻慢弟應元從之受詩法後與齊  
名曹能始爲刻其兄弟集石倉稿

周元懋字德林文穆公應賓從子以文穆任累官南京  
右軍都事屯部郎中監揚關奉使蜀中歸知貴州思南  
府丁內艱未幾國變錢忠節起兵招之不赴但傾家輸  
餉江上濱慟哭自投于水以救甦乃削髮入灌頂山中  
元懋故善飲至是益日飲無何又不喜獨酌呼山僧不  
問能飲與否強斟之山僧醉則斟樵子乞去則斟其侍

者灌頂去家十里酒不時至乃返其西村旦起卽斟其子弟子弟以事出則覓友人不值則執塗之人而斟之于是浮石十里間望見皆避匿不得已乃獨酌庚寅竟以病酒嘔血死其恭人俞氏亦相繼卒王高士王書哭之曰德林之放於麴蘖後不知身外有何天也嗚呼是則此身且安置族子齊曾爲作傳贊曰叔氏之心臨爲血當與嵇紹王琳一腔熱汁合理釀人側化爲水陶爲醴以澆天下不義男子不然莫慰其心也是時周氏披緇者三人自元懋外其一卽齊曾其一爲其從弟昌會昌

邱志禧 隱德

十四 四明叢書

約園刊本

會係同知蘇州府應浙之子字興符一字中素天啟辛酉舉人官通城令性廉潔冬日取絮見衣表終不取民一錢以忤巨室罷歸明亡剪髮爲頭陀掩關終日咄咄雖諸子不得近前惟弟昌時有高節或相對危坐或畫灰語已而流涕卒年八十六齊曾字唯一號囊雲崇禎癸未進士知順德縣縣多盜謂爲飢寒所致乃置義田以義倉法行之用給貧乏又仿北方弓箭社募鄉勇爲捍禦改知香山故相黃士俊家居多蓄無賴以害民齊曾捕得卽以沈命法投之海中黎人求渡海葬內地大

吏許之齊曾以爲狼子野心持不可兩都繼陷閩中立  
君起士俊爲首揆思逞夙憤因棄官歸歸而浙東已內  
附乃削髮遁入榆林榆林有小盤谷謝遺塵所謂雲南  
曰是可避世構屋曰草瓢束竹覆茅皆出己手得懸崖  
一奇木製爲養和日坐臥其中拾燒餘以爲爐狀絕奇  
古同年生王爾祿爲海道求一見不可得貽以書答曰  
孤雲去來朝不知暮宿所從此更無費入行後遭母喪  
爾祿赴弔惟于喪次一謝而已或以大吏意招之且恐  
以禍福答曰所欠惟一死無他求也終身不一入城所

鄭志稿 隱居

十五 四明叢書

約園刊本

親或強之至城南欲自投水中其孤峻如此及卒同志

私謚曰貞靖

續耆舊集及南  
雷周惟一墓誌

沈泰藩字長世文恭一貫季子以蔭補尚寶丞時魏撫  
民與同寮乃乞出使以遠之甲申後杜門避世未幾悲  
憤成疾卒著有清署閒吟

續耆  
舊集

或疑周元懋齊曾昌會及沈泰藩皆嘗駁歷仕途不  
得入於隱逸然漢梅子真嘗爲尉晉淵明嘗爲令卒  
以蜚遐終則以隱逸目之亦前史例也至周氏三人  
之披緇特有託而逃斷不宜置之方外故冠諸明季

諸遺民之首

范大捷字子謙號玉壘諸生世父德泉無子撫以爲嗣先是德泉已立後所後者佚遊無度退之德泉業甚饒旣撫大捷而前所後者困甚乃請於德泉分給以田五十畝屋一區以全昔恩旣而所給之產盡廢其人亦故復迎寡嫂同居爲嫁其三女本生父卒兄弟窶艱出繼產均分之更爲兩世外家置田立祀精于醫兼習坎輿不能葬者助以費爲貧者治病或需紫圓參自製爲丸貽之託言他藥不令其人知也國難後棄舉業不事取

鄧志稿 隱逸傳

十六 四明叢書

約園刊本

所作詩文盡焚之自擇地于太白山之旁相傳鬼谷子栖隱處營生壙且題墓柱曰談玄說劍舊宗風勝地猶存時看鶴來明月剪水裁山新氣象桑田無恙何妨人臥白雲垂沒謂其孫光陽曰吾平生多善行食報當在汝然自念前朝處士汝他日貴勿以封典加我後光陽仕至中憲三遇覃恩例得追贈及祖僅請封其考妣蓋

遵其遺命云

雙雲堂家傳

徐振奇字可貞一字我庸少與錢忠節善忠節成進士宰太倉以書招之不答及起事江干則忻然從之忠節

將薦授以官固辭國亡遁入東錢湖之青雷山中棄家  
不顧已而沿湖盜起屢危困卒不肯出山獨居山中二  
十餘年年踰大耋諸子苦請乃歸角巾方袍躑躅甬江  
濱見者皆讓道所至雖婦人孺子亦知爲徐先生也未

幾卒

續者  
舊集

林岳隆字視公一字叔觀大參祖述仲子大參四子長  
棟隆字無過萬曆四十七年進士仕至吏部侍郎次卽  
岳隆次祚隆次奕隆時稱三林岳隆爲人淡于榮利恥  
由兄干進故爲名諸生四十年終不得一第丙戌以次

邱志稿 隱逸傳

十七

四明叢書  
約園刊本

當貢棄之自號西明山人張忠烈招之至幕府嘆曰天  
所廢莫可支徒死亦無益遂隱居不出祚隆字永如崇  
禎中以孝秀徵至京囚兄嫌辭歸晚避居剡源九峯山  
中子宏珪亦承父志不試工詩著有淡窩筆語奕隆字  
萬葉少負才工度曲本貴介子亂後家徒壁立鬱鬱不  
自適或謂以子之才何患不起家科第如父兄笑弗應  
時時填詞爲變徵之音酒闌與諸伶長歌以抒其憤懣

竟潦倒而卒

董曉  
山集

林時躍字霞舉號荔堂嘗與華檢討同學遊念臺劉公

石齋黃公門檢討死夫人將投繯遺一子一女以託時  
躍時降臣太僕某賄當事必欲滅其孤勢洶洶竟攜而  
匿之家後爲其子授室嫁其女於同難王卣一之子且  
諸遺民爲孤兒行晚年困甚終不屈其志節里中諸新  
貴絕不與往還戎通參上德其門人也通籍歸亦謝弗  
見所著丹史八卷逆案三卷十三陵圖記一卷化碧錄  
一卷皆失傳弟時對字殿鳳晚號蠶菴崇禎庚辰進士  
受業倪文正公門旣釋褐官行人或問冷官何以自遣  
對曰苟不愛錢原無熱地旣而以乞假歸旋丁內艱乙

鄭志稿

隱逸傳

十八四明叢書

約園刊本

西魯王監國召爲兵科累遷至副憲時總兵王之仁請  
塞東錢湖力持不可馬阮在方國安軍中疏請誅之諸  
鎮積怒國安糾爲東林遺孽遂歸歸而東江師潰轉徙  
山海間久之徵車四出辭不赴年踰八十同輩凋落殆  
盡悒悒無可與語乃令從人舁肩輿行坊巷中一日至  
湖上聖功寺側有歌伶演劇駐輿聽之目已花不辨場  
上所演何曲但見冕旒踉蹌而前者問曰誰也或曰此  
流氓破京師也卽狂號自投輿下暈絕良久觀者大駭  
伶人爲之罷劇時去甲申已四十年矣及卒遺命柳棺

布衣不許以狀請志墓之文得年九十一所著曰鬻菴

逸史青冬集

續者舊集

王玉書字水功號元界江西黃瑞伯爲節推極器重之與錢忠節友善忠節宰太倉以書迎不赴寄以金且曰此俸餘非盜跖資也卒不受後忠節開府瓜里薦爲太常博士棄歸遁跡榆林所與同隱者爲周囊雲陸周明囊雲之族父立之稱爲榆林四老周明死于難囊雲亦沒獨與立之徬皇天末有所感愴皆見之詩絕不以示人卽見之者亦訝其夏夏不可卒讀以爲怪後高隱學

鄭志稽隱逸傳

十九四明叢書

約園刊本

集諸遺民爲耆社邀之至未幾暴疾卒其詩曰非時吟李杲堂序曰天有四時而先生視之皆若秋日有十二時而先生視之皆若夜非果有異時也是非先生之時

也

杲堂文鈔

周元初字立之一字自一號栖烟文穆應賓從子文穆無子撫爲己子及推恩受蔭則讓於同祖兄弟一爲思南守元懋見前傳一爲刑部郎元登元登後以從亡海上不返者也魯監國時用錢忠節薦復以文穆遺恩授郎署不受國亡隱于榆林時榆林避兵者多元初弗盡

與通所日夕過從唱和惟囊雲水功周明其詩皆僻思  
澀句不類世間人所作亂定家人屢請返故居不許惟  
展文穆及所生墓歲時一宿丙舍而已年七十餘卒

續  
書

舊  
集

徐鳳垣字掖青號霜皁大理卿時進從子少爲諸生有  
盛名與華吉甫王貞一林荔堂諸人爲鶴山七子之會  
及諸人半以國事死復與萬履安高且中李杲堂諸人  
爲寒松齋六子之會其爲人和平樂易而苦節自矢乙  
酉丙戌間知事不可爲弗豫其禍海內旣定諸遺民或

鄭志稿 應選稿

二十四明藏書

約園刊本

以素食遊四方鳳垣自同志往還外不妄出門海寧朱  
方菴初避地來鄞困甚鳳垣竭力振之後方菴司李東  
昌強以書迎自以出處殊塗將謝弗往又不欲直拒之  
中路託疾歸高隱學嘗曰四十年以來能依然處子之  
耿介者掖青與霞舉耳所著自詩稿外有歷代傳是錄

今軼

高元發  
時柳集

按聞志謂其晚而出遊蓋卽指山左之行然僅達淮  
上而返見高隱學詩稿序

邱子章字舍三號梅仙少穎異九歲補諸生後出遊受

知子婁東二張與膠城侯記原太倉宋子猶崑山歸玄  
恭最契乙酉以張忠烈薦授中書舍人未幾入翁洲又  
至闕至天台後避地轉徙非一亂定不欲歸潛至城東  
省墓旋授徒于洞庭山中其兄思之往視焉子章大喜  
問從何來曰自杭問何事曰應試輒俯首不懌徐曰老  
子多事年七十家人固請歸里時諸遺民方創爲耆社  
卽虛席迎之賦詩紀事子章次韻有曰兒童道左詢名  
姓老子胸中飽甲兵或以賀監擬之高隱學曰不然是  
遼東阜帽耳歸一歲而卒

高隱學耆社  
第一集序

郭志稿 隱逸傳

三十四明叢書

約園刊本

李文靖字在茲晚字髮僧以明經薦爲江上職方主事  
後避地越中間一歸里信宿卽去老而無子或勸之置  
妾嘆曰謝翺有子而棄之吾反求之耶所著道聽塗說  
編三十卷其南疆逸史燬于火

續耆  
舊集

李振玘字佩于號樛仙官生尙書康先次子也兄振璣  
以明經貢太學乙酉錢忠節薦之追敘尙書蔭授尙寶  
丞振玘亦授都督府都事兄弟自以世受國恩傾家輸  
餉國亡日與失職者遊張忠烈在海上資糧屢猶時  
時資給之初尙書之削籍也值魏奄時其再起而再罷

也值溫體仁當國時朋黨交訐是非晦冥振玘幼侍京  
邸賢好事實皆所目擊每衣冠高會輒追敘兩朝始末  
好事者或載紙筆記錄其語以當信史一日偶論及陳  
侍御朝輔饋魏奄蝦腦至百觔侍御子亦在坐大闕振  
玘尙記其日月及所具義父義男帖式其子默然避席  
去壬寅海上降卒至述魯王在廈門中土上供者姓名  
振玘下獄振玘竭所有營救僅免家由是破兄弟鬱鬱  
遂相繼卒黃南雷銘其墓

采家傳及南雷集

錢肅圖字肇一一字芥叟又號退山忠節公第四弟也

鄧志稱國朝傳

三十四明徵書

約圖刊本

以諸生預忠節幕府授推官時名器亢濫忠節力辭其  
子弟恩命不受已而從亡授御史忠節卒于瓊江其第  
五弟肅範殉難福寧第七弟肅遴以佯狂死第九弟肅  
典以赴義死忠節子翹恭亦卒于翁洲肅圖嘆曰吾今  
當爲宗祀計然其家已被籍蕩然無有乃客淮上入秦  
中走東粵謀食于故人後河督靳公聞其名延之辭不  
往靳公曰吾爲先生別築室于外有謀則就可乎勉從  
之未幾謝歸五十九歲始置妾舉一子潛恭立爲忠節  
後晚年手輯忠節詩文命潛恭勿以示人所著東村集

淒楚鬱結而出以蘊藉于陶詩爲近黃南雷作序謂其平生飄零患難人世富貴福澤之氣銷沈殆盡而後甘苦辛酸之味出非紅塵中筆墨也其第十弟曰肅采方侍忠節海上時僅十二歲忠節治戎暇卽課之讀楚詞自擊竹如意以和之明亡肅采尙少年日惻惻以不得從兄殉節爲恨奔走四方授村童自給不肯歸亦不娶婦甲寅卒于淮上之靳口

錢氏在茲集及謝山誌墓

高斗權字辰四號廢翁都御史玄若之弟少爲諸生有盛名乙酉後棄之戊子華檢討之難都御史亦被逮至

鄞志稿 隱逸傳

三四明叢書

約圖刊本

杭斗權竭力救之獄始解當是時諸搢紳在疑似之間惴惴莫能自保斗權旣出其兄又謀爲華檢討地華遺以書曰某萬無生望徒負足下血誠然斗權竟以此破其家晚年壁立瓶罄縵袍敝屣怡如也爲人風度淡蕩發言皆有深致詩亦如之古文簡貴有法所著曰寒碧亭集弟斗魁字旦中號鼓峯國變後屏舉業不事與黃南雷講學中丞子元發與華王諸君子善父子同豫于戊子之禍壬寅又以降卒告變下獄廢翁支拄風波斗魁則職納橐籥一門中互相師友亦互相奔走事定襍

被出門于杭則交汪魏美于吳則交徐昭法爲詩文風  
發泉湧諸公皆愛其才極相傾倒尤與南雷之弟晦木  
善晦木幾死者數百計出之斗魁精醫巧發奇中晦木  
負藥囊與之偕嘗同遊武林見昇棺過者血瀝於地曰  
是未死啟棺與以藥果甦于是江湖間謂高鼓峯能起  
死人求治病者候門頓首延請無寧晷乃以所入爲晦  
木謀家具久之喟然曰吾始有志於姚江念臺之傳旣  
而從事于詩古文詞今乃以方技顯乎歸與萬履安徐  
霜臯等爲寒松齋七子之集庚戌得疾自知不起賦詩

鄭志稿 陸逸傳

十四 四明叢書

約園刊本

有明月岡頭人共見青松樹下影相親之句遂卒

李杲堂墓

表及續  
者舊集

李文纘字昭武一字夢公號巖樵少工詩善書畫尤負  
用世才錢忠節在江上招之薦授駕部郎未赴江上師  
潰素與華檢討善戊子之變密預其謀遂連染被逮華  
旣獨承其事盡脫同難諸人司獄者取諸人分繫他所  
獨留檢討文纘自請留伴之司獄者駭且笑及廷訊檢  
討力辨其非罪乃釋歸嘆曰華君生我然華之死我之  
慙也我非怯死華欲自成其義耳雖然華君何嘗死我

虛生矣亂定遍遊四方仿謝翱爲遊錄平生學極博于諸經皆有說不肯苟同先儒手鈔諸史中制度沿革同異至百餘卷在獄中和楊烈愍雁字詩一月中成百首擇交尤愼于秦中最契李二曲于同里則高隱學董次公不數人遺民中風節稍委蛇者輒絕不與通所著自經學諸書外有石臼問課鹿谿新語及賜隱樓集韻菴逸史朱金芝字漢生少補諸生復社諸人盛推重然薄舉業爲不足事聞石齋黃公講學大滌山中從之遊後至京師值甲申之難逃歸留滯白下南都又亡昕夕徬徨流

鄧志補隱樓

三五四明叢書

約圖刊本

涕乃歸鄞是時滇南未靖逢人卽訪問消息惓惓有故國之望遂爲有司所跡逃之仗錫山不與時世接久之喟然曰吾將與靈均同排闥闔遂浪遊荆湘間不知所終聞

志

聞性道字天迺號蕊泉太宰莊簡公之後丙戌以諸生當貢太學棄之辛卯大兵平舟山張相國肯堂殉節一門二十七人皆從死通判喬鉢隨征在軍性道與之善乃入其營竟得喬倅之力以三大喪一貯相國骨一貯諸客及僕骨一貯諸姬骨謀葬之適相國中軍應汝元

巴爲僧從補陀至相與瘞諸茶山戊午有博學鴻詞之舉觀察許宏勳將以性道應以死辭後縣令汪源澤延修縣誌復辭汪令造廬者三請不赴局卽家排纂性道于去取頗嚴前志所有或削之不錄然所錄者于近人亦間有溢語且行文不長于筆以是頗遭物議然其確有援據處足以砭嘉靖郡志之譌者也其弟善道亦盛年棄諸生偕隱而終

續者舊集

朱鉞字君爽休寧令圓嶠之子家素封收藏古鼎彝及法書名畫極多亂後以結客傾其家然所居五岳軒中

鄭志稿 隱逸傳

二六 四明叢書 約圖刊本

位置尙楚楚一琴一研必無下品一茗一粥別有清思所往還惟霜臯荔堂諸遺老車馬客不得造其門年八

十餘卒

續者舊集

全大程字式躬一字襄孫諸生乙酉錢忠節統兵赴越留莊公元辰任城守莊公邀大程共事薦授尙寶丞遷太常寺丞航海之役扈從不及棄家入東錢湖窮山中與其子躬耕山田自給城居爲卒伍所踞不問也偶下

山恐服飾爲人所訝則爲道士裝丁未卒年六十

全氏世譜

費禕祥字榮孕十二歲補諸生崇禎時以明經貢太學

乙酉錢忠節薦之累官至祭酒明亡薙髮爲僧獨居一小樓凡十餘年足跡未嘗下梯自號在家頭陀年七十

餘卒

費氏家乘

宗誼字在公號正菴本徽州人其父始遷鄞家世雄于貲而誼獨以詩與董曉山舒後村相得其詩如孤峯僻徑崎嶇險仄皆性靈語爲人潛靜然慕義甚篤錢忠節起事正餉爲方王二帥所擄降臣太僕某以勸輸爲名復乾沒里中義餉誼盡罄所有得萬金徑送忠節營忠節嘉其義疏請都堂召試將置之館閣誼曰是以下式

鄞志稿 隱逸傳

三七四明叢書

約園刊本

待我也不赴晚年困甚授徒餬口然安之若素爲饑人者同時諸遺老尙不免以風節形之筆墨間誼詩則止流連光景之作無一語及前事獨比輿中微寓其意所著愚囊內外草二編今惟外草存

董曉山愚囊草序舒後村誄

董劍鏢字佩公一字孟威號曉山其父文相亦志士甲申之變痛哭謂其子曰兒曹不須讀萬卷書但彎五石弓足矣由是父子相厲爲遺民杜懋俊死節陸字燦撫其遺孤劍鏢授之經凡食息起居罔弗護視杜郎嘆曰吾今乃有三父故人葉謙早死奉其母終身其平生論

詩謂世人競稱謝臯羽爲李長吉後身此猶是皮相臯羽所以佳者其纏綿悱惻不見于言見于其心不見于字見于其聲自來詩人罕及蓋論臯羽卽所以自道也所著有墨陽五集

續著舊集

葉謙字天益其先安慶潛山人嘉靖間有武略將軍諱紳者死倭難遂世襲寧波衛指揮千戶謙雖將家子工詩乙酉以督運功晉守備錢忠節薦之再進都司丙戌六月喪職慨然曰我家勲爵雖微其爲世臣一也家有武略所遺戰袍時出曝之輒流涕所居在城北爲賜第

鄞志稿 隱逸傳

天四明叢書

約圖刊本

已破壞友人沈喆先欲割宅居之謝曰此一椽受自先朝弗敢易一時爲賦城北破廬詩爲人狷介絲粟不妄取以此日益貧授徒養母後二年卒董曉山陸披雲爲奉其母終身

續著舊集

駱國挺字天植號寒厓諸生爲詩文芒角四出尤熱心世事與華檢討善東江之役檢討引之參瓜里軍事臨江督戰礮火從頭上過弗懼戊子牽連被逮尋釋歸駱氏于甬上非著姓其居在東郭去砌里爲近時砌里李氏勳閩人材極盛里人獨以昭武與天植風格相頡頏

並稱曰李駱然竟窮餓以死嘗夜夢與張忠節話絕島  
中痛哭失聲鄰並爲之驚起天植尙未寤也林荔堂爲  
之賦紀夢詩所著曰寒厓草堂集

鹿溪新語及  
全謝山墓誌

周昌時字乘六通城令昌會之弟伯兄昌晉掛黨籍刻  
意思雪之勵風節丙戌後杜門不出甲午以次當貢謝  
弗受初昌時棄諸生已久當道方事招來不落其籍至  
是始落之因作自敘詩五章同時諸遺老和者盈卷子  
章泰有盛才亦終身不赴場屋以詩人終

鹽菴  
逸史

谷文光字電飛號耐菴不知其所出身崇禎中爲魯王

鄧志稿  
隱逸傳

三五四明叢書

約園刊本

府長史甲申扈王南下詔暫駐台州乙酉以藩邸舊臣  
授通政司上疏言臣官喉舌悍帥狂言戚畹私請無從  
式過何以稱職王是之而不能用丙戌從亡失道遂爲  
僧晚年有光從足指閭出佞佛者以詩相誇謝曰吾不  
得已而寄此敢謂于道有得垂沒諸子預書銘旌題曰  
故通政司邊搖手畫被作罪臣二字乃卒

正氣  
錄

沈光融字冲旨一字文竹石阡守延賞之子父卒于官  
往迎視中途聞三月十九之變辦踊號哭及歸鬚髮盡  
白時年僅四十也南京召爲尙寶卿不赴丙戌後憤懣

而卒所著曰慕劬集曰哀吟

續者  
舊集

李鄴嗣初名文胤後以字行號臬堂儀部桐之子年十二卽能詩時有秀句十六侍其父官嶺外通人張孟奇嘆異之與爲忘年交歸而時名方起值國亡戊子降臣太僕某旣以告密殺華王諸公語其家人曰今閩邑士大夫讐我矣非一網盡之不可于是高都御史及儀部父子皆牽連被逮儀部下省獄鄴嗣亦驅至定海縛馬廐中萬履安救之得免而儀部出獄遽卒訃至一慟幾絕自此抱家國之痛息機摧撞日與諸失職者遊燕人

鄴志稿  
隱逸傳

三四明徵書

約園刊本

梁以樟來鄴鄴嗣與萬履安徐霜皋高辰四旦中從之賦詩唱和以樟曰讀臬堂海東歌將使句餘一片地盡化爲蒼熒碧血使人心惻黃崗萬允康以避地至將歸筮易得睽之三鄴嗣以爲不吉留之堅允康不可及吳中而以非意死終身痛之張忠烈正命其兩世喪在淺土爲之營葬蓋自蒙難後匿跡雖甚深而其好義不以前事爲鑒如此詩文高華曲折絕出流輩里中奉爲宗主凡社集做場屋糊名易書之例待其甲乙嘗坐樓上少長子樓下候之一聯被賞侍者臚傳其人大喜至絕

倒力任文獻之重輯耆舊詩兼爲之作傳殘編軼句宛  
轉求索往往頓首以請書成立諸詩人之位祭以少牢  
所著自本集外有西京節義傳一卷漢語一卷續漢語  
二卷補世說如干卷

南雷墓志及  
續耆舊集

陸山輝字氤氳提學泰之孫崇禎癸酉舉人丙戌後絕  
意進取郡縣累勸駕不應杜門授徒以終吾邑前朝孝  
廉不赴公車者惟董次公天鑑萬履安皆嘗仕于殘明  
故厲節不出其有不沾一命而以盛年甘自放廢惟山

輝一人

續耆  
舊集

鄧志稿

陸遜傳

三

四明叢書

約園刊本

鄞志稿卷二十

甬上商學鏞聲始撰

水利考

太史公著河渠書班氏改爲溝洫志後人議之爲其名存而實非也蓋阡陌旣開溝洫久廢今世水利所恃惟川賢守令之留心民瘼者往往相度高下爲之置隄置閘而民始不苦旱潦特久而不治卽崩圯隨之或僅存而不能謹啟閉之司則通邑立受其病夫以前人創造之鉅利而後之守土者不知因仍良可憫歎歲月旣久故

鄞志稿 水利考

一四明叢書  
約園刊本

蹟且就湮沒一二著述之士旁搜博考記其始末爲將來修復之地然其書苦不能遍傳當郡邑修誌率委之兔園之徒專據舊乘剽掇大略諸所訛闕不一考補繼此雖值賢守令欲復其故而文獻脫落茫然無可措手夫以前人纂錄之苦心而後之秉筆者又不知收拾其可憫歎殆有甚焉吾鄉水利日已廢塞幸里中先正之書猶有存者如魏提舉峴之宅山水利備覽黃僉事潤玉之水利纂戴侍御鱗之甬上水利考袁大令州佐之存湖錄以及萬徵君斯同全吉士祖望並有論著言之

俱各鑿鑿今新志水利乃象山倪生分修僅附載於山川卷中專據胥吏案牘記現存硤閘丈尺之數卽舊志亦不甚加採取諸書益更束閣予貽書邑令力爭之不能得因別爲詮次見前此有司之盡心建置如此諸先正之留意蒐葺又如彼今方有事邑志必欲悉舉而泯沒之是果何心也作水利考

前守之留意水利者莫如吳正肅公故所著閘慶志於創建硤閘並載碑記延祐志今闕三卷河渠適在所闕之中王元恭稱其於兩湖言之最詳惜無從見

鄞志稿 水利考

一四 明鏡齋

約園刊本

之至正志凡舊乘所已具者皆略不書而增補亦甚周悉多與魏峴書相表裏成化嘉靖二志絕無足觀似於水利備覽亦未及一閱者聞志體裁割裂首湖次溪潭次渡諸隄堰硤閘各以類從夫水利當誌其源流而隄堰硤閘之設則隨河流所經詳其遠近俾覽者得稔其形勢之所在豈特分載其名而已又舍碑記而錄題詠此詞章習氣尤無當於史法邱志但作一總論統東西鄉言之然自錢湖它堰之外一概從略并不詳載諸硤閘及水道之昔通而今塞者無

以爲後人修復之地李志曹志直襲邱志原文一字不加增損蓋纂修者應有司之聘苟圖重幣而初不爲鄉邦利病計也子嘗貽書局中謂水利所關甚大宜留意考察訪倪象占袁鈞並晒之云吾輩在此分纂所圖何爭知前後蓋一轍耳今亦先總敘諸水分東西爲二詳其支派諸隄堰碑閘之大者著之敘中小者仍分列其後且各爲之說至廣德湖已廢邱志仍與諸河渠牽連並書今月爲一條誌其顛末諸碑記則盡錄之卷尾使賢守令之用心有可考焉吾後人能謹藏是編倘當事者因所記故迹而濬治之修築之陸

鄞志補 水利考

二四明叢書 約圖刊本

王李吳安敢謂必無其人若與新志大相異同則知我罪我一俟世之君子

鄞邑東西各七鄉

武康鄉統東北隅安東鄉統西南隅並在城中老界鄉陽堂鄉在縣正東

手界鄉豐樂鄉鄞塘鄉在縣東南句章鄉在縣正南通遠鄉光同鄉桃源鄉在縣西南清道鄉湖田隅在縣正西自鄞塘鄉以上皆屬於東自句章鄉以下皆屬於西蓋就江流所界言之也河渠絕不相通

蓋大浹江自鎮邑來直至城東桃花渡

亦名三分爲二

支一支自北而西至西壩渡與慈溪江接

歷餘姚通一

支迤邐而南由北渡入奉化江

至市橋而止

其自奉化而西

南行者繞出它山堰之外故東西鄉之水因江流南北

橫互其閒遂劃然中判東鄉之水凡三支俗呼爲中塘

河外塘河裏塘河外塘河源出金峩之乾坑在縣東南

四十五里北行爲橫溪河由太平橋而黃山橋而顏橋

而湖墅橋而張村橋而錢家橋而三橋而繆家橋一名武陵

橋而白鵲橋其支流西通八字橋搬火橋宋昭橋爲謝婆巷口河乃西入嘉慶橋

直至江東碛入江其水皆西北流所經之碛不一其大

者爲雲龍碛在手界鄉二十一都支流南經貝則碛在手界鄉二十二都上

接雲龍碛之水入內江至銅盆浦堰下爲大江其經流

則自雲龍碛迤西合於中塘河裏塘河之源有三一自

鄧志稿 水利考

四四明叢書 約副刊本

寶幢而來爲寶幢河一自天童而來爲小白河一自東

吳而來源出三溪爲三溪浦歷府前橋係宋史嵩之別業故以府前名

之秋波橋鄭家橋自此與小白河合大涵山橋自此與寶幢河合至匯

絳橋爲東塘大河歷鄞山橋支流南抵梅湖堰盛墊橋支流南抵高湫

堰福明橋七里店橋及城東張斌橋西合大河橋之水

而迄楊柳道頭土名王家墳頭其水皆西流所經碛則五鄉碛

爲大在陽堂鄉六都舊爲回江東西二碛其外通鎮邑之小澹

江自鎮令宋繼祖徙碛於東岡遏江爲河今僅存斗門

不甚關於蓄洩其利害詳東岡碛下中塘河則出於東錢湖在縣

東三十五里福泉尖崎寒嶺諸山三面環繞受七十二溪之流匯成巨浸昔人因山麓斷處爲隄合之莫考所自始唐書地理志於鄆縣下稱西湖以時縣治在鄆山居湖之東也一名萬金湖因其利溥而言唐天寶中縣令陸南金復取民田二萬一千二百一十三畝濬之障以隄田賦則就所沾漑之鄉而均派焉每畝加米三合七勺三抄自此湖益加廣周圍至八十里宋天禧中太守李夷庚又濬治之補隄趾之廢者而增築加固嘉祐中始置硤閘

此據舊志而言意嘉祐以前亦必先有硤閘乃可注之河以溉田或至嘉祐始定今四

鄆志 水利考

五 四明叢書 約圖刊本

開之湖四岸凡七堰東北曰梅湖堰

在陽堂鄉

西曰栗木堰

亦在陽堂鄉

曰莫枝堰曰大堰曰平水堰曰高湫堰

俱在翔鳳鄉

西南曰錢堰

在老界鄉

爲塘者九曰梅湖塘曰梅湖堰塘曰

栗木塘曰莫枝堰塘曰大堰塘曰方家湖塘曰平水堰

塘曰高湫塘曰錢堰塘塘之長者莫如梅湖高湫方家

湖三塘以山麓相距稍遠也就堰之旁置硤者四大堰硤

所洩之水通外塘河從雲龍貝則蕭皋櫟木諸硤入江

莫枝堰硤通裏塘河直至大石硤入江錢堰之硤從楊

木硤入江梅湖堰之硤注鎮海崇邱鄉從東岡硤入江

而經流則自大堰而下卽東塘運河俗所稱中塘河者  
至城東分爲二南洩者爲大石堰稍北則抵于新河頭  
此三支之大略也然外塘裏塘二河其源淺而近故水  
利惟錢湖爲大湖之易于廢者昔苦茭葑爲害今則尤  
患於侵占自宋慶曆間王安石爲令釐復湖界治平閒  
重修六隄舊志不載修自何人考嘉澤廟碑謂因修隄而  
立陸李二公之廟闢祀爲之記則六隄卽  
創于李公而其後茭葑滋蔓湖幾湮廢淳熙閒皇子魏  
王守郡請出內帑金錢五萬義倉米萬石佐除葑淤特  
撥水軍及民之食湖利者計畝出力凡去湖中積葑以

鄭志稿 水利考

上八 四明叢書

約圖刊本

湖面計之約二萬餘畝然所除者未經運置湖外僅就  
四岸分堆旋復填塞嘉定七年提刑程覃攝守乃議用  
官錢買田若干畝歲收穀四百餘石如義倉例使高貴  
富人掌之分頓近湖僧寺中每歲農隙募民去葑計船  
大小地遠近酬穀有差凡湖墻近地人種菱蘆其中因  
而成田者悉按舊址清復之上奏報可有侵湖者論如  
律刻板榜示初月波隱學二寺及嘉澤廟前常植荷亦  
一切禁絕旣而有司坐視田租移之他用湖日就湮寶  
慶中胡榘以尙書出守復修葺策命於九月水退時用

水軍船先去葑茭務薙其根十月農隙則募湖下有田之家出夫助工先修運河諸堰闢放河入江然後放湖入河湖涸乃去積淤請於朝得僧牒百道常平米五萬石命水軍番上迭休鄉民就役給券兼募漁戶濬之以所贏錢增置田畝使翔鳳鄉長顧泳之主其事籍漁戶五百人分爲四隅人歲給穀六石隨茭葑之生則絕其種立管隅二人管隊二十人轄焉槩去不薙葑者又十六年淳祐壬寅守陳塏別行買葑之策不遣軍不役夫命鄉民刺葑隨舟大小葑多寡聽其求售則給以錢初

鄧志補水利考

七四明叢書

約園刊本

止數百人後襄糧掉舟至者日有千餘而湖漸復其舊迨元時田不可問而葑可糞田民自採之以市則有司

且征其稅矣

征稅事見戴南江水利說中

大德閒勢家有以湖爲淺

淀請墾田入租於官時都水庸田分司某

惜舊志不記其名

道

斷復爲湖

南江水利說引延祐志謂湖幾廢者卽指此

洪武二十四年耆民

陳進奏言水利朝命遣官董其役然葑暫除而根在復生淤積雖去而溪澗之沙隨雨驟下閱久不治輒致壅漲居民因而界築漸成畝畝宣德閒下水王士華以參政家居遂田其中幾數千畝七鄉民訟之監司得中止

嘉靖九年寧波衛又請爲屯田縣令黃仁山用父老嚴  
詆之言勘覆不行國初明魯藩據守越城僞總兵王之  
仁又欲廢湖爲屯鄞令袁州佐申阻營弁周某又請但  
廢梅湖袁令復移牒云東錢湖廢田積水民輸湖米則  
已納田租矣今復廢之爲田是虛征也且梅湖卽錢湖  
之別名特其東北隅耳自錢堰至高墩嶺長隄計三千  
七百步欲屯梅湖須藉此隄以堵水必加高五六尺其  
間下無石脈高則必潰所屯之田仍爲湖渰又梅湖塘  
下有旱田三千七百畝丹設小斗門細流分注若屯梅

鄞志稿

水利考

八四明叢書

約圖刊本

湖以遏其源旱田必廢棄此成彼亦復何益或謂可引  
錢堰之水灌之豈知湖碶之下各有所歸從高湫平水  
而下者專灌奉化橫溪一帶從大堰莫枝堰而下者專  
灌十七十八二十都陶江雲龍一帶從錢堰而下者專  
灌一二三四五都一帶從梅湖而下者專灌六七都及  
鎮海崇邱鄉一帶錢堰與梅湖相去十里中隔大山豈  
有相通之理梅湖廢而六七都及崇邱之田亦立槁矣  
大湖之下皆泥故葑多梅湖下皆沙石葑不生卽廢  
之終不可田時士民於會勘時湧集至數萬袁令復作

鄉屯問答四條始得罷議蓋此湖自唐以來守令之加  
意溶治者或數十年或百餘年而一見請廢者自元至  
明末已閱其三特幸而得存耳然湖未廢而終有廢之  
漸舊志謂湖波望之浩淼以竿刺之最深處不及數尺  
卽載輕舟行不得其故道輒膠不前又昔人稱一湖可  
灌三河半予少時猶見湖水足灌一河今且減爲半河  
矣有司知偷洩之害而不知盜佃之害偷洩者可闢之  
夫率多奸民貧戶漁人利於採捕賄囑典守者竊啟之  
而以網罟承其下一值亢暘欲放湖而湖已先涸此自

鄭志稿

水利考

九

四明叢書

約園刊本

來弊習數年前邑以旱告錢令爲鄉民禱雨者所激聒  
痛懲里正偷洩爲之少止若盜佃之害則日增月益湖  
之存者已非復八十里之舊姑就近事徵之袁令存湖  
錄中載鄉民訟牒謂濱湖忻曹周戴等姓佔灘蓋屋此  
國初時事也曹志載李墩修東錢湖議謂沿山居民原  
有老隄與湖爲界始則於近岸處堆草加泥爲種作計  
漸搭茅舍今則竟造大廈此康熙雍正年間事也自茲  
又五六十年盜佃者更不知其幾夫湖中增數丈之田  
卽減數丈之水浸淫不已則李守所繕田爲湖者仍至

潭湖成田何待如元明間之議廢哉況其害不僅此湖之塞多由於葑前此不知葑之可以糞也湖下之民既知葑之足資地力亦或自能芟除而運載之袁令謂近年重修嘉澤廟有濯靈之異濯靈二字不可解疑有訛誤芟葑不泛葑蘆生之者鮮此聽里老之妄言殊不足信特葑積而填淤墮之侵湖者正因以爲利苟欲去湖葑必先正湖界而後市葑之策可行又湖灘率皆低窪水滿湖田卽滄沒惟私洩之而水減方可種植且以近湖故雖旱無所害是以湖墻之田倍收而湖外之民告病矣今欲盡舉盜佃之阡陌而廢掘之非有大力者不能行惟春夏之交尤嚴啟閉俾侵據者歲歲苦潦或因無益而自止明邱緒八議其二三條意亦類此苟欲清湖界必先立水則而後灌河之數可復邱緒議節錄於後李職議則酌存於東岡碑下此皆爲蓄水計也若洩水則別詳於碑閣說中

西鄉河渠經緯錯綜其源約有四一源出大雷諸山下流四達其南行者或入仲夏或入戚浦或入鏡川卽千丈鏡

河或入櫟社凡南流者皆與它山水合舊志專指爲它源者非惟一支北流直

抵西壩爲西塘河由西津橋折而東五里至高橋又十

里至新橋又十里至望春橋其間支流不一或通林村或抵石塘乃由大

卿橋入西水關此於西鄉為正西大卿橋下之水分而南為崇

法寺前河今名祖關由迎龍橋歷鄧山書院橋至甬水橋寶慶

志稱夏家橋今訛為下駕橋入南水關又一支自新河橋而西環海

會寺前東出西塘橋合西濠河之水至保豐碑入江名

新河乃吳丞相所鑿溉田數千頃此皆西塘運河之分

流也一源出自林村下寮山相傳為僧智回卓錫處從

地中出滾滾作浮漚名靈泉又別有湧泉二水合流經

雙瑞橋至泥峙堰分為二流一至湖泊注石塘東台高

鄭渠水利考

十一四明叢書

約園刊本

橋水入城一從堰下入林村大溪注十字港歷望春橋

匯而入城又一源出建輿下流為千丈鏡河由周學士

橋者北入湖田諸渠由崇福橋者入南塘大河此於西鄉為稍

南特林村建輿二支其源甚細非大水不能灌輸渠港

大雷之源較二支為盛然亦出於近山之溪兼旬無雨

則溪流絕而河亦為之立涸故西鄉水利以它山為最

它山之水源于四明山之西自會稽綿歷幾二百里

由上虞縣斤嶺自趾至嶺凡十六里故名歷小嶺上莊石壇壘村小

皎即小曉又即二韭山之小韭而訛而東其出上莊以南者經蘆栢坑

口曹志謂出分水嶺之南不知分下流亦入二皎一派

出仗錫山歷杜壘鄭家巖與蘆栖水合至鯨魚山前一

皎之水亦合由蜜巖樟村桓村至平水又南二派一出

天井山一出灌頂山俱至平水而合眾山之流會於大

溪經鐘潭乃迤東至於它山此外卽屬大江未爲堰時

溪流盡注於江江潮直衝於河水皆鹹鹵不可以稼唐

太和中鄧令王元暉相度地勢見大溪之南沿流皆山

其北則皆平地至此始有小山踞岸傍以其無山相接

故謂之它山而南岸之山亦俯臨於溪兩山夾流天然

鄧志稿 水利考

十二 西明巖書

約園刊本

鈴鎖南有小嶼二屹於中流有外捍之勢人目爲強堰

它山以北則有支港爲七鄉水道襟喉山麓又皆石趾

插入江底非他浮沙之比可憑藉爲堰乃始治堰堰接

兩山麓南北闊四十二丈設石級三十六治鐵錮之初

規堰基水湍悍難治雜用竹木爲樁以抗水適暴漲有

合抱之木非人力所能推挽者一夕乘漲至堰下遂用

爲堰身叠石成之按此卽梅梁也大木乘流而至自是

以爲大梅山之梅有上爲禹廟梁飛入鏡湖與龍鬪之

說夫王侯置堰而神木自來乃其精誠所感也分爲禹

廟梁之語堰低昂中度旱則其水七分入河三分入江

何稽焉

澗則反是自堰北行之水分二港去堰百餘丈折而東  
經新安許家橋普寧寺歷洞橋此前港也自普寧寺東

分流北入惠明橋至仲夏此後港也由是漏注於七鄉

此於西鄉之水爲極南

其水沿江而東行者歷烏金積瀆行春三

硤烏金在句章鄉鎮都俗呼上水硤積瀆在光同鄉四十一都俗呼下水硤行春亦在光同鄉四十三都又名南

石硤蓋置堰之後慮暴流無所洩特以此注之江舊傳

王侯作木鵝三一云作木瓢

隨其所止而硤設焉今堰東十

五里爲烏金又三里爲積瀆又二十五里爲行春竊意

相去遠近乃當日審度地勢爲之非必專借驗於浮物

鄞志稿 水利考

十三四明叢書

約園刊本

也顧硤之設不止於洩暴流而兼可以納淡潮

康熙乙巳郡以

早告太守崔公維雅諭民納湖邑人不信守親至行春硤令民啟閘是歲田禾有秋今積瀆硤已湮塞矣後

宋熙寧中邑令虞大寧復於北渡增置風壩硤在光同鄉一名

望硤以行春尙在下流與鹹潮相吞吐積瀆烏金則在上

流溪水注之其水澄淡可溉河流初涸啟閘納之潮退

卽閉閘亦足藉以救將槁之苗北渡去積瀆不遠故特

設之專爲納湖用今廢不治惟見石埭陷水中莫之省

問予往來北渡者屢嘗於河水將涸時就觀硤址見其向可憑藉得賢守令修復之於初旱時積瀆與此硤

並開藉以納湖可支半月卽南鄉不至失收姑誌其說以告後之留心民事者由此歷顏橋寶

祐橋俗名樑社橋

通津橋沈店橋南新塘橋雨水橋而入南

水關匯爲日月二湖此皆它山之下流也其上流有關  
要害者則又有回沙閘在堰西北相距百武地名吳家  
橋大小溪之上夾岸皆沙雨則與水俱下沙限於堰不  
得入江則併聚於內港嘉定間歲旱提舉魏峴家於溪  
上稍疏濬之隨水所及俱獲沾溉淳祐間沙淤尤甚峴  
白於參政余天錫復大爲濬治其後連雨沙復漲制置  
使判府事陳塏以歲濬勞民不若遏於未至乃度地置  
閘前此溪流直衝于堰慮堰易壞稍回曲之置閘於西北既以隔沙兼用固堰設板七片水

鄧志稿 水利考

十四四明叢書

一約圖刊本

輕從板上過沙重爲板所限其淤積者不過閘外淘之  
殊易爲力嘉定八年提刑程覃攝守用官錢買田四十  
畝零爲淘沙之用嘉熙三年知慶元府趙以夫又益以  
沒官田二十九畝計淘閘外淤沙約五十餘丈然其穀  
儲於丞廳給不以時遇旱則民間自爲開掘不過中通  
一線而已後其田亦不可復問明嘉靖十五年邑令沈  
繼美加百堰上約高於舊一尺而沙不復壅戴南江水  
利說序引考工記云善溝者水漱之註謂導水就下則  
湍駛自能盪滌積淤堰高故水深而流迅非沙有今昔

之異也

修堰說  
詳後

今閘已圯堰北數百丈皆成沙地惟大

水始能至堰無復昔時衝擊之勢南塘河則仍通行如故蓋水道又一變矣至河流東南行外迫大江藉隄爲捍其上莫如洪水灣其下莫如百丈塘洪水灣去堰一里餘介於江河之間外易崩而內易洩民久病之吳丞相於寶祐六年判府事始就其地置壩者三一瀕江以禦潮一瀕河以蓄水一介其中爲表裏之助先是其地本何氏竹木園當水之衝江湖激而北侵故隄善敗吳公謂不宜與水爭地乃用官緡一千三百四十貫市何

鄭志稿 水利考

十五四明叢書

約園刊本

氏園及葛趙二姓地共六十五畝有奇遂鑿爲江兼畚沙以實二壩之北河隄始爲堅密初淳祐間亦嘗立石塘而不知鑿地以安江流不久卽圯吳公始撤其蔽而疏通之其功與王侯之置堰等今沙洗石落瀕江者墊水中土人謂主土皆沙壩其質疏易爲水所盪宜遠取硬黃土以塞之此固有待於後人者耳

乾隆初年洪水  
壩圯城內外河

流立涸有司督民修築止完其瀕河者使三壩具存偶壞其一則水不遽洩且無奔騰直下之勢修之亦易爲力牧民者毋恃其幸存而竟度外置之自此而東距城二十五里則百丈

塘亦屬要害

在四十  
二都

百丈塘與洋河塘沈公塘相連接

皆內河外江而是塘尤袤延百餘丈洋河塘止一隄沈公塘則明邑令沈猶龍所築有內外二隄外隄之內爲漕內隄則瀕於大河舊嘗設橋名沈公橋引大河之水以注漕中則漕上之田得藉以溉後因修隄塞其橋不使通流而漕成死水又外隄爲有司相視者所不及修築率多鹵莽外隄潰而內隄且不可保矣直下卽百丈塘俗呼狗頸塘以形似得名江勢於此尤爲湍急塘一決則七鄉均受其害嘉靖志曹志俱略而不載惟寶慶志載長塘堰在縣南二十六里聞志謂以地核之當卽

鄭志稿

水利考

十六四明叢書

約園刊本

是塘然考至正志於長塘堰下注云俗名百丈堰則元時已有此稱聞氏蓋未見至正志也昔曾置堰而今去之又王元恭云塘當風潮之衝禦河流之洄以故屢敗里土黃堂謂河洄本以溉塘下之田然不可使與水爭乃以己田易鄧橋廣福院田爲渠環之以接舊河之洄且於隣江之地各捐半里許於其外爲二堰以殺水勢據此似卽沈公塘之漕元時直合二塘而總名百丈耳予去歲舟頻過其旁見隄石亦有頽圯者或石已闕而土隄爲水所齧陷入尺許者官與民皆安於目前之無

恙而莫加之意恐積久蟻穴偶穿牽連崩壞工費不將  
數十百倍於此耶凡此皆前人已設之規制特宜增築  
之使固而有別當開鑿者則一爲古小溪港計它山之  
水南流者多西入者少此地勢使然而魏氏水利備覽  
云許家橋東有地名童家廂北有古溝勢與港接今爲  
沙塞而汙澀尙在耆老云此正小溪也可通建舉今去  
魏氏已五百餘載而形迹猶可約略苟能濬治成渠以  
合建舉之水則可以引之使西而水利乃均其一則大  
溪之北山下有古港自鍾家潭分派而來約三百餘丈

鄧志禧水利考

十七四明叢書

約圖刊本

未至沙港百餘丈其流中斷水盛卽越過平地逕入沙  
港相傳王侯造堰時先作壩以截溪引其流循山而東  
堰成去壩水從堰上入而此三百餘丈者乃其截溪時  
故迹若濬之使與沙港通卽溪之注於河者愈多而更  
開建舉以導之尤足以佐大雷諸水所未及至正志盛  
稱其說予謂非先行魏氏防沙之策則亦旋通旋塞耳  
至於城中之渠有入無出故湖水以停滯而日益積穢  
宋以來有三喉穴城以洩之江一在都水務前係東渡門城牆  
下名氣喉城內以巨版爲閘潮長適與版平鹹水不得

內侵市河水漲則啟閘而洩之一在市舶務之南

亦東北隅

東渡

門內名食喉較氣喉差小止以洩水而不通潮一在獅

子橋下

在東南隅

名水喉此洩城中之水者也保豐礮

在縣北半里爲它山林村大雷諸水之尾闕此洩城外

之水者也

三喉辨保豐礮說俱見後

吾鄉旱多而潦少欲救潦則雖

有諸礮要必先復吳丞相水則昔時定啟閉之法設平

水尺以入水二尺爲平地形有高卑三尺豈得爲率且

欲啟閘必塘長申報有司而後許輾轉一二日田禾已

苦淹損吳公以地在水下者不能皆平水在地上者則

鄧志稿水利考

十八

四明叢書

初編刊本

無不平乃自林村泛舟由西門歸又自月湖沿竹洲至

城南過度水勢其平於田塍下者刻篤誌之歸而驗諸

平橋下之水伐石爲準大書平字榜曰水則水漫平字

之上卽命起閘不待申報又其地當往來之衝出入皆

見之嘗自爲之記

記載

今故石不存且爲橋旁之屋所

蔽雖立石亦不可得見苟徒屋而復立水則庶幾永其

遺澤歟其餘堰礮非一要有不可不設之故更隨其

源委所在而類書之

礮堰說

堰以蓄水碶以洩水然碶不固則一於洩而無以爲蓄或置之非其地則利害亦復參半前序僅述其大略而於所當修復與所當徙置尙不及備論茲更取其大者各爲之說而其餘亦備誌其名并詳其地卽昔有今無之堰與碶仍據舊志一一錄入蓋古今水道變遷形勢互異似若無所關係然深谷爲陵安知高岸不復爲谷乎誌之使後人有所考焉

東岡碶說

鄞志稿 水利考

十九 四明叢書

續編刊本

東岡碶在鎮邑而所關利害尤切於鄞

下闕

壽鏞刻鄞志稿已四年矣今始出書何也蓋先得鄞志稿於燕肆爲蕙江樓鈔本四冊蕙江樓不知誰氏刻竟請黃君棗邨校之校畢細檢缺列傳卷六至十於是閣置適蔡琴孫爲其子賓牟成室客座有張子相孫鶴皋子相舉張樗寮桃源志告我而鶴皋謂有新得蔣樗菴手稿壽鏞詢曰是鄞志稿否鶴皋曰是也趨而往觀果然因借鈔焉於是獲全曩敎樗菴存稿已及之今偶閱徐柳泉先生六志校勘記云余家所蓄先賢傳是樗菴手稿非傳寫本徐錫珪跋云稿名甬上舊聞有列傳忠義儒林文學隱逸孝友諸目後又自改定爲甬上先賢傳然則鶴皋之所得是煙嶼樓舊物至可寶也顧傳中證引原書輒多參差其事實又往往未符如楊次莊德周未嘗注水利備覽戴東石之水利敘說誤作戴南江之類不一而足然以一人之力手自纂訂聞見異詞記憶偶誤會何足病而所引延祐志多爲今本所闕意者其時尚見全書乎先賢事跡藉此得以詳略互參使之流傳於世後之纂志者多所取資厥功偉矣且全部均出自手寫正與王履軒先生宋元學案補遺手稿先後

相埒前輩風流實不可及壽鏞既校刻斯稿今更續刻  
宋元學案補遺庶以慰兩先生之志至樛寮之桃源志  
猶未見也民國二十三年九月張壽鏞跋

四明叢書

四明叢書  
約園刊本

四明叢書

四明叢書  
約園刊本

四明叢書

四明叢書  
約園刊本